

॥ नमो तस्स भगवतो अरहतो सम्मासम्बुद्धस्स ॥

खुद्दकनिकाये

चूळनिदेसपाळि

पारायनवग्गो

वत्थुगाथा

१. कोसलानं पुरा रम्मा, अगमा दक्खिणापथं ।
आकिञ्चज्जं पत्थयानो, ब्राह्मणो मन्तपारगू ॥
२. सो अस्सकस्स विसये, मळकस्स [अळकस्स (सु० नि० ९८३) मुळकस्स (स्या०), मूळहकस्स (क०)]
समासने [समासन्ने (क०)] ।
वसि गोधावरीकूले, उज्जेन च फलेन च ॥
३. तस्सेव [तंयेव (क०) अट्टकथा ओलोकेतब्बा] उपनिस्साय, गामो च विपुलो अहु ।
ततो जातेन आयेन, महायज्जमकप्पयि ॥
४. महायज्जं यजित्वान, पुन पाविसि अस्समं ।
तस्मिं पटिपविट्ठमि, अज्जो आगज्झि ब्राह्मणो ॥
५. उग्घट्टपादो तसितो [तस्सितो (क०)], पङ्कदन्तो रजस्सिरो ।
सो च नं उपसङ्कम्म, सतानि पञ्च याचति ॥
६. तमेनं बावरी दिस्वा, आसनेन निमन्तयि ।
सुखञ्च कुसलं पुच्छि, इदं वचनमब्रवि [वचनमब्रुवि (सी०)] ॥
७. “यं खो मम देय्यधम्मं, सब्बं विसज्जितं मया ।
अनुजानाहि मे ब्रह्मे, नत्थि पञ्चसतानि मे” ॥
८. “सचे मे याचमानस्स, भवं नानुपदस्सति [पदेस्सति (क०)] ।
सत्तमे दिवसे तुहं, मुद्धा फलतु सत्तथा” ॥
९. अभिसङ्खरित्वा कुहको, भेरवं सो अकित्तयि ।
तस्स तं वचनं सुत्वा, बावरी दुक्खितो अहु ॥

१०. उस्सुस्सति अनाहारो, सोकसल्लसमप्पितो ।
अथोपि एवं चित्तस्स, झाने न रमती मनो ॥
११. उत्रस्तं दुक्खितं दिस्वा, देवता अत्थकामिनी ।
बावरिं उपसङ्गम्म, इदं वचनमब्रवि ॥
१२. “न सो मुद्धं पजानाति, कुहको सो धनत्थिको ।
मुद्धनि मुद्धपाते [मुद्धनिमुद्धपाते (क०)] वा, जाणं तस्स न विज्जति” ॥
१३. “भोती [भोति (क०)] चरहि जानाति, तं मे अक्खाहि पुच्छिता ।
मुद्धं मुद्धाधिपातञ्च [मुद्धातिपातञ्च (क०)], तं सुणोम वचो तव” ॥
१४. “अहम्पेतं न जानामि, जाणं मेत्थ न विज्जति ।
मुद्धनि मुद्धाधिपाते च, जिनानज्हेत्थ [जिनानज्हेत्थ (क०)] दस्सनं” ॥
१५. “अथ को चरहि [यो चरति (क०)] जानाति, अस्मिं पथविमण्डले [पुथविमण्डले (सी०)] ।
मुद्धं मुद्धाधिपातञ्च, तं मे अक्खाहि देवते” ॥
१६. “पुरा कपिलवत्थुम्हा, निक्खन्तो लोकनायको ।
अपच्चो ओक्काकराजस्स, सक्कपुत्तो पभङ्करो ॥
१७. “सो हि ब्राह्मण सम्बुद्धो, सब्बधम्मान पारगू ।
सब्बाभिज्जाबलप्पत्तो [फलप्पत्तो (क०)], सब्बधम्मेसु चक्खुमा ।
सब्बकम्मक्खयं पत्तो, विमुत्तो उपधिक्खये ॥
१८. “बुद्धो सो भगवा लोके, धम्मं देसेति चक्खुमा ।
तं त्वं गन्त्वान पुच्छस्सु, सो ते तं व्याकरिस्सति” ॥
१९. सम्बुद्धोति वचो सुत्वा, उदग्गो बावरी अहु ।
सोकस्स तनुको आसि, पीतिञ्च विपुलं लभि ॥
२०. सो बावरी अत्तमनो उदग्गो, तं देवतं पुच्छति वेदजातो ।
“कतमम्हि गामे निगमम्हि वा पन, कतमम्हि वा जनपदे लोकनाथो ।
यत्थ गन्त्वान पस्सेमु, सम्बुद्धं द्विपदुत्तमं” ॥
२१. “सावत्थियं कोसलमन्दिरे जिनो, पहूतपज्जो वरभूरिमेधसो ।
सो सक्कपुत्तो विधुरो अनासवो, मुद्धाधिपातस्स विदू नरासभो” ॥

२२. ततो आमन्तयी सिस्से, ब्राह्मणे मन्तपारगू [पारगे (स्या०)] ।
“एथ माणवा अक्खिस्सं, सुणाथ वचनं मम ॥
२३. “यस्सेसो दुल्लभो लोके, पातुभावो अभिण्हसो ।
स्वाज्ज लोकम्हि उप्पन्नो, सम्बुद्धो इति विस्सुतो ।
खिप्पं गन्त्वान सावत्थिं, पस्सव्हो द्विपदुत्तमं” ॥
२४. “कथं चरहि जानेमु, दिस्वा बुद्धोति ब्राह्मण ।
अजानतं नो पबूहि, यथा जानेमु तं मयं” ॥
२५. “आगतानि हि मन्तेसु, महापुरिसलक्खणा ।
द्वत्तिसानि च ब्याक्खाता, समत्ता अनुपुब्बसो ॥
२६. “यस्सेते होन्ति गत्तेसु, महापुरिसलक्खणा ।
द्वेयेव तस्स गतियो, ततिया हि न विज्जति ॥
२७. “सचे अगारं आवसति, विजेय्य पथविं इमं ।
अदण्डेन असत्थेन, धम्मेन अनुसासति ॥
२८. “सचे च सो पब्बजति, अगारा अनगारियं ।
विवट्ठच्छदो [विवत्तच्छदो (सी०)] सम्बुद्धो, अरहा भवति अनुत्तरो ॥
२९. “जातिं गोत्तञ्च लक्खणं, मन्ते सिस्से पुनापरे ।
मुद्धं मुद्धाधिपातञ्च, मनसायेव पुच्छथ ॥
३०. “अनावरणदस्सावी, यदि बुद्धो भविस्सति ।
मनसा पुच्छिते पज्हे, वाचाय विसज्जिस्सति” [विस्सजिस्सति (क०)] ॥
३१. बावरिस्स वचो सुत्वा, सिस्सा सोळस ब्राह्मणा ।
अजितो तिस्समेत्तेय्यो, पुण्णको अथ मेत्तगू ॥
३२. धोतको उपसीवो च, नन्दो च अथ हेमको ।
तोदेय्य-कप्पा दुभयो, जतुकण्णी च पण्डितो ॥
३३. भद्रावुधो उदयो च, पोसालो चापि ब्राह्मणो ।
मोघराजा च मेधावी, पिङ्गियो च महाइसि ॥
३४. पच्चेकगणिनो सब्बे, सब्बलोकस्स विस्सुता ।

- झायी झानरता धीरा, पुब्बवासनवासिता ॥
३५. बावरिं अभिवादेत्वा, कत्वा च नं पदक्खिणं ।
जटाजिनधरा सब्बे, पक्कामुं उत्तरामुखा ॥
३६. मळकस्स पतिट्ठानं, पुरमाहिस्सतिं [पुरमाहियति (क०)] तदा [सदा (क०)] ।
उज्जेनिज्वापि गोनद्धं, वेदिसं वनसक्खयं ॥
३७. कोसम्बिज्वापि साकेतं, सावत्थिज्च पुरुत्तमं ।
सेतव्यं कपिलवत्थुं, कुसिनारज्च मन्दिरं ॥
३८. पावज्च भोगनगरं, वेसालिं मागधं पुरं ।
पासाणकं चेतियज्च, रमणीयं मनोरमं ॥
३९. तसितोवुदकं सीतं, महालाभं वणिजो ।
छायं घम्माभित्तोव तुरिता पब्बतमारुहं ॥
४०. भगवा तम्हि समये, भिक्खुसङ्घपुरक्खतो ।
भिक्खून् धम्मं देसेति, सीहोव नदती वने ॥
४१. अजितो अद्दस बुद्धं, पीतरंसिं व [जितरंसिं सीतरंसिं (क०), वीतरंसिं (सी० स्या०)] भाणुमं ।
चन्दं यथा पन्नरसे, परिपूरं [पारिपूरिं (सी० स्या०)] उपागतं ॥
४२. अथस्स गत्ते दिस्वान, परिपूरज्च ब्यज्जनं ।
एकमन्तं ठितो हट्ठो, मनोपज्हे अपुच्छथ ॥
४३. “आदिस्स जम्मनं ब्रूहि, गोत्तं ब्रूहि सलक्खणं ।
मन्तेसु पारमिं ब्रूहि, कति वाचेति ब्राह्मणो” ॥
४४. “वीसं वस्ससतं आयु, सो च गोत्तेन बावरी ।
तीणिस्स लक्खणा गत्ते, तिण्णं वेदान पारगू ॥
४५. “लक्खणे इतिहासे च, सनिघण्डुसकेटुभे ।
पज्जसतानि वाचेति, सधम्मो पारमिं गतो” ॥
४६. “लक्खणानं पविचयं, बावरिस्स नरुत्तम ।
तण्हच्छिद [कङ्खच्छिद (क०)] पकासेहि, मा नो कङ्खायितं अहु” ॥
४७. “मुखं जिह्वाय छादेति, उण्णस्स भमुकन्तरे ।

कोसोहितं वत्थगुहं, एवं जानाहि माणव” ॥

४८. पुच्छज्झि किञ्चि असुणन्तो, सुत्वा पज्जे वियाकते ।
विचिन्तेति जनो सब्बो, वेदजातो कतञ्जली ॥

४९. “को नु देवो वा ब्रह्मा वा, इन्दो वापि सुजम्पति ।
मनसा पुच्छिते पज्जे, कमेतं पटिभासति ॥

५०. “मुद्धं मुद्धाधिपातञ्च, बावरी परिपुच्छति ।
तं व्याकरोहि भगवा, कङ्खं विनय नो इसे” ॥

५१. “अविज्जा मुद्धाति जानाहि, विज्जा मुद्धाधिपातिनी ।
सद्धासतिसमाधीहि, छन्दवीरियेन संयुता” ॥

५२. ततो वेदेन महता, सन्थम्भेत्वान माणवो ।
एकंसं अजिनं कत्वा, पादेसु सिरसा पति ॥

५३. “बावरी ब्राह्मणो भोतो, सह सिस्सेहि मारिस ।
उदग्गचित्तो सुमनो, पादे वन्दति चक्खुम” ॥

५४. “सुखितो बावरी होतु, सह सिस्सेहि ब्राह्मणो ।
त्वञ्चापि सुखितो होहि, चिरं जीवाहि माणव ॥

५५. “बावरिस्स च तुहं वा, सब्बेसं सब्बसंसयं ।
कतावकासा पुच्छ्हो, यं किञ्चि मनसिच्छथ” ॥

५६. सम्बुद्धेन कतोकासो, निसीदित्वान पञ्जली ।
अजितो पठमं पज्जं, तत्थ पुच्छि तथागतं ॥

वत्थुगाथा निट्ठिता ।

१. अजितमाणवपुच्छा

५७. “केनस्सु निवुतो लोको, [इच्छायस्मा अजितो]
केनस्सु नप्पकासति ।
किस्साभिलेपनं ब्रूसि, किंसु तस्स महब्भयं” ॥

५८. “अविज्जाय निवुतो लोको, [अजिताति भगवा]

वेविच्छा पमादा नप्पकासति ।
जप्पाभिलेपनं ब्रूमि, दुक्खमस्स महब्भयं” ॥

५९. “सवन्ति सब्बधि सोता, [इच्चायस्मा अजितो]
सोतानं किं निवारणं ।
सोतानं संवरं ब्रूहि, केन सोता पिधिय्यरे” ॥

६०. “यानि सोतानि लोकस्मिं, [अजिताति भगवा]
सति तेसं निवारणं ।
सोतानं संवरं ब्रूमि, पज्जायेते पिधिय्यरे” ॥

६१. “पज्जा चेव सति चापि [सती चेव (सी०)], [इच्चायस्मा अजितो]
नामरूपञ्च मारिस ।

एतं मे पुट्ठो पब्रूहि, कत्थेतं उपरुज्झति” ॥

६२. “यमेतं पज्झं अपुच्छि, अजित तं वदामि ते ।
यत्थ नामञ्च रूपञ्च, असेसं उपरुज्झति ।
विज्जाणस्स निरोधेन, एत्थेतं उपरुज्झति” ॥

६३. “ये च सङ्घातधम्मासे, ये च सेखा [सेक्खा (क०)] पुथू इध ।
तेसं मे निपको इरियं, पुट्ठो पब्रूहि मारिस” ॥

६४. “कामेसु नाभिगिज्जेय्य, मनसानाविलो सिया ।
कुसलो सब्बधम्मानं, सतो भिक्खु परिब्बजे”ति ॥

अजितमाणवपुच्छा पठमा ।

२. तिस्समेत्तेय्यमाणवपुच्छा

६५. “कोध सन्तुसितो लोके, [इच्चायस्मा तिस्समेत्तेय्यो]
कस्स नो सन्ति इज्जिता ।
को उभन्तमभिज्जाय, मज्झे मन्ता न लिप्पति [न पिप्पति (बहूसु)] ।
कं ब्रूसि महापुरिसोति, को इध सिब्बिनिमच्चगा”ति [सिब्बिनिमच्चगा (सी० स्या०)] ॥

६६. “कामेसु ब्रह्मचरियवा, [मेत्तेय्याति भगवा]
वीततण्हो सदा सतो ।
सङ्घाय निब्बुतो भिक्खु, तस्स नो सन्ति इज्जिता ॥

६७. “सो उभन्तमभिज्जाय, मज्झे मन्ता न लिप्पति ।
तं ब्रूमि महापुरिसोति, सो इध सिब्बिनिमच्चगा”ति ॥

तिस्समेत्तेय्यमाणवपुच्छा दुतिया ।

३. पुण्णकमाणवपुच्छा

६८. “अनेजं मूलदस्साविं, [इच्चायस्मा पुण्णको]
अत्थि पज्जेन आगमं ।
किं निस्सिता इसयो मनुजा, खत्तिया ब्राह्मणा देवतानं ।
यज्जमकप्पयिंसु पुथूध लोके, पुच्छामि तं भगवा ब्रूहि मेतं” ॥
६९. “ये केचिमे इसयो मनुजा, [पुण्णकाति भगवा]
खत्तिया ब्राह्मणा देवतानं ।
यज्जमकप्पयिंसु पुथूध लोके, आसीसमाना पुण्णक इत्थत्तं ।
जरं सिता यज्जमकप्पयिंसु” ॥
७०. “ये केचिमे इसयो मनुजा, [इच्चायस्मा पुण्णको]
खत्तिया ब्राह्मणा देवतानं ।
यज्जमकप्पयिंसु पुथूध लोके, कच्चिसु ते भगवा यज्जपथे अप्पमत्ता ।
अतारुं जातिज्ज जरज्ज मारिस, पुच्छामि तं भगवा ब्रूहि मेतं” ॥
७१. “आसीसन्ति थोमयन्ति, अभिजप्पन्ति जुहन्ति । [पुण्णकाति भगवा]
कामाभिजप्पन्ति पटिच्च लाभं, ते याजयोगा भवरागरत्ता ।
नातरिंसु जातिजरन्ति ब्रूमि” ॥
७२. “ते चे नातरिंसु याजयोगा, [इच्चायस्मा पुण्णको]
यज्जेहि जातिज्ज जरज्ज मारिस ।
अथ को चरहि देवमनुस्सलोके, अतारि जातिज्ज जरज्ज मारिस ।
पुच्छामि तं भगवा ब्रूहि मेतं” ॥
७३. “सङ्खाय लोकस्मि परोपरानि, [पुण्णकाति भगवा]
यस्सिज्जितं नत्थि कुहिज्जि लोके ।
सन्तो विधूमो अनीघो निरासो, अतारि सो जातिजरन्ति ब्रूमी”ति ॥

पुण्णकमाणवपुच्छा ततिया ।

४. मेत्तगूमाणवपुच्छा

७४. “पुच्छामि तं भगवा ब्रूहि मेतं, [इच्छायस्मा मेत्तगू]
मज्जामि तं वेदगुं भावित्तं ।
कुतो नु दुक्खा समुदागता इमे, ये केचि लोकस्मिन्नेकरूपा” ॥
७५. “दुक्खस्स वे मं पभवं अपुच्छसि, [मेत्तगूति भगवा]
तं ते पवक्खामि यथा पजानं ।
उपधिनिदाना पभवन्ति दुक्खा, ये केचि लोकस्मिन्नेकरूपा ॥
७६. “यो वे अविद्धा उपधिं करोति, पुनप्पुनं दुक्खमुपेति मन्दो ।
तस्मा पजानं उपधिं न कयिरा, दुक्खस्स जातिप्पभवानुपस्सी” ॥
७७. “यं तं अपुच्छिम्ह अकित्तयी नो, अज्जं तं पुच्छाम तदिद्धं ब्रूहि ।
‘कथं नु धीरा वितरन्ति ओघं, जातिं जरं सोकपरिद्ववज्ज’ ।
तं मे मुनि साधु वियाकरोहि, तथा हि ते विदितो एस धम्मो” ॥
७८. “कित्तयिस्सामि ते धम्मं, [मेत्तगूति भगवा]
दिट्ठे धम्मे अनीतिहं ।
यं विदित्वा सतो चरं, तरे लोके विसत्तिकं” ॥
७९. “तज्जाहं अभिनन्दामि, महेसि धम्ममुत्तमं ।
यं विदित्वा सतो चरं, तरे लोके विसत्तिकं” ॥
८०. “यं किञ्चि सम्पजानासि, [मेत्तगूति भगवा]
उद्धं अधो तिरियज्जापि मज्झे ।
एतेसु नन्दिज्ज निवेसनज्ज, पनुज्ज विज्जाणं भवे न तिट्ठे ॥
८१. “एवंविहारी सतो अप्पमत्तो, भिक्खु चरं हित्वा ममायितानि ।
जातिं जरं सोकपरिद्ववज्ज, इधेव विद्धा पजहेय्य दुक्खं” ॥
८२. “एताभिनन्दामि वचो महेसिनो, सुकित्तितं गोतमनूपधीकं ।
अद्धा हि भगवा पहासि दुक्खं, तथा हि ते विदितो एस धम्मो ॥
८३. “ते चापि नूनप्पजहेय्यु दुक्खं, ये त्वं मुनि अट्ठितं ओवदेय्य ।
तं तं नमस्सामि समेच्च नाग, अप्पेव मं भगवा अट्ठितं ओवदेय्य” ॥
८४. “यं ब्राह्मणं वेदगुमाभिजज्जा, अकिञ्चनं कामभवे असत्तं ।
अद्धा हि सो ओघमिमं अतारि, तिण्णो च पारं अखिलो अकङ्खो ॥

८५. “विद्वा च यो वेदगू नरो इध, भवाभवे सङ्गमिमं विसज्ज ।
सो वीततण्हो अनीघो निरासो, अतारि सो जातिजरन्ति ब्रूमी”ति ॥

मेत्तगूमाणवपुच्छा चतुत्थी ।

५. धोतकमाणवपुच्छा

८६. “पुच्छामि तं भगवा ब्रूहि मेतं, [इच्छायस्मा धोतको]
वाचाभिकङ्खामि महेसि तुय्हं ।
तव सुत्वान निग्घोसं, सिक्खे निब्बानमत्तनो” ॥
८७. “तेनहातप्पं करोहि, [धोतकाति भगवा]
इधेव निपको सतो ।
इतो सुत्वान निग्घोसं, सिक्खे निब्बानमत्तनो” ॥
८८. “पस्सामहं देवमनुस्सलोके, अकिञ्चनं ब्राह्मणमिरियमानं ।
तं तं नमस्सामि समन्तचक्खु, पमुञ्च मं सक्क कथंकथाहि” ॥
८९. “नाहं सहिस्सामि पमोचनाय, कथंकथिं धोतक कञ्चि लोके ।
धम्मञ्च सेट्ठं अभिजानमानो [आजानमानो (सी० स्या० पी०)], एवं तुवं ओघमिमं तरेसि” ॥
९०. “अनुसास ब्रह्मे करुणायमानो, विवेकधम्मं यमहं विजज्जं ।
यथाहं आकासोव अब्यापज्जमानो, इधेव सन्तो असितो चरेय्यं” ॥
९१. “कित्तयिस्सामि ते सन्ति, [धोतकाति भगवा]
दिट्ठे धम्मे अनीतिहं ।
यं विदित्वा सतो चरं, तरे लोके विसत्तिकं” ॥
९२. “तज्जाहं अभिनन्दामि, महेसि सन्तिमुत्तमं ।
यं विदित्वा सतो चरं, तरे लोके विसत्तिकं” ॥
९३. “यं किञ्चि सम्पजानासि, [धोतकाति भगवा]
उद्धं अधो तिरियज्जापि मज्झे ।
एतं विदित्वा सङ्गोति लोके, भवाभवाय माकासि तण्हं”न्ति ॥

धोतकमाणवपुच्छा पञ्चमी ।

६. उपसीवमाणवपुच्छा

१४. “एको अहं सक्क महन्तमोघं, [इच्छायस्मा उपसीवो]
अनिस्सितो नो विसहामि तारितुं ।
आरम्मणं ब्रूहि समन्तचक्खु, यं निस्सितो ओघमिमं तरेय्यं” ॥
१५. “आकिञ्चज्जं पेक्खमानो सतिमा, [उपसीवाति भगवा]
नत्थीति निस्साय तरस्सु ओघं ।
कामे पहाय विरतो कथाहि, तण्हक्खयं नत्तमहाभिपस्स” ॥
१६. “सब्बेसु कामेसु यो वीतरागो, [इच्छायस्मा उपसीवो]
आकिञ्चज्जं निस्सितो हित्वा मज्जं ।
सज्जाविमोक्खे परमे विमुत्तो [विमुत्तो (क०)], तिट्ठे नु सो तत्थ अनानुयायी” [अनानुयायी (स्या० क०)] ॥
१७. “सब्बेसु कामेसु यो वीतरागो, [उपसीवाति भगवा]
आकिञ्चज्जं निस्सितो हित्वा मज्जं ।
सज्जाविमोक्खे परमे विमुत्तो, तिट्ठेय्य सो तत्थ अनानुयायी” ॥
१८. “तिट्ठे चे सो तत्थ अनानुयायी, पूगम्पि वस्सानं समन्तचक्खु ।
तत्थेव सो सीतिसिया विमुत्तो, चवेथ विज्जाणं तथाविधस्स” ॥
१९. “अच्चि यथा वातवेगेन खित्ता, [उपसीवाति भगवा]
अत्थं पलेति न उपेति सङ्खं ।
एवं मुनी नामकाया विमुत्तो, अत्थं पलेति न उपेति सङ्खं” ॥
१००. “अत्थङ्गतो सो उद वा सो नत्थि, उदाहु वे सस्सतिया अरोगो ।
तं मे मुनी साधु वियाकरोहि, तथा हि ते विदितो एस धम्मो” ॥
१०१. “अत्थङ्गतस्स न पमाणमत्थि, [उपसीवाति भगवा]
येन नं वज्जुं तं तस्स नत्थि ।
सब्बेसु धम्मेसु समूहतेसु, समूहता वादपथापि सब्बे”ति ॥

उपसीवमाणवपुच्छा छट्ठी ।

७. नन्दमाणवपुच्छा

१०२. “सन्ति लोके मुनयो, [इच्छायस्मा नन्दो]
जना वदन्ति तयिदं कथं सु ।
जाणूपपन्नं मुनि नो वदन्ति, उदाहु वे जीवितेनूपपन्नं” ॥

१०३. “न दिट्ठिया न सुतिया न जाणेन, मुनीध नन्द कुसला वदन्ति ।
विसेनिकत्वा अनीघा निरासा, चरन्ति ये ते मुनयोति ब्रूमि” ॥

१०४. “ये केचिमे समणब्राह्मणासे, [इच्छायस्मा नन्दो]
दिट्ठस्सुतेनापि वदन्ति सुद्धिं ।
सीलब्बतेनापि वदन्ति सुद्धिं,
अनेकरूपेण वदन्ति सुद्धिं ।
कच्चिस्सु ते भगवा तत्थ यता चरन्ता,
अतारु जातिञ्च जरञ्च मारिस ।
पुच्छामि तं भगवा ब्रूहि मेतं” ॥

१०५. “ये केचिमे समणब्राह्मणासे, [नन्दाति भगवा]
दिट्ठस्सुतेनापि वदन्ति सुद्धिं ।
सीलब्बतेनापि वदन्ति सुद्धिं, अनेकरूपेण वदन्ति सुद्धिं ।
किञ्चापि ते तत्थ यता चरन्ति, नातरिंसु जातिजरन्ति ब्रूमि” ॥

१०६. “ये केचिमे समणब्राह्मणासे, [इच्छायस्मा नन्दो]
दिट्ठस्सुतेनापि वदन्ति सुद्धिं ।
सीलब्बतेनापि वदन्ति सुद्धिं, अनेकरूपेण वदन्ति सुद्धिं ।
ते चे मुनि ब्रूसि अनोधतिण्णे, अथ को चरहि देवमनुस्सलोके ।
अतारि जातिञ्च जरञ्च मारिस, पुच्छामि तं भगवा ब्रूहि मेतं” ॥

१०७. “नाहं सब्बे समणब्राह्मणासे, [नन्दाति भगवा]
जातिजराय निवुताति ब्रूमि ।
ये सीध दिट्ठं व सुतं मुतं वा, सीलब्बतं वापि पहाय सब्बं ।
अनेकरूपम्पि पहाय सब्बं, तण्हं परिज्जाय अनासवासे ।
ते वे नरा ओघतिण्णाति ब्रूमि” ॥

१०८. “एताभिनन्दामि वचो महेसिनो, सुकित्तितं गोतमनूपधीकं ।
ये सीध दिट्ठं व सुतं मुतं वा, सीलब्बतं वापि पहाय सब्बं ।
अनेकरूपम्पि पहाय सब्बं, तण्हं परिज्जाय अनासवासे ।
अहम्पि ते ओघतिण्णाति ब्रूमी”ति ॥

नन्दमाणवपुच्छा सत्तमा ।

८. हेमकमाणवपुच्छा

१०९. “ये मे पुब्बे वियाकंसु, [इच्चायस्मा हेमको]
 हुरं गोतमसासना ।
 इच्चासि इति भविस्सति, सब्बं तं इतिहीतिहं ।
 सब्बं तं तक्कवट्ठनं, नाहं तत्थ अभिरमिं ॥

११०. “त्वज्ज मे धम्ममक्खाहि, तण्हानिग्घातनं मुनि ।
 यं विदित्वा सतो चरं, तरे लोके विसत्तिकं” ॥

१११. “इध दिट्ठसुतमुतविज्जातेसु, पियरूपेसु हेमक ।
 छन्दरागविनोदनं, निब्बानपदमच्चुतं ॥

११२. “एतदज्जाय ये सता, दिट्ठधम्माभिनिब्बुता ।
 उपसन्ता च ते सदा, तिण्णा लोके विसत्तिकं”न्ति ॥

हेमकमाणवपुच्छा अट्ठमा ।

९. तोदेय्यमाणवपुच्छा

११३. “यस्मिं कामा न वसन्ति, [इच्चायस्मा तोदेय्यो]
 तण्हा यस्स न विज्जति ।
 कथं कथा च यो तिण्णो, विमोक्खो तस्स कीदिसो” ॥

११४. “यस्मिं कामा न वसन्ति, [तोदेय्याति भगवा]
 तण्हा यस्स न विज्जति ।
 कथं कथा च यो तिण्णो, विमोक्खो तस्स नापरो” ॥

११५. “निराससो सो उद आससानो [आसयानो (क०)], पज्जाणवा सो उद पज्जकप्पी ।
 मुनिं अहं सक्क यथा विजज्जं, तं मे वियाचिक्ख समन्तचक्खु” ॥

११६. “निराससो सो न च आससानो, पज्जाणवा सो न च पज्जकप्पी ।
 एवमि तोदेय्य मुनिं विजान, अकिज्जनं कामभवे असत्त”न्ति ॥

तोदेय्यमाणवपुच्छा नवमा ।

१०. कप्पमाणवपुच्छा

११७. “मज्झे सरस्मिं तिट्ठतं, [इच्चायस्मा कप्पो]
 ओघे जाते महब्भये ।
 जरामच्चुपरेतानं, दीपं पब्रूहि मारिस ।

त्वञ्च मे दीपमक्खाहि, यथायिदं नापरं सिया” ॥

११८. “मज्झे सरस्मिं तिट्ठत्तं, [कप्पाति भगवा]
ओघे जाते महब्भये ।
जरामच्चुपरेतानं, दीपं पब्रूमि कप्प ते ॥

११९. “अकिञ्चनं अनादानं, एतं दीपं अनापरं ।
निब्बानं इति नं ब्रूमि, जरामच्चुपरिक्खयं ॥

१२०. “एतदञ्जाय ये सता, दिट्ठधम्माभिनिब्बुता ।
न ते मारवसानुगा, न ते मारस्स पट्ठगू”ति [पट्ठगू (सी०)] ॥

कप्पमाणवपुच्छा दसमा ।

११. जतुकणिमाणवपुच्छा

१२१. “सुत्त्वानहं वीरमकामकामिं, [इच्चायस्मा जतुकणि]
ओघातिगं पुट्ठमकाममागमं ।
सन्तिपदं ब्रूहि सहजनेत्त, यथातच्छं भगवा ब्रूहि मेतं ॥

१२२. “भगवा हि कामे अभिभुय्य इरियति, आदिच्चोव पथविं तेजी तेजसा ।
परित्तपञ्जस्स मे भूरिपञ्ज, आचिक्ख धम्मं यमहं विजञ्जं ।
जातिजराय इध विप्पहानं” ॥

१२३. “कामेसु विनय गेधं, [जतुकणीति भगवा]
नेक्खम्मं दट्ठु खेमतो ।
उगहितं निरत्तं वा, मा ते विज्जित्थ किञ्चनं ॥

१२४. “यं पुब्बे तं विसोसेहि, पच्छा ते माहु किञ्चनं ।
मज्झे चे नो गहेस्ससि, उपसन्तो चरिस्ससि ॥

१२५. “सब्बसो नामरूपस्मिं, वीतगेधस्स ब्राह्मण ।
आसवास्स न विज्जन्ति, येहि मच्चुवसं वजे”ति ॥

जतुकणिमाणवपुच्छा एकादसमा ।

१२. भद्रावुधमाणवपुच्छा

१२६. “ओकञ्जहं तण्हच्छिदं अनेजं, [इच्छायस्मा भद्रावुधो]
नन्दिञ्जहं ओघतिण्णं विमुत्तं ।
कप्पञ्जहं अभियाचे सुमेधं, सुत्त्वान नागस्स अपनमिस्सन्ति इतो ॥

१२७. “नानाजना जनपदेहि सङ्गता,
तव वीर वाक्यं अभिकङ्खमाना ।
तेसं तुवं साधु वियाकरोहि, तथा हि ते विदितो एस धम्मो” ॥

१२८. “आदानतण्हं विनयेथ सब्बं, [भद्रावुधाति भगवा]
उद्धं अधो तिरियञ्चापि मज्झे ।
यं यज्झि लोकस्मिमुपादियन्ति, तेनेव मारो अन्वेति जन्तुं ॥

१२९. “तस्मा पजानं न उपादियेथ, भिक्खु सतो किञ्चनं सब्बलोके ।
आदानसत्ते इति पेक्खमानो, पजं इमं मच्चुधेय्ये विसत्त”न्ति ॥

भद्रावुधमाणवपुच्छा द्वादसमा ।

१३. उदयमाणवपुच्छा

१३०. “झायिं विरजमासीनं, [इच्छायस्मा उदयो]
कतकिच्चं अनासवं ।
पारगुं सब्बधम्मानं, अत्थि पज्हेन आगमं ।
अज्जाविमोक्खं पब्रूहि, अविज्जाय पभेदनं” ॥

१३१. “पहानं कामच्छन्दानं, [उदयाति भगवा]
दोमनस्सान चूभयं ।
थिनस्स च पनूदनं, कुक्कुच्चानं निवारणं ॥

१३२. “उपेक्खासतिसंसुद्धं, धम्मतक्कपुरेजवं ।
अज्जाविमोक्खं पब्रूमि, अविज्जाय पभेदनं” ॥

१३३. “किंसु संयोजनो लोको, किंसु तस्स विचारणं ।
किस्सस्स विप्पहानेन, निब्बानं इति वुच्चति” ॥

१३४. “नन्दिसंयोजनो लोको, वितक्कस्स विचारणं ।
तण्हाय विप्पहानेन, निब्बानं इति वुच्चति” ॥

१३५. “कथं सतस्स चरतो, विज्जाणं उपरुज्झति ।

भगवन्तं पुट्टुमागम्म, तं सुणोम वचो तव” ॥

१३६. “अज्झत्तञ्च बहिद्वा च, वेदनं नाभिनन्दतो ।
एवं सतस्स चरतो, विज्जाणं उपरुज्झती” ति ॥

उदयमाणवपुच्छा तेरसमा ।

१४. पोसालमाणवपुच्छा

१३७. “यो अतीतं आदिसति, [इच्छायस्मा पोसालो]
अनेजो छिन्नसंसयो ।
पारगुं सब्बधम्मनं, अत्थि पज्हेन आगमं ॥

१३८. “विभूतरूपसज्जिस्स, सब्बकायप्पहायिनो ।
अज्झत्तञ्च बहिद्वा च, नत्थि किञ्चीति पस्सतो ।
जाणं सक्कानुपुच्छामि, कथं नेय्यो तथाविधो” ॥

१३९. “विज्जाणट्ठितियो सब्बा, [पोसालाति भगवा]
अभिजानं तथागतो ।
तिट्ठन्तमेनं जानाति, विमुत्तं तप्परायणं ॥

१४०. “आकिञ्चज्जसम्भवं जत्वा, नन्दी संयोजनं इति ।
एवमेतं अभिज्जाय, ततो तत्थ विपस्सति ।
एतं [एवं (स्या० क०)] जाणं तथं तस्स, ब्राह्मणस्स वुसीमतो” ति ॥

पोसालमाणवपुच्छा चुदसमा ।

१५. मोघराजमाणवपुच्छा

१४१. “द्वाहं सक्कं अपुच्छिस्सं, [इच्छायस्मा मोघराजा]
न मे ब्याकासि चक्खुमा ।
यावततियञ्च देवीसि, ब्याकरोतीति मे सुतं ॥

१४२. “अयं लोको परो लोको, ब्रह्मलोको सदेवको ।
दिट्ठिं ते नाभिजानाति, गोतमस्स यसस्सिनो ॥

१४३. “एवं अभिक्कन्तदस्साविं, अत्थि पज्हेन आगमं ।
कथं लोकं अवेक्खन्तं, मच्चुराजा न पस्सति” ॥

१४४:“सुञ्जतो लोकं अवेक्खस्सु, मोघराज सदा सतो ।
अत्तानुदिट्ठिं ऊहच्च, एवं मच्चुतरो सिया ।
एवं लोकं अवेक्खन्तं, मच्चुराजा न पस्सती”ति ॥

मोघराजमाणवपुच्छा पन्नरसमा ।

१६. पिङ्गियमाणवपुच्छा

१४५:“जिण्णोहमस्मि अबलो वीतवण्णो, [इच्चायस्मा पिङ्गियो]
नेत्ता न सुद्धा सवनं न फासु ।
माहं नस्सं मोमुहो अन्तराव, आचिक्ख धम्मं यमहं विजज्जं ।
जातिजराय इध विप्पहानं” ॥

१४६:“दिस्वान रूपेसु विहज्जमाने, [पिङ्गियाति भगवा]
रुप्पन्ति रूपेसु जना पमत्ता ।
तस्मा तुवं पिङ्गिय अप्पमत्तो, जहस्सु रूपं अपुनब्भवाय” ॥

१४७:“दिसा चतस्सो विदिसा चतस्सो, उद्धं अधो दस दिसा इमायो ।
न तुय्हं अदिट्ठं असुतं अमुतं [असुतं अमुतं वा (सी०), असुतामुतं वा (स्या०), असुतं मुतं वा (पी०)], अथो
अविज्जातं किज्चनमत्थि [कज्चि मत्थि (स्या०), किज्चि नत्थि (पी०), किज्चिनमत्थि (क०)] लोके ।
आचिक्ख धम्मं यमहं विजज्जं, जातिजराय इध विप्पहानं” ॥

१४८:“तण्हाधिपन्ने मनुजे पेक्खमानो, [पिङ्गियाति भगवा]
सन्तापजाते जरसा परेते ।
तस्मा तुवं पिङ्गिय अप्पमत्तो, जहस्सु तण्हं अपुनब्भवाया”ति ॥

पिङ्गियमाणवपुच्छा सोळसमा ।

१७. पारायनत्थुतिगाथा

इदमवोच भगवा मगधेसु विहरन्तो पासाणके चेतिये, परिचारकसोळसानं [परिचारकसोळसन्नं (स्या० क०)]
ब्राह्मणानं अज्झिट्ठो पुट्ठो पुट्ठो पज्जं [पज्जे (सी० पी०)] ब्याकासि । एकमेकस्स चेपि पज्जस्स अत्थमज्जाय धम्ममज्जाय
धम्मनुधम्मं पटिपज्जेय्य, गच्छेय्येव जरामरणस्स पारं । “पारङ्गमनीया इमे धम्मा”ति — तस्मा इमस्स धम्मपरियायस्स
पारायनन्तेव [पारायणंत्वेव (सी० अट्ठ०)] अधिवचनं ।

१४९.अजितो तिस्समेत्तेय्यो, पुण्णको अथ मेत्तगू ।
धोतको उपसीवो च, नन्दो च अथ हेमको ॥

१५०.तोदेय्यकप्पा दुभयो, जतुकण्णी च पण्डितो ।
भद्रावुधो उदयो च, पोसालो चापि ब्राह्मणो ।
मोघराजा च मेधावी, पिङ्गियो च महाइसि ॥

१५१.एते बुद्धं उपागच्छुं, सम्पन्नचरणं इसिं ।
पुच्छन्ता निपुणे पज्जे, बुद्धसेट्ठं उपागमुं ॥

१५२.तेसं बुद्धो पब्बाकासि, पज्जे पुट्ठो यथातथं ।
पज्जानं वेय्याकरणेन, तोसेसि ब्राह्मणे मुनि ॥

१५३.ते तोसिता चक्खुमता, बुद्धेनादिच्चबन्धुना ।
ब्रह्मचरियमचरिंसु, वरपञ्जस्स सन्तिके ॥

१५४.एकमेकस्स पज्जहस्स, यथा बुद्धेन देसितं ।
तथा यो पटिपज्जेय्य, गच्छे पारं अपारतो ॥

१५५.अपारा पारं गच्छेय्य, भावेन्तो मग्गमुत्तमं ।
मग्गो सो पारं गमनाय, तस्मा पारायनं इति ॥

१८. पारायनानुगीतिगाथा

१५६.“पारायनमनुगायिस्सं, [इच्चायस्मा पिङ्गियो]
यथादक्खि तथाक्खासि, विमलो भूरिमेधसो ।
निक्कामो निब्बनो [निब्बुतो (स्या०)] नागो, किस्स हेतु मुसा भणे ॥

१५७.“पहीनमलमोहस्स, मानमक्खप्पहायिनो ।
हन्दाहं कित्तयिस्सामि, गिरं वण्णूपसज्जितं ॥

१५८.“तमोनुदो बुद्धो समन्तचक्खु, लोकन्तगू सब्बभवातिवत्तो ।
अनासवो सब्बदुक्खप्पहीनो, सच्चक्खयो ब्रह्मे उपासितो मे ॥

१५९.“दिजो यथा कुब्बनकं पहाय, बहुप्फलं काननमावसेय्य ।
एवम्पहं अप्पदस्से पहाय, महोदधिं हंसोरिव अज्झपत्तो ॥

१६०.“येमे पुब्बे वियाकंसु, हरं गोतमसासना ।
इच्चासि इति भविस्सति ।
सब्बं तं इतिहीतिहं, सब्बं तं तक्कवड्ढनं ॥

१६१. “एको तमनुदासिनो, जुतिमा सो पभङ्करो ।
गोतमो भूरिपज्जाणो, गोतमो भूरिमेधसो ॥

१६२. “यो मे धम्ममदेसेसि, सन्दिट्टिकमकालिकं ।
तण्हक्खयमनीतिकं, यस्स नत्थि उपमा क्वचि” ॥

१६३. “किं नु तम्हा विप्पवससि, मुहुत्तमपि पिङ्गिय ।
गोतमा भूरिपज्जाणा, गोतमा भूरिमेधसा ॥

१६४. “यो ते धम्ममदेसेसि, सन्दिट्टिकमकालिकं ।
तण्हक्खयमनीतिकं, यस्स नत्थि उपमा क्वचि” ॥

१६५. “नाहं तम्हा विप्पवसामि, मुहुत्तमपि ब्राह्मण ।
गोतमा भूरिपज्जाणा, गोतमा भूरिमेधसा ॥

१६६. “यो मे धम्ममदेसेसि, सन्दिट्टिकमकालिकं ।
तण्हक्खयमनीतिकं, यस्स नत्थि उपमा क्वचि ॥

१६७. “अमि नं मनसा चक्खुनाव, रत्तिन्दिवं ब्राह्मण अप्पमत्तो ।
नमस्समानो विवसेमि रत्तिं, तेनेव मज्जामि अविप्पवासं ॥

१६८. “सद्धा च पीति च मनो सति च,
नापेन्तिमे गोतमसासनम्हा ।
यं यं दिसं वजति भूरिपज्जो, स तेन तेनेव नतोहमस्मि ॥

१६९. “जिण्णस्स मे दुब्बलथामकस्स, तेनेव कायो न पलेति तत्थ ।
सङ्कप्पयन्ताय [संकप्पयत्ताय (सी०)] वजामि निच्चं, मनो हि मे ब्राह्मण तेन युत्तो ॥

१७०. “पङ्के सयानो परिफन्दमानो, दीपा दीपं उपल्लविं ।
अथदसासिं सम्बुद्धं, ओघतिण्णमनासवं ॥

१७१. “यथा अहू वक्कलि मुत्तसद्धो, भद्रावुधो आळविगोतमो च ।
एवमेव त्वम्पि पमुज्जस्सु सद्धं, गमिस्ससि त्वं पिङ्गिय मच्चुधेय्यस्स पारं” [मच्चुधेय्यपारं (सी०)] ॥

१७२. “एस भिय्यो पसीदामि, सुत्वान मुनिनो वचो ।
विवट्टच्छदो सम्बुद्धो, अखिलो पटिभानवा ॥

१७३: “अधिदेवे अभिज्जाय, सब्बं वेदि परोपरं ।
पज्झानन्तकरो सत्था, कङ्खीनं पटिजानतं ॥

१७४: “असंहीरं असंकुप्पं, यस्स नत्थि उपमा क्वचि ।
अद्धा गमिस्सामि न मेत्थ कङ्खा, एवं मं धारेहि अधिमुत्तचित्त”न्ति [अजितमाणवपुच्छाय पट्टाय
यावपारायनानुगीतिगातापरियोसाना स्या० ... पोत्थके नत्थि] ॥

पारायनानुगीतिगाथा निद्धिता ।

पारायनवग्गनिद्देशो

१. अजितमाणवपुच्छानिद्देशो

१. केनस्सु निवुतो लोको, [इच्चायस्मा अजितो]
केनस्सु नप्पकासति ।
किस्साभिलेपनं ब्रूसि [ब्रूहि (स्या०)], किंसु तस्स महब्भयं ॥

केनस्सु निवुतो लोकोति । लोकोति निरयलोको तिरच्छानलोको पेट्तिविसयलोको मनुस्सलोको देवलोको
खन्धलोको धातुलोको आयतनलोको अयं लोको परो लोको ब्रह्मलोको देवलोको — अयं वुच्चति लोको । अयं लोको
केन आवुतो निवुतो ओवुतो [ओफुतो (स्या०)] पिहितो पटिच्छन्नो पटिकुज्जितोति — केनस्सु निवुतो लोको?

इच्चायस्मा अजितोति । इच्चाति पदसन्धि पदसंसग्गो पदपारिपूरी अक्खरसमवायो ब्यञ्जनसिलिद्धता
पदानुपुब्बतापेतं [पदानुपुब्बतामेतं (बहूसु)] इच्चाति । आयस्माति पियवचनं गरुवचनं सगारवसप्पतिस्साधिवचनमेतं
आयस्माति । अजितोति तस्स ब्राह्मणस्स नामं सङ्खा समज्जा पज्जति वोहारो नामं नामकम्मं नामधेय्यं निरुत्ति ब्यञ्जनं
अभिलापोति — इच्चायस्मा अजितो ।

केनस्सु नप्पकासतीति केन लोको नप्पकासति न भासति न तपति न विरोचति न जायति न पज्जायतीति —
केनस्सु नप्पकासति ।

किस्साभिलेपनं ब्रूसीति किं लोकस्स लेपनं लग्गनं बन्धनं उपक्किलेसो । केन लोको लित्तो संलित्तो उपलित्तो
किलिद्धो संकिलिद्धो मक्खितो संसद्धो लग्गो लग्गितो पलिबुद्धो, ब्रूसि आचिक्खसि देसेसि पज्जपेसि [पज्जापेसि (क०)]
पट्टपेसि विवरसि विभजसि उत्तानीकरोसि [उत्तानिं करोसि (क०)] पकासेसीति — किस्साभिलेपनं ब्रूसि ।

किंसु तस्स महब्भयन्ति किं लोकस्स भयं महब्भयं पीळनं घट्टनं उपद्दवो उपसग्गोति — किंसु तस्स महब्भयं । तेनाह
सो ब्राह्मणो —

“केनस्सु निवुतो लोको, [इच्चायस्मा अजितो]
केनस्सु नप्पकासति ।

किस्साभिलेपनं ब्रूसि, किंसु तस्स महब्भयं”न्ति ॥

२. अविज्जाय निवुतो लोको, [अजिताति भगवा]

वेविच्छा पमादा नप्पकासति ।

जप्पाभिलेपनं ब्रूमि, दुक्खमस्स महब्भयं ॥

अविज्जाय निवुतो लोकोति । अविज्जाति दुक्खे अज्जाणं दुक्खसमुदये अज्जाणं दुक्खनिरोधे अज्जाणं दुक्खनिरोधगामिनिया पटिपदाय अज्जाणं, पुब्बन्ते अज्जाणं अपरन्ते अज्जाणं पुब्बन्तापरन्ते अज्जाणं, इदप्पच्चयतापटिच्चसमुप्पन्नेसु धम्मेषु अज्जाणं, यं एवरूपं अज्जाणं अदस्सनं अनभिसमयो अननुबोधो असम्बोधो अप्पटिवेधो असंगाहना अपरियोगाहना असमपेक्खना अपच्चवेक्खणा [अपच्चवेक्खना (स्या०)] अपच्चवेक्खणकम्मं दुम्मेज्झं बाल्यं असम्पज्जं मोहो पमोहो सम्मोहो अविज्जा अविज्जोघो अविज्जायोगो अविज्जानुसयो अविज्जापरियुट्ठानं अविज्जालङ्गी मोहो अकुसलमूलं, अयं वुच्चति — अविज्जा ।

लोकोति निरयलोको तिरच्छानलोको पेत्तिविसयलोको मनुस्सलोको देवलोको खन्धलोको धातुलोको आयतनलोको अयं लोको परो लोको ब्रह्मलोको देवलोको — अयं वुच्चति लोको । अयं लोको इमाय अविज्जाय आवुतो निवुतो ओवुतो पिहितो पटिच्छन्नो पटिकुज्जितोति — अविज्जाय निवुतो लोको ।

अजिताति भगवा तं ब्राह्मणं नामेन आलपति । **भगवाति** गारवाधिवचनं । अपि च, भग्गरागोति भगवा; भग्गदोसोति भगवा; भग्गमोहोति भगवा; भग्गमानोति भगवा; भग्गदिट्ठीति भगवा; भग्गकण्टकोति भगवा; भग्गकिलेसोति भगवा; भजि विभजि पविभजि धम्मरतनन्ति भगवा; भवानं अन्तकरोति भगवा; भावितकायो भावितसीलो भावितचित्तो [भावितकायोति भगवा, भावितसीलोति भावितचित्तोति (स्या०)] भावितपज्जोति भगवा; भजि वा भगवा अरज्जवनपत्थानि पन्तानि सेनासनानि अप्पसद्धानि अप्पनिग्घोसानि विजनवातानि मनुस्सराहस्सेय्यकानि [मनुस्सराहसेय्यकानि (स्या०)] पटिसल्लानसारुप्पानीति भगवा; भागी वा भगवा चीवरपिण्डपातसेनासनगिलानपच्चयभेसज्जपरिक्खारानन्ति भगवा; भागी वा भगवा अत्थरसस्स धम्मरसस्स विमुत्तिरसस्स अधिसीलस्स अधिचित्तस्स अधिपज्जायाति भगवा; भागी वा भगवा चतुन्नं ज्ञानानं चतुन्नं अप्पमज्जानं चतुन्नं अरूपसमापत्तीनन्ति भगवा; भागी वा भगवा अट्ठन्नं विमोक्खानं अट्ठन्नं अभिभायतनानं नवन्नं अनुपुब्बसमापत्तीनन्ति भगवा; भागी वा भगवा दसन्नं सज्जाभावानानं कसिणसमापत्तीनं आनापानस्सतिसमाधिस्स असुभसमापत्तियाति भगवा; भागी वा भगवा चतुन्नं सतिपट्ठानानं चतुन्नं सम्मप्पधानानं चतुन्नं इन्द्रियादानं पज्चन्नं इन्द्रियानं पज्चन्नं बलानं सत्तन्नं बोज्झङ्गानं अरियस्स अट्ठङ्गिकस्स मग्गस्साति भगवा; भागी वा भगवा दसन्नं तथागतबलानं चतुन्नं वेसारज्जानं चतुन्नं पटिसम्भिदानं छन्नं अभिज्जानं छन्नं बुद्धधम्मानन्ति भगवा; भगवाति नेतं नामं मातरा कतं न पितरा कतं न भातरा कतं न भगिनिया कतं न मित्तामच्चेहि कतं न जातिसालोहितेहि कतं न समणब्राह्मणेहि कतं न देवताहि कतं । विमोक्खन्तिकमेतं बुद्धानं भगवन्तानं बोधिया मूले सह सब्बज्जुतजाणस्स पटिलाभा सच्छिका पज्जत्ति, यदिदं भगवाति — अजिताति भगवा ।

वेविच्छा पमादा नप्पकासतीति । वेविच्छं वुच्चति पज्च मच्छरियानि — आवासमच्छरियं, कुलमच्छरियं, लाभमच्छरियं, वण्णमच्छरियं, धम्ममच्छरियं । यं एवरूपं मच्छेरं मच्छरायना मच्छरायितत्तं वेविच्छं कदरियं कटुकज्जुकता अगहितत्तं चित्तस्स — इदं वुच्चति मच्छरियं । अपि च खन्धमच्छरियम्पि मच्छरियं, धातुमच्छरियम्पि मच्छरियं,

आयतनमच्छरियमि मच्छरियं, गाहो वुच्चति मच्छरियं । पमादो वत्तब्बो — कायदुच्चरिते वा वचीदुच्चरिते वा मनोदुच्चरिते वा पञ्चसु कामगुणेषु वा चित्तस्स वोसग्गो [वोस्सग्गो (बहूसु)] वोसग्गानुप्पदानं कुसलानं धम्मनं भावनाय असक्कच्चकिरियता असातच्चकिरियता अनट्ठितकिरियता [अनिट्ठितकिरियता (क०) विभ० ८४६] ओलीनवुत्तिता निक्खित्तच्छन्दता निक्खित्तधुरता अनासेवना अभावना अबहुलीकम्मं अनधिट्ठानं अननुयोगो पमादो । यो एवरूपो पमादो पमज्जना पमज्जितत्तं — अयं वुच्चति पमादो । वेविच्छा पमादा नप्पकासतीति इमिना च मच्छरियेन इमिना च पमादेन लोको नप्पकासति न भासति न तपति न विरोचति न जायति न पञ्जायतीति — वेविच्छा पमादा नप्पकासति ।

जप्पाभिलेपनं ब्रूमीति जप्पा वुच्चति तण्हा । यो रागो सारागो अनुनयो अनुरोधो नन्दी [नन्दि (स्या०)] नन्दिरागो चित्तस्स सारागो इच्छा मुच्छा अज्झोसानं गेधो पलिगेधो सङ्गो पङ्को एजा माया जनिका सज्जननी सिब्बिनी जालिनी सरिता विसत्तिका सुत्तं विसटा [सोत्तं विसता (स्या०)] आयूहनी दुतिया द्पणिधि भवनेत्ति वनं वनथो सन्धवो [सन्धवो (क०) विभ० ९०९] सिनेहो अपेक्खा पटिबन्धु आसा आसीसना [आसिसना (स्या०)] आसीसितत्तं रूपासा सद्दासा गन्धासा रसासा फोड्डब्बासा लाभासा धनासा पुत्तासा जीवितासा जप्पा पजप्पा अभिजप्पा जप्पना जप्पितत्तं लोलुपं लोलुप्पायना लोलुप्पायितत्तं पुच्छज्जिकता साधुकम्यता अधम्मरागो विसमलोभो निकन्ति निकामना पत्थना पिहना सम्पत्थना कामतण्हा भवतण्हा विभवतण्हा रूपतण्हा अरूपतण्हा निरोधतण्हा रूपतण्हा सद्दतण्हा गन्धतण्हा रसतण्हा फोड्डब्बतण्हा धम्मतण्हा ओघो योगो गन्धो उपादानं आवरणं नीवरणं छदनं बन्धनं उपक्विलेसो अनुसयो परियुट्ठानं लता वेविच्छं दुक्खमूलं दुक्खनिदानं दुक्खप्पभवो मारपासो मारबळिसं मारामिसं मारविसयो मारनिवासो मारगोचरो मारबन्धनं तण्हानदी तण्हाजालं तण्हागट्ठलं तण्हासमुदो अभिज्झा लोभो अकुसलमूलं — अयं वुच्चति जप्पा । लोकस्स लेपनं लग्गनं बन्धनं उपक्विलेसो इमाय जप्पाय लोको लित्तो संलित्तो उपलित्तो किलिट्ठो संकिलिट्ठो मक्खित्तो संसट्ठो लग्गो लग्गितो पलिबुद्धोति ब्रूमि आचिक्खामि देसेमि पज्जपेमि पट्ठपेमि विवरामि विभजामि उत्तानीकरोमि पकासेमीति — जप्पाभिलेपनं ब्रूमि ।

दुक्खमस्स महब्भयन्ति । दुक्खन्ति जातिदुक्खं जरादुक्खं ब्याधिदुक्खं मरणदुक्खं सोकपरिदेवदुक्खदोमनस्सुपायासदुक्खं नेरयिकं दुक्खं तिरच्छानयोनिकं दुक्खं पेत्तिविसयिकं दुक्खं मानुसिकं दुक्खं गब्भोक्कन्तिमूलकं दुक्खं गब्भट्ठितिमूलकं [गब्भेठितिमूलकं (स्या० क०)] दुक्खं गब्भवुट्ठानमूलकं दुक्खं जातस्सूपनिबन्धकं दुक्खं जातस्स पराधेय्यकं दुक्खं अत्तूपक्कमदुक्खं परूपक्कमदुक्खं सङ्खारदुक्खं विपरिणामदुक्खं चक्खुरोगो सोतरोगो घानरोगो जिह्वारोगो कायरोगो सीसरोगो कण्णरोगो मुखरोगो दन्तरोगो कासो सासो पिनासो डाहो [डहो (स्या०)] जरो कुच्छिरोगो मुच्छा पक्खन्दिका सूला विसूचिका कुट्ठं गण्डो किलासो सोसो अपमारो दद्दु कण्डु कच्छु रक्खसा [रक्खसा (क०)] वितच्छिका लोहितपित्तं [लोहितं पित्तं (बहूसु)] मधुमेहो अंसा पिळका भगन्दला पित्तसमुट्ठाना आबाधा सेम्हसमुट्ठाना आबाधा वातसमुट्ठाना आबाधा सन्निपातिका आबाधा उतुपरिणामजा आबाधा विसमपरिहारजा आबाधा ओपक्कमिका आबाधा कम्मविपाकजा आबाधा सीतं उण्हं जिघच्छा पिपासा उच्चारो पस्सावो डंसमकसवातातपसरीसपसम्फस्सं दुक्खं मातुमरणं दुक्खं पितुमरणं दुक्खं भातुमरणं दुक्खं भगिनिमरणं दुक्खं पुत्तमरणं दुक्खं धीतुमरणं दुक्खं जातिव्यसनं दुक्खं रोगव्यसनं दुक्खं भोगव्यसनं दुक्खं सीलव्यसनं दुक्खं दिट्ठिव्यसनं दुक्खं येसं धम्मनं आदितो समुदागमनं पञ्जायति । अत्थङ्गमतो निरोधो पञ्जायति । कम्मसन्निस्सितो विपाको । विपाकसन्निस्सितं कम्मं, नामसन्निस्सितं रूपं रूपसन्निस्सितं नामं, जातिया अनुगतं जराय अनुसटं ब्याधिना अभिभूतं मरणेन अब्भाहतं दुक्खे पतिट्ठितं अताणं अलेणं असरणं असरणीभूतं — इदं वुच्चति दुक्खं । इदं दुक्खं लोकस्स भयं महाभयं पीळनं घट्टनं उपद्ववो उपसग्गोति — दुक्खमस्स महब्भयं । तेनाह भगवा —

“अविज्जाय निवृत्तो लोको, [अजिताति भगवा]
वेविच्छा पमादा नप्पकासति ।
जप्पाभिलेपनं ब्रूमि, दुक्खमस्स महब्भय”न्ति ॥

३. सवन्ति सब्बधि सोता, [इच्चायस्मा अजितो]

सोतानं किं निवारणं ।

सोतानं संवरं ब्रूहि, केन सोता पिधिय्यरे [पिथिय्यरे (स्या०), पिथीयरे (सी० अट्ट०)] ॥

सवन्ति सब्बधि सोताति । सोताति तण्हासोतो दिट्ठिसोतो किलेससोतो दुच्चरितसोतो अविज्जासोतो । सब्बधीति सब्बेसु आयतनेसु । सवन्तीति सवन्ति आसवन्ति सन्दन्ति पवत्तन्ति । चक्खुतो रूपे सवन्ति आसवन्ति सन्दन्ति पवत्तन्ति । सोततो सद्दे सवन्ति...पे०... धानतो गन्धे सवन्ति... जिह्वातो रसे सवन्ति... कायतो फोडुब्बे सवन्ति... मनतो धम्मे सवन्ति आसवन्ति सन्दन्ति पवत्तन्ति । चक्खुतो रूपतण्हा सवन्ति आसवन्ति सन्दन्ति पवत्तन्ति । सोततो सद्दतण्हा सवन्ति आसवन्ति सन्दन्ति पवत्तन्ति । धानतो गन्धतण्हा सवन्ति... जिह्वातो रसतण्हा सवन्ति... कायतो फोडुब्बतण्हा सवन्ति... मनतो धम्मतण्हा सवन्ति आसवन्ति सन्दन्ति पवत्तन्तीति — सवन्ति सब्बधि सोता ।

इच्चायस्मा अजितोति । इच्चाति पदसन्धि...पे०... पदानुपुब्बतापेतं इच्चाति...पे०... इच्चायस्मा अजितो ।

सोतानं किं निवारणन्ति सोतानं किं आवरणं नीवरणं संवरणं रक्खनं गोपनन्ति — सोतानं किं निवारणं ।

सोतानं संवरं ब्रूहीति सोतानं आवरणं नीवरणं संवरणं रक्खनं गोपनं ब्रूहि आचिक्ख देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — सोतानं संवरं ब्रूहि ।

केन सोता पिधिय्यरेति केन सोता पिधीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्तीति — केन सोता पिधिय्यरे । तेनाह सो ब्राह्मणो —

“सवन्ति सब्बधि सोता, [इच्चायस्मा अजितो]
सोतानं किं निवारणं ।
सोतानं संवरं ब्रूहि, केन सोता पिधिय्यरे” ॥

४. यानि सोतानि लोकस्मिं, [अजिताति भगवा]

सति तेसं निवारणं ।

सोतानं संवरं ब्रूमि, पज्जायेते पिधिय्यरे ॥

यानि सोतानि लोकस्मिन्ति यानि एतानि सोतानि मया कित्तितानि पकित्तितानि आचिक्खितानि देसितानि पज्जपितानि पट्टपितानि विवरितानि विभजितानि [विभजितानि (क०)] उत्तानीकतानि पकासितानि, सेय्यथिदं [सेय्यथीदं (स्या०)] — तण्हासोतो दिट्ठिसोतो किलेससोतो दुच्चरितसोतो अविज्जासोतो । लोकस्मिन्ति अपायलोके मनुस्सलोके देवल्लोके खन्धलोके धातुलोके आयतनलोकेति — यानि सोतानि लोकस्मिं । अजिताति भगवा तं ब्राह्मणं नामेन आलपति ।

सति तेसं निवारणन्ति । सतीति या सति अनुस्सति पटिस्सति सति सरणता धारणता अपिलापनता असम्मुस्सनता सति सतिन्द्रियं सतिबलं सम्मासति सतिसम्बोज्झङ्गो एकायनमग्गो — अयं वुच्चति सति । **निवारणन्ति** आवरणं नीवरणं संवरणं रक्खनं गोपनन्ति — सति तेसं निवारणं ।

सोतानं संवरं ब्रूमीति सोतानं आवरणं नीवरणं संवरणं रक्खनं गोपनं ब्रूमि आचिक्खामि...पे०... उत्तानीकरोमि पकासेमीति — सोतानं संवरं ब्रूमि ।

पज्जायेते पिथिय्यरेति । पज्जाति या पज्जा पजानना...पे०... अमोहो धम्मविचयो सम्मादिट्ठि । पज्जायेते पिथिय्यरेति — पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “सब्बे सङ्खारा अनिच्चा”ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “सब्बे सङ्खारा दुक्खा”ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “सब्बे सङ्खारा अनत्ता”ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “अविज्जापच्चया सङ्खारा”ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “सङ्खारपच्चया विज्जाण”न्ति...पे०... “विज्जाणपच्चया नामरूप”न्ति... “नामरूपपच्चया सळायतन”न्ति... “सळायतनपच्चया फस्सो”ति... “फस्सपच्चया वेदना”ति... “वेदनापच्चया तण्हा”ति... “तण्हापच्चया उपादान”न्ति... “उपादानपच्चया भवो”ति... “भवपच्चया जाती”ति... “जातिपच्चया जरामरण”न्ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “अविज्जानिरोधा सङ्खारनिरोधो”ति... “सङ्खारनिरोधा विज्जाणनिरोधो”ति... “विज्जाणनिरोधा नामरूपनिरोधो”ति... “नामरूपनिरोधा सळायतननिरोधो”ति... “सळायतननिरोधा फस्सनिरोधो”ति... “फस्सनिरोधा वेदानिरोधो”ति... “वेदानिरोधा तण्हानिरोधो”ति... “तण्हानिरोधा उपादाननिरोधो”ति... “उपादाननिरोधा भवनिरोधो”ति... “भवनिरोधा जातिनिरोधो”ति... “जातिनिरोधा जरामरणनिरोधो”ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “इदं दुक्ख”न्ति...पे०... “अयं दुक्खसमुदयो”ति... “अयं दुक्खनिरोधो”ति... “अयं दुक्खनिरोधगामिनी पटिपदा”ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “इमे धम्मा आसवा”ति...पे०... “अयं आसवसमुदयो”ति... “अयं आसवनिरोधो”ति... “अयं आसवनिरोधगामिनी पटिपदा”ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । “इमे धम्मा अभिज्जेय्या”ति...पे०... “इमे धम्मा परिज्जेय्या”ति... “इमे धम्मा पहातब्बा”ति... “इमे धम्मा भावेतब्बा”ति... “इमे धम्मा सच्छिकातब्बा”ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । छन्नं फस्सायतनानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्ति । पञ्चन्नं उपादानक्खन्धानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च जानतो पस्सतो... चतुन्नं महाभूतानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च जानतो पस्सतो... यं किञ्चि समुदयधम्मं सब्बं तं निरोधधम्मन्ति जानतो पस्सतो पज्जायेते सोता पिथीयन्ति पच्छिज्जन्ति न सवन्ति न आसवन्ति न सन्दन्ति नप्पवत्तन्तीति — पज्जायेते पिथिय्यरे । तेनाह भगवा —

“यानि सोतानि लोकस्मिं, [अजिताति भगवा]
सति तेसं निवारणं ।

सोतानं संवरं ब्रूमि, पज्जायेते पिधिय्यरे’ति॥

५. पज्जा चेव सति चापि, [इच्छायस्मा अजितो]

नामरूपञ्च मारिस।

एतं मे पुट्ठो पब्रूहि, कत्थेतं उपरुज्झति॥

पज्जा चेव सति चापीति। पज्जाति या पज्जा पजानना विचयो पविचयो धम्मविचयो सल्लक्खणा उपलक्खणा पच्चुपलक्खणा पण्डिच्चं कोसल्लं नेपुज्जं वेभब्बा चिन्ता उपपरिक्खा भूरी [भूरि (क०)] मेधा परिणायिका विपस्सना सम्पज्जं पतोदो पज्जा पज्जिन्द्रियं पज्जाबलं पज्जासत्थं पज्जापासादो पज्जाआलोको पज्जाओभासो पज्जापज्जोतो पज्जारतनं अमोहो धम्मविचयो सम्मादिट्ठि। **सतीति** या सति अनुस्सति...पे०... सम्मासतीति — पज्जा चेव सतिचापि, इच्छायस्मा अजितो।

नामरूपञ्च मारिसाति। नामन्ति चत्तारो अरूपिनो खन्धा। रूपन्ति चत्तारो च महाभूता चतुन्नञ्च महाभूतानं उपादायरूपं। **मारिसाति** पियवचनं गरुवचनं सगारवसप्पतिस्साधिवचनमेतं मारिसाति — नामरूपञ्च मारिस।

एतं मे पुट्ठो पब्रूहीति। एतं मेति यं पुच्छामि यं याचामि यं अज्झेसामि यं पसादेमि। **पुट्ठोति** पुच्छितो याचितो अज्झेसितो पसादितो। **पब्रूहीति** ब्रूहि आचिक्खाहि देसेहि पज्जपेहि पट्ठपेहि विवराहि विभजाहि [विवरेहि विभजेहि (क०)] उत्तानीकरोहि पकासेहीति — एतं मे पुट्ठो पब्रूहि।

कत्थेतं उपरुज्झतीति कत्थेतं निरुज्झति वूपसम्मति अत्थं गच्छति पटिप्पस्सम्भतीति। कत्थेतं उपरुज्झति। तेनाह सो ब्राह्मणो —

“पज्जा चेव सति चापि, [इच्छायस्मा अजितो]

नामरूपञ्च मारिस।

एवं मे पुट्ठो पब्रूहि, कत्थेतं उपरुज्झती’ति॥

६. यमेतं पज्जं अपुच्छि, अजित तं वदामि ते।

यत्थ नामञ्च रूपञ्च, असेसं उपरुज्झति।

विज्जाणस्स निरोधेन, एत्थेतं उपरुज्झति॥

यमेतं पज्जं अपुच्छीति। यमेतन्ति पज्जञ्च सतिञ्च नामरूपञ्च। **अपुच्छीति** अपुच्छसि याचसि अज्झेसति [अज्झेसि (क०)] पसादेसीति — यमेतं पज्जं अपुच्छि।

अजित तं वदामि तेति। अजिताति भगवा तं ब्राह्मणं नामेन आलपति। तन्ति पज्जञ्च सतिञ्च नामरूपञ्च। **वदामीति** वदामि आचिक्खामि देसेमि पज्जपेमि पट्ठपेमि विवरामि विभजामि उत्तानीकरोमि पकासेमीति। अजित तं वदामि ते।

यत्थ नामञ्च रूपञ्च, असेसं उपरुज्झतीति नामन्ति चत्तारो अरूपिनो खन्धा। रूपन्ति चत्तारो च महाभूता

चतुन्नञ्च महाभूतानं उपादायरूपं । असेसन्ति सब्बेन सब्बं सब्बथा सब्बं असेसं निस्सेसं परियादियनवचनमेतं
[परियादायवचनमेतं (स्या० क०)] असेसन्ति । उपरुज्झतीति निरुज्झति वूपसम्मति अत्थं गच्छति पटिप्पस्सम्भतीति ।
यत्थ नामञ्च रूपञ्च असेसं उपरुज्झति ।

विज्जाणस्स निरोधेन, एत्थेतं उपरुज्झतीति सोतापत्तिमग्गजाणेन अभिसङ्खारविज्जाणस्स निरोधेन सत्त भवे
ठपेत्वा अनमतगगे संसारे ये उप्पज्जेय्युं नामञ्च रूपञ्च, एत्थेते निरुज्झन्ति वूपसम्मन्ति अत्थं गच्छन्ति पटिप्पस्सम्भन्ति ।
सकदागामिमग्गजाणेन अभिसङ्खारविज्जाणस्स निरोधेन द्वे भवे ठपेत्वा पञ्चसु भवेसु ये उप्पज्जेय्युं नामञ्च रूपञ्च, एत्थेते
निरुज्झन्ति वूपसम्मन्ति अत्थं गच्छन्ति पटिप्पस्सम्भन्ति । अनागामिमग्गजाणेन अभिसङ्खारविज्जाणस्स निरोधेन एकं भवं
ठपेत्वा रूपधातुया वा अरूपधातुया वा ये उप्पज्जेय्युं नामञ्च रूपञ्च, एत्थेते निरुज्झन्ति वूपसम्मन्ति अत्थं गच्छन्ति
पटिप्पस्सम्भन्ति । अरहत्तमग्गजाणेन अभिसङ्खारविज्जाणस्स निरोधेन ये उप्पज्जेय्युं नामञ्च रूपञ्च, एत्थेते निरुज्झन्ति
वूपसम्मन्ति अत्थं गच्छन्ति पटिप्पस्सम्भन्ति । अरहतो अनुपादिसेसाय निब्बानधातुया परिनिब्बायन्तस्स चरिमविज्जाणस्स
निरोधेन पज्जा च सति च नामञ्च रूपञ्च, एत्थेते निरुज्झन्ति वूपसम्मन्ति अत्थं गच्छन्ति पटिप्पस्सम्भन्तीति —
विज्जाणस्स निरोधेन एत्थेतं उपरुज्झति । तेनाह भगवा —

“यमेतं पज्झं अपुच्छि, अजित तं वदामि ते ।
यत्थ नामञ्च रूपञ्च, असेसं उपरुज्झति ।
विज्जाणस्स निरोधेन, एत्थेतं उपरुज्झती”ति ॥

७. ये च सङ्घातधम्मासे, ये च सेखा [सेक्खा (स्या० क०)] पुथू इध ।
तेसं मे निपको इरियं, पुट्ठो पबूहि मारिस ॥

ये च सङ्घातधम्मासेति सङ्घातधम्मा वुच्चन्ति अरहन्तो खीणासवा । किंकारणा सङ्घातधम्मा वुच्चन्ति अरहन्तो
खीणासवा? ते सङ्घातधम्मा जातधम्मा तुलितधम्मा तीरितधम्मा विभूतधम्मा विभावितधम्मा । “सब्बे सङ्खारा अनिच्चा”ति
सङ्घातधम्मा जातधम्मा तुलितधम्मा तीरितधम्मा विभूतधम्मा विभावितधम्मा । “सब्बे सङ्खारा दुक्खा”ति सङ्घातधम्मा...
पे०... “सब्बे धम्मा अनत्ता”ति सङ्घातधम्मा... “अविज्जापच्चया सङ्खारा”ति सङ्घातधम्मा... “यं किञ्चि समुदयधम्मं सब्बं
तं निरोधधम्म”न्ति सङ्घातधम्मा जातधम्मा तुलितधम्मा तीरितधम्मा विभूतधम्मा विभावितधम्मा । अथ वा तेसं खन्धा
सङ्घाता धातुयो सङ्घाता आयतनानि सङ्घाता गतियो सङ्घाता उपपत्तियो सङ्घाता पटिसन्धि सङ्घाता भवा सङ्घाता संसारा
सङ्घाता वट्ठा सङ्घाता । अथ वा ते खन्धपरियन्ते ठिता धातुपरियन्ते ठिता आयतनपरियन्ते ठिता गतिपरियन्ते ठिता
उपपत्तिपरियन्ते ठिता पटिसन्धिपरियन्ते ठिता भवपरियन्ते ठिता संसारपरियन्ते ठिता वट्टपरियन्ते ठिता अन्तिमे भवे ठिता
अन्तिमे समुस्सये ठिता अन्तिमदेहधरा अरहन्तो ।

तेसं चायं [यायं (क०)] पच्छिमको, चरिमोयं समुस्सयो ।
जातिमरणसंसारो, नत्थि नेसं पुनब्भवोति ॥

तंकारणा सङ्घातधम्मा वुच्चन्ति अरहन्तो खीणासवाति । ये च सङ्घातधम्मासे, ये च सेखा पुथू इधाति । सेखाति
किंकारणा वुच्चन्ति सेखा? सिकखन्तीति सेखा । किञ्च सिकखन्ति? अधिसीलम्पि सिकखन्ति, अधिचित्तम्पि सिकखन्ति,
अधिपज्जम्पि सिकखन्ति । कतमा अधिसीलसिकखा? इध भिक्खु सीलवा होति पातिमोक्खसंवरसंवृतो विहरति

आचारगोचरसम्पन्नो अणुमत्तेसु वज्जेसु भयदस्सावी, समादाय सिक्खति सिक्खापदेसु। खुद्दको सीलक्खन्धो महन्तो सीलक्खन्धो सीलं पतिट्ठा आदि चरणं संयमो संवरो मुखं पमुखं कुसलानं धम्मानं समापत्तिया — अयं अधिसीलसिक्खा।

कतमा अधिचित्तसिक्खा? इध भिक्खु विविच्चेव कामेहि...पे०... पठमं ज्ञानं... दुतियं ज्ञानं... ततियं ज्ञानं... चतुत्थं ज्ञानं उपसम्पज्ज विहरति — अयं अधिचित्तसिक्खा।

कतमा अधिपज्जासिक्खा? इध भिक्खु पज्जवा होति उदयत्थगामिनिया पज्जाय समन्नागतो अरियाय निब्बेधिकाय सम्मा दुक्खक्खयगामिनिया। सो “इदं दुक्ख”न्ति यथाभूतं पजानाति, “अयं दुक्खसमुदयो”ति...पे०... “अयं दुक्खनिरोधो”ति... “अयं दुक्खनिरोधगामिनी पटिपदा”ति यथाभूतं पजानाति। “इमे आसवा”ति...पे०... “अयं आसवसमुदयो”ति... “अयं आसवनिरोधो”ति... “अयं आसवनिरोधगामिनी पटिपदा”ति यथाभूतं पजानाति। “अयं अधिपज्जासिक्खा”... इमा तस्सो सिक्खायो आवज्जन्ता सिक्खन्ति जानन्ता सिक्खन्ति पस्सन्ता सिक्खन्ति चित्तं अधिद्वहन्ता सिक्खन्ति सद्धाय अधिमुच्चन्ता सिक्खन्ति वीरियं [विरियं (स्या०)] पग्गहन्ता सिक्खन्ति सतिं उपद्वपेन्ता सिक्खन्ति चित्तं समादहन्ता सिक्खन्ति पज्जाय पजानन्ता सिक्खन्ति अभिज्जेय्यं अभिजानन्ता सिक्खन्ति परिज्जेय्यं परिजानन्ता सिक्खन्ति पहातब्बं पजहन्ता सिक्खन्ति भावेतब्बं भावेन्ता सिक्खन्ति सच्छिकातब्बं सच्छिकरोन्ता सिक्खन्ति आचरन्ति समाचरन्ति समादाय वत्तन्ति। तंकारणा वुच्चन्ति — सेखा। पुथूति बहुका। एते सेखा सोतापन्ना च पटिपन्ना च सकदागामिनो च पटिपन्ना च अनागामिनो च पटिपन्ना च अरहन्तो च पटिपन्ना च। इधाति इमिस्सा दिट्ठिया इमिस्सा खन्तिया इमिस्सा रुचिया इमस्मिं आदाये इमस्मिं धम्मे इमस्मिं विनये इमस्मिं धम्मविनये इमस्मिं पावचने इमस्मिं ब्रह्मचरिये इमस्मिं सत्थुसासने इमस्मिं अत्तभावे इमस्मिं मनुस्सलोकेति — ये च सेखा पुथू इध।

तेसं मे निपको इरियं, पुट्ठो पब्रूहि मारिसाति त्वम्पि निपको पण्डितो पज्जवा बुद्धिमा जाणी मेधावी। तेसं सङ्घातधम्मानञ्च सेक्खानञ्च इरियं चरियं वुत्ति पवत्ति आचरं गोचरं विहारं पटिपदं। पुट्ठोति पुच्छितो याचितो अज्झेसितो पसादितो। पब्रूहीति ब्रूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहि। मारिसाति पियवचनं गरुवचनं सगारवसप्पतिस्साधिवचनमेतं मारिसाति — तेसं मे निपको इरियं, पुट्ठो पब्रूहि मारिस। तेनाह सो ब्राह्मणो —

“ये च सङ्घातधम्मासे, ये च सेखा पुथू इध।

तेसं मे निपको इरियं, पुट्ठो पब्रूहि मारिसा”ति॥

८. कामेसु नाभिगिज्जेय्य, मनसानाविलो सिया। कुसलो सब्बधम्मानं, सतो भिक्खु परिब्बजे॥

कामेसु नाभिगिज्जेय्याति। कामाति उदानतो द्वे कामा — वत्थुकामा च किलेसकामा च। कतमे वत्थुकामा? मनापिका रूपा मनापिका सद्दा मनापिका गन्धा मनापिका रसा मनापिका फोड्डब्बा, अत्थरणा पावुरणा [पापुरणा (स्या०)] दासिदासा अजेळका कुक्कुटसूकरा हत्थिगवास्सवळवा खेत्तं वत्थु हिरज्जं सुवण्णं गामनिगमराजधानियो [राजठानियो (क०)] रट्टञ्च जनपदो च कोसो च कोट्टागारञ्च — यं किञ्चि रजनीयवत्थु वत्थुकामा।

अपि च अतीता कामा अनागता कामा पच्चुप्पन्ना कामा अज्झत्ता कामा बहिद्वा कामा अज्झत्तबहिद्वा कामा, हीना

कामा मज्झिमा कामा पणीता कामा, आपायिका कामा मानुसिका कामा दिब्बा कामा, पच्चुपट्टिता कामा, निम्मिता कामा परनिम्मिता कामा, परिग्गहिता कामा अपरिग्गहिता कामा, ममायिता कामा अममायिता कामा, सब्बेपि कामावचरा धम्मा, सब्बेपि रूपावचरा धम्मा, सब्बेपि अरूपावचरा धम्मा, तण्हावत्थुका तण्हारम्मणा, कामनीयट्ठेन रजनीयट्ठेन मदनीयट्ठेन रमणीयट्ठेन [नत्थि स्या० पोत्थके महानि० १] कामा । इमे वुच्चन्ति वत्थुकामा ।

कतमे किलेसकामा? छन्दो कामो रागो कामो छन्दरागो कामो सङ्कप्पो कामो रागो कामो सङ्कप्परागो कामो, यो कामेसु कामच्छन्दो कामरागो कामनन्दी कामतण्हा कामसिनेहो कामपिपासा कामपरिळाहो कामगेधो काममुच्छा कामज्झोसानं कामोघो कामयोगो कामुपादानं कामच्छन्दनीवरणं —

अद्वसं काम ते मूलं, सङ्कप्पा काम जायसि ।
न तं सङ्कप्पयिस्सामि, एवं काम न हेहिसीति ॥

इमे वुच्चन्ति किलेसकामा । गेधो वुच्चति तण्हा, यो रागो सारागो...पे०... अभिज्झा लोभो अकुसलमूलं । कामेसु नाभिगिज्झेय्याति किलेसकामेन वत्थुकामेसु नाभिगिज्झेय्य न पलिबुद्धेय्य [पलिबुद्धेय्य (स्या०)] अगिद्धो अस्स अगधितो अमुच्छितो अनज्झापन्नो [अनज्झोपन्नो (स्या०)] वीतगेधो विगतगेधो चत्तगेधो वन्तगेधो मुत्तगेधो पहीनगेधो पटिनिस्सट्ठगेधो वीतरागो विगतरागो चत्तरागो वन्तरागो मुत्तरागो पहीनरागो पटिनिस्सट्ठरागो निच्छातो निब्बुतो सीतिभूतो सुखप्पटिसंवेदी ब्रह्मभूतेन अत्तना विहरेय्याति — कामेसु नाभिगिज्झेय्य ।

मनसानाविलो सियाति । मनोति यं चित्तं मनो मानसं हृदयं पण्डरं मनो मनायतनं मनिन्द्रियं विज्जाणं विज्जाणकखन्धो तज्जा मनोविज्जाणधातु । कायदुच्चरितेन चित्तं आविलं होति लुळितं एरितं घट्टितं चलितं भन्तं अवूपसन्तं । वचीदुच्चरितेन...पे०... मनोदुच्चरितेन... रागेन... दोसेन... मोहेन... कोधेन... उपनाहेन... मक्खेन... पळासेन... इस्साय... मच्छरियेन... मायाय... साठेय्येन... थम्भेन... सारम्भेन... मानेन... अतिमानेन... मदेन... पमादेन... सब्बकिलेसेहि... सब्बदुच्चरितेहि... सब्बडाहेहि... सब्बपरिळाहेहि... सब्बसन्तापेहि... सब्बाकुसलाभिसङ्खारेहि चित्तं आविलं होति लुळितं एरितं घट्टितं चलितं भन्तं अवूपसन्तं । **मनसानाविलो सियाति** चित्तेन अनाविलो सिया — अलुळितो अनेरितो अघट्टितो अचलितो अभन्तो वूपसन्तो आविलकरे किलेसे जहेय्य पजहेय्य विनोदेय्य ब्यन्तीकरेय्य [ब्यन्तिं करेय्य (क०)] अनभावं गमेय्य, आविलकरेहि किलेसेहि च आरतो [आरतो अस्स (क०) महानि० १८ पस्स] विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — मनसानाविलो सिया ।

कुसलो सब्बधम्मानन्ति “सब्बे सङ्खारा अनिच्चा”ति कुसलो सब्बधम्मानं, “सब्बे सङ्खारा दुक्खा”ति कुसलो सब्बधम्मानं, “सब्बे धम्मा अनत्ता”ति कुसलो सब्बधम्मानं, “अविज्जापच्चया सङ्खारा”ति कुसलो सब्बधम्मानं...पे०... “यं किञ्चि समुदयधम्मं सब्बं तं निरोधधम्म”न्ति कुसलो सब्बधम्मानं । एवम्पि कुसलो सब्बधम्मानं ।

अथ वा, अनिच्चतो कुसलो सब्बधम्मानं, दुक्खतो...पे०... रोगतो... गण्डतो... सल्लतो... अघतो... आबाधतो... परतो... पलोकतो... ईतितो... उपद्वतो... भयतो... उपसगगतो... चलतो... पभङ्गुतो... अद्भुवतो [अधुवतो (क०) महानि० १३] ... अताणतो... अलेणतो... असरणतो... असरणीभूततो... रिक्ततो... तुच्छतो... सुज्जतो... अनत्ततो... आदीनवतो... विपरिणामधम्मतो... असारकतो... अघमूलतो... वधकतो... विभवतो... सासवतो... सङ्खततो... मारामिसतो... जातिधम्मतो... जराधम्मतो... ब्याधिधम्मतो... मरणधम्मतो... सोकपरिदेवदुक्खदोमनस्सुपायासधम्मतो ... संकिलेसिकधम्मतो... समुदयतो...

अत्थङ्गमतो... अस्सादतो... आदीनवतो... निस्सरणतो कुसलो सब्बधम्मनं । एवम्पि कुसलो सब्बधम्मनं ।

अथ वा, खन्धकुसलो धातुकुसलो आयतनकुसलो पटिच्चसमुप्पादकुसलो सतिपट्टानकुसलो सम्मप्पधानकुसलो इन्द्रिपादकुसलो इन्द्रियकुसलो बलकुसलो बोज्झङ्गकुसलो मग्गकुसलो फलकुसलो निब्बानकुसलो । एवम्पि कुसलो सब्बधम्मनं ।

अथ वा, सब्बधम्मा वुच्चन्ति द्वादसायतनानि — चक्खु चेव [चक्खुज्येव (क०)] रूपा च, सोतज्य सद्दा च, घानज्य गन्धा च, जिह्वा च रसा च, कायो च फोढुब्बा च, मनो च धम्मा च । यतो च अज्झत्तिकबाहिरेसु आयतनेसु छन्दरागो पहीनो होति उच्छिन्नमूलो तालावत्थुकतो अनभावङ्गतो [अनभावङ्गतो (स्या०)] आयति अनुप्पादधम्मो, एतावतापि कुसलो सब्बधम्मनन्ति — कुसलो सब्बधम्मनं ।

सतो भिक्खु परिब्बजेति । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो, वेदनासु वेदानुपस्सनासतिपट्टानं भावेन्तो सतो, चित्ते चित्तानुपस्सनासतिपट्टानं भावेन्तो सतो, धम्मेसु धम्मानुपस्सनासतिपट्टानं भावेन्तो सतो ।

अपरेहिपि चतूहि कारणेहि सतो — असतिपरिवज्जनाय सतो, सतिकरणीयानं धम्मनं कतत्ता सतो, सतिपरिबन्धानं [सतिपटिपक्खानं (स्या०) महानि० ३] धम्मनं हतत्ता सतो, सतिनिमित्तानं धम्मनं असम्मुट्ठत्ता [अप्पमुट्ठत्ता (स्या०)] सतो ।

अपरेहिपि चतूहि कारणेहि सतो — सतिया समन्नागतत्ता सतो, सतिया वसितत्ता सतो, सतिया पागुज्जेन समन्नागतत्ता सतो, सतिया अपच्चोरोहणताय सतो ।

अपरेहिपि चतूहि कारणेहि सतो — सतिया समन्नागतत्ता सतो, सन्तत्ता सतो, समितत्ता सतो, सन्तधम्मसमन्नागतत्ता सतो । बुद्धानुस्सतिया सतो, धम्मानुस्सतिया सतो, सङ्गानुस्सतिया सतो, सीलानुस्सतिया सतो, चागानुस्सतिया सतो, देवतानुस्सतिया सतो, आनापानस्सतिया सतो, मरणस्सतिया सतो, कायगतासतिया सतो, उपसमानुस्सतिया सतो । या सति अनुस्सति... पे०... सम्मासति सतिसम्बोज्झङ्गो एकायनमग्गो, अयं वुच्चति सति । इमाय सतिया उपेतो होति समुपेतो उपागतो समुपागतो उपपन्नो समुपपन्नो [सम्पन्नो (क०)] समन्नागतो, सो वुच्चति सतो । **भिक्खूति** सत्तन्नं धम्मनं भिन्नत्ता भिक्खु — सक्कायदिट्ठि भिन्ना होति, विचिकिच्छा भिन्ना होति, सीलब्बतपरामासो भिन्नो होति, रागो भिन्नो होति, दोसो भिन्नो होति, मोहो भिन्नो होति, मानो भिन्नो होति । भिन्ना होन्ति पापका अकुसला धम्मा संकिलेसिका पोणोभविका [पोणोभविका (स्या० क०)] सदरा दुक्खविपाका आयति जातिजरामरण्या ।

पज्जेन कतेन [पज्जोतकतेन (क०) सु० नि० ५१९] अत्तना, [संभियाति भगवा]

परिनिब्बानगतो वित्तिण्णकङ्खो ।

विभवज्ज भवज्ज विप्पहाय, वुसितवा खीणपुनब्भवो स भिक्खूति ॥

सतो भिक्खु परिब्बजेति सतो भिक्खु परिब्बजे, सतो गच्छेय्य, सतो तिड्ढेय्य, सतो निसीदेय्य, सतो सेय्यं कप्पेय्य, सतो अभिक्कमेय्य, सतो पटिक्कमेय्य, सतो आलोकेय्य, सतो विलोकेय्य, सतो समिज्जेय्य, सतो पसारेय्य, सतो सङ्घाटिपत्तचीवरं धारेय्य, सतो चरेय्य विहरेय्य इरियेय्य वत्तेय्य पालेय्य यपेय्य यापेय्याति — सतो भिक्खु परिब्बजे । तेनाह

भगवा —

“कामेसु नाभिगिज्जेय्य, मनसानाविलो सिया ।
कुसलो सब्बधम्मानं, सतो भिक्खु परिब्बजे”ति ॥

सह गाथापरियोसाना ये ते ब्राह्मणेन सद्धिं एकच्छन्दा एकपयोगा एकाधिप्पाया एकवासनवासिता, तेसं अनेकपाणसहस्सानं विरजं वीतमलं धम्मचक्खुं उदपादि — “यं किञ्चि समुदयधम्मं सब्बं तं निरोधधम्म”न्ति । तस्स ब्राह्मणस्स अनुपादाय आसवेहि चित्तं विमुच्चि । सह अरहत्तप्पत्ता अजिनजटावाकचीरतिदण्डकमण्डलुकेसा च मस्सू च अन्तरहिता, भण्डुकासायवत्थवसनो सङ्घाटिपत्तचीवरधरो अन्वत्थपटिपत्तिया पञ्जलिको भगवन्तं नमस्समानो निसिन्नो होति — “सत्था मे भन्ते भगवा, सावकोहमस्मी”ति ।

अजितमाणवपुच्छानिद्देशो पठमो ।

२. तिस्समेत्तेय्यमाणवपुच्छानिद्देशो

१. कोध सन्तुसितो लोके, [इच्छायस्मा तिस्समेत्तेय्यो]
कस्स नो सन्ति इज्जिता ।
को उभन्तमभिज्जाय, मज्झे मन्ता न लिप्पति ।
कं ब्रूसि महापुरिसोति, को इध सिब्बिनिमच्चगा ॥

कोध सन्तुसितो लोकेति को लोके तुट्ठो सन्तुट्ठो अत्तमनो परिपुण्णसङ्कप्पोति — कोध सन्तुसितो लोके ।

इच्छायस्मा तिस्समेत्तेय्योति । इच्छाति पदसन्धि पदसंसगो पदपारिपूरी अक्खरसमवायो ब्यञ्जनसिलिद्धता पदानुपुब्बतापेतं — इच्छाति । आयस्माति पियवचनं गरुवचनं सगारवसप्पतिस्साधिवचनमेतं — आयस्माति । तिस्सोति तस्स ब्राह्मणस्स नामं सङ्घा समज्जा पज्जत्ति वोहारो नामं नामकम्मं नामधेय्यं निरुत्ति ब्यञ्जनं अभिलापो । मेत्तेय्योति तस्स ब्राह्मणस्स गोत्तं सङ्घा समज्जा पज्जत्ति वोहारोति — इच्छायस्मा तिस्समेत्तेय्यो ।

कस्स नो सन्ति इज्जिताति तण्हिज्जितं दिट्ठिज्जितं मानिज्जितं किलेसिज्जितं कामिज्जितं । कस्सिमे इज्जिता नत्थि न सन्ति न संविज्जन्ति नुपलब्धन्ति पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दड्ढाति — कस्स नो सन्ति इज्जिता ।

को उभन्तमभिज्जायाति को उभो अन्ते अभिज्जाय जानित्वा तुलयित्वा तीरयित्वा विभावयित्वा विभूतं कत्वाति — को उभन्तमभिज्जाय ।

मज्झे मन्ता न लिप्पतीति मज्झे मन्ताय न लिप्पति, अलित्तो अनुपलित्तो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरतीति — मज्झे मन्ता न लिप्पति ।

कं ब्रूसि महापुरिसोति महापुरिसो अगगपुरिसो सेट्ठपुरिसो विसेट्ठपुरिसो पामोक्खपुरिसो उत्तमपुरिसो पधानपुरिसो

पवरपुरिसोति । कं बूसि कं कथेसि कं मज्जसि कं भणसि कं पस्सति कं वोहरसीति — कं बूसि महापुरिसोति ।

को इध सिब्बिनिमच्चगाति को इध सिब्बिनिं तण्हं अज्झगा उपच्चगा अतिक्कन्तो समतिक्कन्तो वीतिवत्तोति — को इध सिब्बिनिमच्चगा । तेनाह सो ब्राह्मणो —

“कोध सन्तुसितो लोके, [इच्चायस्मा तित्समेत्तेय्यो]
कस्स नो सन्ति इज्जिता ।
को उभन्तमभिज्जाय, मज्झे मन्ता न लिप्पति ।
कं बूसि महापुरिसोति, को इध सिब्बिनिमच्चगा”ति ॥

१०. कामेसु ब्रह्मचरियवा, [मेत्तेय्याति भगवा]

वीततण्हो सदा सतो ।

सङ्खाय निब्बुतो भिक्खु, तस्स नो सन्ति इज्जिता ॥

कामेसु ब्रह्मचरियवाति । कामाति उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । ब्रह्मचरियं वुच्चति असद्धम्मसमापत्तिया आरति विरति पटिविरति वेरमणी अकिरिया अकरणं अनज्झापत्ति वेलाअनतिक्कमो । अपि च, निप्परियायेन ब्रह्मचरियं वुच्चति अरियो अट्ठङ्गिको मग्गो, सेय्यथिदं — सम्मादिट्ठि, सम्मासङ्कप्पो, सम्मावाचा, सम्माकम्मन्तो, सम्माआजीवो, सम्मावायामो, सम्मासति, सम्मासमाधि । यो इमिना अरियेन अट्ठङ्गिकेन मग्गेन उपेतो समुपेतो उपागतो समुपागतो उपपन्नो समुपपन्नो समन्नागतो, सो वुच्चति ब्रह्मचरियवा । यथा च धनेन धनवाति वुच्चति, भोगेन भोगवाति वुच्चति, यसेन यसवाति वुच्चति, सिप्पेन सिप्पवाति वुच्चति, सीलेन सीलवाति वुच्चति, वीरियेन वीरियवाति वुच्चति, पज्जाय पज्जवाति वुच्चति, विज्जाय विज्जवाति वुच्चति — एवमेव यो इमिना अरियेन अट्ठङ्गिकेन मग्गेन उपेतो समुपेतो उपागतो समुपागतो उपपन्नो समुपपन्नो समन्नागतो, सो वुच्चति ब्रह्मचरियवाति — कामेसु ब्रह्मचरियवा ।

मेत्तेय्याति भगवा तं ब्राह्मणं गोत्तेन आलपति । **भगवाति** गारवाधिवचनमेतं...पे०... सच्छिका पज्जति, यदिदं भगवाति — मेत्तेय्याति भगवा ।

वीततण्हो सदा सतोति । तण्हाति रूपतण्हा...पे०... धम्मतण्हा । यस्सेसा तण्हा पहीना समुच्छिन्ना वूपसन्ता पटिपस्सद्धा अभव्वुप्पत्तिका आणगिना दट्ठा, सो वुच्चति वीततण्हो चत्ततण्हो वन्ततण्हो मुत्ततण्हो पहीनतण्हो पटिनिस्सट्ठरागो वीतरागो चत्तरागो वन्तरागो मुत्तरागो पहीनरागो पटिनिस्सट्ठरागो निच्छातो निब्बुतो सीतिभूतो सुखप्पटिसंवेदी ब्रह्मभूतेन अत्तना विहरति । **सदाति** सदा सब्बदा सब्बकालं निच्चकालं धुवकालं सततं समितं अब्बोकिण्णं पोङ्गानुपोङ्गं [पोखानुपोखं (स्या०)] उदकूमिकजातं अवीचिसन्ततिसहितं [अवीचि समङ्गिहसहितं (स्या०)] फस्सितं [फुसितं (स्या०)] पुरेभत्तं पच्छाभत्तं पुरिमयामं मज्झिमयामं पच्छिमयामं काळे जुण्हे वस्से हेमन्ते गिम्हे पुरिमे वयोखन्धे मज्झिमे वयोखन्धे पच्छिमे वयोखन्धे । **सतोति** चतूहि कारणेहि सतो — काये कायानुपस्सनासतिपट्टानं भावेन्तो सतो, वेदनासु वेदानुपस्सनासतिपट्टानं भावेन्तो सतो, चित्ते चित्तानुपस्सनासतिपट्टानं भावेन्तो सतो, धम्मेसु धम्मानुपस्सनासतिपट्टानं भावेन्तो सतो...पे०... सो वुच्चति सतोति — वीततण्हो सदा सतो ।

सङ्घाय निब्बुतो भिक्खूति सङ्घा वुच्चति जाणं । या पज्जा पजानना विचयो पविचयो...पे०... अमोहो धम्मविचयो सम्मादिट्ठि । **सङ्घायाति** सङ्घाय जानित्वा तुलयित्वा तीरयित्वा विभावयित्वा विभूतं कत्वा, “सब्बे सङ्घारा अनिच्चा”ति सङ्घाय जानित्वा तुलयित्वा तीरयित्वा विभावयित्वा विभूतं कत्वा, “सब्बे सङ्घारा दुक्खा”ति...पे०... “सब्बे धम्मा अनत्ता”ति... “अविज्जापच्चया सङ्घारा”ति... “यं किञ्चि समुदयधम्मं सब्बं तं निरोधधम्म”न्ति सङ्घाय जानित्वा तुलयित्वा तीरयित्वा विभावयित्वा विभूतं कत्वा ।

अथ वा, अनिच्चतो सङ्घाय जानित्वा...पे०... दुक्खतो... रोगतो... गण्डतो... सल्लतो...पे०... निस्सरणतो सङ्घाय जानित्वा तुलयित्वा तीरयित्वा विभावयित्वा विभूतं कत्वा । **निब्बुतोति** रागस्स निब्बापितत्ता निब्बुतो, दोसस्स निब्बापितत्ता निब्बुतो, मोहस्स निब्बापितत्ता निब्बुतो, कोधस्स... उपनाहस्स... मक्खस्स... पळासस्स... इस्साय... मच्छरियस्स... मायाय... साठेय्यस्स... थम्भस्स... सारम्भस्स... मानस्स... अतिमानस्स... मदस्स... पमादस्स... सब्बकिलेसानं... सब्बदुच्चरितानं... सब्बदरथानं ... सब्बपरिळाहानं... सब्बसन्तापानं... सब्बाकुसलाभिसङ्घारानं निब्बापितत्ता निब्बुतो । **भिक्खूति** सत्तन्नं धम्मानं भिन्नत्ता भिक्खु...पे०... वुसितवा खीणपुनब्भवो स भिक्खूति — सङ्घाय निब्बुतो भिक्खु ।

तस्स नो सन्ति इज्जिताति । **तस्साति** अरहतो खीणासवस्स । **इज्जिताति** तण्हिज्जितं दिट्ठिज्जितं मानिज्जितं किलेसिज्जितं कामिज्जितं । तस्सिमे इज्जिता नत्थि न सन्ति न संविज्जन्ति नुपलब्धन्ति पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दड्ढाति — तस्स नो सन्ति इज्जिता । तेनाह भगवा —

“कामेसु ब्रह्मचरियवा, [मेत्तेय्याति भगवा]
वीततण्हो सदा सतो ।
सङ्घाय निब्बुतो भिक्खु, तस्स नो सन्ति इज्जिता”ति ॥

**११. सो उभन्तमभिज्जाय, मज्झे मन्ता न लिप्पति ।
तं ब्रूमि महापुरिसोति, सो इध सिब्बिनिमच्चगा ॥**

सो उभन्तमभिज्जाय, मज्झे मन्ता न लिप्पतीति । अन्ताति फस्सो एको अन्तो, फस्ससमुदयो दुतियो अन्तो, फस्सनिरोधो मज्झे; अतीतं एको अन्तो, अनागतं दुतियो अन्तो, पच्चुप्पन्नं मज्झे; सुखा वेदना एको अन्तो, दुक्खा वेदना दुतियो अन्तो, अदुक्खमसुखा वेदना मज्झे; नामं एको अन्तो, रूपं दुतियो अन्तो, विज्जाणं मज्झे; छ अज्झत्तिकानि आयतनानि एको अन्तो, छ बाहिरानि आयतनानि दुतियो अन्तो, विज्जाणं मज्झे; सक्कायो एको अन्तो, सक्कायसमुदयो दुतियो अन्तो, सक्कायनिरोधो मज्झे । मन्ता वुच्चति पज्जा, या पज्जा पजानना...पे०... अमोहो धम्मविचयो सम्मादिट्ठि ।

लेपाति द्वे लेपा — तण्हालेपो च दिट्ठिलेपो च । कतमो तण्हालेपो? यावता तण्हासङ्घातेन सीमकतं ओधिकतं [मरियादिकतं ओधिकतं (स्या०)] परियन्तकतं परिगहितं ममायितं — “इदं मम, एतं मम, एतत्तं मम, एतावता मम रूपा सद्वा गन्धा रसा फोडुब्बा अत्थरणा पावुरणा दासिदासा अजेळका कुक्कुटसूकरा हत्थिगवास्सवळवा खेत्तं वत्थु हिरज्जं सुवण्णं गामनिगमराजधानियो रट्टुच्च जनपदो च कोसो च कोट्टागारज्ज” । केवलम्पि महापथविं तण्हावसेन ममायति । यावता अट्टसततण्हाविचरितं — अयं तण्हालेपो ।

कतमो दिट्ठिलेपो? वीसतिवत्थुका सक्कायदिट्ठि, दसवत्थुका मिच्छादिट्ठि, दसवत्थुका अन्तग्गाहिका दिट्ठि, या एवरूपा दिट्ठि दिट्ठिगतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसंयोजनं गाहो पटिग्गाहो अभिनिवेसो परामासो कुम्भगो मिच्छापथो मिच्छत्तं तित्थायतनं विपरियेसग्गाहो [विपरियेसग्गाहो (बहूसु)] विपरीतग्गाहो विपल्लासग्गाहो मिच्छागाहो अयाथावकस्मिं याथावकन्ति गाहो, यावता द्वासट्ठि दिट्ठिगतानि — अयं दिट्ठिलेपो ।

सो उभन्तमभिज्जाय, मज्झे मन्ता न लिप्पतीति सो उभो च अन्ते मज्झञ्च मन्ताय अभिज्जाय जानित्वा तुलयित्वा तीरयित्वा विभावयित्वा विभूतं कत्वा न लिप्पति न पलिप्पति न उपलिप्पति, अलित्तो असंलित्तो अनुपलित्तो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरतीति — सो उभन्तमभिज्जाय मज्झे मन्ता न लिप्पति ।

तं ब्रूमि महापुरिसोति महापुरिसो अग्गपुरिसो सेट्ठपुरिसो विसेट्ठपुरिसो पामोक्खपुरिसो उत्तमपुरिसो पवरपुरिसो, तं ब्रूमि तं कथेमि तं भणामि तं दीपेमि तं वोहरामि ।

आयस्मा सारिपुत्तो [पस्स सं० नि० ५.३७७] भगवन्तं एतदवोच — “महापुरिसो महापुरिसो”ति, भन्ते, वुच्चति । कित्तावता नु खो, भन्ते, महापुरिसो होती”ति? “विमुत्तचित्तत्ता ख्वाहं, सारिपुत्त, महापुरिसोति वदामि, अविमुत्तचित्तत्ता नो महापुरिसोति वदामि ।

“कथञ्च, सारिपुत्त, विमुत्तचित्तो होति? इध, सारिपुत्त, भिक्खु अज्झत्तं काये कायानुपस्सी विहरति आतापी सम्पजानो सतिमा विनेय्य लोके अभिज्झादोमनस्सं । तस्स काये कायानुपस्सिनो विहरतो चित्तं विरज्जति विमुच्चति अनुपादाय आसवेहि । वेदनासु...पे०... चित्ते... धम्मेषु धम्मानुपस्सी विहरति आतापी सम्पजानो सतिमा विनेय्य लोके अभिज्झादोमनस्सं । तस्स धम्मेषु धम्मानुपस्सिनो विहरतो चित्तं विरज्जति विमुच्चति अनुपादाय आसवेहि । एवं खो, सारिपुत्त, भिक्खु विमुत्तचित्तो होति । विमुत्तचित्तत्ता ख्वाहं, सारिपुत्त, महापुरिसोति वदामि, अविमुत्तचित्तत्ता नो महापुरिसोति वदामी”ति — तं ब्रूमि महापुरिसोति ।

सो इध सिब्बिनिमच्चगाति सिब्बिनी वुच्चति तण्हा । यो रागो सारागो...पे०... अभिज्झा लोभो अकुसलमूलं, यस्सेसा सिब्बिनी तण्हा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दट्ठा । सो सिब्बिनिं तण्हं अच्चगा उपच्चगा अतिक्कन्तो समतिक्कन्तो वीतिवत्तोति — सो इध सिब्बिनिमच्चगा । तेनाह भगवा —

“सो उभन्तमभिज्जाय, मज्झे मन्ता न लिप्पति ।

तं ब्रूमि महापुरिसोति, सो इध सिब्बिनिमच्चगा”ति ॥

सह गाथापरियोसाना ये ते ब्राह्मणेन सद्धिं एकच्छन्दा एकपयोगा एकाधिप्पाया एकवासनवासिता, तेसं अनेकपाणसहस्सानं विरजं वीतमलं धम्मचक्खुं उदपादि — “यं किञ्चि समुदयधम्मं सब्बं तं निरोधधम्म”न्ति । तस्स ब्राह्मणस्स अनुपादाय आसवेहि चित्तं विमुच्चि । सह अरहत्तप्पत्ता अजिनजटावाकचीरतिदण्डकमण्डलुकेसा च मस्सू च अन्तरहिता । भण्डुकासायवत्थवसनो सङ्घाटिपत्तचीवरधरो अन्वत्थपटिपत्तिया पज्जलिको भगवन्तं नमस्समानो निसिन्नो होति — “सत्था मे भन्ते भगवा, सावकोहमस्मी”ति ।

तिस्समेत्तेय्यमाणवपुच्छानिद्देसो दुतियो ।

३. पुण्णकमाणवपुच्छानिद्देसो

१२. अनेजं मूलदस्साविं, [इच्चायस्मा पुण्णको]

अत्थि पज्जेन आगमं ।

किंनिस्सिता इसयो मनुजा, खत्तिया ब्राह्मणा देवतानं ।

यज्जमकप्पयिसु पुथूथ लोके, पुच्छामि तं भगवा ब्रूहि मेतं ॥

अनेजं मूलदस्साविन्ति एजा वुच्चति तण्हा । यो रागो सारागो...पे०... अभिज्झा लोभो अकुसलमूलं सा एजा तण्हा बुद्धस्स भगवतो पहीना उच्छिन्नमूला तालावत्थुकता अनभावंकता आर्यति अनुप्पादधम्मा । तस्मा बुद्धो अनेजो । एजाय पहीनत्ता अनेजो । भगवा लाभेपि न इज्जति, अलाभेपि न इज्जति, यसेपि न इज्जति, अयसेपि न इज्जति, पसंसायपि न इज्जति, निन्दायपि न इज्जति, सुखेपि न इज्जति, दुखेपि न इज्जति न चलति न वेधति नप्पवेधतीति — अनेजं ।
मूलदस्साविन्ति भगवा मूलदस्सावी हेतुदस्सावी निदानदस्सावी सम्भवदस्सावी पभवदस्सावी समुद्धानदस्सावी आहारदस्सावी आरम्भणदस्सावी पच्चयदस्सावी समुदयदस्सावी ।

तीणि अकुसलमूलानि — लोभो अकुसलमूलं, दोसो अकुसलमूलं, मोहो अकुसलमूलं ।

वुत्तज्हेतं भगवता — [पस्स अ० नि० ३.११२] “तीणिमानि, भिक्खवे, निदानानि कम्मानं समुदयाय । कतमानि तीणि? लोभो निदानं कम्मानं समुदयाय, दोसो निदानं कम्मानं समुदयाय, मोहो निदानं कम्मानं समुदयाय । न, भिक्खवे, लोभजेन कम्मेन दोसजेन कम्मेन मोहजेन कम्मेन देवा पज्जायन्ति, मनुस्सा पज्जायन्ति, या वा पनज्जापि काचि सुगतियो । अथ खो, भिक्खवे, लोभजेन कम्मेन दोसजेन कम्मेन मोहजेन कम्मेन निरयो पज्जायति, तिरच्छानयोनि पज्जायति, पेत्तिविसयो पज्जायति, या वा पनज्जापि काचि दुग्गतियो निरये तिरच्छानयोनिया पेत्तिविसये अत्तभावाभिनिब्बत्तिया” । इमानि तीणि अकुसलमूलानीति भगवा जानाति पस्सति । एवम्पि भगवा मूलदस्सावी...पे०... समुदयदस्सावी । तीणि कुसलमूलानि — अलोभो कुसलमूलं, अदोसो कुसलमूलं, अमोहो कुसलमूलं ।

वुत्तज्हेतं भगवता — “तीणिमानि...पे०... न, भिक्खवे, अलोभजेन कम्मेन अदोसजेन कम्मेन अमोहजेन कम्मेन निरयो पज्जायति, तिरच्छानयोनि पज्जायति, पेत्तिविसयो पज्जायति, या वा पनज्जापि काचि दुग्गतियो । अथ खो, भिक्खवे, अलोभजेन कम्मेन अदोसजेन कम्मेन अमोहजेन कम्मेन देवा पज्जायन्ति, मनुस्सा पज्जायन्ति, या वा पनज्जापि काचि सुगतियो देवे च मनुस्से च अत्तभावाभिनिब्बत्तिया” । इमानि तीणि कुसलमूलानीति भगवा जानाति पस्सति । एवम्पि भगवा मूलदस्सावी...पे०... समुदयदस्सावी ।

वुत्तज्हेतं भगवता — “ये केचि, भिक्खवे, धम्मा अकुसला अकुसलभागिया अकुसलपक्खिका सब्बे ते अविज्जामूलका अविज्जासमोसरणा अविज्जासमुग्घाता” । सब्बे ते समुग्घातं गच्छन्तीति भगवा जानाति पस्सति । एवम्पि भगवा मूलदस्सावी...पे०... समुदयदस्सावी ।

वुत्तज्हेतं भगवता — “ये केचि, भिक्खवे, धम्मा कुसला कुसलभागिया कुसलपक्खिका, सब्बे ते अप्पमादमूलका अप्पमादसमोसरणा । अप्पमादो तेसं धम्मानं अगमक्खायती”ति भगवा जानाति पस्सति । एवम्पि भगवा मूलदस्सावी...

पे०... समुदयदस्सावी ।

अथ वा, भगवा जानाति पस्सति । “अविज्जा मूलं सङ्खारानं, सङ्खारा मूलं विज्जाणस्स, विज्जाणं मूलं नामरूपस्स, नामरूपं मूलं सळायतनस्स, सळायतनं मूलं फस्सस्स, फस्सो मूलं वेदनाय, वेदना मूलं तण्हाय, तण्हा मूलं उपादानस्स, उपादानं मूलं भवस्स, भवो मूलं जातिया, जाति मूलं जरामरणस्सा”ति — भगवा जानाति पस्सति । एवम्पि भगवा मूलदस्सावी...पे०... समुदयदस्सावी ।

अथ वा, भगवा जानाति पस्सति । “चक्खु मूलं चक्खुरोगानं, सोतं मूलं सोतरोगानं, घानं मूलं घानरोगानं, जिह्वा मूलं जिह्वारोगानं, कायो मूलं कायरोगानं, मनो मूलं चेतसिकानं दुक्खानं”न्ति — भगवा जानाति पस्सति । एवम्पि भगवा मूलदस्सावी हेतुदस्सावी निदानदस्सावी सम्भवदस्सावी पभवदस्सावी समुद्धानदस्सावी आहारदस्सावी आरम्भणदस्सावी पच्चयदस्सावी समुदयदस्सावीति — अनेजं मूलदस्सावी ।

इच्छायस्मा पुण्णकोति इच्छाति पदसन्धि...पे०... आयस्मा पुण्णको ।

अत्थि पज्हेन आगमन्ति पज्हेन अत्थिको आगतोमिह, [पज्हत्यिकाम्ह आगता (बहूसु) पस्स महानि० १९२] पज्हं पुच्छितुकामो आगतोमिह, पज्हं सोतुकामो आगतोमिह — एवम्पि अत्थि पज्हेन आगमं । अथ वा, पज्हत्यिकानं पज्हं पुच्छितुकामानं पज्हं सोतुकामानं आगमनं अभिक्कमनं उपसङ्कमनं पयिरुपासनं अत्थीति — एवम्पि अत्थि पज्हेन आगमं । अथ वा, पज्हागमो तुय्हं अत्थि, त्वम्पि पहु त्वमसि अलमत्तो । मया पुच्छितं कथेतुं विसज्जेतुं वहस्सेतं भारन्ति **[विसज्जेतुं सन्दस्सेतुं भणितुन्ति (स्या०) वहस्सु + एतं]** — एवम्पि अत्थि पज्हेन आगमं ।

किं निस्सिता इसयो मनुजाति किं निस्सिता आसिता अल्लीना उपगता अज्झोसिता अधिमुत्ता । **इसयोति** इसिनामका ये केचि इसिपब्बज्जं पब्बजिता आजीवका निगण्ठा जटिला तापसा । **मनुजाति** मनुस्सा वुच्चन्तीति — किं निस्सिता इसयो मनुजा ।

खत्तिया ब्राह्मणा देवतानन्ति । खत्तियाति ये केचि खत्तियजातिका । **ब्राह्मणाति** ये केचि भोवादिका । **देवतानन्ति** आजीवकसावकानं आजीवका देवता, निगण्ठासावकानं निगण्ठा देवता, जटिलासावकानं जटिला देवता, परिब्बाजकसावकानं परिब्बाजका देवता, अविर्द्धकसावकानं अविर्द्धका **[अविर्द्धकसावकानं अविर्द्धका (स्या०)]** देवता, हत्थिवतिकानं हत्थी देवता, अस्सवतिकानं अस्सा देवता, गोवतिकानं गावो देवता, कुक्कुरवतिकानं कुक्कुरा देवता, काकवतिकानं काका देवता, वासुदेववतिकानं वासुदेवो देवता, बलदेववतिकानं बलदेवो देवता, पुण्णभद्ववतिकानं पुण्णभद्वो देवता, मणिभद्ववतिकानं मणिभद्वो देवता, अग्गिवतिकानं अग्गि देवता, नागवतिकानं नागा देवता, सुपण्णवतिकानं सुपण्णा देवता, यक्खवतिकानं यक्खा देवता, असुरवतिकानं असुरा देवता, गन्धब्बवतिकानं गन्धब्बा देवता, महाराजवतिकानं महाराजानो देवता, चन्दवतिकानं चन्दो देवता, सूरियवतिकानं सूरियो देवता, इन्दवतिकानं इन्दो देवता, ब्रह्मवतिकानं ब्रह्मा देवता, देववतिकानं देवो देवता, दिसावतिकानं दिसा देवता, ये येसं दक्खिण्येया ते तेसं देवताति — खत्तियब्राह्मणा देवतानं ।

यज्जमकप्पयिंसु पुथूथ लोकेति यज्जं वुच्चति देय्यधम्मो चीवरपिण्डपातसेनासनगिलानपच्चयभेसज्जपरिक्खारं अन्नं पानं वत्थं यानं मालागन्धविलेपनं **[मालागन्धं विलेपनं (स्या०) इतिवु० ७५]** सेय्यावसथपदीपेय्यं ।

यज्जमकप्पयिंसूति येपि यज्जं एसन्ति गवेसन्ति परियेसन्ति चीवरपिण्डपातसेनासनगिलानपच्चयभेसज्जपरिक्खारं अन्नं पानं वत्थं यानं मालागन्धविलेपनं सेय्यावसथपदीपेय्यं, तेपि यज्जं कप्पेन्ति । येपि यज्जं अभिसङ्खरोन्ति चीवरपिण्डपातसेनासनगिलानपच्चयभेसज्जपरिक्खारं अन्नं पानं...पे०... सेय्यावसथपदीपेय्यं, तेपि यज्जं कप्पेन्ति । येपि यज्जं देन्ति यजन्ति परिच्चजन्ति चीवरपिण्डपातसेनासनगिलानपच्चयभेसज्जपरिक्खारं अन्नं पानं...पे०... सेय्यावसथपदीपेय्यं, तेपि यज्जं कप्पेन्ति । **पुथू**ति यज्जा वा एते पुथू, यज्जयाजका **[यज्जयजका (स्या०)]** वा एते पुथू, दक्खिणेय्या वा एते पुथू । कथं यज्जा वा एते पुथू? बहुकानं एते यज्जा चीवरपिण्डपातसेनासनगिलानपच्चयभेसज्जपरिक्खारा अन्नं पानं वत्थं यानं मालं गन्धं विलेपनं सेय्यावसथपदीपेय्यं — एवं यज्जा वा एते पुथू ।

कथं यज्जयाजका वा एते पुथू? बहुका एते यज्जयाजका खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च — एवं यज्जयाजका वा एते पुथू ।

कथं दक्खिणेय्या वा एते पुथू? बहुका एते दक्खिणेय्या पुथू समणब्राह्मणा कपणद्धिकवनिब्बकयाचका **[... वणिब्बकसावका (स्या०) इतिवु० ७५]** — एवं दक्खिणेय्या वा एते पुथू । **इध लोके**ति मनुस्सलोकेति यज्जमकप्पयिंसु — पुथूध लोके ।

पुच्छामि तं भगवा ब्रूहि मेतन्ति । पुच्छाति तिस्सो पुच्छा — अदिट्ठजोतना पुच्छा, दिट्ठसंसन्दना पुच्छा, विमतिच्छेदना पुच्छा । कतमा अदिट्ठजोतना पुच्छा? पकतिया लक्खणं अज्जातं होति अदिट्ठं अतुलितं अतीरितं अविभूतं अविभावितं, तस्स जाणाय दस्सनाय तुलनाय तीरणाय विभूतत्थाय विभावनत्थाय पज्जं पुच्छति — अयं अदिट्ठजोतना पुच्छा ।

कतमा दिट्ठसंसन्दना पुच्छा? पकतिया लक्खणं जातं होति दिट्ठं तुलितं तीरितं विभूतं विभावितं । अज्जेहि पण्डितेहि सद्धिं संसन्दनत्थाय पज्जं पुच्छति — अयं दिट्ठसंसन्दना पुच्छा ।

कतमा विमतिच्छेदना पुच्छा? पकतिया संसयपक्खन्दो **[संसयपक्खन्दो (स्या०)]** होति विमतिपक्खन्दो द्वेळ्हकजातो — “एवं नु खो, न नु खो, किं नु खो, कथं नु खो”ति! सो विमतिच्छेदनत्थाय पज्जं पुच्छति — अयं विमतिच्छेदना पुच्छा । इमा तिस्सो पुच्छा ।

अपरापि तिस्सो पुच्छा — मनुस्सपुच्छा, अमनुस्सपुच्छा, निम्मितपुच्छा । कतमा मनुस्सपुच्छा? मनुस्सा बुद्धं भगवन्तं उपसङ्गमित्वा पुच्छन्ति, भिक्खू पुच्छन्ति, भिक्खुनियो पुच्छन्ति, उपासका पुच्छन्ति, उपासिकायो पुच्छन्ति, राजानो पुच्छन्ति, खत्तिया पुच्छन्ति, ब्राह्मणा पुच्छन्ति, वेस्सा पुच्छन्ति, सुद्धा पुच्छन्ति, गहट्ठा पुच्छन्ति, पब्बजिता पुच्छन्ति — अयं मनुस्सपुच्छा ।

कतमा अमनुस्सपुच्छा? अमनुस्सा बुद्धं भगवन्तं उपसङ्गमित्वा पज्जं पुच्छन्ति, नागा पुच्छन्ति, सुपण्णा पुच्छन्ति, यक्खा पुच्छन्ति, असुरा पुच्छन्ति, गन्धब्बा पुच्छन्ति, महाराजानो पुच्छन्ति, इन्दा पुच्छन्ति, ब्रह्मानो पुच्छन्ति, देवतायो पुच्छन्ति — अयं अमनुस्सपुच्छा ।

कतमा निम्मितपुच्छा? यं भगवा रूपं अभिनिम्मिनाति मनोमयं सब्बङ्गपच्चङ्गं अहीनिन्द्रियं, सो निम्मितो बुद्धं भगवन्तं उपसङ्गमित्वा पज्जं पुच्छति; भगवा विसज्जेति [विस्सज्जेति (क०)] — अयं निम्मितपुच्छा । इमा तिस्सो पुच्छा ।

अपरापि तिस्सो पुच्छा — अत्तत्थपुच्छा, परत्थपुच्छा, उभयत्थपुच्छा । अपरापि तिस्सो पुच्छा — दिट्ठधम्मिकत्थपुच्छा, सम्परायिकत्थपुच्छा, परमत्थपुच्छा । अपरापि तिस्सो पुच्छा — अनवज्जत्थपुच्छा, निक्किलेसत्थपुच्छा, वोदानत्थपुच्छा । अपरापि तिस्सो पुच्छा — अतीतपुच्छा, अनागतपुच्छा, पच्चुप्पन्नपुच्छा । अपरापि तिस्सो पुच्छा — अज्झत्तपुच्छा, बहिद्भापुच्छा, अज्झत्तबहिद्भापुच्छा । अपरापि तिस्सो पुच्छा — कुसलपुच्छा, अकुसलपुच्छा, अब्याकतपुच्छा । अपरापि तिस्सो पुच्छा — खन्धपुच्छा, धातुपुच्छा, आयतनपुच्छा । अपरापि तिस्सो पुच्छा — सतिपट्टानपुच्छा, सम्मप्पधानपुच्छा, इद्दिपादपुच्छा । अपरापि तिस्सो पुच्छा — इन्द्रियपुच्छा, बलपुच्छा, बोज्झङ्गपुच्छा । अपरापि तिस्सो पुच्छा — मग्गपुच्छा, फलपुच्छा, निब्बानपुच्छा ।

पुच्छामि तन्ति पुच्छामि तं याचामि तं अज्झेसामि तं पसादेमि तं “कथयस्सु मे”ति पुच्छामि तं । भगवाति गारवाधिवचनमेतं... सच्छिका पज्जति — यदिदं भगवाति । **ब्रूहि मेतन्ति** ब्रूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — पुच्छामि तं भगवा ब्रूहि मेतं । तेनाह सो ब्राह्मणो —

“अनेजं मूलदस्साविं, [इच्चायस्मा पुण्णको]
अत्थि पज्जेन आगमं ।
किं निस्सिता इसयो मनुजा, खत्तिया ब्राह्मणा देवतानं ।
यज्जमकप्पयिंसु पुथूध लोके, पुच्छामि तं भगवा ब्रूहि मेतं”न्ति ॥

१३. ये केचिमे इसयो मनुजा, [पुण्णकाति भगवा]
खत्तिया ब्राह्मणा देवतानं ।
यज्जमकप्पयिंसु पुथूध लोके, आसीसमाना पुण्णक इत्थत्तं [इत्थत्तं (स्या०), इत्थभावं (क०)] ।
जरं सिता यज्जमकप्पयिंसु ॥

ये केचिमे इसयो मनुजाति । ये केचीति सब्बेन सब्बं सब्बथा सब्बं असेसं निस्सेसं परियादियनवचनमेतं — ये केचीति । इसयोति इसिनामका ये केचि इसिपब्बज्जं पब्बजिता आजीवका निगण्ठा जटिला तापसा । मनुजाति मनुस्सा वुच्चन्तीति — ये केचिमे इसयो मनुजा पुण्णकाति भगवा ।

खत्तिया ब्राह्मणा देवतानन्ति । खत्तियाति ये केचि खत्तियजातिका । **ब्राह्मणाति** ये केचि भोवादिका । **देवतानन्ति** आजीवकसावकानं आजीवका देवता...पे०... दिसावतिकानं दिसा देवता । ये येसं दक्खिणेय्या, ते तेसं देवताति — खत्तिया ब्राह्मणा देवतानं ।

यज्जमकप्पयिंसु पुथूध लोकेति । यज्जं वुच्चति देय्यधम्मो चीवरपिण्डपातसेनासनगिलानपच्चयभेसज्जपरिक्खारं अन्नं पानं...पे०... सेय्यावसथपदीपेय्यं । **यज्जमकप्पयिंसूति** येपि यज्जं एसन्ति गवेसन्ति परियेसन्ति...पे०... सेय्यावसथपदीपेय्यं, तेपि यज्जं कप्पेन्ति । **पुथूति** यज्जा वा एते पुथू, यज्जयाजका वा एते पुथू, दक्खिणेय्या वा एते पुथू... पे०... एवं दक्खिणेय्या वा एते पुथू । **इध लोकेति** मनुस्सलोकेति यज्जमकप्पयिंसु — पुथूध लोके ।

आसीसमाना पुण्णक इत्थत्तन्ति । आसीसमानाति रूपपटिलाभं आसीसमाना, सद्दपटिलाभं आसीसमाना, गन्धपटिलाभं आसीसमाना, रसपटिलाभं आसीसमाना, फोड्डब्बपटिलाभं आसीसमाना, पुत्तपटिलाभं आसीसमाना, दारपटिलाभं आसीसमाना, धनपटिलाभं आसीसमाना, यसपटिलाभं आसीसमाना, इस्सरियपटिलाभं आसीसमाना, खत्तियमहासालकुले अत्तभावपटिलाभं आसीसमाना, ब्राह्मणमहासालकुले अत्तभावपटिलाभं आसीसमाना, गहपतिमहासालकुले अत्तभावपटिलाभं आसीसमाना, चातुमहाराजिकेसु [चातुम्महाराजिकेसु (स्या०)] देवेसु अत्तभावपटिलाभं आसीसमाना, तावतिसेसु देवेसु यामेसु देवेसु तुसितेसु देवेसु निम्मानरतीसु देवेसु परनिम्मितवसवत्तीसु देवेसु ब्रह्मकायिकेसु देवेसु अत्तभावपटिलाभं आसीसमाना इच्छमाना सादियमाना पत्थयमाना पिहयमाना अभिजप्पमानाति आसीसमाना ।

पुण्णक इत्थत्तन्ति एत्थ अत्तभावाभिनिब्बत्तिं आसीसमाना एत्थ खत्तियमहासालकुले अत्तभावाभिनिब्बत्तिं आसीसमाना...पे०... एत्थ ब्रह्मकायिकेसु देवेसु अत्तभावाभिनिब्बत्तिं आसीसमाना इच्छमाना सादियमाना पत्थयमाना पिहयमाना अभिजप्पमानाति आसीसमाना — पुण्णक इत्थत्तं ।

जरं सिता यज्जमकप्पयिंसूति जरानिस्सिता ब्याधिनिस्सिता मरणनिस्सिता सोकपरिदेवदुक्खदोमनस्सुपायासनिस्सिता । यदेव ते जातिनिस्सिता तदेव ते जरानिस्सिता । यदेव ते जरानिस्सिता तदेव ते ब्याधिनिस्सिता । यदेव ते ब्याधिनिस्सिता तदेव ते मरणनिस्सिता । यदेव ते मरणनिस्सिता तदेव ते सोकपरिदेवदुक्खदोमनस्सुपायासनिस्सिता । यदेव ते सोकपरिदेवदुक्खदोमनस्सुपायासनिस्सिता तदेव ते गतिनिस्सिता । यदेव ते गतिनिस्सिता तदेव ते उपपत्तिनिस्सिता । यदेव ते उपपत्तिनिस्सिता तदेव ते पटिसन्धिनिस्सिता । यदेव ते पटिसन्धिनिस्सिता तदेव ते भवनिस्सिता । यदेव ते भवनिस्सिता तदेव ते संसारनिस्सिता । यदेव ते संसारनिस्सिता तदेव ते वट्टनिस्सिता अल्लीना उपगता अज्झोसिता अधिमुत्ताति — जरं सिता यज्जमकप्पयिंसु । तेनाह भगवा —

“ये केचिमे इसयो मनुजा, [पुण्णकाति भगवा]
खत्तिया ब्राह्मणा देवतानं ।
यज्जमकप्पयिंसु पुथूध लोके, आसीसमाना पुण्णक इत्थत्तं ।
जरं सिता यज्जमकप्पयिंसू”ति ॥

१४. ये केचिमे इसयो मनुजा, [इच्छायस्मा पुण्णको]

खत्तिया ब्राह्मणा देवतानं ।

यज्जमकप्पयिंसु पुथूध लोके, कच्चिसु ते भगवा यज्जपथे अप्पमत्ता ।

अतारुं [अतारुं (स्या० क०)] जातिज्ज जरज्ज मारिस, पुच्छामि तं भगवा ब्रूहि मेतं ॥

ये केचिमे इसयो मनुजाति । ये केचीति...पे०... ।

कच्चिसु ते भगवा यज्जपथे अप्पमत्ताति । कच्चिसूति संसयपुच्छा विमतिपुच्छा द्वेळहकपुच्छा अनेकंसपुच्छा — “एवं नु खो, न नु खो, किं नु खो, कथं नु खो”ति — कच्चिसु । तेति यज्जयाजका वुच्चन्ति । **भगवाति** गारवाधिवचनं... पे०... सच्छिका पज्जत्ति, यदिदं भगवाति — कच्चिसु ते भगवा । **यज्जपथे अप्पमत्ताति** यज्जोयेव वुच्चति यज्जपथो । यथा अरियमग्गो अरियपथो देवमग्गो देवपथो ब्रह्ममग्गो ब्रह्मपथो, एवमेव यज्जोयेव वुच्चति यज्जपथो । **अप्पमत्ताति** यज्जपथे

अप्पमत्ता सक्कच्चकारिनो सातच्चकारिनो अट्ठितकारिनो अनोलीनवुत्तिनो अनिक्खित्तच्छन्दा अनिक्खित्तधुरा तच्चरिता तब्बहुला तग्गरुका तन्निन्ना तप्पोणा तप्पम्भारा तदधिमुत्ता तदधिपतेय्याति — तेपि यज्जपथे अप्पमत्ता । येपि यज्जं एसन्ति गवेसन्ति परियेसन्ति चीवरपिण्डपातसेनासनगिलानपच्चयभेसज्जपरिक्खारं अन्नं पानं...पे०... सेय्यावसथपदीपेय्यं सक्कच्चकारिनो...पे०... तदधिपतेय्या, तेपि यज्जपथे अप्पमत्ता । येपि यज्जं अभिसङ्खरोन्ति चीवरपिण्डपातसेनासनगिलानपच्चयभेसज्जपरिक्खारं अन्नं पानं...पे०... सेय्यावसथपदीपेय्यं सक्कच्चकारिनो...पे०... तदधिपतेय्या, तेपि यज्जपथे अप्पमत्ता । येपि यज्जं देन्ति यजन्ति परिच्चजन्ति चीवरपिण्डपातसेनासनगिलानपच्चयभेसज्जपरिक्खारं अन्नं पानं...पे०... सेय्यावसथपदीपेय्यं सक्कच्चकारिनो ...पे०... तदधिपतेय्या, तेपि यज्जपथे अप्पमत्ताति — कच्चिसु ते भगवा यज्जपथे अप्पमत्ता ।

अतारुं जातिज्ज जरज्ज मारिसाति जरामरणं अतरिंसु उत्तरिंसु पतरिंसु समतिक्कमिंसु वीतिवत्तिंसु । **मारिसाति** पियवचनं गरुवचनं सगारवसप्पतिस्साधिवचनमेतं मारिसाति — अतारु जातिज्ज जरज्ज मारिस ।

पुच्छामि तं भगवा ब्रूहि मेतन्ति । पुच्छामि तन्ति पुच्छामि तं याचामि तं अज्झेसामि तं पसादेमि तं कथयस्सु मेति — पुच्छामि तं । **भगवाति** गारवाधिवचनं...पे०... सच्छिका पज्जन्ति — यदिदं भगवाति । **ब्रूहि मेतन्ति** ब्रूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — पुच्छामि तं भगवा ब्रूहि मेतं । तेनाह सो ब्राह्मणो —

“ये केचिमे इसयो मनुजा, [इच्चायस्मा पुण्णको]
 खत्तिया ब्राह्मणा देवतानं ।
 यज्जमकप्पयिंसु पुथूध लोके, कच्चिसु ते भगवा यज्जपथे अप्पमत्ता ।
 अतारु जातिज्ज जरज्ज मारिस, पुच्छामि तं भगवा ब्रूहि मेतं’न्ति ॥

१५. आसीसन्ति [आसिंसन्ति (स्या०)] थोमयन्ति, अभिजप्पन्ति जुहन्ति । [पुण्णकाति भगवा]
कामाभिजप्पन्ति पटिच्च लाभं, ते याजयोगा भवरागरत्ता ।
नातरिंसु जातिजरन्ति ब्रूमि ॥

आसीसन्ति थोमयन्ति अभिजप्पन्ति जुहन्तीति । आसीसन्तीति रूपपटिलाभं आसीसन्ति, सहपटिलाभं आसीसन्ति, गन्धपटिलाभं आसीसन्ति, रसपटिलाभं आसीसन्ति, फोडुब्बपटिलाभं आसीसन्ति, पुत्तपटिलाभं आसीसन्ति, दारपटिलाभं आसीसन्ति, धनपटिलाभं आसीसन्ति, यसपटिलाभं आसीसन्ति, इस्सरियपटिलाभं आसीसन्ति, खत्तियमहासालकुले अत्तभावपटिलाभं आसीसन्ति, ब्राह्मणमहासालकुले...पे०... गहपतिमहासालकुले अत्तभावपटिलाभं आसीसन्ति, चातुमहाराजिकेसु देवेसु...पे०... ब्रह्मकायिकेसु देवेसु अत्तभावपटिलाभं आसीसन्ति इच्छन्ति सादियन्ति पत्थयन्ति पिहयन्तीति — आसीसन्ति ।

थोमयन्तीति यज्जं वा थोमेन्ति फलं वा थोमेन्ति दक्खिण्ये वा थोमेन्ति । कथं यज्जं थोमेन्ति? सुचिं दिन्नं [वियं दिन्नं (स्या०)], मनापं दिन्नं, पणीतं दिन्नं, कालेन दिन्नं, कप्पियं दिन्नं, विचेय्य दिन्नं, अनवज्जं दिन्नं, अभिण्हं दिन्नं ददं चित्तं पसादितन्ति — थोमेन्ति कित्तेन्ति वण्णेन्ति पसंसन्ति । एवं यज्जं थोमेन्ति ।

कथं फलं थोमेन्ति? इतो निदानं रूपपटिलाभो भविस्सति...पे०... ब्रह्मकायिकेसु देवेसु अत्तभावपटिलाभो भविस्सतीति — थोमेन्ति कित्तेन्ति वण्णेन्ति पसंसन्ति । एवं फलं थोमेन्ति ।

कथं दक्खिण्ये थोमेन्ति? दक्खिण्ये जातिसम्पन्ना गोत्तसम्पन्ना अज्झायका मन्तधरा तिण्णं वेदानं पारगू सनिघण्डुकेटुभानं साक्खरप्पभेदानं इतिहासपञ्चमानं पदका वेय्याकरणा लोकायतमहापुरिसलक्खणेसु अनवयाति, वीतरागा वा रागविनयाय वा पटिपन्ना, वीतदोसा वा दोसविनयाय वा पटिपन्ना, वीतमोहा वा मोहविनयाय वा पटिपन्ना, सद्भासम्पन्ना सीलसम्पन्ना समाधिसम्पन्ना पञ्जासम्पन्ना विमुत्तिसम्पन्ना विमुत्तिजाणदस्सनसम्पन्नाति — थोमेन्ति कित्तेन्ति वण्णेन्ति पसंसन्ति । एवं दक्खिण्ये थोमेन्तीति — आसीसन्ति थोमयन्ति ।

अभिजप्पन्तीति रूपपटिलाभं अभिजप्पन्ति, सहपटिलाभं अभिजप्पन्ति, गन्धपटिलाभं अभिजप्पन्ति, रसपटिलाभं अभिजप्पन्ति...पे०... ब्रह्मकायिकेसु देवेसु अत्तभावपटिलाभं अभिजप्पन्तीति — आसीसन्ति थोमयन्ति अभिजप्पन्ति । **जुहन्तीति** जुहन्ति देन्ति यजन्ति परिच्चजन्ति चीवरपिण्डपातसेनासनगिलानपच्चयभेसज्जपरिक्खारं अन्नं पानं वत्थं यानं मालागन्धविलेपनं सेय्यावसथपदीपेय्यन्ति — आसीसन्ति थोमयन्ति अभिजप्पन्ति जुहन्ति पुण्णकाति भगवा ।

कामाभिजप्पन्ति पटिच्च लाभन्ति रूपपटिलाभं पटिच्च कामे अभिजप्पन्ति, सहपटिलाभं पटिच्च कामे अभिजप्पन्ति...पे०... ब्रह्मकायिकेसु देवेसु अत्तभावपटिलाभं पटिच्च कामे अभिजप्पन्ति पजप्पन्तीति — कामाभिजप्पन्ति पटिच्च लाभं ।

ते याजयोगा भवरागरत्ता नातरिंसु जातिजरन्ति ब्रूमीति तेति यज्जयाजका वुच्चन्ति, याजयोगाति याजयोगेसु युत्ता पयुत्ता आयुत्ता समायुत्ता तच्चरिता तब्बहुला तग्गरुका तन्निन्ना तप्पोणा तप्पभारा तदधिमुत्ता तदधिपतेय्याति — ते याजयोगा, भवरागरत्ताति भवरागो वुच्चति यो भवेसु भवच्छन्दो भवरागो भवनन्दी भवतण्हा भवसिनेहो भवपरिळाहो भवमुच्छा भवज्झोसानं । भवरागेन भवेसु रत्ता गिद्धा गधिता मुच्छिता अज्झोसन्ना लग्गा लग्गिता पलिबुद्धाति — ते याजयोगा भवरागरत्ता ।

नातरिंसु जातिजरन्ति ब्रूमीति ते याजयोगा भवरागरत्ता जातिजरामरणं नातरिंसु न उत्तरिंसु न पतरिंसु न समतिक्कमिंसु न वीतिवत्तिंसु, जातिजरामरणा अनिक्खन्ता अनिस्सटा अनतिक्कन्ता असमतिक्कन्ता अवीतिवत्ता अन्तोजातिजरामरणे परिवत्तन्ति अन्तोसंसारपथे परिवत्तन्ति । जातिया अनुगता जराय अनुसटा ब्याधिना अभिभूता मरणेन अब्भाहता अताणा अलेणा असरणा असरणीभूताति; ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — ते याजयोगा भवरागरत्ता नातरिंसु जातिजरन्ति ब्रूमि । तेनाह भगवा —

“आसीसन्ति थोमयन्ति, अभिजप्पन्ति जुहन्ति । [पुण्णकाति भगवा]

कामाभिजप्पन्ति पटिच्च लाभं, ते याजयोगा भवरागरत्ता ।

नातरिंसु जातिजरन्ति ब्रूमी”ति ॥

१६. ते चे नातरिंसु याजयोगा, [इच्चायस्मा पुण्णको]

यज्जेहि जातिज्ज जरज्ज मारिस ।

अथ को चरहि देवमनुस्सलोके, अतारि जातिज्ज जरज्ज मारिस ।

पुच्छामि तं भगवा ब्रूहि मेतं॥

ते चे नातरिंसु याजयोगाति ते यज्जयाजका याजयोगा भवरागरत्ता जातिजरामरणं नातरिंसु न उत्तरिंसु न पतरिंसु न समतिक्कमिंसु न वीतिवत्तिंसु, जातिजरामरणा अनिक्खन्ता अनिस्सटा अनतिक्कन्ता असमतिक्कन्ता अवीतिवत्ता अन्तोजातिजरामरणे परिवत्तन्ति अन्तोसंसारपथे परिवत्तन्ति । जातिया अनुगता जराय अनुसटा ब्याधिना अभिभूता मरणेन अब्भाहता अताणा अलेणा असरणा असरणीभूताति — ते चे नातरिंसु याजयोगा ।

इच्चायस्मा पुण्णकोति । इच्चाति पदसन्धि...पे०... आयस्मा पुण्णको ।

यज्जेहि जातिज्च जरज्च मारिसाति । यज्जेहीति यज्जेहि पट्टेहि यज्जेहि विविधेहि यज्जेहि पुथूहि । मारिसाति पियवचनं गरुवचनं सगारवसप्पत्तिस्साधिवचनमेतं मारिसाति — यज्जेहि जातिज्च जरज्च मारिस ।

अथ को चरहि देवमनुस्सलोके, अतारि जातिज्च जरज्च मारिसाति अथ को एसो सदेवके लोके समारके सब्रह्मके सस्समणब्राह्मणिया पजाय सदेवमनुस्साय जातिजरामरणं अतरि उत्तरि पतरि समतिक्कमि वीतिवत्तियि [वीतिवत्ति (क०)] । मारिसाति पियवचनं गरुवचनं सगारवसप्पत्तिस्साधिवचनमेतं मारिसाति — अथ को चरहि देवमनुस्सलोके, अतारि जातिज्च जरज्च मारिस ।

पुच्छामि तं भगवा ब्रूहि मेतन्ति । पुच्छामि तन्ति पुच्छामि तं याचामि तं अज्झेसामि तं पसादेमि तं कथयस्सु मेतन्ति — पुच्छामि तं । भगवाति गारवाधिवचनं...पे०... सच्छिका पज्जन्ति — यदिदं भगवाति । ब्रूहि मेतन्ति ब्रूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — पुच्छामि तं भगवा ब्रूहि मेतं । तेनाह सो ब्राह्मणो —

“ते चे नातरिंसु याजयोगा, [इच्चायस्मा पुण्णको]
यज्जेहि जातिज्च जरज्च मारिस ।
अथ को चरहि देवमनुस्सलोके, अतारि जातिज्च जरज्च मारिस ।
पुच्छामि तं भगवा ब्रूहि मेतं”न्ति ॥

**१७. सङ्खाय लोकस्मि [लोकस्मिं (स्या० क०)] परोपरानि, [पुण्णकाति भगवा]
यस्सिज्जितं नत्थि कुहिज्च लोके ।
सन्तो विधूमो अनीघो निरासो, अतारि सो जातिजरन्ति ब्रूमि॥**

सङ्खाय लोकस्मि परोपरानीति सङ्खा वुच्चति जाणं या पज्जा पजानना...पे०... अमोहो धम्मविचयो सम्मादिट्ठि । **परोपरानीति** ओरं वुच्चति सकत्तभावो, परं वुच्चति परत्तभावो ओरं वुच्चति सकरूपवेदनासज्जासङ्खारविज्जाणं, परं वुच्चति पररूपवेदनासज्जासङ्खारविज्जाणं; ओरं वुच्चति छ अज्झत्तिकानि आयतनानि, परं वुच्चति छ बाहिरानि आयतनानि । ओरं वुच्चति मनुस्सलोको, परं वुच्चति देवलोको; ओरं वुच्चति कामधातु, परं वुच्चति रूपधातु अरूपधातु; ओरं वुच्चति कामधातु रूपधातु, परं वुच्चति अरूपधातु । **सङ्खाय लोकस्मि परोपरानीति** परोपरानि अनिच्चतो सङ्खाय दुक्खतो रोगतो गण्डतो...पे०... निस्सरणतो सङ्खाय जानित्वा तुलयित्वा तीरयित्वा विभावयित्वा विभूतं कत्वाति — सङ्खाय लोकस्मि परोपरानि । **पुण्णकाति भगवाति । पुण्णकाति** भगवा तं ब्राह्मणं नामेन आलपति । **भगवाति**

गारवाधिवचनमेतं...पे०... यदिदं भगवाति — पुण्णकाति भगवा ।

यस्सिज्जितं नत्थि कुहिज्जि लोकेति । यस्साति अरहतो खीणासवस्स । इज्जितन्ति तण्हिज्जितं दिट्ठिज्जितं मानिज्जितं किलेसिज्जितं कामिज्जितं । यस्सिमे इज्जिता नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दट्ठा । कुहिज्जीति कुहिज्जि किस्मिज्जि कत्थचि अज्झत्तं वा बहिद्धा वा अज्झत्तबहिद्धा वा । लोकेति अपायलोके...पे०... आयतनलोकेति — यस्सिज्जितं नत्थि कुहिज्जि लोके ।

सन्तो विधूमो अनीघो निरासो, अतारि सो जातिजरन्ति ब्रूमीति । सन्तोति रागस्स सन्तत्ता सन्तो, दोसस्स...पे०... मोहस्स... कोधस्स... उपनाहस्स... मक्खस्स... सब्बाकुसलाभिसङ्खारानं सन्तत्ता समितत्ता वूपसमितत्ता विज्झातत्ता [निज्झातत्ता (क०) महानि० १८] निब्बुतत्ता विगतत्ता पटिपस्सद्धत्ता सन्तो उपसन्तो वूपसन्तो निब्बुतो पटिपस्सद्धोति सन्तो; विधूमोति कायदुच्चरितं विधूमितं विधमितं सोसितं विसोसितं ब्यन्तीकतं [ब्यन्तिकतं (क०)], वचीदुच्चरितं...पे०... मनोदुच्चरितं विधूमितं विधमितं सोसितं विसोसितं ब्यन्तीकतं, रागो... दोसो... मोहो विधूमितो विधमितो सोसितो विसोसितो ब्यन्तीकतो, कोधो... उपनाहो... मक्खो... पळासो... इस्सा... मच्छरियं... माया... साठेय्यं... थम्भो... सारम्भो... मानो... अतिमानो... मदो... पमादो... सब्बे किलेसा सब्बे दुच्चरिता सब्बे दरथा सब्बे परिळाहा सब्बे सन्तापा सब्बाकुसलाभिसङ्खारा विधूमिता विधमिता सोसिता विसोसिता ब्यन्तीकता । अथ वा, कोधो वुच्चति धूमो —

मानो हि ते ब्राह्मण खारिभारो, कोधो धूमो भस्मनि [गम्मनि (स्या०)] मोसवज्जं ।

जिक्का सुजा हदयं [तप्परस्स (स्या०)] जोतिट्ठानं, अत्ता सुदन्तो पुरिसस्स जोति ॥

अपि च, दसहाकारेहि कोधो जायति — अनत्थं मे अचरीति कोधो जायति, अनत्थं मे चरतीति कोधो जायति, अनत्थं मे चरिस्सतीति कोधो जायति, पियस्स मे मनापस्स अनत्थं अचरि, अनत्थं चरति, अनत्थं चरिस्सतीति कोधो जायति, अप्पियस्स मे अमनापस्स अत्थं अचरि, अत्थं चरति, अत्थं चरिस्सतीति कोधो जायति, अट्ठाने वा पन कोधो जायति । यो एवरूपो चित्तस्स आघातो पटिघातो पटिघं पटिविरोधो कोपो पकोपो सम्पकोपो दोसो पदोसो सम्पदोसो चित्तस्स ब्यापत्ति मनोपदोसो कोधो कुज्झना कुज्झितत्तं दोसो दुस्सना दुस्सितत्तं ब्यापत्ति ब्यापज्जना ब्यापज्जितत्तं विरोधो पटिविरोधो चण्डिकं असुरोपो [अस्सुरोपो (स्या०)] अनत्तमनता चित्तस्स — अयं वुच्चति कोधो ।

अपि च, कोधस्स अधिमत्तपरित्तता वेदितब्बा । अत्थि कज्जि [किज्जि (क०) महानि० ८५] कालं कोधो चित्ताविलकरणमत्तो होति, न च ताव मुखकुलानविकुलानो होति । अत्थि कज्जि कालं कोधो मुखकुलानविकुलानमत्तो होति, न च ताव हनुसज्जोपनो होति । अत्थि कज्जि कालं कोधो हनुसज्जोपनमत्तो होति, न च ताव फरुसवाचं निच्छारणो [फरुसवाचनिच्छारणो (स्या०)] होति । अत्थि कज्जि कालं कोधो फरुसवाचं निच्छारणमत्तो होति, न च ताव दिसाविदिसानुविलोकनो होति । अत्थि कज्जि कालं कोधो दिसाविदिसानुविलोकनमत्तो होति, न च ताव दण्डसत्थपरामसनो होति । अत्थि कज्जि कालं कोधो दण्डसत्थपरामसनमत्तो होति, न च ताव दण्डसत्थअब्भुविकरणो होति । अत्थि कज्जि कालं कोधो दण्डसत्थअब्भुविकरणमत्तो होति, न च ताव दण्डसत्थअभिनिपातनो होति । अत्थि कज्जि कालं कोधो दण्डसत्थअभिनिपातनमत्तो होति, न च ताव छिन्नविच्छिन्नकरणो होति । अत्थि कज्जि कालं कोधो छिन्नविच्छिन्नकरणमत्तो होति, न च ताव सम्भज्जनपलिभज्जनो होति । अत्थि कज्जि कालं कोधो सम्भज्जनपलिभज्जनमत्तो होति, न च ताव अङ्गमङ्गअपकट्ठनो होति । अत्थि कज्जि कालं कोधो अङ्गमङ्गअपकट्ठनमत्तो होति, न च ताव जीवितावरोपनो [जीवितपनासनो (स्या०) महानि० ८५] होति । अत्थि कज्जि कालं कोधो

जीवितावोरोपनमत्तो होति, न च ताव सब्बचागपरिच्चागाय सण्ठितो होति । यतो कोधो परं पुग्गलं घातेत्वा अत्तानं घातेति, एत्तावता कोधो परमुस्सदगतो परमवेपुल्लपत्तो होति । यस्स सो होति कोधो पहीनो समुच्छिन्नो वूपसन्तो पटिपस्सद्भो अभब्बुप्पत्तिको जाणग्गिना दड्ढो, सो वुच्चति — विधूमो ।

कोधस्स पहीनत्ता विधूमो, कोधवत्थुस्स परिज्जातत्ता विधूमो, कोधहेतुस्स परिज्जातत्ता विधूमो, कोधहेतुस्स उपच्छिन्नत्ता विधूमो । **अनीघो**ति रागो नीघो, दोसो नीघो, मोहो नीघो, कोधो नीघो, उपनाहो नीघो...पे०... सब्बाकुसलाभिसङ्घारा नीघा । यस्सेते नीघा पहीना समुच्छिन्ना वूपसन्ता पटिपस्सद्भा अभब्बुप्पत्तिका जाणग्गिना दड्ढा, सो वुच्चति अनीघो ।

निरासोति आसा वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसा आसा तण्हा पहीना समुच्छिन्ना वूपसन्ता पटिपस्सद्भा अभब्बुप्पत्तिका जाणग्गिना दड्ढा, सो वुच्चति निरासो । **जाती**ति या तेसं तेसं सत्तानं तम्मि तम्मि सत्तनिकाये जाति सज्जाति ओक्कन्ति अभिनिब्बत्ति खन्धानं पातुभावो आयतनानं पटिलाभो । **जरा**ति या तेसं तेसं सत्तानं तम्मि तम्मि सत्तनिकाये जरा जीरणता खण्डिच्चं पालिच्चं वलित्तचता आयुनो संहानि इन्द्रियानं परिपाको । **सन्तो विधूमो अनीघो निरासो, अतारि सो जातिजरन्ति ब्रूमी**ति यो सन्तो च विधूमो च अनीघो च निरासो च, सो जातिजरामरणं अतरि उत्तरि पतरि समतिक्कमि वीतिवत्तयीति ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — सन्तो विधूमो अनीघो निरासो, अतारि सो जातिजरन्ति ब्रूमि । तेनाह भगवा —

“सङ्घाय लोकस्मि परोपरानि, [पुण्णकाति भगवा]

यस्सिज्जितं नत्थि कुहिज्जि लोके ।

सन्तो विधूमो अनीघो निरासो, अतारि सो जातिजरन्ति ब्रूमी”ति ॥

सहगाथापरियोसाना...पे०... पज्जलिको भगवन्तं नमस्समानो निसिन्नो होति — “सत्था मे भन्ते भगवा, सावकोहमस्मी”ति ।

पुण्णकमाणवपुच्छानिद्देसो ततियो ।

४. मेत्तगूमाणवपुच्छानिद्देसो

१८. पुच्छामि तं भगवा ब्रूहि मेतं, [इच्चायस्मा मेत्तगू]

मज्जामि तं वेदगू भावित्तं ।

कुतो नु दुक्खा समुदागता इमे, ये केचि लोकस्मिमनेकरूपा ॥

पुच्छामि तं भगवा ब्रूहि मेतन्ति । पुच्छामीति तिस्सो पुच्छा — अदिट्ठजोतना पुच्छा, दिट्ठसंसन्दना पुच्छा, विमतिच्छेदना पुच्छा । कतमा अदिट्ठजोतना पुच्छा? पकतिया लक्खणं अज्जातं होति अदिट्ठं अतुलितं अतीरितं अविभूतं अविभावितं । तस्स जाणाय दस्सनाय तुलनाय तीरणाय विभूतत्थाय विभावनत्थाय पज्जं पुच्छति — अयं अदिट्ठजोतना पुच्छा ।

कतमा दिट्ठसंसन्दना पुच्छा? पकतिया लक्खणं जातं होति दिट्ठं तुलितं तीरितं विभूतं विभावितं । अज्जेहि पण्डितेहि

संदिं संसन्दनत्थाय पज्जं पुच्छति — अयं दिट्ठसंसन्दना पुच्छा ।

कतमा विमतिच्छेदना पुच्छा? पकतिया संसयपक्खन्दो होति विमतिपक्खन्दो द्वेळ्हकजातो — “एवं नु खो, न नु खो, किं नु खो, कथं नु खो”ति? सो विमतिच्छेदनत्थाय पज्जं पुच्छति — अयं विमतिच्छेदना पुच्छा । इमा तिस्सो पुच्छा ।

अपरापि तिस्सो पुच्छा — मनुस्सपुच्छा, अमनुस्सपुच्छा, निम्मितपुच्छा । कतमा मनुस्सपुच्छा? मनुस्सा बुद्धं भगवन्तं उपसङ्गमित्वा पज्जं पुच्छन्ति, भिक्खू पुच्छन्ति, भिक्खुनियो पुच्छन्ति, उपासका पुच्छन्ति, उपासिकायो पुच्छन्ति, राजानो पुच्छन्ति खत्तिया पुच्छन्ति, ब्राह्मणा पुच्छन्ति, वेस्सा पुच्छन्ति, सुद्धा पुच्छन्ति, गहट्ठा पुच्छन्ति, पब्बजिता पुच्छन्ति — अयं मनुस्सपुच्छा ।

कतमा अमनुस्सपुच्छा? अमनुस्सा बुद्धं भगवन्तं उपसङ्गमित्वा पज्जं पुच्छन्ति, नागा पुच्छन्ति, सुपण्णा पुच्छन्ति, यक्खा पुच्छन्ति, असुरा पुच्छन्ति, गन्धब्बा पुच्छन्ति, महाराजानो पुच्छन्ति, इन्दा पुच्छन्ति, ब्रह्मा पुच्छन्ति, देवा पुच्छन्ति — अयं अमनुस्सपुच्छा ।

कतमा निम्मितपुच्छा? भगवा रूपं अभिनिम्मिनाति मनोमयं सब्बङ्गपच्चङ्गं अहीनिन्द्रियं । सो निम्मितो बुद्धं भगवन्तं उपसङ्गमित्वा पज्जं पुच्छति । भगवा विसज्जेति । अयं निम्मितपुच्छा । इमा तिस्सो पुच्छा ।

अपरापि तिस्सो पुच्छा — अत्तत्थपुच्छा, परत्थपुच्छा, उभयत्थपुच्छा...पे०... अपरापि तिस्सो पुच्छा — दिट्ठधम्मिकत्थपुच्छा, सम्परायिकत्थपुच्छा, परमत्थपुच्छा... अपरापि तिस्सो पुच्छा — अनवज्जत्थपुच्छा, निक्किलेसत्थपुच्छा, वोदानत्थपुच्छा... अपरापि तिस्सो पुच्छा — अतीतपुच्छा, अनागतपुच्छा, पच्चुप्पन्नपुच्छा... अपरापि तिस्सो पुच्छा — अज्झत्तपुच्छा, बहिद्वापुच्छा, अज्झत्तबहिद्वापुच्छा... अपरापि तिस्सो पुच्छा — कुसलपुच्छा, अकुसलपुच्छा, अब्याकतपुच्छा... अपरापि तिस्सो पुच्छा — खन्धपुच्छा, धातुपुच्छा आयतनपुच्छा... अपरापि तिस्सो पुच्छा — सतिपट्ठानपुच्छा, सम्मप्पधानपुच्छा, इन्द्रिपादपुच्छा... अपरापि तिस्सो पुच्छा — इन्द्रियपुच्छा, बलपुच्छा, बोज्झङ्गपुच्छा... अपरापि तिस्सो पुच्छा — मग्गपुच्छा, फलपुच्छा, निब्बानपुच्छा... ।

पुच्छामि तन्ति पुच्छामि तं याचामि तं अज्झेसामि तं पसादेमि तं “कथयस्सु मे”ति पुच्छामि तं । भगवाति गारवाधिवचनमेतं...पे०... सच्छिका पज्जति — यदिदं भगवाति । ब्रूहि मेतन्ति ब्रूहि आचिकखाहि देसेहि पज्जपेहि पट्ठपेहि विवराहि विभजाहि उत्तानीकरोहि पकासेहीति — पुच्छामि तं भगवा ब्रूहि मेतं ।

इच्चायस्मा मेत्तगूति इच्चाति पदसन्धि...पे०... इच्चायस्मा मेत्तगू ।

मज्जामि तं वेदगू भावितत्तन्ति । वेदगूति तं मज्जामि, भावितत्तोति तं मज्जामि, एवं जानामि, एवं आजानामि एवं पटिजानामि एवं पटिविज्जामि । वेदगू भावितत्तोति कथञ्च भगवा वेदगू? वेदा वुच्चन्ति चतुसु मग्गेषु जाणं पज्जा पज्जिन्द्रियं पज्जाबलं...पे०... धम्मविचयसम्बोज्झङ्गो वीमंसा विपस्सना सम्मादिट्ठि । भगवा तेहि वेदेहि जातिजरामरणस्स अन्तगतो अन्तप्पत्तो कोटिगतो कोटिप्पत्तो परियन्तगतो परियन्तप्पत्तो वोसानगतो वोसानप्पत्तो ताणगतो ताणप्पत्तो लेणगतो लेणप्पत्तो सरणगतो सरणप्पत्तो अभयगतो अभयप्पत्तो अच्युतगतो अच्युतप्पत्तो अमत्तगतो अमत्तप्पत्तो निब्बानगतो निब्बानप्पत्तो । वेदानं वा अन्तगतोति वेदगू; वेदेहि वा अन्तगतोति वेदगू; सत्तन्नं वा धम्मानं विदितत्ता वेदगू;

सक्कायदिट्ठि विदिता होति, विचिकिच्छा विदिता होति, सीलब्बतपरामासो विदितो होति, रागो दोसो मोहो मानो विदितो होति, विदितास्स होन्ति पापका अकुसला धम्मा संकिलेसिका पोनोभविका सदरा दुक्खविपाका आर्यातिं जातिजरामरणिया ।

वेदानि विचेय्य केवलानि, [संभियाति भगवा]

समणानं यानीधत्थि [यानि पत्थि (स्या०), यानि अत्थि (क०) सु० नि० ५३४] ब्राह्मणानं ।

सब्बवेदनासु वीतरागो ।

सब्बं वेदमतिच्च वेदगू सोति ॥

एवं भगवा वेदगू ।

कथं भगवा भावित्तो? भगवा भावित्तायो भावित्सीलो भावित्चित्तो भावित्पज्जो भावित्तसत्तिपट्टानो भावित्तसम्मपधानो भावित्तइद्धिपादो भावित्तइन्द्रियो भावित्तबलो भावित्तबोज्झङ्गो भावित्तमग्गो, पहीनकिलेसो पटिविद्धाकुप्पो सच्छिकतनिरोधो । दुक्खं तस्स परिज्जातं, समुदयो पहीनो, मग्गो भावित्तो, निरोधो सच्छिकतो, अभिज्जेय्यं अभिज्जातं, परिज्जेय्यं परिज्जातं, पहातब्बं पहीनं, भावेतब्बं भावित्तं, सच्छिकातब्बं सच्छिकतं, अपरित्तो महन्तो गम्भीरो अप्पमेय्यो दुप्परियोगाळ्हो बहुरतनो सागरूपमो [सागरसमो (क०)] छळङ्गुपेक्खाय समन्नागतो होति ।

चक्खुना रूपं दिस्वा नेव सुमनो होति न दुम्मनो; उपेक्खको विहरति सतो सम्पजानो । सोतेन सद्दं सुत्वा, घानेन गन्धं घायित्वा, जिह्वाय रसं सायित्वा, कायेन फोडुब्बं फुसित्वा, मनसा धम्मं विज्जाय नेव सुमनो होति न दुम्मनो; उपेक्खको विहरति सतो सम्पजानो ।

चक्खुना रूपं दिस्वा मनापं रूपं नाभिगिज्झति नाभिहंसति [नाभिपिहयति (स्या०) महानि० ९०] न रागं जनेति । तस्स ठितोव कायो होति, ठितं चित्तं अज्झत्तं सुसण्ठितं सुविमुत्तं । चक्खुना खो पनेव रूपं दिस्वा अमनापं न मङ्कु होति अप्पतिट्ठितचित्तो [अप्पतिट्ठीनचित्तो (स्या०)] अलीनमनसो [आदिनमनसो (स्या०) महानि० ९०] अब्यापन्नचेतसो । तस्स ठितोव कायो होति ठितं चित्तं अज्झत्तं सुसण्ठितं सुविमुत्तं । सोतेन सद्दं सुत्वा...पे०... घानेन गन्धं घायित्वा... जिह्वाय रसं सायित्वा... कायेन फोडुब्बं फुसित्वा... मनसा धम्मं विज्जाय मनापं नाभिगिज्झति नाभिहंसति न रागं जनेति । तस्स ठितोव कायो होति ठितं चित्तं अज्झत्तं सुसण्ठितं सुविमुत्तं । मनसायेव खो पन धम्मं विज्जाय अमनापं न मङ्कु होति । अप्पतिट्ठितचित्तो अलीनमनसो अब्यापन्नचेतसो तस्स ठितोव कायो होति ठितं चित्तं अज्झत्तं सुसण्ठितं सुविमुत्तं ।

चक्खुना रूपं दिस्वा मनापामनापेसु रूपेसु ठितोव कायो होति ठितं चित्तं अज्झत्तं सुसण्ठितं सुविमुत्तं । सोतेन सद्दं सुत्वा...पे०... मनसा धम्मं विज्जाय मनापामनापेसु धम्मेसु ठितोव कायो होति ठितं चित्तं अज्झत्तं सुसण्ठितं सुविमुत्तं ।

चक्खुना रूपं दिस्वा रजनीये न रज्जति, दुस्सनीये [दोसनीये (स्या० क०) महानि० ९०] न दुस्सति, मोहनीये न मुहति, कोपनीये न कुप्पति, मदनीये न मज्जति, किलेसनीये न किलिस्सति । सोतेन सद्दं सुत्वा...पे०... मनसा धम्मं विज्जाय रजनीये न रज्जति, दुस्सनीये न दुस्सति, मोहनीये न मुहति, कोपनीये न कुप्पति, मदनीये न मज्जति, किलेसनीये न किलिस्सति ।

दिद्वे दिद्वमत्तो, सुते सुतमत्तो, मुते मुतमत्तो, विज्जाते विज्जातमत्तो । दिद्वे न लिम्पति, सुते न लिम्पति, मुते न लिम्पति, विज्जाते न लिम्पति । दिद्वे अनूपयो [अनूपयो (स्या०), अनुसयो (क०) महानि० ९०] अनपायो अनिस्सितो अप्पटिबद्धो विप्पमुत्तो विसज्जुत्तो विमरियादिकतेन चेतसा विहरति । सुते...पे०... मुते ... विज्जाते अनूपयो [अनूपयो (स्या०), अनुसयो (क०) महानि० ९०] अनपायो अनिस्सितो अप्पटिबद्धो विप्पमुत्तो विसज्जुत्तो विमरियादिकतेन चेतसा विहरति ।

संविज्जति भगवतो चक्खु, पस्सति भगवा चक्खुना रूपं, छन्दरागो भगवतो नत्थि, सुविमुत्तचित्तो भगवा । संविज्जति भगवतो सोतं, सुणाति भगवा सोतेन सद्दं, छन्दरागो भगवतो नत्थि, सुविमुत्तचित्तो भगवा । संविज्जति भगवतो घानं, घायति भगवा घानेन गन्धं, छन्दरागो भगवतो नत्थि, सुविमुत्तचित्तो भगवा । संविज्जति भगवतो जिह्वा, सायति भगवा जिह्वाय रसं, छन्दरागो भगवतो नत्थि, सुविमुत्तचित्तो भगवा । संविज्जति भगवतो कायो, फुसति भगवा कायेन फोड्डब्बं, छन्दरागो भगवतो नत्थि, सुविमुत्तचित्तो भगवा । संविज्जति भगवतो मनो, विजानाति भगवा मनसा धम्मं, छन्दरागो भगवतो नत्थि, सुविमुत्तचित्तो भगवा ।

चक्खु रूपारामं रूपरतं रूपसम्मदितं, तं भगवतो [भगवता (स्या०) महानि० ९०] दन्तं गुत्तं रक्खितं संवुतं; तस्स च संवराय धम्मं देसेति । सोतं सद्दारामं सद्दरतं...पे०... घानं गन्धारामं गन्धरतं... जिह्वा रसारामा रसरता रससम्मदिता, सा भगवतो दन्ता गुत्ता रक्खिता संवुता; तस्स च संवराय धम्मं देसेति । कायो फोड्डब्बारामो फोड्डब्बरतो फोड्डब्बसम्मदितो... मनो धम्मारामो धम्मरतो धम्मसम्मदितो, सो भगवतो दन्तो गुत्तो रक्खितो संवुतो; तस्स च संवराय धम्मं देसेति —

“दन्तं नयन्ति समितिं, दन्तं राजाभिरूहति ।
दन्तो सेट्ठो मनुस्सेसु, योतिवाक्यं तितिक्खति ॥

“वरमस्सतरा दन्ता, आजानीया च [आजानियाव (स्या०) ध० प० ३२२] सिन्धवा ।
कुञ्जरा च [कुञ्जराव (स्या०)] महानागा, अत्तदन्तो ततो वरं ॥

“न हि एतेहि यानेहि, गच्छेय्य अगतं दिसं ।
यथात्तना सुदन्तेन, दन्तो दन्तेन गच्छति ॥

“विधासु न विकम्पन्ति, विप्पमुत्ता पुनब्भवा ।
दन्तभूमिं अनुप्पत्ता, ते लोके विजिताविनो ॥

“यस्सिन्द्रियानि भावितानि, अज्झत्तञ्च बहिद्वा च सब्बलोके ।
निब्बिज्झ इमं परञ्च लोकं, कालं कङ्कति भावितो स दन्तो”ति [सुदन्तोति (स्या०) सु० नि० ५२१; महानि० ९०] ॥

एवं भगवा भावितत्तोति ।

मज्झमि तं वेदगू भावितत्तं, कुतो नु दुक्खा समुदागता इमेति । कुतो नूति संसयपुच्छा विमतिपुच्छा द्वेळ्हकपुच्छा अनेकंसपुच्छा — “एवं नु खो, न नु खो, किं नु खो, कथं नु खो”ति — कुतो नु । दुक्खाति जातिदुक्खं, जरादुक्खं, व्याधिदुक्खं, मरणदुक्खं, सोकपरिदेवदुक्खदोमनस्सुपायासदुक्खं, व्यसनं दुक्खं, नेरियिकं दुक्खं,

तिरच्छानयोनिकं दुखं, पेत्तिविसयिकं दुखं, मानुसिकं दुखं, गम्भोक्कन्तिमूलकं दुखं, गम्भट्ठितिमूलकं दुखं, गम्भवुट्ठानमूलकं दुखं, जातस्सूपनिबन्धकं दुखं, जातस्स पराधेय्यकं दुखं, अत्तूपक्कमं दुखं, परूपक्कमं दुखं, दुखदुखं, सङ्खारदुखं, विपरिणामदुखं, चक्खुरोगो सोतरोगो घानरोगो जिह्वारोगो कायरोगो सीसरोगो कण्णरोगो मुखरोगो दन्तरोगो कासो सासो पिनासो डाहो जरो कुच्छिरोगो मुच्छा पक्खन्दिका सूला विसूचिका कुट्टं गण्डो किलासो सोसो अपमारो दद्दु कण्डु कच्छु रक्खसा वितच्छिका लोहितपित्तं मधुमेहो अंसा पिळका भगन्दला पित्तसमुट्ठाना आबाधा सेम्हसमुट्ठाना आबाधा वातसमुट्ठाना आबाधा सन्निपातिका आबाधा उतुपरिणामजा आबाधा विसमपरिहारजा आबाधा ओपक्कमिका आबाधा कम्मविपाकजा आबाधा सीतं उण्हं जिघच्छा पिपासा उच्चारो पस्सावो ङंसमकसवातातपसरीसपसम्फस्सं दुखं, मातुमरणं दुखं, पितुमरणं दुखं, भातुमरणं दुखं, भगिनिमरणं दुखं, पुत्तमरणं दुखं, धीतुमरणं दुखं, जातिव्यसनं दुखं, रोगव्यसनं दुखं, भोगव्यसनं दुखं, सीलव्यसनं दुखं, दिट्ठिव्यसनं दुखं; येसं धम्मनं आदितो समुदागमनं पज्जायति, अत्थङ्गमतो निरोधो पज्जायति, कम्मसन्निस्सितो विपाको, विपाकसन्निस्सितं कम्मं, नामसन्निस्सितं रूपं, रूपसन्निस्सितं नामं, जातिया अनुगतं, जराय अनुसटं, ब्याधिना अभिभूतं, मरणेन अब्भाहतं, दुखे पतिट्ठितं, अताणं अलेणं असरणं असरणीभूतं — इमे वुच्चन्ति दुक्खा । इमे दुक्खा कुतो समुदागता कुतो जाता कुतो सज्जाता कुतो निब्बत्ता कुतो अभिनिब्बत्ता कुतो पातुभूता किंनिदाना किंसमुदया किंजातिका किंपभवाति, इमेसं दुक्खानं मूलं पुच्छति हेतुं पुच्छति निदानं पुच्छति सम्भवं पुच्छति पभवं पुच्छति समुट्ठानं पुच्छति आहारं पुच्छति आरम्मणं पुच्छति पच्चयं पुच्छति समुदयं पुच्छति पपुच्छति याचति अज्झेसति पसादेतीति — कुतो नु दुक्खा समुदागता इमे ।

ये केचि लोकस्मिन्नेकरूपाति । ये केचीति सब्बेन सब्बं सब्बथा सब्बं असेसं निस्सेसं परियादियनवचनमेतं — ये केचीति । लोकस्मिन्ति अपायलोके मनुस्सलोके देवल्लोके खन्धलोके धातुलोके आयतनलोके । अनेकरूपाति अनेकविधानानापकारा दुक्खाति — ये केचि लोकस्मिन्नेकरूपा । तेनाह सो ब्राह्मणो —

“पुच्छामि तं भगवा ब्रूहि मेतं, [इच्छायस्मा मेत्तगू]
मज्जामि तं वेदगू भावित्तं ।
कुतो नु दुक्खा समुदागता इमे, ये केचि लोकस्मिन्नेकरूपा”ति ॥

१९. दुक्खस्स वे मं पभवं अपुच्छसि, [मेत्तगूति भगवा]
तं ते पवक्खामि यथा पजानं ।
उपधिनिदाना पभवन्ति दुक्खा, ये केचि लोकस्मिन्नेकरूपा ॥

दुक्खस्स वे मं पभवं अपुच्छसीति । दुक्खस्साति जातिदुक्खस्स जरादुक्खस्स ब्याधिदुक्खस्स मरणदुक्खस्स सोकपरिदेवदुक्खदोमनस्सुपायासदुक्खस्स । पभवं अपुच्छसीति दुक्खस्स मूलं पुच्छसि हेतुं पुच्छसि निदानं पुच्छसि सम्भवं पुच्छसि पभवं पुच्छसि समुट्ठानं पुच्छसि आहारं पुच्छसि आरम्मणं पुच्छसि पच्चयं पुच्छसि समुदयं पुच्छसि याचसि अज्झेससि पसादेसीति — दुक्खस्स वे मं पभवं अपुच्छसि । मेत्तगूति भगवा तं ब्राह्मणं नामेन आलपति । भगवाति गारवाधिवचनमेतं... पे०... सच्छिका पज्जति, यदिदं भगवाति — मेत्तगूति भगवा ।

तं ते पवक्खामि यथा पजानन्ति । तन्ति दुक्खस्स मूलं पवक्खामि हेतुं पवक्खामि निदानं पवक्खामि सम्भवं पवक्खामि पभवं पवक्खामि समुट्ठानं पवक्खामि आहारं पवक्खामि आरम्मणं पवक्खामि पच्चयं पवक्खामि समुदयं

पवक्खामि आचिक्खिस्सामि देसेस्सामि पज्जपेस्सामि पट्टपेस्सामि विवरिस्सामि विभजिस्सामि उत्तानीकरिस्सामि पकासेस्सामीति — तं ते पवक्खामि । **यथा पजानन्ति** यथा पजानन्तो आजानन्तो विजानन्तो पटिविजानन्तो पटिविज्झन्तो । न इतिहीतिहं न इतिकिराय न परम्पराय न पिटकसम्पदाय [न पिटकसम्पदानेन (क०) महानि० १५६] न तक्कहेतु न नयहेतु न आकारपरिवितक्केन न दिट्ठिनिज्झानक्खन्ति या सामं सयमभिज्जातं अत्तपच्चक्खधम्मं तं कथयिस्सामीति — तं ते पवक्खामि यथा पजानं ।

उपधिनिदाना पभवन्ति दुक्खाति । उपधीति दस उपधी — तण्हूपधि, दिट्ठूपधि, किलेसूपधि, कम्मूपधि, दुच्चरितूपधि, आहारूपधि, पटिघूपधि, चतस्सो उपादिन्नधातुयो उपधी, छ अज्झत्तिकानि आयतनानि उपधी, छ विज्जाणकाया उपधी, सब्बम्पि दुक्खं दुक्खमनट्ठेन [दुक्खट्ठेन (स्या०)] उपधि । इमे वुच्चन्ति दस उपधी । **दुक्खाति** जातिदुक्खं जरादुक्खं ब्याधिदुक्खं मरणदुक्खं सोकपरिदेवदुक्खदोमनस्सुपायासदुक्खं नेरयिकं दुक्खं...पे०... दिट्ठिव्यसनं दुक्खं । येसं धम्मानं आदितो समुदागमनं पज्जायति, अत्थङ्गमतो निरोधो पज्जायति, कम्मसन्निस्सितो विपाको, विपाकसन्निस्सितं कम्मं, नामसन्निस्सितं रूपं, रूपसन्निस्सितं नामं, जातिया अनुगतं, जराय अनुसटं, ब्याधिना अभिभूतं, मरणेन अब्भाहतं, दुक्खे पतिट्ठितं, अताणं अलेणं असरणं असरणीभूतं — इमे वुच्चन्ति दुक्खा । इमे दुक्खा उपधिनिदाना उपधिहेतुका उपधिपच्चया उपधिकारणा होन्ति पभवन्ति सम्भवन्ति जायन्ति सज्जायन्ति निब्बत्तन्ति पातुभवन्तीति — उपधिनिदाना पभवन्ति दुक्खा ।

ये केचि लोकस्मिन्नेकरूपाति । ये केचीति सब्बेन सब्बं सब्बथा सब्बं असेसं निस्सेसं परियादियनवचनमेतं — ये केचीति । **लोकस्मिन्ति** अपायलोके मनुस्सलोके देवलोके खन्धलोके धातुलोके आयतनलोके । **अनेकरूपाति** अनेकविधानानप्पकारा दुक्खाति — ये केचि लोकस्मिन्नेकरूपा । तेनाह भगवा —

“दुक्खस्स वे मं पभवं अपुच्छसि, [मेत्तगूति भगवा]

तं ते पवक्खामि यथा पजानं ।

उपधिनिदाना पभवन्ति दुक्खा, ये केचि लोकस्मिन्नेकरूपा”ति ॥

२०. यो वे अविद्धा उपधिं करोति, पुनप्पुनं दुक्खमुपेति मन्दो ।

तस्मा पजानं उपधिं न कयिरा, दुक्खस्स जातिप्पभवानुपस्सी ॥

यो वे अविद्धा उपधिं करोतीति । योति यो यादिसो यथायुत्तो यथाविहितो यथापकारो यंठानप्पत्तो यंधम्मसमन्नागतो खत्तियो वा ब्राह्मणो वा वेस्सो वा सुद्धो वा गहट्ठो वा पब्बजितो वा देवो वा मनुस्सो वा । **अविद्धाति** अविज्जागतो अज्जाणी अविभावी दुप्पज्जो । **उपधिं करोतीति** तण्हूपधिं करोति, दिट्ठूपधिं करोति, किलेसूपधिं करोति, कम्मूपधिं करोति, दुच्चरितूपधिं करोति, आहारूपधिं करोति, पटिघूपधिं करोति, चतस्सो उपादिन्नधातुयो उपधी करोति, छ अज्झत्तिकानि आयतनानि उपधी करोति, छ विज्जाणकाये उपधी करोति जनेति सज्जनेति निब्बत्तेति अभिनिब्बत्तेतीति — अविद्धा उपधिं करोति ।

पुनप्पुनं दुक्खमुपेति मन्दोति पुनप्पुनं जातिदुक्खं जरादुक्खं ब्याधिदुक्खं मरणदुक्खं सोकपरिदेवदुक्खदोमनस्सुपायासदुक्खं एति समुपेति उपगच्छति गणहाति परामसति अभिनिविसतीति — पुनप्पुनं दुक्खमुपेति । **मन्दोति** मन्दो मोमुहो अविद्धा अविज्जागतो अज्जाणी अविभावी दुप्पज्जोति — पुनप्पुनं दुक्खमुपेति मन्दो ।

तस्मा पजानं उपधिं न कयिराति । तस्माति तंकारणा तंहेतु तप्पच्चया तंनिदाना एतं आदीनवं सम्पस्समानो उपधीसूति तस्मा । पजानन्ति पजानन्तो आजानन्तो विजानन्तो पटिविजानन्तो पटिविज्झन्तो, “सब्बे सङ्खारा अनिच्चा”ति पजानन्तो आजानन्तो विजानन्तो पटिविजानन्तो पटिविज्झन्तो, “सब्बे सङ्खारा दुक्खा”ति...पे०... “सब्बे धम्मा अनत्ता”ति... पे०... “यं किञ्चि समुदयधम्मं सब्बं तं निरोधधम्मं”न्ति पजानन्तो आजानन्तो विजानन्तो पटिविजानन्तो पटिविज्झन्तो । उपधिं न कयिराति तण्हूपधिं न करेय्य, दिट्ठूपधिं न करेय्य, किलेसूपधिं न करेय्य, दुच्चरितूपधिं न करेय्य, आहारूपधिं न करेय्य, पटिघूपधिं न करेय्य, चतस्सो उपादिन्नधातुयो उपधी न करेय्य, छ अज्झत्तिकानि आयतनानि उपधी न करेय्य, छ विज्जाणकाये उपधी न करेय्य, न जनेय्य न सज्जनेय्य न निब्बत्तेय्य नाभिनिब्बत्तेय्याति — तस्मा पजानं उपधिं न कयिरा ।

दुक्खस्साति जातिदुक्खस्स जरादुक्खस्स ब्याधिदुक्खस्स मरणदुक्खस्स सोकपरिदेवदुक्खदोमनस्सुपायासदुक्खस्स । पभवानुपस्सीति दुक्खस्स मूलानुपस्सी हेतानुपस्सी निदानानुपस्सी सम्भवानुपस्सी पभवानुपस्सी समुद्धानुपस्सी आहारानुपस्सी आरम्मणानुपस्सी पच्चयानुपस्सी समुदयानुपस्सी । अनुपस्सना वुच्चति जाणं । या पज्जा पजानना...पे०... अमोहो धम्मविचयो सम्मादिट्ठि । इमाय अनुपस्सनाय पज्जाय उपेतो होति समुपेतो उपागतो समुपागतो उपपन्नो समुपपन्नो समन्नागतो । सो वुच्चति अनुपस्सीति — दुक्खस्स जातिपभवानुपस्सी । तेनाह भगवा —

“यो वे अविद्वा उपधिं करोति, पुनप्पुनं दुक्खमुपेति मन्दो ।
तस्मा पजानं उपधिं न कयिरा, दुक्खस्स जातिपभवानुपस्सी”ति ॥

२१. यं तं अपुच्छिम्ह अकित्तयी नो, अज्जं तं पुच्छाम तदिङ्ग ब्रूहि ।
कथं नु धीरा वितरन्ति ओघं, जातिं जरं सोकपरिद्ववच्च ।

तं मे मुनी साधु वियाकरोहि, तथा हि ते विदितो एस धम्मो ॥

यं तं अपुच्छिम्ह अकित्तयी नोति यं तं अपुच्छिम्ह अयाचिम्ह अज्झेसिम्ह पसादयिम्ह । अकित्तयी नोति कित्तितं [अकित्तितं (स्या०) एवमीदिससु पदेसु अतीतविभक्तित्वसेन महानि० ११०] पकित्तितं आचिक्खितं देसितं पज्जपितं [पज्जापितं (क०)] पट्टपितं विवरितं विभक्तं उत्तानीकतं पकासितन्ति — यं तं अपुच्छिम्ह अकित्तयी नो ।

अज्जं तं पुच्छाम तदिङ्ग ब्रूहीति अज्जं तं पुच्छाम, अज्जं तं याचाम, अज्जं तं अज्झेसाम, अज्जं तं पसादेम, उत्तरि तं पुच्छाम । तदिङ्ग ब्रूहीति इङ्ग ब्रूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — अज्जं तं पुच्छाम तदिङ्ग ब्रूहि ।

कथं नु धीरा वितरन्ति ओघं, जातिं जरं सोकपरिद्ववच्चाति । कथं नूति संसयपुच्छा विमतिपुच्छा द्वेळ्हकपुच्छा अनेकंसपुच्छा — “एवं नु खो, ननु खो, किं नु खो, कथं नु खो”ति — कथं नु । धीराति धीरा पण्डिता पज्जवन्तो बुद्धिमन्तो जाणिनो विभाविनो मेधाविनो । ओघन्ति कामोघं भवोघं दिट्ठोघं अविज्जोघं । जातीति या तेसं तेसं सत्तानं तम्हि तम्हि सत्तनिकाये जाति सज्जाति ओक्कन्ति निब्बत्ति अभिनिब्बत्ति खन्धानं पातुभावो आयतनानं पटिलाभो । जराति या तेसं तेसं सत्तानं तम्हि तम्हि सत्तनिकाये जरा जीरणता खण्डिच्चं पालिच्चं वलित्तचता आयुनो संहानि इन्द्रियानं परिपाको । सोकोति जातिव्यसनेन वा फुट्ठस्स भोगव्यसनेन वा फुट्ठस्स रोगव्यसनेन वा फुट्ठस्स सीलव्यसनेन वा फुट्ठस्स दिट्ठिव्यसनेन वा फुट्ठस्स अज्जतरज्जतरेन व्यसनेन वा समन्नागतस्स अज्जतरज्जतरेन दुक्खधम्मेन वा फुट्ठस्स सोको सोचना सोचित्तं

अन्तोसोको अन्तोपरिसोको अन्तोडाहो अन्तोपरिडाहो चेतसो परिज्झायना दोमनस्सं सोकसल्लं । परिदेवोति जातिव्यसनेन वा फुट्टस्स भोगव्यसनेन वा फुट्टस्स रोगव्यसनेन वा फुट्टस्स सीलव्यसनेन वा फुट्टस्स दिट्ठिव्यसनेन वा फुट्टस्स अज्जतरज्जतरेन व्यसनेन वा समन्नागतस्स अज्जतरज्जतरेन दुक्खधम्मेन वा फुट्टस्स आदेवो परिदेवो आदेवना परिदेवना आदेवितत्तं परिदेवितत्तं वाचा पलापो [लापो पलापो (स्या०) धम्मसङ्गणिये] विप्पलापो लालप्पो लालप्पना लालप्पितत्तं [लालप्पायना लालप्पायितत्तं (बहूसु) जरासुत्तनिद्वेसट्ठकथा ओलोकेतब्बा] ।

कथं नु धीरा वितरन्ति ओघं, जातिं जरं सोकपरिद्वज्जाति धीरा कथं ओघज्ज जातिज्ज जरज्ज सोकज्ज परिदेवज्ज तरन्ति उत्तरन्ति पतरन्ति समतिक्कमन्ति वीतिवत्तन्तीति — कथं नु धीरा वितरन्ति ओघं, जातिं जरं सोकपरिद्वज्ज ।

तं मे मुनी साधु वियाकरोहीति । तन्ति यं पुच्छामि यं याचामि यं अज्झेसामि यं पसादेमि । मुनीति मोनं वुच्चति जाणं । या पज्जा पजानना... पे०... अमोहो धम्मविचयो सम्मादिट्ठि । भगवा तेन जाणेन समन्नागतो मुनि मोनप्पत्तो । तीणि मोनेय्यानि — कायमोनेय्यं वचीमोनेय्यं मनोमोनेय्यं ।

कतमं कायमोनेय्यं? तिविधानं कायदुच्चरितानं पहानं कायमोनेय्यं । तिविधं कायसुचरितं कायमोनेय्यं । कायारम्मणे जाणं कायमोनेय्यं । कायपरिज्जा कायमोनेय्यं । परिज्जासहगतो मग्गो कायमोनेय्यं । काये छन्दरागस्स पहानं कायमोनेय्यं । कायसङ्खारनिरोधो चतुत्थज्झानसमापत्ति कायमोनेय्यं । इदं कायमोनेय्यं ।

कतमं वचीमोनेय्यं? चतुब्बिधानं वचीदुच्चरितानं पहानं वचीमोनेय्यं । चतुब्बिधं वचीसुचरितं वचीमोनेय्यं । वाचारम्मणे जाणं वचीमोनेय्यं । वाचापरिज्जा वचीमोनेय्यं । परिज्जासहगतो मग्गो वचीमोनेय्यं । वाचाय छन्दरागस्स पहानं वचीमोनेय्यं । वचीसङ्खारनिरोधो दुतियज्झानसमापत्ति वचीमोनेय्यं । इदं वचीमोनेय्यं ।

कतमं मनोमोनेय्यं? तिविधानं मनोदुच्चरितानं पहानं मनोमोनेय्यं । तिविधं मनोसुचरितं मनोमोनेय्यं । चित्तारम्मणे जाणं मनोमोनेय्यं । चित्तपरिज्जा मनोमोनेय्यं । परिज्जासहगतो मग्गो मनोमोनेय्यं । चित्ते छन्दरागस्स पहानं मनोमोनेय्यं । चित्तसङ्खारनिरोधो सज्जावेदयितनिरोधसमापत्ति मनोमोनेय्यं । इदं मनोमोनेय्यं ।

कायमुनिं वचीमुनिं [वाचामुनिं (बहूसु) इतिवु० ६७], मनोमुनिमनासवं ।
मुनिं मोनेय्यसम्पन्नं, आहु सव्वप्पहायिनं ॥

कायमुनिं वचीमुनिं, मनोमुनिमनासवं ।
मुनिं मोनेय्यसम्पन्नं, आहु निन्हातपापकन्ति ॥

इमेहि तीहि मोनेय्येहि धम्मेहि समन्नागता । छ मुनिनो [मुनयो (स्या०) महानि० १४] — अगारमुनिनो, अनगारमुनिनो, सेखमुनिनो [सेखमुनिनो (स्या० क०)], असेखमुनिनो, पच्चेकमुनिनो मुनिमुनिनोति । कतमे अगारमुनिनो? ये ते अगारिका दिट्ठपदा विज्जातसासना — इमे अगारमुनिनो । कतमे अनगारमुनिनो? ये ते पब्बजिता दिट्ठपदा विज्जातसासना — इमे अनगारमुनिनो । सत्त सेखा सेखमुनिनो । अरहन्तो असेखमुनिनो । पच्चेकसम्बुद्धा पच्चेकमुनिनो । तथागता अरहन्तो सम्मासम्बुद्धा मुनिमुनिनो ।

न मोनेन मुनी [मुनि (स्या० क०) ध० प० २६८] होति, मूळरूपो अविदसु ।
यो च तुलं व पग्गह, वरमादाय पण्डितो ॥

पापानि परिवर्ज्जेति, स मुनी तेन सो मुनि ।
यो मुनाति उभो लोके, मुनि तेन पवुच्चति ॥

असतज्ज सतज्ज जत्वा धम्मं, अज्झत्तं बहिद्वा च सब्बलोके ।
देवमनुस्सेहि पूजनीयो [पूजितो (स्या० क०) महानि० १४], सङ्गजालमतिच्च [सङ्ग जालमतिच्च, सु० नि० ५३२] सो मुनीति ॥

साधु वियाकरोहीति तं साधु आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति —
तं मे मुनी साधु वियाकरोहि । तथा हि ते विदितो एस धम्मोति तथा हि ते विदितो तुलितो तीरितो विभूतो विभावितो एस
धम्मोति — तथा हि ते विदितो एस धम्मो । तेनाह सो ब्राह्मणो —

“यं तं अपुच्छिम्ह अकित्तयी नो, अज्जं तं पुच्छाम तदिदं ब्रूहि ।
कथं नु धीरा वितरन्ति ओघं, जातिं जरं सोकपरिद्वज्ज ।
तं मे मुनी साधु वियाकरोहि, तथा हि ते विदितो एस धम्मो”ति ॥

२२. कित्तयिस्सामि ते धम्मं, [मेत्तगूति भगवा]
दिट्ठे धम्मे अनीतिहं ।
यं विदित्वा सतो चरं, तरे लोके विसत्तिकं ॥

कित्तयिस्सामि ते धम्मन्ति । धम्मन्ति आदिकल्याणं मज्झेकल्याणं परियोसानकल्याणं सात्थं सब्बज्जनं
केवलपरिपुण्णं परिसुद्धं ब्रह्मचरियं, चत्तारो सतिपट्ठाने, चत्तारो सम्मप्यधाने, चत्तारो इन्द्रियादे, पज्जिन्द्रियानि, पज्ज बलानि,
सत्त बोद्धङ्गे, अरियं अट्ठङ्गिकं मग्गं, निब्बानज्ज, निब्बानगामिनिज्ज पटिपदं कित्तयिस्सामि आचिक्खिस्सामि देसेस्सामि
पज्जपेस्सामि पट्टपेस्सामि विवरिस्सामि विभजिस्सामि उत्तानीकरिस्सामि पकासिस्सामीति — कित्तयिस्सामि ते धम्मं ।
मेत्तगूति भगवा तं ब्राह्मणं नामेन आलपति ।

दिट्ठे धम्मे अनीतिहन्ति । दिट्ठे धम्मेति दिट्ठे धम्मे जाते धम्मे तुलिते धम्मे तीरिते धम्मे विभूते धम्मे विभाविते धम्मे
सब्बे सङ्खारा अनिच्चाति...पे०... यं किञ्चि समुदयधम्मं सब्बं तं निरोधधम्मन्ति दिट्ठे धम्मे जाते धम्मे तुलिते धम्मे तीरिते
धम्मे विभूते धम्मे विभाविते धम्मेति — एवम्पि दिट्ठे धम्मे कथयिस्सामि । अथ वा, दुक्खे दिट्ठे दुक्खं कथयिस्सामि, समुदये
दिट्ठे समुदयं कथयिस्सामि, मग्गे दिट्ठे मग्गं कथयिस्सामि, निरोधे दिट्ठे निरोधं कथयिस्सामीति — एवम्पि दिट्ठे धम्मे
कथयिस्सामि । अथ वा, दिट्ठे धम्मे सन्दिट्ठिकं अकालिकं एहिपस्सिकं ओपनेय्यिकं पच्चत्तं वेदितब्बं विज्जूहीति — एवम्पि
दिट्ठे धम्मे कथयिस्सामीति दिट्ठे धम्मे । अनीतिहन्ति न इतिहीतिहं न इतिकिराय न परम्पराय न पिटकसम्पदाय न तक्कहेतु
न नयहेतु न आकारपरिवितक्केन न दिट्ठिनिज्झानक्खन्ति या, सामं सयमभिज्जातं अत्तपच्चक्खधम्मं, तं कथयिस्सामीति —
दिट्ठे धम्मे अनीतिहं ।

यं विदित्वा सतो चरन्ति यं विदितं कत्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा

अनिच्चा”ति विदितं कत्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा दुक्खा”ति... “सब्बे धम्मा अनत्ता”ति...पे०... “यं किञ्चि समुदयधम्मं सब्बं तं निरोधधम्म”न्ति विदितं कत्वा तुलयित्वा तीरयित्वा विभावयित्वा विभूतं कत्वा । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो...पे०... सो वुच्चति सतो । चरन्ति चरन्तो विहरन्तो इरियन्तो वत्तेन्तो पालेन्तो यपेन्तो यापेन्तोति — यं विदित्वा सतो चरं ।

तरे लोके विसत्तिकन्ति विसत्तिका वुच्चति तण्हा । यो रागो सारागो...पे०... अभिज्झा लोभो अकुसलमूलं । विसत्तिकाति केनट्टेन विसत्तिका? विसताति विसत्तिका, विसालाति विसत्तिका, विसटाति विसत्तिका, विसमाति विसत्तिका, विसक्कतीति विसत्तिका, विसंहरतीति विसत्तिका, विसंवादिकाति विसत्तिका, विसमूलाति विसत्तिका, विसफलाति विसत्तिका, विसपरिभोगाति विसत्तिका, विसाला वा पन सा तण्हा रूपे सद्दे गन्धे रसे फोटुब्बे कुले गणे आवासे लाभे यसे पसंसाय सुखे चीवरे पिण्डपाते सेनासने गिलानपच्चयभेसज्जपरिक्खारे कामधातुया रूपधातुया अरूपधातुया कामभवे रूपभवे अरूपभवे सज्जाभवे असज्जाभवे नेवसज्जानासज्जाभवे एकवोकारभवे चतुवोकारभवे पञ्चवोकारभवे अतीते अनागते पच्चुप्पन्ने दिट्ठसुतमुतविज्जातब्बेसु धम्मेसु विसटा वित्थताति विसत्तिका । लोकेति अपायलोके मनुस्सलोके देवलोके खन्धलोके धातुलोके आयतनलोके । तरे लोके विसत्तिकन्ति लोके वेसा विसत्तिका [या सा लोके विसत्तिका (स्या०) कामसुत्तनिद्देसट्ठकथा ओलोकेतब्बा], लोके वेतं विसत्तिकं सतो तरेय्य उत्तरेय्य पतरेय्य समतिक्कमेय्य वीतिवत्तेय्याति — तरे लोके विसत्तिकं । तेनाह भगवा —

“कित्तियिस्सामि ते धम्मं, [मेत्तगूति भगवा]

दिट्ठे धम्मे अनीतिहं ।

यं विदित्वा सतो चरं, तरे लोके विसत्तिक”न्ति ॥

२३. तज्चाहं अभिनन्दामि, महेसि धम्ममुत्तमं ।

यं विदित्वा सतो चरं, तरे लोके विसत्तिकं ॥

तज्चाहं अभिनन्दामीति । तन्ति तुयं वचनं व्यपथं [व्यपथं (स्या० क०)] देसनं अनुसासनं अनुसिट्ठं [देसनं अनुसन्धि (स्या०)] । नन्दामीति अभिनन्दामि मोदामि अनुमोदामि इच्छामि सादियामि याचामि पत्थयामि पिहयामि अभिजप्पामीति — तज्चाहं अभिनन्दामि ।

महेसि धम्ममुत्तमन्ति । महेसीति किं महेसि भगवा, महन्तं सीलक्खन्धं एसी गवेसी [एसि गवेसि (स्या०) महानि० १५०] परियेसीति महेसि, महन्तं समाधिक्खन्धं...पे०... महन्तं पज्जाक्खन्धं... महन्तं विमुत्तिक्खन्धं... महन्तं विमुत्तिजाणदस्सनक्खन्धं एसी गवेसी परियेसीति महेसि, महतो तमोकायस्स पदालनं एसी गवेसी परियेसीति महेसि, महतो विपल्लासस्स पभेदनं एसी गवेसी परियेसीति महेसि, महतो तण्हासल्लस्स अब्बहनं [अब्बूहनं (बहूसु), अब्बूहं (सी० अट्ठ०)] एसी गवेसी परियेसीति महेसि, महतो दिट्ठिसङ्घातस्स विनिवेठनं एसी गवेसी परियेसीति महेसि, महतो मानधजस्स पपातनं एसी गवेसी परियेसीति महेसि, महतो अभिसङ्खारस्स वूपसमं एसी गवेसी परियेसीति महेसि, महतो ओघस्स नित्थरणं एसी गवेसी परियेसीति महेसि, महतो भारस्स निक्खेपनं एसी गवेसी परियेसीति महेसि, महतो संसारवट्ठस्स उपच्छेदं एसी गवेसी परियेसीति महेसि, महतो सन्तापस्स निब्बापनं एसी गवेसी परियेसीति महेसि, महतो परिळाहस्स पटिप्पस्सद्धि एसी गवेसी परियेसीति महेसि, महतो धम्मधजस्स उस्सापनं एसी गवेसी परियेसीति महेसि, महन्ते सतिपट्टाने...पे०... महन्ते सम्मप्पधाने... महन्ते इद्धिपादे... महन्तानि इन्द्रियानि... महन्तानि बलानि... महन्ते बोज्झङ्गे... महन्तं अरियं अट्ठङ्गिकं मग्गं... महन्तं परमत्थं अमत्तं निब्बानं एसी गवेसी परियेसीति महेसि, महेसक्खेहि सत्तेहि एसितो गवेसितो

परियेसितो — “कहं बुद्धो, कहं भगवा, कहं देवदेवो, कहं नरासभो”ति महेसि । **धम्ममुत्तमन्ति** धम्ममुत्तमं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । **उत्तमन्ति** अगं सेट्ठं विसेट्ठं पामोक्खं उत्तमं पवरं धम्मन्ति — महेसि धम्ममुत्तमं ।

यं विदित्वा सतो चरन्ति विदितं कत्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा अनिच्चा”ति विदितं कत्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा दुक्खा”ति... “सब्बे धम्मा अनत्ता”ति... पे०... “यं किञ्चि समुदयधम्मं सब्बं तं निरोधधम्म”न्ति विदितं कत्वा तुलयित्वा तीरयित्वा विभावयित्वा विभूतं कत्वा । **सतो**ति चतूहि कारणेहि सतो — काये कायानुपस्सनासतिपट्टानं भावेन्तो सतो, वेदनासु... पे०... चित्ते... धम्मेषु... धम्मनुपस्सनासतिपट्टानं भावेन्तो सतो... सो वुच्चति सतो । **चरन्ति** चरन्तो विहरन्तो इरियन्तो वत्तेन्तो पालेन्तो यपेन्तो यापेन्तोति — यं विदित्वा सतो चरं ।

तरे लोके विसत्तिकन्ति विसत्तिका वुच्चति तण्हा । यो रागो सारागो... पे०... अभिज्झा लोभो अकुसलमूलं । **विसत्तिका**ति केनट्ठेन विसत्तिका... पे०... विसटा वित्थताति विसत्तिका । **लोके**ति अपायलोके... पे०... आयतनलोके । **तरे लोके विसत्तिकन्ति** लोके वेसा विसत्तिका, लोके वेतं विसत्तिकं सतो तरेय्य उत्तरेय्य पतरेय्य समतिक्कमेय्य वीतिवत्तेय्याति — तरे लोके विसत्तिकं । तेनाह सो ब्राह्मणो —

“तज्चाहं अभिनन्दामि, महेसि धम्ममुत्तमं ।
यं विदित्वा सतो चरं, तरे लोके विसत्तिक”न्ति ॥

२४. यं किञ्चि सम्पजानासि, [मेत्तगूति भगवा]

उद्धं अधो तिरियञ्चापि मज्झे ।

एतेसु नन्दिज्ज निवेसनज्ज, पनुज्ज विज्जाणं भवे न तिट्ठे ॥

यं किञ्चि सम्पजानासीति यं किञ्चि पजानासि आजानासि विजानासि पटिविजानासि पटिविज्झसीति — यं किञ्चि सम्पजानासि । **मेत्तगूति** भगवा तं ब्राह्मणं नामेन आलपति । **भगवाति** गारवाधिवचनमेतं... पे०... सच्छिका पज्जति, यदिदं भगवाति — मेत्तगूति भगवा ।

उद्धं अधो तिरियञ्चापि मज्झेति । उद्धन्ति अनागतं [उद्धं वुच्चति अनागतं (स्या० क०)]; **अधो**ति अतीतं; **तिरियञ्चापि मज्झेति** पच्चुप्पन्नं । उद्धन्ति देवलोको; **अधो**ति निरयलोको; **तिरियञ्चापि मज्झेति** मनुस्सलोको । अथ वा, उद्धन्ति कुसला धम्मा; **अधो**ति अकुसला धम्मा; **तिरियञ्चापि मज्झेति** अब्याकता धम्मा । उद्धन्ति अरूपधातु; **अधो**ति कामधातु; **तिरियञ्चापि मज्झेति** रूपधातु । उद्धन्ति सुखा वेदना; **अधो**ति दुक्खा वेदना; **तिरियञ्चापि मज्झेति** अदुक्खमसुखा वेदना । उद्धन्ति उद्धं पादतला; **अधो**ति अधो केसमत्थका; **तिरियञ्चापि मज्झेति** वेमज्झेति — उद्धं अधो तिरियञ्चापि मज्झे ।

एतेसु नन्दिज्ज निवेसनज्ज, पनुज्ज विज्जाणं भवे न तिट्ठेति एतेसूति आचिक्खितेसु देसितेसु पज्जपितेसु पट्टपितेसु विवरितेसु विभजितेसु उत्तानीकतेसु पकासितेसु । नन्दी वुच्चति तण्हा । यो रागो सारागो... पे०... अभिज्झा लोभो अकुसलमूलं । **निवेसनन्ति** द्वे निवेसना — तण्हानिवेसना च दिट्ठिनिवेसना च । कतमा तण्हा निवेसना? यावता

तण्हासङ्कातेन ...पे०... अयं तण्हानिवेसना । कतमा दिट्ठिनिवेसना? वीसतिवत्थुका सक्कायदिट्ठि ...पे०... अयं दिट्ठिनिवेसना ।

पनुज्ज विज्जाणन्ति पुज्जाभिसङ्खारसहगतं विज्जाणं, अपुज्जाभिसङ्खारसहगतं विज्जाणं, आनेज्जाभिसङ्खारसहगतं विज्जाणं । एतेसु नन्दिज्ज निवेसनज्ज अभिसङ्खारसहगतज्ज विज्जाणं नुज्ज पनुज्ज नुद पनुद जह पजह विनोदेहि ब्यन्तीकरोहि अनभावं गमेहीति — एतेसु नन्दिज्ज निवेसनज्ज पनुज्ज विज्जाणं ।

भवे न तिट्ठेति । भवाति द्वे भवा — कम्मभवो च पटिसन्धिको च पुनब्भवो । कतमो कम्मभवो? पुज्जाभिसङ्खारो अपुज्जाभिसङ्खारो आनेज्जाभिसङ्खारो — अयं कम्मभवो । कतमो पटिसन्धिको पुनब्भवो? पटिसन्धिका रूपं वेदना सज्जा सङ्खारा विज्जाणं — अयं पटिसन्धिको पुनब्भवो । **भवे न तिट्ठेति** नन्दिज्ज निवेसनज्ज अभिसङ्खारसहगतं विज्जाणज्ज कम्मभवज्ज पटिसन्धिकज्ज पुनब्भवं पजहन्तो विनोदेन्तो ब्यन्तीकरोन्तो अनभावं गमेन्तो कम्मभवे न तिट्ठेय्य पटिसन्धिके पुनब्भवे न तिट्ठेय्य न सन्तिट्ठेय्याति — पनुज्ज विज्जाणं भवे न तिट्ठे । तेनाह भगवा —

“यं किञ्चि सम्पजानासि, [मेत्तगूति भगवा]

उद्धं अधो तिरियज्जापि मज्झे ।

एतेसु नन्दिज्ज निवेसनज्ज, पनुज्ज विज्जाणं भवे न तिट्ठे”ति ॥

२५. एवंविहारी सतो अप्पमत्तो,

भिक्षु चरं हित्वा ममायितानि ।

जातिं जरं सोकपरिद्वज्ज, इधेव विद्वा पजहेय्य दुक्खं ॥

एवंविहारी सतो अप्पमत्तोति । एवंविहारीति नन्दिज्ज निवेसनज्ज अभिसङ्खारसहगतविज्जाणज्ज कम्मभवज्ज पटिसन्धिकज्ज पुनब्भवं पजहन्तो विनोदेन्तो ब्यन्तीकरोन्तो अनभावं गमेन्तोति — एवंविहारी । **सतोति** चतूहि कारणेहि सतो — काये कायानुपस्सनासतिपट्टानं भावेन्तो...पे०... सो वुच्चति सतो । **अप्पमत्तोति** सक्कच्चकारी सातच्चकारी अट्ठितकारी अनोलीनवुत्ती [अनोलीनवुत्तिको (क०) महानि० १४] अनिक्खित्तच्छन्दो अनिक्खित्तधुरो अप्पमत्तो कुसलेसु धम्मेसु — “कथाहं [कदाहं (स्या०)] अपरिपूरं वा सीलक्खन्धं परिपूरेय्यं, परिपूरं वा सीलक्खन्धं तत्थ तत्थ पज्जाय अनुगणहेय्य”न्ति यो तत्थ छन्दो च वायामो च उस्साहो च उस्सोळ्ही च अप्पटिवानी [अप्पटिवानि (क०) महानि० १४] च सति च सम्पजज्ज आतप्पं पधानं अधिट्ठानं अनुयोगो अप्पमत्तो अप्पमादो कुसलेसु धम्मेसु । “कथाहं अपरिपूरं वा समाधिक्खन्धं...पे०... पज्जाक्खन्धं... विमुत्तिक्खन्धं... विमुत्तिजाणदस्सनक्खन्धं परिपूरेय्यं परिपूरं वा विमुत्तिजाणदस्सनक्खन्धं तत्थ तत्थ पज्जाय अनुगणहेय्य”न्ति यो तत्थ छन्दो च वायामो च उस्साहो च उस्सोळ्ही च अप्पटिवानी च सति च सम्पजज्ज आतप्पं पधानं अधिट्ठानं अनुयोगो अप्पमत्तो अप्पमादो कुसलेसु धम्मेसु । “कथाहं अपरिज्जातं वा दुक्खं परिजानेय्यं, अप्पहीने वा किलेसे पजहेय्यं, अभावितं वा मगं भावेय्यं, असच्छिकतं वा निरोधं सच्छिकरेय्य”न्ति यो तत्थ छन्दो च वायामो च उस्साहो च उस्सोळ्ही च अप्पटिवानी च सति च सम्पजज्ज आतप्पं पधानं अधिट्ठानं अनुयोगो अप्पमत्तो अप्पमादो कुसलेसु धम्मेसूति — एवंविहारी सतो अप्पमत्तो ।

भिक्षु चरं हित्वा ममायितानीति । भिक्षूति पुथुज्जनकल्याणको [कल्याणपुथुज्जनो (स्या०), एवमीदसेसु ठानेसु] वा भिक्षु सेक्खो वा भिक्षु । **चरन्ति** चरन्तो विहरन्तो इरियन्तो वत्तेन्तो पालेन्तो यपेन्तो यापेन्तो । **ममत्ताति** द्वे

ममत्ता — तण्हाममत्तञ्च दिट्ठिममत्तञ्च...पे०... इदं तण्हाममत्तं...पे०... इदं दिट्ठिममत्तं... तण्हाममत्तं पहाय दिट्ठिममत्तं पटिनिस्सज्जित्वा ममत्ते जहित्वा चजित्वा पजहित्वा विनोदेत्वा ब्यन्तीकरित्वा अनभावं गमेत्वाति — भिक्खु चरं हित्वा ममायितानि ।

जातिं जरं सोकपरिद्ववञ्च, इधेव विद्वा पजहेय्य दुक्खन्ति । जातीति या तेसं तेसं सत्तानं...पे०... जरन्ति या तेसं तेसं सत्तानं...पे०... सोकोति जातिब्यसनेन वा फुट्ठस्स...पे०... परिदेवोति जातिब्यसनेन वा फुट्ठस्स...पे०... इधाति इमिस्सा दिट्ठिया...पे०... इमस्मिं मनुस्सलोके । विद्वाति विज्जागतो जाणी विभावी मेधावी । दुक्खन्ति जातिदुक्खं...पे०... दोमनस्सुपायासदुक्खं । जातिं जरं सोकपरिद्ववञ्च, इधेव विद्वा पजहेय्य दुक्खन्ति विज्जागतो जाणी विभावी मेधावी इधेव जातिञ्च जरञ्च सोकपरिद्ववञ्च दुक्खञ्च पजहेय्य विनोदेय्य ब्यन्तीकरेय्य अनभावं गमेय्याति — जातिं जरं सोकपरिद्ववञ्च, इधेव विद्वा पजहेय्य दुक्खं । तेनाह भगवा —

“एवंविहारी सतो अप्पमत्तो, भिक्खु चरं हित्वा ममायितानि ।

जातिं जरं सोकपरिद्ववञ्च, इधेव विद्वा पजहेय्य दुक्खं”न्ति ॥

२६. एताभिनन्दामि वचो महेसिनो, सुकित्तितं गोतमनूपधीकं ।

अद्धा हि भगवा पहासि दुक्खं, तथा हि ते विदितो एस धम्मो ॥

एताभिनन्दामि वचो महेसिनोति । एतन्ति तुहं वचनं व्यप्यथं देसनं अनुसासनं अनुसिट्ठं नन्दामि अभिनन्दामि मोदामि अनुमोदामि इच्छामि सादियामि पत्थयामि पिहयामि अभिजप्पामि । महेसिनोति किं महेसि भगवा? महन्तं सीलक्खन्धं एसी गवेसी परियेसीति महेसि...पे०... कहं नरासभोति महेसीति — एताभिनन्दामि वचो महेसिनो ।

सुकित्तितं गोतमनूपधीकन्ति । सुकित्तितन्ति सुकित्तितं सुआचिक्खितं सुदेसितं सुपञ्जपितं सुपट्ठपितं सुविवरितं सुविभजितं सुउत्तानीकतं सुपकासितन्ति — सुकित्तितं । गोतमनूपधीकन्ति उपधी वुच्चन्ति किलेसा च खन्धा च अभिसङ्खारा च । उपधिप्पहानं उपधिवूपसमं उपधिपटिनिस्सगं उपधिपटिपस्सद्धं अमत्तं निब्बानन्ति — सुकित्तितं गोतमनूपधीकं ।

अद्धा हि भगवा पहासि दुक्खन्ति । अद्धाति एकंसवचनं निस्संसयवचनं निक्कङ्खावचनं अद्वेज्झवचनं अद्वेज्झकवचनं निरोधवचनं अप्पणकवचनं अवत्थापनवचनमेतं — अद्धाति । भगवाति गारवाधिवचनमेतं...पे०... सच्छिका पज्जति, यदिदं भगवाति । पहासि दुक्खन्ति जातिदुक्खं जरादुक्खं ब्याधिदुक्खं मरणदुक्खं सोकपरिदेवदुक्खदोमनस्सुपायासदुक्खं पहासि पजहि विनोदेसि ब्यन्तीकरोसि अनभावं गमेसीति — अद्धा हि भगवा पहासि दुक्खं ।

तथा हि ते विदितो एस धम्मोति तथा हि ते विदितो तुलितो तीरितो विभूतो विभावितो एस धम्मोति — तथा हि ते विदितो एस धम्मो । तेनाह सो ब्राह्मणो —

“एताभिनन्दामि वचो महेसिनो, सुकित्तितं गोतमनूपधीकं ।

अद्धा हि भगवा पहासि दुक्खं, तथा हि ते विदितो एस धम्मो”ति ॥

२७. ते चापि नूनप्पजहेय्यु दुक्खं, ये त्वं मुनी अट्ठितं ओवदेय्य।
तं तं नमस्सामि समेच्च नाग, अप्पेव मं भगवा अट्ठितं ओवदेय्य॥

ते चापि नूनप्पजहेय्यु दुक्खन्ति। ते चापीति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च। पजहेय्यु दुक्खन्ति जातिदुक्खं जरादुक्खं ब्याधिदुक्खं मरणदुक्खं सोकपरिदेवदुक्खदोमनस्सुपायासदुक्खं पजहेय्युं विनोदेय्युं व्यन्तीकरेय्युं अनभावं गमेय्युन्ति — ते चापि नूनप्पजहेय्यु दुक्खं।

ये त्वं मुनी अट्ठितं ओवदेय्याति। येति खत्तिये च ब्राह्मणे च वेस्से च सुद्धे च गहट्ठे च पब्बजिते च देवे च मनुस्से च। त्वन्ति भगवन्तं भणति। मुनीति मोनं वुच्चति आणं...पे०... सङ्गजालमतिच्च सो मुनि। अट्ठितं ओवदेय्याति अट्ठितं ओवदेय्य सक्कच्चं ओवदेय्य अभिण्हं ओवदेय्य पुनप्पुनं ओवदेय्य अनुसासेय्याति — ये त्वं मुनी अट्ठितं ओवदेय्य।

तं तं नमस्सामि समेच्च नागाति। तन्ति भगवन्तं भणति। नमस्सामीति कायेन वा नमस्सामि, वाचाय वा नमस्सामि, चित्तेन वा नमस्सामि, अन्वत्थपटिपत्तिया वा नमस्सामि, धम्मानुधम्मपटिपत्तिया वा नमस्सामि, सक्करोमि गरुं करोमि [गरुक्करोमि (स्या०)] मानेमि पूजेमि। समेच्चाति समेच्च अभिसमेच्च समागन्त्वा अभिसमागन्त्वा सम्मुखा तं नमस्सामि। नागाति नागो च भगवा आगुं न करोतीति — नागो, न गच्छतीति — नागो, न आगच्छतीति — नागो। कथं भगवा आगुं न करोतीति — नागो? आगु वुच्चति पापका अकुसला धम्मा संकिलेसिका पोणोभविका सदरा दुक्खविपाका आयतिं जातिजरामरणिाया।

आगुं न करोति किञ्चि लोके, [सभियाति भगवा]
सब्बसंयोगे [सब्बयोगे (क०), सु० नि० ५२७] विसज्ज बन्धनानि।
सब्बत्थ न सज्जती विमुत्तो, नागो तादि पवुच्चते तथत्ताति॥

एवं भगवा आगुं न करोतीति — नागो।

कथं भगवा न गच्छतीति — नागो। भगवा न छन्दागतिं गच्छति, न दोसागतिं गच्छति, न मोहागतिं गच्छति, न भयागतिं गच्छति, न रागवसेन गच्छति, न दोसवसेन गच्छति, न मोहवसेन गच्छति, न मानवसेन गच्छति, न दिट्ठिवसेन गच्छति, न उद्धच्चवसेन गच्छति, न विचिकिच्छावसेन गच्छति, न अनुसयवसेन गच्छति, न वग्गेहि धम्मेहि यायति नीयति [निय्यति (स्या० क०)] वुहति संहरीयति। एवं भगवा न गच्छतीति — नागो।

कथं भगवा न आगच्छतीति — नागो। सोतापत्तिमग्गेन ये किलेसा पहीना ते किलेसे न पुनेति न पच्चेति न पच्चागच्छति। सकदागामिमग्गेन...पे०... अनागामिमग्गेन... अरहत्तमग्गेन ये किलेसा पहीना ते किलेसे न पुनेति न पच्चेति न पच्चागच्छति। एवं भगवा न आगच्छतीति नागाति — तं तं नमस्सामि समेच्च नाग।

अप्पेव मं भगवा अट्ठितं ओवदेय्याति अप्पेव मं भगवा अट्ठितं ओवदेय्य सक्कच्चं ओवदेय्य अभिण्हं ओवदेय्य पुनप्पुनं ओवदेय्य अनुसासेय्याति — अप्पेव मं भगवा अट्ठितं ओवदेय्य। तेनाह सो ब्राह्मणो —

“ते चापि नूनप्पजहेय्यु दुक्खं, ये त्वं मुनी अट्ठितं ओवदेय्य।
तं तं नमस्सामि समेच्च नाग, अप्पेव मं भगवा अट्ठितं ओवदेय्या”ति॥

२८. यं ब्राह्मणं वेदगुमाभिजज्जा, अकिञ्चनं कामभवे असत्तं।

अद्धा हि सो ओघमिमं अतारि, तिण्णो च पारं अखिलो अकङ्खो॥

यं ब्राह्मणं वेदगुमाभिजज्जाति। ब्राह्मणोति सत्तन्नं धम्मनं बाहितत्ता ब्राह्मणो। सक्कायदिट्ठि बाहिता होति, विचिकिच्छा बाहिता होति, सीलब्बतपरामासो बाहितो होति, रागो बाहितो होति, दोसो बाहितो होति, मोहो बाहितो होति, मानो बाहितो होति। बाहितास्स होन्ति पापका अकुसला धम्मा संकिलेसिका पोभविका सदरा दुक्खविपाका आयतिं जातिजरामरणिआ।

बाहित्वा सब्बपापकानि, [सभियाति भगवा]

विमलो साधुसमाहितो ठित्तो।

संसारमतिच्च केवली सो, असितो [अनिस्सितो (स्या०) सु० नि० ५२४] तादि पवुच्चते स ब्रह्मा॥

वेदगूति वेदो वुच्चति चतूसु मग्गोसु जाणं...पे०... सब्बं वेदमतिच्च वेदगू सोति। अभिजज्जाति अभिजानेय्य आजानेय्य विजानेय्य पटिविजानेय्य पटिविज्जेय्याति — यं ब्राह्मणं वेदगुमाभिजज्जा।

अकिञ्चनं कामभवे असत्तन्ति। अकिञ्चनन्ति रागकिञ्चनं दोसकिञ्चनं मोहकिञ्चनं मानकिञ्चनं दिट्ठिकिञ्चनं किलेसकिञ्चनं दुच्चरितकिञ्चनं, यस्सेते किञ्चना पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दड्ढा, सो वुच्चति अकिञ्चनो। कामाति उद्धानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा। भवाति द्वे भवा — कम्मभवो च पटिसन्धिको च पुनर्भवो ...पे०... अयं पटिसन्धिको पुनर्भवो। अकिञ्चनं कामभवे असत्तन्ति अकिञ्चनं पुग्गलं कामभवे च असत्तं अलग्गं अलगितं अपलिबुद्धं निक्खन्तं निस्सटं विप्पमुत्तं विसज्जुत्तं विमरियादिकतेन चेतसा विहरन्तन्ति — अकिञ्चनं कामभवे असत्तं।

अद्धा हि सो ओघमिमं अतारीति। अद्धाति एकंसवचनं...पे०... अवत्थापनवचनमेतं — अद्धाति। ओघन्ति कामोघं भवोघं दिट्ठोघं अविज्जोघं। अतारीति उत्तरि पतरि समतिक्कमि वीतिवत्तयीति — अद्धा हि सो ओघमिमं अतारि।

तिण्णो च पारं अखिलो अकङ्खोति। तिण्णोति कामोघं तिण्णो, भवोघं तिण्णो, दिट्ठोघं तिण्णो, अविज्जोघं तिण्णो, संसारपथं तिण्णो उत्तिण्णो नित्थिण्णो [नित्तिण्णो (स्या०)] अतिक्कन्तो समतिक्कन्तो वीतिवत्तो। सो वुत्थवासो [वुट्ठवासो (स्या०) महानि० ६] चिण्णचरणो गतद्धो गतदिसो गतकोटिको पालितब्रह्मचरियो उत्तमदिट्ठिप्पत्तो भावितमग्गो, पहीनकिलेसो पटिविद्धाकुप्पो सच्छिकतनिरोधो। दुक्खं तस्स परिज्जातं, समुदयो पहीनो, मग्गो भावितो, निरोधो सच्छिकतो, अभिज्जेय्यं अभिज्जातं, परिज्जेय्यं परिज्जातं, पहातब्बं पहीनं, भावेतब्बं भावितं, सच्छिकातब्बं सच्छिकतं। सो उक्खित्तपलिघो संकिण्णपरिक्खो अब्बुल्लहेसिको निरग्गळो अरियो पन्नद्धजो पन्नभारो विसज्जुत्तो पच्चङ्गविप्पहीनो छलङ्गसमन्नागतो एकारक्खो चतुरापस्सेनो पनुण्णपच्चेकसच्चो [पणुन्नपच्चेकसच्चो (क०)] समवयसट्ठेसनो अनाविलसङ्कप्पो पस्सद्धकायसङ्कारो सुविमुत्तचित्तो सुविमुत्तपज्जो केवली वुसितवा उत्तमपुरिसो परमपुरिसो परमपत्तिप्पत्तो। सो नेव आचिनाति न अपचिनाति, अपचिनित्वा ठितो। नेव पजहति न उपादियति, पजहित्वा ठितो। नेव विसिनेति न उस्सिनेति, विसिनेत्वा ठितो। नेव विधूपेति न सन्धूपेति, विधूपेत्वा ठितो। असेक्खेन सीलक्खन्धेन समन्नागतत्ता ठितो। असेक्खेन समाधिक्खन्धेन...पे०... पज्जाक्खन्धेन... विमुत्तिक्खन्धेन... विमुत्तिजाणदस्सनक्खन्धेन समन्नागतत्ता ठितो। सच्चं सम्पटिपादयित्वा [पटिपादयित्वा (स्या०)] ठितो। एजं समतिक्कमित्वा ठितो। किलेसगिं

परियादित्वा ठितो । अपरिगमनताय ठितो । कथं [कटं (स्या०) कामसुत्तनिदेसट्टकथा ओलोकेतब्बा] समादाय ठितो? विमुत्तिपटिसेवनताय ठितो । मेत्ताय पारिसुद्धिया ठितो । करुणाय ...पे०... मुदिताय... उपेक्खाय पारिसुद्धिया ठितो । अच्चन्तपारिसुद्धिया ठितो । अतम्मयताय [अकम्मज्जताय (स्या०)] पारिसुद्धिया ठितो । विमुत्तता ठितो । सन्तुस्सितता ठितो । खन्धपरियन्ते ठितो । धातुपरियन्ते ठितो । आयतनपरियन्ते ठितो । गतिपरियन्ते ठितो । उपपत्तिपरियन्ते ठितो । पटिसन्धिपरियन्ते ठितो । भवपरियन्ते ठितो । संसारपरियन्ते ठितो । वट्टपरियन्ते ठितो । अन्तिमभवे ठितो । अन्तिमे समुस्सये ठितो । अन्तिमदेहधरो अरहा ।

तस्सायं पच्छिमको भवो, चरिमोयं समुस्सयो ।
जातिमरणसंसारो, नत्थि तस्स पुनब्भवोति ॥

तिण्णो च पारं पारं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सगो तण्हक्खयो विरागो निरोधो निब्बानं । सो पारगतो पारप्पत्तो अन्तगतो अन्तप्पत्तो कोटिगतो कोटिप्पत्तो परियन्तगतो परियन्तप्पत्तो वोसानगतो वोसानप्पत्तो ताणगतो ताणप्पत्तो लेणगतो लेणप्पत्तो सरणगतो सरणप्पत्तो अभयगतो अभयप्पत्तो अच्चुतगतो अच्चुतप्पत्तो अमतगतो अमतप्पत्तो निब्बानगतो निब्बानप्पत्तो । सो वुत्तवासो चिण्णचरणो...पे०... जातिमरणसंसारो, नत्थि तस्स पुनब्भवोति — तिण्णो च पारं ।

अखिलोति रागो खिलो, दोसो खिलो, मोहो खिलो, कोधो खिलो, उपनाहो खिलो...पे०... सब्बाकुसलाभिसङ्खारा खिला । यस्सेते खिला पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दट्ठा सो वुच्चति अखिलो । **अकङ्खोति** दुक्खे कङ्खा, दुक्खसमुदये कङ्खा, दुक्खनिरोधे कङ्खा, दुक्खनिरोधगामिनिया पटिपदाय कङ्खा, पुब्बन्ते कङ्खा, अपरन्ते कङ्खा, पुब्बन्तापरन्ते कङ्खा, इदप्पच्चयतापटिच्चसमुप्पन्नेसु धम्मेसु कङ्खा, या एवरूपा कङ्खा कङ्खायना कङ्खायितत्तं विमति विचिकिच्छा द्वेळ्हकं द्वेधापथो संसयो अनेकंसग्गाहो आसप्पना परिसप्पना अपरियोगाहना छम्भितत्तं चित्तस्स मनोविलेखो । यस्सेते कङ्खा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दट्ठा सो वुच्चति अकङ्खोति — तिण्णो च पारं अखिलो अकङ्खो । तेनाह भगवा —

“यं ब्राह्मणं वेदगुमाभिजज्जा, अकिञ्चनं कामभवे असत्तं ।
अद्धा हि सो ओघमिमं अतारि, तिण्णो च पारं अखिलो अकङ्खो”ति ॥

२९. विद्वा च यो वेदगू नरो इध, भवाभवे सङ्गमिमं विसज्ज ।
सो वीततण्हो अनीघो निरासो, अतारि सो जातिजरन्ति ब्रूमि ॥

विद्वा च यो वेदगू नरो इधाति । विद्वाति विज्जागतो जाणी विभावी मेधावी । **योति** यो यादिसो...पे०... मनुस्सो वा । वेदगूति वेदा वुच्चन्ति चतूसु मग्गेसु जाणं पज्जा पज्जिन्द्रियं पज्जाबलं धम्मविचयसम्बोज्झङ्गो वीमंसा विपस्सना सम्मादिट्ठि [जाणं...पे०... सब्बवेदमतिच्च वेदगू सोति । (स्या०) पस्स महानि० ८१] । तेहि वेदेहि जातिजरामरणस्स अन्तगतो अन्तप्पत्तो कोटिगतो कोटिप्पत्तो परियन्तगतो परियन्तप्पत्तो वोसानगतो वोसानप्पत्तो ताणगतो ताणप्पत्तो लेणगतो लेणप्पत्तो सरणगतो सरणप्पत्तो अभयगतो अभयप्पत्तो अच्चुतगतो अच्चुतप्पत्तो अमतगतो अमतप्पत्तो निब्बानगतो निब्बानप्पत्तो । वेदानं वा अन्तगतोति वेदगू, वेदेहि वा अन्तगतोति वेदगू, सत्तन्नं वा धम्मानं विदितत्ता वेदगू । सक्कायदिट्ठि विदिता होति, विचिकिच्छा...पे०... सीलब्बतपरामासो... रागो... दोसो... मोहो... मानो विदितो होति । विदितास्स होन्ति पापका

अकुसला धम्मा संकिलेसिका पोनोभविका सदरा दुक्खविपाका आयतिं जातिजरामरणिya ।

वेदानि विचेय्य केवलानि, [सभियाति भगवा]
समणानं यानीधत्थि ब्राह्मणानं ।
सब्बवेदनासु वीतरागो, सब्बं वेदमतिच्च वेदगू सो ॥

नरोति सत्तो नरो मानवो पोसो पुग्गलो जीवो जागु [जातु (स्या०)] जन्तु इन्दगु [इन्दगू (स्या०)] मनुजो । इधाति इमिस्सा दिट्ठिया...पे०... इमस्मिं मनुस्सलोकेति — विद्वा च यो वेदगू नरो इध ।

भवाभवे सङ्गमिमं विसज्जाति । भवाभवेति भवाभवे कम्मभवे पुनब्भवे कामभवे, कम्मभवे कामभवे पुनब्भवे रूपभवे, कम्मभवे रूपभवे पुनब्भवे अरूपभवे, कम्मभवे अरूपभवे पुनब्भवे पुनप्पुनभवे, पुनप्पुनगतिया पुनप्पुनउपपत्तिया पुनप्पुनपटिसन्धिया पुनप्पुनअत्तभावाभिनिब्बत्तिया । **सङ्गाति** सत्त सङ्गा — रागसङ्गो, दोससङ्गो, मोहसङ्गो, मानसङ्गो, दिट्ठिसङ्गो, किलेससङ्गो, दुच्चरितसङ्गो । **विसज्जाति** सङ्गे वोसज्जेत्वा वा विसज्ज । अथ वा, सङ्गे बन्धे विबन्धे आबन्धे लग्गे लग्गिते पलिबुद्धे बन्धने फोटयित्वा [मोचयित्वा (स्या०)] वा विसज्ज । यथा यानं वा वय्हं वा रथं वा सकटं वा सन्दमानिकं वा सज्जं विसज्जं करोन्ति विकोपेन्ति — एवमेव ते सङ्गे वोसज्जेत्वा वा विसज्ज । अथ वा, सङ्गे बन्धे विबन्धे आबन्धे लग्गे लग्गिते पलिबुद्धे बन्धने फोटयित्वा वा विसज्जाति — भवाभवे सङ्गमिमं विसज्ज ।

सो वीततण्हो अनीघो निरासो, अतारि सो जातिजरन्ति ब्रूमीति । तण्हाति रूपतण्हा...पे०... धम्मतण्हा... यस्सेसा तण्हा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढा, सो वुच्चति वीततण्हो विगततण्हो चत्ततण्हो वन्ततण्हो मुत्ततण्हो पहीनतण्हो पटिनिस्सट्ठतण्हो वीतरागो चत्तरागो पहीनरागो पटिनिस्सट्ठरागो निच्छातो निब्बुतो सीतिभूतो सुखप्पटिसंवेदी ब्रह्मभूतेन अत्तना विहरतीति — सो वीततण्हो । **अनीघोति** रागो नीघो, दोसो नीघो, मोहो नीघो, कोधो नीघो, उपनाहो नीघो...पे०... सब्बाकुसलाभिसङ्गारा नीघा । यस्सेते नीघा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढा, सो वुच्चति अनीघो । **निरासोति** आसा वुच्चति तण्हा । यो रागो सारागो... पे०... अभिज्झा लोभो अकुसलमूलं । यस्सेसा आसा तण्हा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढा, सो वुच्चति निरासो । **जातीति** या तेसं तेसं सत्तानं...पे०... आयतनानं पटिलाभो । **जराति** या तेसं तेसं सत्तानं ...पे०... इन्द्रियानं परिपाको । अयं वुच्चति जरा । **सो वीततण्हो अनीघो निरासो, अतारि सो जातिजरन्ति ब्रूमीति** यो सो वीततण्हो अनीघो च निरासो च, सो खो जातिजरामरणं अतरि उत्तरि पतरि समतिक्कमि वीतिवत्तयीति ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — सो वीततण्हो अनीघो निरासो, अतारि सो जातिजरन्ति ब्रूमि । तेनाह भगवा —

“विद्वा च यो वेदगू नरो इध, भवाभवे सङ्गमिमं विसज्ज ।
सो वीततण्हो अनीघो निरासो, अतारि सो जातिजरन्ति ब्रूमी”ति ॥

सह गाथापरियोसाना...पे०... सत्था मे, भन्ते भगवा, सावकोहमस्मीति ।

मेत्तगूमाणवपुच्छानिदेसो चतुत्थो ।

५. धोतकमाणवपुच्छानिदेसो

३०. पुच्छामि तं भगवा ब्रूहि मेतं, [इच्छायस्मा धोतको]
 वाचाभिकङ्खामि महेसि तुहं।
 तव सुत्त्वान निग्घोसं, सिक्खे निब्बानमत्तनो॥

पुच्छामि तं भगवा ब्रूहि मेतन्ति । पुच्छामीति तिस्सो पुच्छा — अदिट्ठजोतना पुच्छा, दिट्ठसंसन्दना पुच्छा, विमतिच्छेदना पुच्छा...पे०... इमा तिस्सो पुच्छा...पे०... निब्बानपुच्छा । पुच्छामि तन्ति पुच्छामि तं याचामि तं अज्झेसामि तं पसादेमि तं, कथयस्सु मेति — पुच्छामि तं । भगवाति गारवाधिवचनमेतं...पे०... सच्छिका पज्जत्ति, यदिदं भगवाति । ब्रूहि मेतन्ति ब्रूहि आचिकखाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — पुच्छामि तं भगवा ब्रूहि मेतं ।

इच्छायस्मा धोतकोति । इच्छाति पदसन्धि...पे०... आयस्माति पियवचनं गरुवचनं सगारवसप्पतिस्साधिवचनमेतं आयस्माति । धोतकोति तस्स ब्राह्मणस्स नामं सङ्गा समज्जा पज्जत्ति वोहारो नामं नामकम्मं नामधेय्यं निरुत्ति व्यज्जनं अभिलापोति — इच्छायस्मा धोतको ।

वाचाभिकङ्खामि महेसि तुहन्ति तुहं वचनं व्यप्पथं देसनं अनुसासनं अनुसिट्ठं कङ्खामि अभिकङ्खामि इच्छामि सादियामि पत्थयामि पिहयामि अभिजप्पामि । महेसीति किं महेसि भगवा? महन्तं सीलक्खन्धं एसी गवेसी परियेसीति महेसि...पे०... कहं नरासभोति महेसीति — वाचाभिकङ्खामि महेसि तुहं ।

तव सुत्त्वान निग्घोसन्ति तुहं वचनं व्यप्पथं देसनं अनुसासनं अनुसिट्ठं सुत्वा सुणित्वा उग्गहेत्वा उपधारयित्वा उपलक्खयित्वाति — तव सुत्त्वान निग्घोसं ।

सिक्खे निब्बानमत्तनोति । सिक्खाति तिस्सो सिक्खा — अधिशीलसिक्खा, अधिचित्तसिक्खा, अधिपज्जासिक्खा... पे०... अयं अधिपज्जासिक्खा । निब्बानमत्तनोति अत्तनो रागस्स निब्बापनाय, दोसस्स निब्बापनाय, मोहस्स निब्बापनाय, कोधस्स निब्बापनाय, उपनाहस्स निब्बापनाय...पे०... सब्बाकुसलाभिसङ्खारानं समाय उपसमाय वूपसमाय निब्बापनाय पटिनिस्सग्गाय पटिपस्सद्भिया अधिशीलमि सिक्खेय्य, अधिचित्तमि सिक्खेय्य, अधिपज्जमि सिक्खेय्य । इमा तिस्सो सिक्खायो आवज्जन्तो सिक्खेय्य, जानन्तो सिक्खेय्य, पस्सन्तो सिक्खेय्य, पच्चवेक्खन्तो सिक्खेय्य, चित्तं पदहन्तो सिक्खेय्य, सद्भाय अधिमुच्चन्तो सिक्खेय्य, वीरियं पग्गणहन्तो सिक्खेय्य, सतिं उपट्टपेन्तो सिक्खेय्य, चित्तं समादहन्तो सिक्खेय्य, पज्जाय पजानन्तो सिक्खेय्य, अभिज्जेय्यं अभिजानन्तो सिक्खेय्य, परिज्जेय्यं परिजानन्तो सिक्खेय्य, पहातब्बं पजहन्तो सिक्खेय्य, भावेतब्बं भावेन्तो सिक्खेय्य, सच्छिकातब्बं सच्छिकरोन्तो सिक्खेय्य, आचरेय्य समाचरेय्य समादाय वत्तेय्याति — सिक्खे निब्बानमत्तनो । तेनाह सो ब्राह्मणो —

“पुच्छामि तं भगवा ब्रूहि मेतं, [इच्छायस्मा धोतको]
 वाचाभिकङ्खामि महेसि तुहं ।
 तव सुत्त्वान निग्घोसं, सिक्खे निब्बानमत्तनो”ति ॥

३१. तेनहातप्पं करोहि, [धोतकाति भगवा]
 इधेव निपको सतो ।

इतो सुत्वान निग्घोसं, सिक्खे निब्बानमत्तनो॥

तेनहातप्पं करोहीति आतप्पं करोहि, उस्साहं करोहि, उस्सोळ्हं करोहि, थामं करोहि, धितं करोहि, वीरियं करोहि, छन्दं जनेहि सज्जनेहि उपट्टपेहि समुट्टपेहि निब्बत्तेहि अभिनिब्बत्तेहीति — तेनहातप्पं करोहि ।

धोतकाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जत्ति, यदिदं भगवाति — धोतकाति भगवा ।

इधेव निपको सतोति । इधाति इमिस्सा दिट्ठिया इमिस्सा खन्तिया इमिस्सा रुचिया इमस्मिं आदाये इमस्मिं धम्मे इमस्मिं विनये इमस्मिं धम्मविनये इमस्मिं पावचने इमस्मिं ब्रह्मचरिये इमस्मिं सत्थुसासने इमस्मिं अत्तभावे इमस्मिं मनुस्सलोके । निपकोति निपको पण्डितो पज्जवा बुद्धिमा जाणी विभावी मेधावी । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो...पे०... सो वुच्चति सतोति — इधेव निपको सतो ।

इतो सुत्वान निग्घोसन्ति इतो मय्हं वचनं व्यप्पथं देसनं अनुसासनं अनुसिट्ठं सुत्वा सुणित्वा उग्गण्हित्वा उपधारयित्वा उपलक्खयित्वाति — इतो सुत्वान निग्घोसं ।

सिक्खे निब्बानमत्तनोति । सिक्खाति तिस्सो सिक्खा — अधिसीलसिक्खा, अधिचित्तसिक्खा, अधिपज्जासिक्खा... पे०... अयं अधिपज्जासिक्खा । निब्बानमत्तनोति अत्तनो रागस्स निब्बापनाय, दोसस्स निब्बापनाय, मोहस्स निब्बापनाय, कोधस्स निब्बापनाय, उपनाहस्स निब्बापनाय...पे०... सब्बाकुसलाभिसङ्खारानं समाय उपसमाय वूपसमाय निब्बापनाय पटिनिस्सग्गाय पटिपस्सद्धिया अधिसीलम्पि सिक्खेय्य, अधिचित्तम्पि सिक्खेय्य, अधिपज्जम्पि सिक्खेय्य । इमा तिस्सो सिक्खायो आवज्जन्तो सिक्खेय्य, जानन्तो सिक्खेय्य...पे०... सच्छिकातब्बं सच्छिकरोन्तो सिक्खेय्य, आचरेय्य समाचरेय्य समादाय वत्तेय्याति — सिक्खे निब्बानमत्तनो । तेनाह भगवा —

“तेनहातप्पं करोहि, [धोतकाति भगवा]

इधेव निपको सतो ।

इतो सुत्वान निग्घोसं, सिक्खे निब्बानमत्तनो’ति ॥

३२. पस्सामहं देवमनुस्सलोके, अकिञ्चनं ब्राह्मणमिरियमानं ।

तं तं नमस्सामि समन्तचक्खु, पमुज्ज मं सक्क कथंकथाहि॥

पस्सामहं देवमनुस्सलोकेति । देवाति तयो देवा — सम्मुतिदेवा, उपपत्तिदेवा, विसुद्धिदेवा । कतमे सम्मुतिदेवा? सम्मुतिदेवा वुच्चन्ति राजानो च राजकुमारा च देवियो च । इमे वुच्चन्ति सम्मुतिदेवा । कतमे उपपत्तिदेवा? उपपत्तिदेवा वुच्चन्ति चातुमहाराजिका देवा तावतिसा देवा यामा देवा तुसिता देवा निम्मानरती देवा परनिम्मितवसवत्ती देवा ब्रह्मकायिका देवा ये च देवा तदुत्तरि [तत्तुपरि (स्या०)] । इमे वुच्चन्ति उपपत्तिदेवा । कतमे विसुद्धिदेवा? विसुद्धिदेवा वुच्चन्ति तथागतसावका अरहन्तो खीणासवा ये च पच्चेकबुद्धा । इमे वुच्चन्ति विसुद्धिदेवा । भगवा सम्मुतिदेवानज्ज उपपत्तिदेवानज्ज विसुद्धिदेवानज्ज देवो च अतिदेवो च देवातिदेवो च सीहसीहो नागनागो गणिगणी मुनिमुनी राजराजा । पस्सामहं देवमनुस्सलोकेति मनुस्सलोके देवं पस्सामि अतिदेवं पस्सामि देवातिदेवं पस्सामि दक्खामि ओलोकेमि निज्झायामि उपपरिक्खामीति — पस्सामहं देवमनुस्सलोके ।

आकिञ्चनं ब्राह्मणमिरियमानन्ति । अकिञ्चनन्ति रागकिञ्चनं दोसकिञ्चनं मोहकिञ्चनं मानकिञ्चनं दिट्ठिकिञ्चनं किलेसकिञ्चनं दुच्चरितकिञ्चनं, ते किञ्चना बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा, तस्मा बुद्धो अकिञ्चनो । **ब्राह्मणो**ति भगवा सत्तन्नं धम्मनं बाहितत्ता ब्राह्मणो — सक्कायदिट्ठि बाहिता होति, विचिकिच्छा बाहिता होति, सीलब्बतपरामासो बाहितो होति, रागो बाहितो होति, दोसो बाहितो होति, मोहो बाहितो होति, मानो बाहितो होति, बाहितास्स होन्ति पापका अकुसला धम्मा संकिलेसिका पोणोभविका सदरा दुक्खविपाका आयतिं जातिजरामरणिआ ।

बाहित्वा सब्बपापकानि, [सभियाति भगवा]
विमलो साधुसमाहितो ठित्तो ।
संसारमतिच्च केवली सो, असितो तादि पवुच्चते स ब्रह्माति ॥

इरियमानन्ति चरन्तं विहरन्तं इरियन्तं वत्तेन्तं पालेन्तं यपेन्तं यापेन्तन्ति — अकिञ्चनं ब्राह्मणमिरियमानं ।

तं तं नमस्सामि समन्तचक्खूति । तन्ति भगवन्तं भणति । **नमस्सामी**ति कायेन वा नमस्सामि, वाचाय वा नमस्सामि, चित्तेन वा नमस्सामि, अन्वत्थपटिपत्तिया वा नमस्सामि, धम्मानुधम्मपटिपत्तिया वा नमस्सामि सक्करोमि गरं करोमि मानेमि पूजेमि । **समन्तचक्खूति** समन्तचक्खु वुच्चति सब्बज्जुतजाणं । भगवा सब्बज्जुतजाणेन उपेतो समुपेतो उपागतो समुपागतो उपपन्नो समुपपन्नो समन्नागतो ।

“न तस्स अदिट्ठमिधत्थि [अदिट्ठमिधत्थि (स्या० क०) महानि० १५६] किञ्चि, अथो अविज्जातमजानितब्बं । सब्बं अभिज्जासि यदत्थि नेय्यं, तथागतो तेन समन्तचक्खू”ति ॥

तं तं नमस्सामि समन्तचक्खु ।

पमुञ्च मं सक्क कथंकथाहीति । सक्काति सक्को भगवा सक्ककुला पब्बजितोतिपि सक्को । अथ वा, अट्ठो [अट्ठो (स्या० क०)] महद्धनो धनवातिपि सक्को । तस्सिमानि धनानि, सेय्यथिदं — सद्धाधनं सीलधनं हिरिधनं ओत्तप्पधनं सुतधनं चागधनं पज्जाधनं सतिपट्ठानधनं सम्मप्पधानधनं इट्ठिपादधनं इन्द्रियधनं बलधनं बोज्झङ्गधनं मग्गधनं फलधनं निब्बानधनं । इमेहि अनेकविधेहि धनरतनेहि अट्ठो महद्धनो धनवातिपि सक्को । अथ वा, सक्को पहु विसवी अलमत्तो सूरौ वीरो विक्कन्तो अभीरू अच्छम्भी अनुत्रासी अपलायी पहीनभयभेरवो विगतलोमहंसोतिपि सक्को । कथंकथा वुच्चति विचिकिच्छा । दुक्खे कङ्खा, दुक्खसमुदये कङ्खा, दुक्खनिरोधे कङ्खा, दुक्खनिरोधगामिनिया पटिपदाय कङ्खा, पुब्बन्ते कङ्खा, अपरन्ते कङ्खा, पुब्बन्तापरन्ते कङ्खा, इदप्पच्चयतापटिच्चसमुप्पन्नेसु धम्मेसु कङ्खा । या एवरूपा कङ्खा कङ्खायना कङ्खायितत्तं विमति विचिकिच्छा द्वेळ्हकं द्वेधापथो संसयो अनेकंसग्गाहो आसप्पना परिसप्पना अपरियोगाहना छम्भितत्तं चित्तस्स मनोविलेखो । **पमुञ्च मं सक्क कथंकथाहीति** मुञ्च मं पमुञ्च मं मोचेहि मं पमोचेहि मं उद्धर मं समुद्धर मं वुट्ठापेहि मं कथंकथासल्लतोति — पमुञ्च मं सक्क कथंकथाहि । तेनाह सो ब्राह्मणो —

“पस्सामहं देवमनुस्सलोके, अकिञ्चनं ब्राह्मणमिरियमानं ।
तं तं नमस्सामि समन्तचक्खु, पमुञ्च मं सक्क कथंकथाही”ति ॥

३३. नाहं सहिस्सामि पमोचनाय, कथंकथिं धोतक कञ्चि लोके।
धम्मञ्च सेट्ठं आजानमानो, एवं तुवं ओघमिमं तरेसि॥

नाहं सहिस्सामि [समीहामि (क०)] पमोचनायाति नाहं तं सक्कोमि मुञ्चितुं पमुञ्चितुं मोचेतुं पमोचेतुं उद्धरितुं समुद्धरितुं उट्ठापेतुं समुट्ठापेतुं कथंकथासल्लतोति । एवम्पि नाहं सहिस्सामि पमोचनाय । अथ वा, न ईहामि न समीहामि न उस्सहामि न वायमामि न उस्साहं करोमि न उस्सोळ्हिं करोमि न थामं करोमि न धित्तिं करोमि न वीरियं करोमि न छन्दं जनेमि न सज्जनेमि न निब्बत्तेमि न अभिनिब्बत्तेमि अस्सद्धे पुग्गले अच्छन्दिके कुसीते हीनवीरिये अप्पटिपज्जमाने धम्मदेसनायाति । एवम्पि नाहं सहिस्सामि पमोचनाय । अथ वा, नत्थज्जो कोचि मोचेता । ते यदि मोचेय्युं सकेन थामेन सकेन बलेन सकेन वीरियेन सकेन परक्कमेन सकेन पुरिसथामेन सकेन पुरिसबलेन सकेन पुरिसवीरियेन सकेन पुरिसपरक्कमेन अत्तना सम्मापटिपदं अनुलोमपटिपदं अपच्चनीकपटिपदं अन्वत्थपटिपदं धम्मानुधम्मपटिपदं पटिपज्जमाना मोचेय्युन्ति । एवम्पि नाहं सहिस्सामि पमोचनाय ।

वुत्तज्हेतं भगवता — “सो वत, चुन्द, अत्तना पलिपपलिपन्नो परं पलिपपलिपन्नं उद्धरिस्सतीति नेतं ठानं विज्जति । सो वत, चुन्द, अत्तना अदन्तो अविनीतो अपरिनिब्बुतो परं दमेस्सति विनेस्सति परिनिब्बापेस्सतीति नेतं ठानं विज्जतीति । एवम्पि नाहं सहिस्सामि पमोचनाय ।

वुत्तज्हेतं भगवता —

“अत्तना हि [अत्तनाव (बहूसु) ध० प० १६५] कतं पापं, अत्तना संकिलिस्सति ।
अत्तना अकतं पापं, अत्तनाव विसुज्झति ।
सुद्धि असुद्धि पच्चत्तं, नाज्जो अज्जं विसोधये”ति ॥

एवम्पि नाहं सहिस्सामि पमोचनाय ।

वुत्तज्हेतं भगवता — “एवमेव खो, ब्राह्मण, तिट्ठतेव निब्बानं तिट्ठति निब्बानगामिमग्गो तिट्ठामहं समादपेता, अथ च पन मम सावका मया एवं ओवदियमाना एवं अनुसासियमाना अप्पेकच्चे अच्चन्तनिट्ठं निब्बानं आराधेन्ति एकच्चे नाराधेन्तीति । एत्थ क्याहं, ब्राह्मण करोमि? मग्गक्खायी, ब्राह्मण, तथागतो । मग्गं बुद्धो आचिक्खति । अत्तना पटिपज्जमाना मुच्चेय्युन्ति [मुच्चेय्युन्ति (स्या०)] । एवम्पि नाहं सहिस्सामि पमोचनाय” ।

कथंकथिं धोतक कञ्चि लोकेति कथंकथिं पुग्गलं सकङ्खं सखिलं सद्देव्हकं सविचिकिच्छं । कञ्चीति कञ्चि खत्तियं वा ब्राह्मणं वा वेस्सं वा सुट्ठं वा गहट्ठं वा पब्बजितं वा देवं वा मनुस्सं वा । लोकेति अपायलोके...पे०... आयतनलोकेति — कथंकथिं धोतक कञ्चि लोके ।

धम्मञ्च सेट्ठं आजानमानोति धम्मं सेट्ठं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । सेट्ठन्ति अगं सेट्ठं विसेट्ठं पामोक्खं उत्तमं पवरं धम्मं आजानमानो विजानमानो पटिविज्जमानोति — धम्मञ्च सेट्ठं आजानमानो ।

एवं तुवं ओघमिमं तरेसीति एवं कामोघं भवोघं दिट्ठोघं अविज्जोघं तरेय्यासि उत्तरेय्यासि पतरेय्यासि

समतिक्कमेय्यासि वीतिवत्तेय्यासीति — एवं तुवं ओघमिमं तरेसि । तेनाह भगवा —

“नाहं सहिस्सामि पमोचनाय, कथंकथिं धोतक कञ्चि लोके ।
धम्मञ्च सेट्ठं आजानमानो, एवं तुवं ओघमिमं तरेसी”ति ॥

३४. अनुसास ब्रह्मे करुणायमानो, विवेकधम्मं यमहं विजञ्जं ।

यथाहं आकासोव [आकासो च (स्या०)] अब्यापज्जमानो [अव्यापज्जमानो (स्या०)], इधेव सन्तो असितो चरेय्यं ॥

अनुसास ब्रह्मे करुणायमानोति अनुसास ब्रह्मे अनुगण्ह ब्रह्मे अनुकम्प ब्रह्मेति — अनुसास ब्रह्मे ।

करुणायमानोति करुणायमानो अनुदयमानो [अनुदयमानो (बहूसु)] अनुरक्खमानो अनुगण्हमानो अनुकम्पमानोति — अनुसास ब्रह्मे करुणायमानो ।

विवेकधम्मं यमहं विजञ्जन्ति विवेकधम्मं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । यमहं विजञ्जन्ति यमहं जानेय्यं आजानेय्यं विजानेय्यं पटिविजानेय्यं पटिविज्जेय्यं अधिगच्छेय्यं फस्सेय्यं सच्छिकरेय्यन्ति — विवेकधम्मं यमहं विजञ्जं ।

यथाहं आकासोव अब्यापज्जमानोति यथा आकासो न पज्जति न गण्हति [नत्थि... स्या० ... पोत्थके] न बज्जति न पलिबज्जति, एवं अपज्जमानो अगण्हमानो अबज्जमानो अपलिबज्जमानोति — एवम्पि आकासोव अब्यापज्जमानो । यथा आकासो न रज्जति लाखाय वा हलिद्विया [हलिद्वेन (स्या०)] वा नीलिया [नीलेन (स्या०)] वा मज्जेद्वयाय वा एवं अरज्जमानो अदुस्समानो अमुहमानो अकिलिस्समानोति [अकिलियमानो (स्या०)] — एवम्पि आकासोव अब्यापज्जमानो । यथा आकासो न कुप्पति न व्यापज्जति न पतिलीयति [पतिट्ठियति (क०)] न पटिहज्जति, एवं अकुप्पमानो अब्यापज्जमानो अप्पतिलीयमानो अप्पटिहज्जमानो अप्पटिहतमानोति — एवम्पि आकासोव अब्यापज्जमानो ।

इधेव सन्तो असितो चरेय्यन्ति । इधेव सन्तोति इधेव सन्तो इधेव समानो इधेव निसिन्नो समानो इमस्मिंयेव आसने निसिन्नो समानो इमिस्सायेव परिसाय निसिन्नो समानोति, एवम्पि — इधेव सन्तो । अथ वा, इधेव सन्तो उपसन्तो वूपसन्तो निब्बुतो पटिप्पस्सद्भोति, एवम्पि — इधेव सन्तो । असितोति द्वे निस्सया — तण्हानिस्सयो च दिट्ठिनिस्सयो च...पे०... अयं तण्हानिस्सयो...पे०... अयं दिट्ठिनिस्सयो... तण्हानिस्सयं पहाय दिट्ठिनिस्सयं पटिनिस्सज्जित्वा चक्खुं अनिस्सितो, सोतं अनिस्सितो, घानं अनिस्सितो, जिह्वं अनिस्सितो, कायं अनिस्सितो, मनं अनिस्सितो, रूपे... सद्दे... गन्धे ... रसे... फोडुब्बे... धम्मे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं... कामधातुं... रूपधातुं... अरूपधातुं... कामभवं... रूपभवं... अरूपभवं... सज्जाभवं... असज्जाभवं... नेवसज्जानासज्जाभवं... एकवोकारभवं... चतुवोकारभवं... पच्चवोकारभवं... अतीतं... अनागतं... पच्चुप्पन्नं... दिट्ठसुतमुतविज्जातब्बे [दिट्ठं, सुतं, मुतं, विज्जातं, सब्बे । महानि० ४६ पस्सितब्बं] धम्मे असितो अनिस्सितो अनल्लीनो अनुपगतो अनज्झोसितो अनधिमुत्तो निक्खन्तो निस्सटो [निस्सटो (स्या०)] विप्पमुत्तो विसंयुत्तो विमरियादिकतेन चेतसा । चरेय्यन्ति चरेय्यं विहरेय्यं इरियेय्यं वत्तेय्यं यपेय्यं यापेय्यन्ति — इधेव सन्तो असितो चरेय्यं । तेनाह सो ब्राह्मणो —

“अनुसास ब्रह्मे करुणायमानो, विवेकधम्मं यमहं विजज्जं ।
यथाहं आकासोव अब्यापज्जमानो, इधेव सन्तो असितो चरेय्य”न्ति ॥

३५. कित्तयिस्सामि ते सन्ति, [धोतकाति भगवा]

दिट्ठे धम्मे अनीतिहं ।

यं विदित्वा सतो चरं, तरे लोके विसत्तिकं ॥

कित्तयिस्सामि ते सन्तिन्ति रागस्स सन्ति, दोसस्स सन्ति, मोहस्स सन्ति, कोधस्स सन्ति, उपनाहस्स...पे०...
मक्खस्स... पळासस्स... इस्साय... मच्छरियस्स... मायाय... साठेय्यस्स... थम्भस्स... सारम्भस्स... मानस्स... अतिमानस्स...
मदस्स... पमादस्स... सब्बकिलेसानं... सब्बदुच्चरितानं... सब्बदरथानं... सब्बपरिळाहानं... सब्बसन्तापानं...
सब्बाकुसलाभिसङ्खारानं सन्ति उपसन्ति वूपसन्ति निब्बुतिं पटिप्पस्सद्भिं कित्तयिस्सामि पकित्तयिस्सामि आचिक्खिस्सामि
देसेस्सामि पज्जपेस्सामि पट्टपेस्सामि विवरिस्सामि विभजिस्सामि उत्तानीकरिस्सामि पकासिस्सामीति — कित्तयिस्सामि ते
सन्ति ।

धोतकाति भगवाति । धोतकाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका
पज्जति, यदिदं भगवाति — धोतकाति भगवा ।

दिट्ठे धम्मे अनीतिहन्ति । दिट्ठे धम्मेति दिट्ठे धम्मे जाते धम्मे तुलिते धम्मे तीरिते धम्मे विभूते धम्मे विभाविते धम्मे
सब्बे सङ्खारा अनिच्चाति...पे०... यं किञ्चि समुदयधम्मं सब्बं तं निरोधधम्मन्ति दिट्ठे धम्मे जाते धम्मे तुलिते धम्मे तीरिते
धम्मे विभाविते धम्मे विभूते धम्मेति, एवम्पि — दिट्ठे धम्मे...पे०... । अथ वा, दुक्खे दिट्ठे दुक्खं कथयिस्सामि, समुदये दिट्ठे
समुदयं कथयिस्सामि, मग्गे दिट्ठे मग्गं कथयिस्सामि, निरोधे दिट्ठे निरोधं कथयिस्सामीति, एवम्पि — दिट्ठे धम्मे...पे०... । अथ
वा, सन्दिट्ठिकं अकालिकं एहिपस्सिकं ओपनेय्यिकं [ओपनयिकं (स्या० क०)] पच्चत्तं वेदितब्बं विज्जूहीति, एवम्पि —
दिट्ठे धम्मे । अनीतिहन्ति न इतिहीतिहं न इतिकिराय न परम्पराय न पिटकसम्पदाय न तक्कहेतु न नयहेतु न
आकारपरिवितक्केन न दिट्ठिनिज्झानक्खन्तिया सामं सयमभिज्जातं अत्तपच्चक्खधम्मं, तं कथयिस्सामीति — दिट्ठे धम्मे
अनीतिहं ।

यं विदित्वा सतो चरन्ति यं विदितं कत्वा तुलयित्वा तीरयित्वा विभावयित्वा विभूतं कत्वा; “सब्बे सङ्खारा
अनिच्चा”ति विदितं कत्वा तुलयित्वा तीरयित्वा विभावयित्वा विभूतं कत्वा; “सब्बे सङ्खारा दुक्खा”ति...पे०... “सब्बे
धम्मा अनत्ता”ति...पे०... “यं किञ्चि समुदयधम्मं सब्बं तं निरोधधम्म”न्ति विदितं कत्वा तुलयित्वा तीरयित्वा
विभावयित्वा विभूतं कत्वा । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो...पे०... सो
वुच्चति सतो । चरन्ति चरन्तो विहरन्तो इरियन्तो वत्तेन्तो पालेन्तो यपेन्तो यापेन्तोति — यं विदित्वा सतो चरं ।

तरे लोके विसत्तिकन्ति विसत्तिका वुच्चति तण्हा । यो रागो सारागो...पे०... अभिज्झा लोभो अकुसलमूलं ।
विसत्तिकाति केनट्टेन विसत्तिका...पे०... विसटा वित्थताति विसत्तिका । लोकेति अपायलोके...पे०... आयतनलोके । तरे
लोके विसत्तिकन्ति लोके वेसा विसत्तिका, लोके वेतं विसत्तिकं सतो तरेय्य उत्तरेय्य पतरेय्य समतिक्कमेय्य
वीतिवत्तेय्याति — तरे लोके विसत्तिकं । तेनाह भगवा —

“कित्तयिस्सामि ते सन्ति, [धोतकाति भगवा]
दिट्ठे धम्मे अनीतिहं ।
यं विदित्वा सतो चरं, तरे लोके विसत्तिक”न्ति ॥

**३६. तज्चाहं अभिनन्दामि, महेसि सन्तिमुत्तमं ।
यं विदित्वा सतो चरं, तरे लोके विसत्तिकं ॥**

तज्चाहं अभिनन्दामीति । तन्ति तुय्ं वचनं ब्यप्पथं देसनं अनुसासनं अनुसिट्ठं नन्दामि अभिनन्दामि मोदामि अनुमोदामि इच्छामि सादियामि पत्थयामि पिहयामि अभिजप्पामीति — तज्चाहं अभिनन्दामि ।

महेसिसन्तिमुत्तमन्ति । महेसीति किं महेसि भगवा? महन्तं सीलक्खन्धं एसी गवेसी परियेसीति महेसि, महन्तं समाधिक्खन्धं...पे०... कहं नरासभोति महेसि । सन्तिमुत्तमन्ति सन्ति वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सगो तण्हक्खयो विरागो निरोधो निब्बानं । उत्तमन्ति अगं सेट्ठं विसेट्ठं पामोक्खं उत्तमं पवरन्ति — महेसि सन्तिमुत्तमं ।

यं विदित्वा सतो चरन्ति यं विदितं कत्वा...पे०... “सब्बे सङ्खारा अनिच्चा”ति विदितं कत्वा तुलयित्वा तीरयित्वा विभावयित्वा विभूतं कत्वा; “सब्बे सङ्खारा दुक्खा”ति... “सब्बे धम्मा अनत्ता”ति...पे०... “यं किञ्चि समुदयधम्मं सब्बं तं निरोधधम्म”न्ति विदितं कत्वा तुलयित्वा तीरयित्वा विभावयित्वा विभूतं कत्वा । सतोति चतूहि कारणोहि सतो — काये कायानुपस्सनासतिपट्टानं भावेन्तो सतो...पे०... सो वुच्चति सतो । चरन्ति चरन्तो...पे०... यापेन्तोति — यं विदित्वा सतो चरं ।

तरे लोके विसत्तिकन्ति । विसत्तिका वुच्चति तण्हा । यो रागो सारागो...पे०... अभिज्झा लोभो अकुसलमूलं । विसत्तिकाति केनट्ठेन विसत्तिका...पे०... विसटा वित्थताति विसत्तिका । लोकेति अपायलोके...पे०... आयतनलोके । तरे लोके विसत्तिकन्ति लोके वेसा विसत्तिका, लोके वेतं विसत्तिकं सतो तरेय्यं उत्तरेय्यं...पे०... वीतिवत्तेय्यन्ति — तरे लोके विसत्तिकं । तेनाह सो ब्राह्मणो —

“तज्चाहं अभिनन्दामि, महेसि सन्तिमुत्तमं ।
यं विदित्वा सतो चरं, तरे लोके विसत्तिक”न्ति ॥

**३७. यं किञ्चि सम्पजानासि, [धोतकाति भगवा]
उद्धं अधो तिरियज्चापि मज्जे ।
एतं विदित्वा सङ्गोति लोके, भवाभवाय माकासि तण्हं ॥**

यं किञ्चि सम्पजानासीति यं किञ्चि सम्पजानासि आजानासि पटिविजानासि पटिविज्झसीति — यं किञ्चि सम्पजानासि । धोतकाति भगवाति । धोतकाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जति, यदिदं भगवाति — धोतकाति भगवा ।

उद्धं अधो तिरियज्चापि मज्जेति । उद्धन्ति अनागतं; अधोति अतीतं; तिरियज्चापि मज्जेति पच्चुप्पन्नं । उद्धन्ति देवलोको; अधोति अपायलोको; तिरियज्चापि मज्जेति मनुस्सलोको । अथ वा, उद्धन्ति कुसला धम्मा; अधोति

अकुसला धम्मा; तिरियञ्चापि मज्झेति अब्याकता धम्मा । उद्धन्ति अरूपधातु; अधोति कामधातु; तिरियञ्चापि मज्झेति रूपधातु । उद्धन्ति सुखा वेदना; अधोति दुक्खा वेदना; तिरियञ्चापि मज्झेति अदुक्खमसुखा वेदना । उद्धन्ति उद्धं पादतला; अधोति अधो केसमत्थका; तिरियञ्चापि मज्झेति वेमज्झेति — उद्धं अधो तिरियञ्चापि मज्झे ।

एतं विदित्वा सङ्गोति लोकेति सङ्गो एसो लग्गनं एतं बन्धनं एतं पलिबोधो एसोति जत्वा जानित्वा तुलयित्वा तीरयित्वा विभावयित्वा विभूतं कत्वाति — एतं विदित्वा सङ्गोति लोके ।

भवाभवाय माकासि तण्हन्ति । तण्हाति रूपतण्हा सद्वतण्हा...पे०... धम्मतण्हा । भवाभवायाति भवाभवाय कम्मभवाय पुनब्भवाय कामभवाय, कम्मभवाय कामभवाय पुनब्भवाय रूपभवाय, कम्मभवाय रूपभवाय पुनब्भवाय अरूपभवाय, कम्मभवाय अरूपभवाय पुनब्भवाय पुनप्पुनब्भवाय, पुनप्पुनगतिया पुनप्पुनउपपत्तिया पुनप्पुनपटिसन्धिया पुनप्पुनअत्तभावाभिनिब्बत्तिया तण्हं माकासि मा जनेसि मा सज्जेनेसि मा निब्बत्तेसि माभिनिब्बत्तेसि, पजह विनोदेहि ब्यन्तीकरोहि अनभावं गमेहीति — भवाभवाय माकासि तण्हन्ति । तेनाह भगवा —

“यं किञ्चि सम्पजानासि, [धोतकाति भगवा]
उद्धं अधो तिरियञ्चापि मज्झे ।
एतं विदित्वा सङ्गोति लोके, भवाभवाय माकासि तण्हं’न्ति ॥

सह गाथापरियोसाना...पे०... सत्था मे, भन्ते भगवा, सावकोहमस्मीति ।

धोतकमाणवपुच्छानिद्देसो पञ्चमो ।

६. उपसीवमाणवपुच्छानिद्देसो

३८. एको अहं सक्क महन्तमोघं, [इच्छायस्मा उपसीवो]
अनिस्सितो नो विसहामि तारितुं ।
आरम्मणं [आरमणं (क०)] बूहि समन्तचक्खु, यं निस्सितो ओघमिमं तरेय्यं ॥

एको अहं सक्क महन्तमोघन्ति । एकोति पुगगलो वा मे दुतियो नत्थि, धम्मो वा मे दुतियो नत्थि, यं वा पुगगलं निस्साय धम्मं वा निस्साय महन्तं कामोघं भवोघं दिट्ठोघं अविज्जोघं तरेय्यं उत्तरेय्यं पतरेय्यं समतिक्कमेय्यं वीतिवत्तेय्यन्ति । सक्काति सक्को । भगवा सक्ककुला पब्बजितोतिपि सक्को । अथ वा, अट्ठो महद्धनो धनवातिपि सक्को । तस्सिमानि धनानि, सेय्यथिदं — सद्धाधनं सीलधनं हिरिधनं ओत्तप्पधनं सुतधनं चागधनं पज्जाधनं सतिपट्ठानधनं...पे०... निब्बानधनं । इमेहि अनेकेहि धनरतनेहि अट्ठो महद्धनो धनवातिपि सक्को । अथ वा, सक्को पट्ठु विसवी अलमत्तो सूरु वीरो विक्कन्तो अभीरू अछम्भी अनुत्रासी अपलायी पहीनभयभेरवो विगतलोमहंसोतिपि सक्कोति — एको अहं सक्क महन्तमोघं ।

इच्छायस्मा उपसीवोति । इच्छाति पदसन्धि...पे०... । आयस्माति पियवचनं...पे०... । उपसीवोति तस्स ब्राह्मणस्स नामं...पे०... अभिलापोति — इच्छायस्मा उपसीवो ।

अनिस्सितो नो विसहामि तारितुं । अनिस्सितोति पुग्गलं वा अनिस्सितो धम्मं वा अनिस्सितो नो विसहामि न उस्सहामि न सक्कोमि न पटिबलो महन्तं कामोधं भवोधं दिट्ठोधं अविज्जोधं तरितुं उत्तरितुं पतरितुं समतिक्कमितुं वीतिवत्तितुं — अनिस्सितो नो विसहामि तारितुं ।

आरम्मणं ब्रूहि समन्तचक्खूति आरम्मणं आलम्बणं निस्सयं उपनिस्सयं ब्रूहि आचिक्खहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहि । समन्तचक्खूति समन्तचक्खु वुच्चति सब्बज्जुतजाणं । भगवा तेन सब्बज्जुतजाणेन उपेतो समुपेतो उपागतो समुपागतो उपपन्नो समुपपन्नो समन्नागतो ।

न तस्स अदिट्ठमिधत्थि किञ्चि, अथो अविज्जातमजानितब्बं ।
सब्बं अभिज्जासि यदत्थि नेय्यं, तथागतो तेन समन्तचक्खूति ॥

आरम्मणं ब्रूहि समन्तचक्खु ।

यं निस्सितो ओघमिमं तरेय्यन्ति । यं निस्सितोति यं पुग्गलं वा निस्सितो धम्मं वा निस्सितो महन्तं कामोधं भवोधं दिट्ठोधं अविज्जोधं तरेय्यं उत्तरेय्यं पतरेय्यं समतिक्कमेय्यं वीतिवत्तेय्यन्ति — यं निस्सितो ओघमिमं तरेय्यं । तेनाह सो ब्राह्मणो —

“एको अहं सक्क महन्तमोधं, [इच्चायस्मा उपसीवो]
अनिस्सितो नो विसहामि तारितुं ।
आरम्मणं ब्रूहि समन्तचक्खु, यं निस्सितो ओघमिमं तरेय्य”न्ति ॥

३९. आकिञ्चज्जं पेक्खमानो सतिमा, [उपसीवाति भगवा]

नत्थीति निस्साय तरस्सु ओघं ।

कामे पहाय विरतो कथाहि, तण्हक्खयं नत्तमहाभिपस्स [रत्तमहाभिपस्स (स्या०) पस्स अभिधानगन्थे
अव्ययवगो] ॥

आकिञ्चज्जं पेक्खमानो सतिमाति सो ब्राह्मणो पकतिया आकिञ्चज्जायतनसमापत्तिं लाभीयेव निस्सयं न जानाति — “अयं मे निस्सयो”ति । तस्स भगवा निस्सयञ्च आचिक्खति उत्तरिञ्च निय्यानपथं ।
आकिञ्चज्जायतनसमापत्तिं सतो समापज्जित्वा ततो वुट्ठित्वा तत्थ जाते चित्तचेतसिके धम्मे अनिच्चतो पेक्खमानो,
दुक्खतो...पे०... रोगतो... गण्डतो... सल्लतो... अघतो... आबाधतो... परतो... पलोकतो... ईतितो... उपद्वतो... भयतो...
उपसगतो... चलतो... पभङ्गुतो... अद्भुवतो... अताणतो... अलेणतो... असरणतो... असरणीभूततो... रिक्ततो... तुच्छतो...
सुज्जतो... अनत्ततो... आदीनवतो... विपरिणामधम्मतो... असारकतो... अघमूलतो... भवतो... विभवतो... सासवतो...
सङ्घततो... मारामिसतो... जातिधम्मतो... जराधम्मतो... ब्याधिधम्मतो... मरणधम्मतो...
सोकपरिदेवदुक्खदोमनस्सुपायासधम्मतो ... समुदयधम्मतो... अत्थङ्गमतो... अस्सादतो... आदीनवतो... निस्सरणतो
पेक्खमानो दक्खमानो ओलोकयमानो निज्झायमानो उपपरिक्खमानो ।

सतिमाति या सति अनुस्सति पटिस्सति...पे०... सम्मासति — अयं वुच्चति सति । इमाय सतिया उपेतो होति...पे०...
समन्नागतो, सो वुच्चति सतिमाति — आकिञ्चज्जं पेक्खमानो सतिमा ।

उपसीवाति भगवाति । उपसीवाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जति, यदिदं भगवाति — उपसीवाति भगवा ।

नत्थीति निस्साय तरस्सु ओघन्ति नत्थि किञ्चीति आकिञ्चज्जायतनसमापत्ति । किंकारणा नत्थि किञ्चीति आकिञ्चज्जायतनसमापत्ति? विज्जाणज्जायतनसमापत्तिं सतो समापज्जित्वा ततो वुट्ठित्वा तज्जेव विज्जाणं अभावेति, विभावेति, अन्तरधापेति, नत्थि किञ्चीति पस्सति । तंकारणा नत्थि किञ्चीति आकिञ्चज्जायतनसमापत्तिं निस्साय उपनिस्साय आलम्बणं करित्वा कामोघं भवोघं दिट्ठोघं अविज्जोघं तरस्सु उत्तरस्सु पतरस्सु समतिक्कमस्सु वीतिवत्तस्सूति — नत्थीति निस्साय तरस्सु ओघं ।

कामे पहाय विरतो कथाहीति । कामाति उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा ...पे०... इमे वुच्चन्ति किलेसकामा । **कामे पहायाति** वत्थुकामे परिजानित्वा किलेसकामे पहाय पजहित्वा विनोदेत्वा ब्यन्तीकरित्वा अनभावं गमेत्वाति — कामे पहाय । **विरतो कथाहीति** कथंकथा वुच्चति विचिकिच्छा । दुक्खे कङ्का...पे०... छम्भित्तं चित्तस्स मनोविलेखो कथंकथाय आरतो विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — एवम्पि विरतो कथाहि...पे०... अथ वा, द्वत्तिंसाय तिरच्छानकथाय आरतो विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति एवम्पि विरतो कथाहीति — कामे पहाय विरतो कथाहि ।

तण्हक्खयं नत्तमहाभिपस्साति । तण्हाति रूपतण्हा...पे०... धम्मतण्हा । **नत्तं** वुच्चति रत्ति । **अहोति** दिवसो । रत्तिञ्च दिवा च तण्हक्खयं रागक्खयं दोसक्खयं मोहक्खयं गतिकक्खयं उपपत्तिकक्खयं पटिसन्धिकक्खयं भवक्खयं संसारक्खयं वट्ठक्खयं पस्स अभिपस्स दक्ख ओलोकय निज्झाय उपपरिक्खाति — तण्हक्खयं नत्तमहाभिपस्स । तेनाह भगवा —

“आकिञ्चज्जं पेक्खमानो सतिमा, [उपसीवाति भगवा]
नत्थीति निस्साय तरस्सु ओघं ।
कामे पहाय विरतो कथाहि, तण्हक्खयं नत्तमहाभिपस्सा”ति ॥

**४०. सब्बेसु कामेसु यो वीतरागो, [इच्चायस्मा उपसीवो]
आकिञ्चज्जं निस्सितो हित्वा मज्जं ।
सज्जाविमोक्खे परमेधिमुत्तो, तिट्ठे नु सो तत्थ अनानुयायी ॥**

सब्बेसु कामेसु यो वीतरागोति । सब्बेसूति सब्बेन सब्बं सब्बथा सब्बं असेसं निस्सेसं परियादियनवचनमेतं सब्बेसूति । **कामेसूति कामाति** उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । **सब्बेसु कामेसु यो वीतरागोति । सब्बेसु कामेसु यो वीतरागो** विगतरागो चत्तरागो वन्तरागो मुत्तरागो पहीनरागो पटिनिस्सट्टरागो विक्खम्भनतोति — सब्बेसु कामेसु यो वीतरागो ।

इच्चायस्मा उपसीवोति । इच्चाति पदसन्धि...पे०... । **आयस्माति** पियवचनं...पे०... । **उपसीवोति** तस्स ब्राह्मणस्स नामं...पे०... अभिलापोति — इच्चायस्मा उपसीवो ।

आकिञ्चज्जं निस्सितो हित्वा मज्जन्ति । हेट्ठिमा छ समापत्तियो हित्वा चजित्वा परिच्यजित्वा अतिक्कमित्वा

समतिककमित्वा वीतिवत्तित्वा आकिञ्चज्जायतनसमापत्तिं निस्सितो अल्लीनो उपगतो समुपगतो अज्झोसितो अधिमुत्तोति — आकिञ्चज्जं निस्सितो हित्वा मज्जं ।

सज्जाविमोक्खे परमेधिमुत्तोति सज्जाविमोक्खा वुच्चन्ति सत्त सज्जासमापत्तियो । तासं सज्जासमापत्तीनं आकिञ्चज्जायतनसमापत्तिविमोक्खो [विमोक्खा (क०) एवमज्जेसु पदेसु बहुवचनेन] अगो च सेट्ठो च विसेट्ठो च पामोक्खो च उत्तमो च पवरो च, परमे अगो सेट्ठे विसेट्ठे पामोक्खे उत्तमे पवरे अधिमुत्तिविमोक्खेन अधिमुत्तो तत्राधिमुत्तो तदधिमुत्तो तच्चरितो तब्बहुलो तगगरुको तन्नित्तो तप्पोणो तप्पभारो तदधिमुत्तो तदधिपतेय्योति — सज्जाविमोक्खे परमेधिमुत्तो ।

तिट्ठे नु सो तत्थ अनानुयायीति । तिट्ठे नूति संसयपुच्छा विमतिपुच्छा द्वेळ्हकपुच्छा अनेकंसपुच्छा, “एवं नु खो, ननु खो, किं नु खो, कथं नु खो”ति — तिट्ठे नु । **तत्थाति** आकिञ्चज्जायतने । **अनानुयायीति** अनानुयायी अविच्चमानो [अवेधमानो (स्या०)] अविगच्छमानो अनन्तरधायमानो अपरिहायमानो...पे०... । अथ वा, अरज्जमानो अदुस्समानो अमुहमानो अकिलिस्समानोति — तिट्ठे नु सो तत्थ अनानुयायी । तेनाह सो ब्राह्मणो —

“सब्बेसु कामेसु यो वीतरागो, [इच्छायस्मा उपसीवो]
आकिञ्चज्जं निस्सितो हित्वा मज्जं ।
सज्जाविमोक्खे परमेधिमुत्तो, तिट्ठे नु सो तत्थ अनानुयायी”ति ॥

४१. सब्बेसु कामेसु यो वीतरागो, [उपसीवाति भगवा]
आकिञ्चज्जं निस्सितो हित्वा मज्जं ।
सज्जाविमोक्खे परमेधिमुत्तो, तिट्ठेय्य सो तत्थ अनानुयायी ॥

सब्बेसु कामेसु यो वीतरागोति । सब्बेसूति सब्बेन सब्बं सब्बथा सब्बं असेसं निस्सेसं परियादियनवचनमेतं सब्बेसूति । **कामेसूति** कामाति उद्धानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । **सब्बेसु कामेसु यो वीतरागोति** सब्बेसु कामेसु यो वीतरागो...पे०... पटिनिस्सट्ठरागो विक्खम्भनतोति — सब्बेसु कामेसु यो वीतरागो ।

उपसीवाति भगवाति । उपसीवाति भगवा तं ब्राह्मणं नामेन आलपति । **भगवाति** गारवाधिवचनमेतं...पे०... सच्छिका पज्जत्ति, यदिदं भगवाति — उपसीवाति भगवा ।

आकिञ्चज्जं निस्सितो हित्वा मज्जन्ति । हेट्ठिमा छ समापत्तियो हित्वा चजित्वा परिच्चजित्वा अतिककमित्वा समतिककमित्वा वीतिवत्तित्वा आकिञ्चज्जायतनसमापत्तिं निस्सितो अल्लीनो उपगतो समुपगतो अज्झोसितो अधिमुत्तोति — आकिञ्चज्जं निस्सितो हित्वा मज्जं ।

सज्जाविमोक्खे परमेधिमुत्तोति सज्जाविमोक्खा वुच्चन्ति सत्त सज्जासमापत्तियो । तासं सज्जासमापत्तीनं आकिञ्चज्जायतनसमापत्तिविमोक्खो अगो च सेट्ठो च विसेट्ठो च पामोक्खो च उत्तमो च पवरो च, परमे अगो सेट्ठे विसेट्ठे पामोक्खे उत्तमे पवरे अधिमुत्तिविमोक्खेन अधिमुत्तो तत्राधिमुत्तो तदधिमुत्तो...पे०... तदधिपतेय्योति — सज्जाविमोक्खे परमेधिमुत्तो ।

तिद्वेय्य सो तत्थ अनानुयायीति । तिद्वेय्याति तिद्वेय्य सट्टिकप्पसहस्सानि । तत्थाति आकिञ्चज्जायतने । अनानुयायीति अनानुयायी अविच्चमानो अविगच्छमानो अनन्तरधायमानो अपरिहायमानो । अथ वा, अरज्जमानो अदुस्समानो अमुहमानो अकिलिस्समानोति — तिद्वेय्य सो तत्थ अनानुयायी । तेनाह भगवा —

“सब्बेसु कामेसु यो वीतरागो, [उपसीवाति भगवा]
आकिञ्चज्जं निस्सितो हित्वा मज्जं ।
सज्जाविमोक्खे परमेधिमुत्तो, तिद्वेय्य सो तत्थ अनानुयायी”ति ॥

४२. तिद्वे चे सो तत्थ अनानुयायी, पूगम्पि वस्सानि [वस्सानं (स्या० क०)] समन्तचक्खु ।
तत्थेव सो सीतिसिया विमुत्तो, चवेथ विज्जाणं तथाविधस्स ॥

तिद्वे चे सो तत्थ अनानुयायीति सचे सो तिद्वेय्य सट्टिकप्पसहस्सानि । तत्थाति आकिञ्चज्जायतने । अनानुयायीति अनानुयायी अविच्चमानो अविगच्छमानो अनन्तरधायमानो अपरिहायमानो । अथ वा, अरज्जमानो अदुस्समानो अमुहमानो अकिलिस्समानोति — तिद्वे चे सो तत्थ अनानुयायी ।

पूगम्पि वस्सानि समन्तचक्खूति । पूगम्पि वस्सानीति पूगम्पि वस्सानि बहूनि वस्सानि [बहुन्नं वस्सानं (स्या०)]
बहूनि वस्ससतानि बहूनि वस्ससहस्सानि बहूनि वस्ससतसहस्सानि बहूनि कप्पानि बहूनि कप्पसतानि बहूनि
कप्पसहस्सानि बहूनि कप्पसतसहस्सानि । समन्तचक्खूति समन्तचक्खु वुच्चति सब्बज्जुतजाणं...पे०... तथागतो तेन
समन्तचक्खूति — पूगम्पि वस्सानि समन्तचक्खु ।

तत्थेव सो सीतिसिया विमुत्तो, चवेथ विज्जाणं तथाविधस्साति तत्थेव सो सीतिभावमनुप्पत्तो निच्चो धुवो
सस्सतो अविपरिणामधम्मो सस्सतिसमं तथेव तिद्वेय्य । अथ वा, तस्स विज्जाणं चवेय्य उच्छिज्जेय्य नस्सेय्य विनस्सेय्य न
भवेय्याति पुनब्भवपटिसन्धिविज्जाणं निब्बत्तेय्य कामधातुया वा रूपधातुया वा अरूपधातुया वाति आकिञ्चज्जायतनं
समापन्नस्स सस्सतज्ज उच्छेदज्ज पुच्छति । उदाहु तत्थेव अनुपादिसेसाय निब्बानधातुया परिनिब्बायेय्य । अथ वा, तस्स
विज्जाणं चवेय्य पुन पटिसन्धिविज्जाणं निब्बत्तेय्य कामधातुया वा रूपधातुया वा अरूपधातुया वाति, आकिञ्चज्जायतनं
उपपन्नस्स परिनिब्बानज्ज पटिसन्धिज्ज पुच्छति । तथाविधस्साति तथाविधस्स तादिसस्स तस्सण्ठितस्स तप्पकारस्स
तप्पटिभागस्स आकिञ्चज्जायतनं उपपन्नस्साति — तत्थेव सो सीतिसिया विमुत्तो, चवेथ विज्जाणं तथाविधस्स । तेनाह
सो ब्राह्मणो —

“तिद्वे चे सो तत्थ अनानुयायी, पूगम्पि वस्सानि समन्तचक्खु ।
तत्थेव सो सीतिसिया विमुत्तो, चवेथ विज्जाणं तथाविधस्सा”ति ॥

४३. अच्चि यथा वातवेगेन खित्ता, [उपसीवाति भगवा]
अत्थं पलेति न उपेति सङ्गं ।
एवं मुनी नामकाया विमुत्तो, अत्थं पलेति न उपेति सङ्गं ॥

अच्चि यथा वातवेगेन खित्ताति अच्चि वुच्चति जालसिखा । वाताति पुरत्थिमा वाता पच्छिमा वाता उत्तरा वाता
दक्खिणा वाता सरजा वाता अरजा वाता सीता वाता उण्हा वाता परित्ता वाता अधिमत्ता वाता [काळवाता (क०)]

वेरम्भवाता पक्खवाता सुपण्णवाता तालपण्णवाता विधूपनवाता । वातवेगेन खित्ताति वातवेगेन खित्ता [खित्तं (स्या०) एवमज्जेसु पदेसु निग्गहीतन्तवसेन] उक्खित्ता नुन्ना पणुन्ना खम्भिता विक्खम्भिताति — अच्चि यथा वातवेगेन खित्ता । उपसीवाति भगवाति । उपसीवाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जति, यदिदं भगवाति — उपसीवाति भगवा ।

अत्थं पलेति न उपेति सङ्गन्ति । अत्थं पलेतीति अत्थं पलेति, अत्थं गमेति, अत्थं गच्छति निरुज्झति वूपसमति पटिप्पस्सम्भति । न उपेति सङ्गन्ति सङ्गं [अमुकं नाम दिसं गतोति सङ्गं (स्या०)] न उपेति, उद्देसं न उपेति, गणनं न उपेति, पण्णत्तिं न उपेति, “पुरत्थिमं वा दिसं गता, पच्छिमं वा दिसं गता, उत्तरं वा दिसं गता, दक्खिणं वा दिसं गता उद्धं वा गता, अधो वा गता, तिरियं वा गता, विदिसं वा गता”ति, सो हेतु नत्थि, पच्चयो नत्थि, कारणं नत्थि, येन सङ्गं गच्छेय्याति — अत्थं पलेति न उपेति सङ्गं ।

एवं मुनी नामकाया विमुत्तोति । एवन्ति ओपम्मसम्पटिपादनं । मुनीति मोनं वुच्चति जाणं ...पे०... सङ्गजालमतिच्च सो मुनि । नामकाया विमुत्तोति सो मुनि पकतिया पुब्बेव रूपकाया विमुत्तो । तदङ्गं समतिक्कमा [तदङ्गं समतिक्कम्म (क०)] विक्खम्भनप्पहानेन पहीनो । तस्स मुनिनो भवन्तं आगम्म चत्तारो अरियमग्गा पटिलद्धा होन्ति । चतुन्नं अरियमग्गानं पटिलद्धत्ता नामकायो च रूपकायो च परिज्जाता होन्ति । नामकायस्स च रूपकायस्स च परिज्जातत्ता नामकाया च रूपकाया च मुत्तो विमुत्तो सुविमुत्तो अच्चन्तअनुपादाविमोक्खेनाति — एवं मुनी नामकाया विमुत्तो ।

अत्थं पलेति न उपेति सङ्गन्ति । अत्थं पलेतीति अनुपादिसेसाय निब्बानधातुया परिनिब्बायति । न उपेति सङ्गन्ति अनुपादिसेसाय निब्बानधातुया परिनिब्बुतो सङ्गं न उपेति, उद्देसं न उपेति, गणनं न उपेति, पण्णत्तिं न उपेति — खत्तियोति वा ब्राह्मणोति वा वेस्सोति वा सुद्धोति वा गहट्ठोति वा पब्बजितोति वा देवोति वा मनुस्सोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति वा । सो हेतु नत्थि पच्चयो नत्थि कारणं नत्थि येन सङ्गं गच्छेय्याति — अत्थं पलेति न उपेति सङ्गं । तेनाह भगवा —

“अच्चि यथा वातवेगेन खित्ता, [उपसीवाति भगवा]

अत्थं पलेति न उपेति सङ्गं ।

एवं मुनी नामकाया विमुत्तो, अत्थं पलेति न उपेति सङ्गं”न्ति ॥

४४. अत्थङ्गतो सो उद वा सो नत्थि, उदाहु वे सस्सतिया अरोगो ।

तं मे मुनी साधु वियाकरोहि, तथा हि ते विदितो एस धम्मो ॥

अत्थङ्गतो सो उद वा सो नत्थीति सो अत्थङ्गतो उदाहु नत्थि सो निरुद्धो उच्छिन्नो विनट्ठोति — अत्थङ्गतो सो उद वा सो नत्थि ।

उदाहु वे सस्सतिया अरोगोति उदाहु निच्चो धुवो सस्सतो अविपरिणामधम्मो सस्सतिसमं तथेव तिट्ठेय्याति — उदाहु वे सस्सतिया अरोगो ।

तं मे मुनी साधु वियाकरोहीति । तन्ति यं पुच्छामि यं याचामि यं अज्झेसामि यं पसादेमि । मुनीति मोनं वुच्चति जाणं...पे०... सङ्गजालमतिच्च सो मुनि । साधु वियाकरोहीति साधु आचिक्खाहि देसेहि पज्जपेहि पट्टपेहि विवराहि

विभजाहि उत्तानीकरोहि पकासेहीति — तं मे मुनी साधु वियाकरोहि ।

तथा हि ते विदितो एस धम्मोति तथा हि ते विदितो तुलितो तीरितो विभूतो विभावितो एस धम्मोति — तथा हि ते विदितो एस धम्मो । तेनाह सो ब्राह्मणो —

“अत्थङ्गतो सो उद वा सो नत्थि, उदाहु वे सस्सतिया अरोगो ।
तं मे मुनी साधु वियाकरोहि, तथा हि ते विदितो एस धम्मो”ति ॥

४५. अत्थङ्गतस्स न पमाणमत्थि, [उपसीवाति भगवा]

येन नं वज्जुं तं तस्स नत्थि ।

सब्बेसु धम्मेसु समूहतेसु, समूहता वादपथापि सब्बे ॥

अत्थङ्गतस्स न पमाणमत्थीति अत्थङ्गतस्स अनुपादिसेसाय निब्बानधातुया परिनिब्बुतस्स रूपपमाणं नत्थि, वेदनापमाणं नत्थि, सञ्जापमाणं नत्थि, सङ्खारपमाणं नत्थि, विञ्जाणपमाणं नत्थि, न अत्थि न संविज्जति नुपलब्धति पहीनं समुच्छिन्नं वूपसन्तं पटिप्पस्सद्धं अभब्बुप्पत्तिकं जाणगिना दड्ढन्ति — अत्थङ्गतस्स न पमाणमत्थि । उपसीवाति भगवाति उपसीवाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जत्ति, यदिदं भगवाति — उपसीवाति भगवा ।

येन नं वज्जुं तं तस्स नत्थीति येन तं रागेन [येन रागेन (स्या० क०) महानि० १४] वदेय्युं, येन दोसेन वदेय्युं, येन मोहेन वदेय्युं, येन मानेन वदेय्युं, याय दिट्ठिया वदेय्युं, येन उद्धच्चेन वदेय्युं, याय विचिकिच्छाय वदेय्युं, येहि अनुसयेहि वदेय्युं — रत्तोति वा दुट्ठोति वा मूळ्होति वा विनिबद्धोति वा परामट्ठोति वा विक्खेपगतोति वा अनिद्वङ्गतोति [अनिद्वङ्गतोति (क०)] वा थामगतोति वा, ते अभिसङ्खारा पहीना । अभिसङ्खारानं पहीनत्ता गतिया येन तं वदेय्युं — नेरयिकोति वा तिरच्छानयोनिकोति वा पेत्तिविसयिकोति वा मनुस्सोति वा देवोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति वा, सो हेतु नत्थि पच्चयो नत्थि कारणं नत्थि येन वदेय्युं कथेय्युं भणेय्युं दीपेय्युं वोहरेय्युन्ति — येन नं वज्जुं तं तस्स नत्थि ।

सब्बेसु धम्मेसु समूहतेसूति सब्बेसु धम्मेसु सब्बेसु खन्धेसु सब्बेसु आयतनेसु सब्बासु धातूसु सब्बासु गतीसु सब्बासु उपपत्तीसु सब्बासु पटिसन्धीसु सब्बेसु भवेसु सब्बेसु संसारेसु सब्बेसु वट्ठेसु ऊहतेसु समूहतेसु उद्धतेसु समुद्धतेसु उप्पाटितेसु समुप्पाटितेसु पहीनेसु समुच्छिन्नेसु वूपसन्तेसु पटिप्पस्सद्धेसु अभब्बुप्पत्तिकेसु जाणगिना दड्ढेसूति — सब्बेसु धम्मेसु समूहतेसु ।

समूहता वादपथापि सब्बेति वादपथा वुच्चन्ति किलेसा च खन्धा च अभिसङ्खारा च । तस्स वादा च वादपथा च अधिवचनानि च अधिवचनपथा च निरुत्ति च निरुत्तिपथा च पज्जत्ति च पज्जत्तिपथा च ऊहता समूहता उद्धता समुद्धता उप्पाटिता समुप्पाटिता पहीना समुच्छिन्ना वूपसन्ता पटिप्पस्सद्धा अभब्बुप्पत्तिका जाणगिना दड्ढाति — समूहता वादपथापि सब्बे । तेनाह भगवा —

“अत्थङ्गतस्स न पमाणमत्थि, [उपसीवाति भगवा]
येन नं वज्जुं तं तस्स नत्थि ।

सब्बेसु धम्मेषु समूहतेसु, समूहता वादपथापि सब्बे’ति ॥

सह गाथापरियोसाना ये ते ब्राह्मणेन सद्धिं...पे०... पञ्जलिको नमस्समानो निसिन्नो होति — सत्था मे, भन्ते भगवा, सावकोहमस्मीति ।

उपसीवमाणवपुच्छानिद्देसो छट्ठो ।

७. नन्दमाणवपुच्छानिद्देसो

४६. सन्ति लोके मुनयो, [इच्छायस्मा नन्दो]

जना वदन्ति तयिदं कथंसु ।

जाणूपपन्नं मुनि नो वदन्ति, उदाहु वे जीवितेनूपपन्नं [जीविकेनूपपन्नं (स्या०)] ॥

सन्ति लोके मुनयोति । सन्तीति सन्ति संविज्जन्ति अत्थि उपलब्धन्ति । लोकेति अपायलोके...पे०... आयतनलोके । मुनयोति मुनिनामका आजीवका निगण्ठा जटिला तापसा । (देवा लोके मुनयोति सञ्जानन्ति, न च ते मुनयो) [() एत्थन्तरे पाठो नत्थि स्या० पोत्थके] ति । सन्ति लोके मुनयो । इच्छायस्मा नन्दोति । इच्छाति पदसन्धि...पे०... । आयस्माति पियवचनं...पे०... । नन्दोति तस्स ब्राह्मणस्स नामं...पे०... अभिलापोति — इच्छायस्मा नन्दो ।

जना वदन्ति तयिदं कथंसूति । जनाति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च । वदन्तीति कथेन्ति भणन्ति दीपयन्ति वोहरन्ति । तयिदं कथंसूति संसयपुच्छा विमतिपुच्छा द्वेळ्हकपुच्छा अनेकंसपुच्छा “एवं नु खो, न नु खो, किं नु खो, कथं नु खो”ति — जना वदन्ति तयिदं कथंसु ।

जाणूपपन्नं मुनि नो वदन्तीति । अट्ठ समापत्तिजाणेन वा पञ्चाभिज्जाजाणेन वा उपेतं समुपेतं उपागतं समुपागतं उपपन्नं समुपपन्नं समन्नागतं मुनि वदन्ति कथेन्ति भणन्ति दीपयन्ति वोहरन्तीति — जाणूपपन्नं मुनि नो वदन्ति ।

उदाहु वे जीवितेनूपपन्नन्ति उदाहु अनेकविविधअतिपरमदुक्करकारिकलूखजीवितानुयोगेन उपेतं समुपेतं उपागतं समुपागतं उपपन्नं समुपपन्नं समन्नागतं मुनि वदन्ति कथेन्ति भणन्ति दीपयन्ति वोहरन्तीति — उदाहु वे जीवितेनूपपन्नं । तेनाह सो ब्राह्मणो —

“सन्ति लोके मुनयो, [इच्छायस्मा नन्दो]

जना वदन्ति तयिदं कथंसु ।

जाणूपपन्नं मुनि नो वदन्ति, उदाहु वे जीवितेनूपपन्न”न्ति ॥

४७. न दिट्ठिया न सुतिया न जाणेन,

मुनीध नन्द कुसला वदन्ति ।

विसेनिकत्वा [विसेनिकत्वा (क०) महानि० ६८] अनीघा निरासा, चरन्ति ये ते मुनयोति ब्रूमि ॥

न दिट्ठिया न सुतिया न जाणेनाति । न दिट्ठियाति न दिट्ठसुद्धिया । न सुतियाति न सुतसुद्धिया । न जाणेनाति

नपि अट्टसमापत्तिजाणेन नपि पञ्चाभिज्जाजाणेन नपि मिच्छाजाणेनाति — न दिट्ठिया न सुतिया न जाणेन ।

मुनीध नन्द कुसला वदन्तीति । कुसलाति ये ते खन्धकुसला धातुकुसला आयतनकुसला पटिच्चसमुप्पादकुसला सतिपट्टानकुसला सम्मप्पधानकुसला इन्द्रिपादकुसला इन्द्रियकुसला बलकुसला बोज्झङ्गकुसला मग्गकुसला फलकुसला निब्बानकुसला दिट्ठसुद्धिया वा सुतसुद्धिया वा अट्टसमापत्तिजाणेन वा पञ्चाभिज्जाजाणेन वा मिच्छाजाणेन वा दिट्ठेन वा सुतेन वा उपेतं समुपेतं उपागतं समुपागतं उपपन्नं समुपपन्नं समन्नागतं मुनिं न वदन्ति न कथेन्ति न भणन्ति न दीपयन्ति न वोहरन्तीति — मुनीध नन्द कुसला वदन्ति ।

विसेनिकत्वा अनीधा निरासा, चरन्ति ये ते मुनयोति ब्रूमीति सेना वुच्चति मारसेना, कायदुच्चरितं मारसेना, वचीदुच्चरितं मारसेना, मनोदुच्चरितं मारसेना, रागो मारसेना, दोसो मारसेना, मोहो मारसेना, कोधो...पे०... उपनाहो... मक्खो... पळासो... इस्सा... मच्छरियं... माया... साठेय्यं... थम्भो... सारम्भो... मानो... अतिमानो... मदो... पमादो... सब्बे किलेसा सब्बे दुच्चरिता सब्बे दरथा सब्बे परिळाहा सब्बे सन्तापा सब्बाकुसलाभिसङ्खारा मारसेना । वुत्तज्हेतं भगवता —

“कामा ते पठमा सेना, दुतिया अरति वुच्चति ।
ततिया खुप्पिपासा ते, चतुत्थी तण्हा पवुच्चति ॥

“पञ्चमं थिनमिद्धं ते, छट्ठा भीरू पवुच्चति ।
सत्तमी विचिकिच्छा ते, मक्खो थम्भो ते अट्टमो ।
लाभो सिलोको सक्कारो, मिच्छालद्धो च यो यसो ॥

“यो चत्तानं समुक्कंसे, परे च अवजानाति ।
एसा नमुचि ते सेना [एसा ते नमुचि सेना (स्या० क०) सु० नि० ४४१], कण्हस्साभिप्पहारिनी ।
न नं असूरो जिनाति, जेत्वा च लभते सुखं’न्ति ॥

यतो चतूहि अरियमग्गेहि सब्बा च मारसेना सब्बे च पटिसेनिकरा [विसेनिकत्वा (क०) महानि० ६८] किलेसा जिता च पराजिता च भग्गा विप्पलुग्गा [विप्पलुग्गता (स्या०) पस्स महानि० २८] परम्मुखा, तेन वुच्चन्ति विसेनिकत्वा ।
अनीधाति रागो नीधो, दोसो नीधो, मोहो नीधो, कोधो नीधो, उपनाहो नीधो...पे०... सब्बाकुसलाभिसङ्खारा नीधा । येसं एते नीधा पहीना समुच्छिन्ना वूपसन्ता पटिप्पस्सद्धा अभब्बुप्पत्तिका जाणगिना दट्ठा ते वुच्चन्ति अनीधा । **निरासाति** आसा वुच्चति तण्हा । यो रागो सारागो...पे०... अविज्जा लोभो अकुसलमूलं । येसं एसा आसा तण्हा पहीना समुच्छिन्ना वूपसन्ता पटिप्पस्सद्धा अभब्बुप्पत्तिका जाणगिना दट्ठा, ते वुच्चन्ति निरासा अरहन्तो खीणासवा । **विसेनिकत्वा अनीधा निरासा, चरन्ति ये ते मुनयोति ब्रूमीति** ये ते विसेनिकत्वाव अनीधा च निरासा च चरन्ति विहरन्ति इरियन्ति वत्तेन्ति पालेन्ति यपेन्ति यापेन्ति, ते लोके मुनयोति ब्रूमि आचिक्खामि देसेमि पञ्जपेमि पट्टपेमि विवरामि विभजामि उत्तानीकरोमि पकासेमीति — विसेनिकत्वा अनीधा निरासा, चरन्ति ये ते मुनयोति ब्रूमि । तेनाह भगवा —

“न दिट्ठिया न सुतिया न जाणेन, मुनीध नन्द कुसला वदन्ति ।
विसेनिकत्वा अनीधा निरासा, चरन्ति ये ते मुनयोति ब्रूमी’ति ॥

४८. ये केचिमे समणब्राह्मणासे, [इच्छायस्मा नन्दो]

दिट्ठस्सुतेनापि वदन्ति सुद्धिं।

सीलब्बतेनापि वदन्ति सुद्धिं, अनेकरूपेण वदन्ति सुद्धिं॥

कच्चिस्सु ते भगवा तत्थ यता चरन्ता, अतारु जातिञ्च जरञ्च मारिस।

पुच्छामि तं भगवा ब्रूहि मेतं॥

ये केचिमे समणब्राह्मणासेति । ये केचीति सब्बेन सब्बं सब्बथा सब्बं असेसं निस्सेसं परियादियनवचनमेतं — ये केचीति । समणाति ये केचि इतो बहिद्भा पब्बज्जूपगता परिब्बाजकसमापन्ना । ब्राह्मणाति ये केचि भोवादिकाति — ये केचिमे समणब्राह्मणासे । इच्छायस्मा नन्दोति । इच्छाति पदसन्धि...पे०... । आयस्माति पियवचनं...पे०... । नन्दोति । तस्स ब्राह्मणस्स नामं...पे०... अभिलापोति — इच्छायस्मा नन्दो ।

दिट्ठस्सुतेनापि वदन्ति सुद्धिन्ति दिट्ठेनपि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति; सुतेनपि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति; दिट्ठस्सुतेनपि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — दिट्ठस्सुतेनापि वदन्ति सुद्धिं ।

सीलब्बतेनापि वदन्ति सुद्धिन्ति सीलेनपि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति; वतेनपि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति; सीलब्बतेनापि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — सीलब्बतेनापि वदन्ति सुद्धिं ।

अनेकरूपेण वदन्ति सुद्धिन्ति अनेकविधकोतूहलमङ्गलेन [अनेकविधवत्त कुतूहलमङ्गलेन (स्या०)] सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — अनेकरूपेण वदन्ति सुद्धिं ।

कच्चिस्सु ते भगवा तत्थ यता चरन्ताति । कच्चिस्सूति संसयपुच्छा विमतिपुच्छा द्वेळ्हकपुच्छा अनेकंसपुच्छा, “एवं नु खो, न नु खो, किं नु खो, कथं नु खो”ति — कच्चिस्सु । तेति दिट्ठिगतिका । भगवाति गारवाधिवचनमेतं...पे०... सच्छिका पज्जति, यदिदं भगवाति — कच्चिस्सु ते भगवा । तत्थ यता चरन्ताति । तत्थाति सकाय दिट्ठिया सकाय खन्तिया सकाय रुचिया सकाय लद्धिया । यताति यत्ता पटियत्ता [यता पटियता (स्या०)] गुत्ता गोपिता रक्खिता संवुता । चरन्ताति चरन्ता विहरन्ता इरियन्ता वत्तेन्ता पालेन्ता यपेन्ता यापेन्ताति — कच्चिस्सु ते भगवा तत्थ यता चरन्ता ।

अतारु जातिञ्च जरञ्च मारिसाति जातिजरामरणं अतरिंसु उत्तरिंसु पतरिंसु समतिक्कमिंसु वीतिवत्तिंसु । मारिसाति पियवचनं गरुवचनं सगारवसप्पतिस्साधिवचनमेतं — मारिसाति — अतारु जातिञ्च जरञ्च मारिस ।

पुच्छामि तं भगवा ब्रूहि मेतन्ति । पुच्छामि तन्ति पुच्छामि तं याचामि तं अज्झेसामि तं, कथयस्सु मेति पुच्छामि तं । भगवाति...पे०... सच्छिका पज्जति, यदिदं भगवाति । ब्रूहि मेतन्ति ब्रूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — पुच्छामि तं भगवा ब्रूहि मेतं । तेनाह सो ब्राह्मणो —

“ये केचिमे समणब्राह्मणासे, [इच्चायस्मा नन्दो]
दिट्ठस्सुतेनापि वदन्ति सुद्धिं ।
सीलब्बतेनापि वदन्ति सुद्धिं, अनेकरूपेण वदन्ति सुद्धिं ॥

“कच्चिस्सु ते भगवा तत्थ यता चरन्ता,
अतारु जातिञ्च जरञ्च मारिस ।
पुच्छामि तं भगवा ब्रूहि मेत’न्ति ॥

४९. ये केचिमे समणब्राह्मणासे, [नन्दाति भगवा]
दिट्ठस्सुतेनापि वदन्ति सुद्धिं ।
सीलब्बतेनापि वदन्ति सुद्धिं, अनेकरूपेण वदन्ति सुद्धिं ।
किञ्चापि ते तत्थ यता चरन्ति, नातरिंसु जातिजरन्ति ब्रूमि ॥

ये केचिमे समणब्राह्मणासेति । ये केचीति सब्बेण सब्बं सब्बथा सब्बं असेसं निस्सेसं परियादियनवचनमेतं — ये केचीति । समणाति ये केचि इतो बहिद्वा पब्बज्जूपगता परिब्बाजकसमापन्ना । ब्राह्मणाति ये केचि भोवादिकाति — ये केचिमे समणब्राह्मणासे । नन्दाति भगवाति । नन्दाति भगवा तं ब्राह्मणं नामेण आलपति । भगवाति गारवाधिवचनमेतं... पे०... सच्छिका पज्जति, यदिदं भगवाति — नन्दाति भगवा ।

दिट्ठस्सुतेनापि वदन्ति सुद्धिन्ति दिट्ठेनपि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति; सुतेनपि सुद्धिं...पे०... दिट्ठस्सुतेनपि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — दिट्ठस्सुतेनापि वदन्ति सुद्धिं ।

सीलब्बतेनापि वदन्ति सुद्धिन्ति सीलेनपि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति; वतेनपि सुद्धिं...पे०... वोहरन्ति; सीलब्बतेनापि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — सीलब्बतेनापि वदन्ति सुद्धिं ।

अनेकरूपेण वदन्ति सुद्धिन्ति अनेकविधकोतूहलमङ्गलेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — अनेकरूपेण वदन्ति सुद्धिं ।

किञ्चापि ते तत्थ यता चरन्तीति । किञ्चापीति पदसन्धि पदसंसङ्गो पदपारिपूरी अक्खरसमवायो व्यञ्जनसिलिङ्गता पदानुपुब्बतापेतं — किञ्चापीति । तेति दिट्ठिगतिका । तत्थाति सकाय दिट्ठिया सकाय खन्तिया सकाय रुचिया सकाय लद्धिया । यताति यत्ता पटियत्ता गुत्ता गोपिता रक्खिता संवुता । चरन्तीति चरन्ति विहरन्ति इरियन्ति वत्तेन्ति पालेन्ति यपेन्ति यापेन्तीति — किञ्चापि ते तत्थ यता चरन्ति ।

नातरिंसु जातिजरन्ति ब्रूमीति जातिजरामरणं न तरिंसु न उत्तरिंसु न पतरिंसु न समतिक्कमिंसु न वीतिवत्तिंसु, जातिजरामरणा अनिक्खन्ता अनिस्सटा अनतिक्कन्ता असमतिक्कन्ता अवीतिवत्ता, अन्तोजातिजरामरणे परिवत्तेन्ति, अन्तोसंसारपथे परिवत्तेन्ति, जातिया अनुगता, जराय अनुसटा, ब्याधिना अभिभूता, मरणेण अब्भाहता अताणा अलेणा असरणा असरणीभूताति ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति —

नातरिंसु जातिजरन्ति ब्रूमि । तेनाह भगवा —

“ये केचिमे समणब्राह्मणासे, [नन्दाति भगवा]
दिट्ठस्सुतेनापि वदन्ति सुद्धिं ।

सीलब्बतेनापि वदन्ति सुद्धिं, अनेकरूपेण वदन्ति सुद्धिं ।
किञ्चापि ते तत्थ यता चरन्ति, नातरिंसु जातिजरन्ति ब्रूमी”ति ॥

५०. ये केचिमे समणब्राह्मणासे, [इच्छायस्मा नन्दो]
दिट्ठस्सुतेनापि वदन्ति सुद्धिं ।
सीलब्बतेनापि वदन्ति सुद्धिं, अनेकरूपेण वदन्ति सुद्धिं ॥

ते चे मुनी ब्रूसि अनोधतिण्णे, अथ को चरहि देवमनुस्सलोके ।
अतारि जातिञ्च जरञ्च मारिस, पुच्छामि तं भगवा ब्रूहि मेतं ॥

ये केचिमे समणब्राह्मणासेति । ये केचीति सब्बेण सब्बं सब्बथा सब्बं असेसं निस्सेसं परियादियनवचनमेतं — ये केचीति । समणाति ये केचि इतो बहिद्धा पब्बज्जूपगता परिब्बाजकसमापन्ना । ब्राह्मणाति ये केचि भोवादिकाति — ये केचिमे समणब्राह्मणासे । इच्छायस्मा नन्दोति । इच्छाति पदसन्धि...पे०... इच्छायस्मा नन्दो ।

दिट्ठस्सुतेनापि वदन्ति सुद्धिन्ति दिट्ठेनापि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति; सुतेनापि सुद्धिं...पे०... दिट्ठस्सुतेनापि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — दिट्ठस्सुतेनापि वदन्ति सुद्धिं ।

सीलब्बतेनापि वदन्ति सुद्धिन्ति सीलेनापि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति; वतेनापि सुद्धिं...पे०... वोहरन्ति; सीलब्बतेनापि सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — सीलब्बतेनापि वदन्ति सुद्धिं ।

अनेकरूपेण वदन्ति सुद्धिन्ति अनेकविधकोतूहलमङ्गलेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — अनेकरूपेण वदन्ति सुद्धिं ।

ते चे मुनी ब्रूसि अनोधतिण्णेति । ते चेति दिट्ठिगतिके । मुनीति मोनं वुच्चति जाणं...पे०... सङ्गजालमतिच्च सो मुनि । ब्रूसि अनोधतिण्णेति कामोधं भवोधं दिट्ठोधं अविज्जोधं अतिण्णे अनतिक्कन्ते असमतिक्कन्ते अवीतिवत्ते अन्तोजातिजरामरणे परिवत्तेन्ते अन्तोसंसारपथे परिवत्तेन्ते जातिया अनुगते जराय अनुसटे ब्याधिना अभिभूते मरणेण अब्भाहते अताणे अलेणे असरणे असरणीभूते । ब्रूसीति ब्रूसि आचिक्खसि देसेसि पज्जपेसि पट्ठपेसि विवरसि विभजसि उत्तानीकरोसि पकासेसीति — ते चे मुनी ब्रूसि अनोधतिण्णे ।

अथ को चरहि देवमनुस्सलोके, अतारि जातिञ्च जरञ्च मारिसाति अथ को एसो सदेवके लोके समारके सब्रह्मके सस्समणब्राह्मणिया पजाय सदेवमनुस्साय जातिजरामरणं अतरि उत्तरि पतरि समतिक्कमि वीतिवत्तियि ।

मारिसाति पियवचनं गरुवचनं सगारवसप्पतिस्साधिवचनमेतं मारिसाति — अथ को चरहि देवमनुस्सलोके, अतारि जातिञ्च जरञ्च मारिस ।

पुच्छामि तं भगवा ब्रूहि मेतन्ति । पुच्छामि तन्ति पुच्छामि तं याचामि तं अज्झोसामि तं पसादेमि तं । भगवाति गारवाधिवचनमेतं...पे०... सच्छिका पज्जत्ति, यदिदं भगवाति । ब्रूहि मेतन्ति ब्रूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — पुच्छामि तं भगवा ब्रूहि मेतं । तेनाह सो ब्राह्मणो —

“ये केचिमे समणब्राह्मणासे, [इच्छायस्मा नन्दो]
दिट्ठस्सुतेनापि वदन्ति सुद्धिं ।
सीलब्बतेनापि वदन्ति सुद्धिं, अनेकरूपेण वदन्ति सुद्धिं ॥

ते चे मुनी ब्रूसि अनोधतिण्णे, अथ को चरहि देवमनुस्सलोके ।
अतारि जातिञ्च जरञ्च मारिस, पुच्छामि तं भगवा ब्रूहि मेतं”न्ति ॥

५१. नाहं सब्बे समणब्राह्मणासे, [नन्दाति भगवा]
जातिजराय निवुताति ब्रूमि ।
ये सीध दिट्ठं व सुतं मुतं वा, सीलब्बतं वापि पहाय सब्बं ॥

अनेकरूपम्पि पहाय सब्बं, तण्हं परिज्जाय अनासवासे [अनासवा ये (स्या० क०)] ।
ते वे नरा ओघतिण्णाति ब्रूमि ॥

नाहं सब्बे समणब्राह्मणासे, नन्दाति भगवा जातिजराय निवुताति ब्रूमीति नाहं, नन्द, सब्बे समणब्राह्मणा जातिजराय आवुता निवुता ओवुता पिहिता पटिच्छन्ना पटिकुज्जिताति वदामि । अत्थि ते समणब्राह्मणा येसं जाति च जरामरणञ्च पहीना उच्छिन्नमूला तालावत्थुकता अनभावंकता आयतिं अनुप्पादधम्माति ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — नाहं सब्बे समणब्राह्मणासे नन्दाति भगवा जातिजराय निवुताति ब्रूमि ।

ये सीध दिट्ठं व सुतं मुतं वा, सीलब्बतं वापि पहाय सब्बन्ति ये सब्बा दिट्ठसुद्धियो पहाय जहित्वा पजहित्वा विनोदेत्वा ब्यन्तीकरित्वा अनभावं गमेत्वा । ये सब्बा सुतसुद्धियो पहाय... पे०... ये सब्बा मुतसुद्धियो पहाय, ये सब्बा दिट्ठसुतमुतसुद्धियो पहाय ये सब्बा सीलसुद्धियो पहाय, ये सब्बा वतसुद्धियो पहाय, ये सब्बा सीलब्बतसुद्धियो पहाय जहित्वा पजहित्वा विनोदेत्वा ब्यन्तीकरित्वा अनभावं गमेत्वाति — ये सीध दिट्ठं व सुतं मुतं वा, सीलब्बतं वापि पहाय सब्बं ।

अनेकरूपम्पि पहाय सब्बन्ति अनेकविधकोतूहलमङ्गलेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं पहाय जहित्वा पजहित्वा विनोदेत्वा ब्यन्तीकरित्वा अनभावं गमेत्वाति — अनेकरूपम्पि पहाय सब्बं ।

तण्हं परिज्जाय अनासवा से, ते वे नरा ओघतिण्णाति ब्रूमीति । तण्हाति रूपतण्हा सदतण्हा गन्धतण्हा रसतण्हा फोडुब्बतण्हा धम्मतण्हा । तण्हं परिज्जायाति तण्हं तीहि परिज्जाहि परिजानित्वा — जातपरिज्जाय,

तीरणपरिज्जाय, पहाणपरिज्जाय । कतमा जातपरिज्जा? तण्हं जानाति [पजानाति (स्या०) परिजानाति (क०) महानि० १३] “अयं रूपतण्हा, अयं सद्धतण्हा, अयं गन्धतण्हा, अयं रसतण्हा, अयं फोडुब्बतण्हा, अयं धम्मतण्हा”ति जानाति पस्सति — अयं जातपरिज्जा ।

कतमा तीरणपरिज्जा? एवं जातं कत्वा तण्हं तीरेति अनिच्चतो दुक्खतो रोगतो गण्डतो...पे०... निस्सरणतो तीरेति — अयं तीरणपरिज्जा ।

कतमा पहाणपरिज्जा? एवं तीरयित्वा तण्हं पजहति विनोदेति ब्यन्तीकरोति अनभावं गमेति । वुत्तज्हेतं भगवता — “यो, भिक्खवे, तण्हाय छन्दरागो तं पजहथ । एवं सा तण्हा पहीना भविस्सति उच्छिन्नमूला तालावत्थुकता अनभावंकता आयतिं अनुप्पादधम्मा” । अयं पहाणपरिज्जा । तण्हं परिज्जायाति तण्हं इमाहि तीहि परिज्जाहि परिजानित्वा । अनासवाति चत्तारो आसवा — कामासवो, भवासवो, दिट्ठासवो, अविज्जासवो । येसं इमे आसवा पहीना उच्छिन्नमूला तालावत्थुकता अनभावंकता आयतिं अनुप्पादधम्मा, ते वुच्चन्ति अनासवा अरहन्तो खीणासवा — तण्हं परिज्जाय अनासवा ।

ते वे नरा ओघतिण्णाति ब्रूमीति ये तण्हं परिज्जाय अनासवा, ते कामोघं तिण्णा भवोघं तिण्णा दिट्ठोघं तिण्णा अविज्जोघं तिण्णा सब्बसंसारपथं तिण्णा उत्तिण्णा नित्तिण्णा अतिक्कन्ता समतिक्कन्ता वीतिवत्ताति ब्रूमि आचिक्खामि देसेमि पज्जपेमि पट्ठपेमि विवरामि विभजामि उत्तानीकरोमि पकासेमीति — तण्हं परिज्जाय अनासवासे ते वे नरा ओघतिण्णाति ब्रूमि । तेनाह भगवा —

“नाहं सब्बे समणब्राह्मणासे, [नन्दाति भगवा]
जातिजराय निवुत्ताति ब्रूमि ।
ये सीध दिट्ठं व सुतं मुतं वा, सीलब्बतं वापि पहाय सब्बं॥

अनेकरूपमि पहाय सब्बं, तण्हं परिज्जाय अनासवासे ।
ते वे नरा ओघतिण्णाति ब्रूमी”ति ॥

५२. एताभिनन्दामि वचो महेसिनो, सुकित्तितं गोतमनूपधीकं ।
ये सीध दिट्ठं व सुतं मुतं वा, सीलब्बतं वापि पहाय सब्बं॥

अनेकरूपमि पहाय सब्बं, तण्हं परिज्जाय अनासवासे ।
अहमि ते ओघतिण्णाति ब्रूमि॥

एताभिनन्दामि वचो महेसिनोति । एतन्ति तुय्हं वचनं ब्यप्पथं देसनं अनुसासनं अनुसिट्ठं नन्दामि अभिनन्दामि मोदामि अनुमोदामि इच्छामि सादियामि पत्थयामि पिहयामि अभिजप्पामि । महेसिनोति किं महेसि भगवा? महन्तं सीलक्खन्धं एसी गवेसी परियेसीति महेसि...पे०... कहं नरासभोति महेसीति — एताभिनन्दामि वचो महेसिनो ।

सुकित्तितं गोतमनूपधीकन्ति । सुकित्तितन्ति सुकित्तितं सुआचिक्खितं [स्वाचिक्खितं (क०)] सुदेसितं सुपज्जपितं सुपट्ठपितं सुविवटं सुविभत्तं सुउत्तानीकतं सुपकासितं । गोतमनूपधीकन्ति उपधी वुच्चन्ति किलेसा च खन्धा च

अभिसङ्खारा च । उपधिप्पहानं उपधिवूपसमं उपधिनिस्सगं उपधिपटिप्पस्सद्धं अमत्तं निब्बानन्ति — सुकित्तितं गोतमनूपधीकं ।

ये सीध दिट्ठं व सुतं मुतं वा, सीलब्बतं वापि पहाय सब्बन्ति ये सब्बा दिट्ठसुद्धियो पहाय जहित्वा पजहित्वा विनोदेत्वा ब्यन्तीकरित्वा अनभावं गमेत्वा । ये सब्बा सुतसुद्धियो...पे०... ये सब्बा मुतसुद्धियो... ये सब्बा दिट्ठसुतमुतसुद्धियो... ये सब्बा सीलसुद्धियो... ये सब्बा वतसुद्धियो... ये सब्बा सीलब्बतसुद्धियो पहाय जहित्वा पजहित्वा विनोदेत्वा ब्यन्तीकरित्वा अनभावं गमेत्वाति — ये सीध दिट्ठं व सुतं मुतं वा, सीलब्बतं वापि पहाय सब्बं ।

अनेकरूपम्पि पहाय सब्बन्ति अनेकविधकोतूहलमङ्गलेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं पहाय जहित्वा पजहित्वा विनोदेत्वा ब्यन्तीकरित्वा अनभावं गमेत्वाति — अनेकरूपम्पि पहाय सब्बं ।

तण्हं परिज्जाय अनासवासे, अहम्पि ते ओघतिण्णाति ब्रूमीति । तण्हाति रूपतण्हा सद्वतण्हा गन्धतण्हा रसतण्हा फोडुब्बतण्हा धम्मतण्हा । तण्हं परिज्जायाति तण्हं तीहि परिज्जाहि परिजानित्वा — जातपरिज्जाय, तीरणपरिज्जाय [तिरणपरिज्जाय (स्या०)], पहानपरिज्जाय । कतमा जातपरिज्जा? तण्हं जानाति — अयं रूपतण्हा, अयं सद्वतण्हा, अयं गन्धतण्हा, अयं रसतण्हा, अयं फोडुब्बतण्हा, अयं धम्मतण्हाति जानाति पस्सति — अयं जातपरिज्जा ।

कतमा तीरणपरिज्जा? एवं जातं कत्वा तण्हं तीरेति [तिरेति (स्या०)] अनिच्चतो दुक्खतो रोगतो गण्डतो सल्लतो अघतो आबाधतो परतो पलोकतो ईतितो उपद्वतो भयतो उपसग्गतो चलतो पभङ्गुतो अद्भुवतो अताणतो अलेणतो असरणतो असरणीभूततो रिक्ततो तुच्छतो सुज्जतो अनत्ततो आदीनवतो विपरिणामधम्मतो असारकतो अघमूलतो वधकतो विभवतो सासवतो सङ्खततो मारामिसतो जातिधम्मतो जराधम्मतो ब्याधिधम्मतो मरणधम्मतो सोकपरिदेवदुक्खदोमनस्सुपायासधम्मतो संकिलेसधम्मतो समुदयतो अत्थङ्गमतो अस्सादतो आदीनवतो निस्सरणतो तीरेति — अयं तीरणपरिज्जा ।

कतमा पहानपरिज्जा? एवं तीरयित्वा तण्हं पजहति विनोदेति ब्यन्तीकरोति अनभावं गमेति — अयं पहानपरिज्जा ।

तण्हं परिज्जायाति तण्हं इमाहि तीहि परिज्जाहि परिजानित्वा । अनासवाति चत्तारो आसवा — कामासवो, भवासवो, दिट्ठासवो, अविज्जासवो । येसं इमे आसवा पहीना उच्छिन्नमूला तालावत्थुकता अनभावंकता आयतिं अनुप्पादधम्मा, ते वुच्चन्ति अनासवा अरहन्तो खीणासवा । तण्हं परिज्जाय अनासवासे, अहम्पि ते ओघतिण्णाति । ब्रूमीति ये तण्हं परिज्जाय अनासवा, अहम्पि ते कामोघं तिण्णा भवोघं तिण्णा दिट्ठोघं तिण्णा अविज्जोघं तिण्णा सब्बसंसारपथं तिण्णा उत्तिण्णा नित्तिण्णा अतिक्कन्ता समतिक्कन्ता वीतिवत्ताति ब्रूमि वदामिति — तण्हं परिज्जाय अनासवासे, अहम्पि ते ओघतिण्णाति ब्रूमि । तेनाह सो ब्राह्मणो —

“एताभिनन्दामि वचो महेसिनो, सुकित्तितं गोतमनूपधीकं ।

ये सीध दिट्ठं व सुतं मुतं वा, सीलब्बतं वापि पहाय सब्बं ॥

अनेकरूपम्पि पहाय सब्बं, तण्हं परिज्जाय अनासवासे ।

अहम्पि ते ओघतिण्णाति ब्रूमी’ति ॥

नन्दमाणवपुच्छानिदेसो सत्तमो ।

८. हेमकमाणवपुच्छानिदेसो

५३. ये मे पुब्बे वियाकंसु, [इच्चायस्मा हेमको]

हुरं गोतमसासना ।

इच्चासि इति भविस्सति, सब्बं तं इतिहीतिहं ।

सब्बं तं तक्कवड्डनं, नाहं तत्थ अभिरमिं ॥

ये मे पुब्बे वियाकंसूति यो च बावरी ब्राह्मणो ये चञ्जे तस्स आचरिया, ते सकं दिट्ठिं सकं खन्तिं सकं रुचिं सकं लद्धिं सकं अज्झासयं सकं अधिप्पायं ब्याकंसु आचिक्खिंसु देसयिंसु पज्जपिंसु पट्ठपिंसु विवरिंसु विभजिंसु उत्तानीअकंसु पकासेसुन्ति — ये मे पुब्बे वियाकंसु । **इच्चायस्मा हेमको**ति । **इच्चा**ति पदसन्धि...पे०... पदानुपुब्बतापेतं — **इच्चा**ति । **आयस्मा**ति पियवचनं...पे०... । **हेमको**ति तस्स ब्राह्मणस्स नामं...पे०... अभिलापोति — **इच्चायस्मा हेमको** ।

हुरं गोतमसासनाति **हुरं** गोतमसासना परं गोतमसासना पुरे गोतमसासना पठमतं गोतमसासना बुद्धसासना जिनसासना तथागतसासना [**तथागतसासना देवसासना (क०)**] अरहन्तसासनाति — **हुरं** गोतमसासना ।

इच्चासि इति भविस्सतीति एवं किर आसि, एवं किर भविस्सतीति — **इच्चासि इति भविस्सति** ।

सब्बं तं इतिहीतिहन्ति सब्बं तं इतिहीतिहं इतिकिराय परंपराय पिटकसम्पदाय तक्कहेतु नयहेतु आकारपरिवितक्केन दिट्ठिनिज्झानक्खन्ति या न सामं सयमभिज्जातं न अत्तपच्चक्खधम्मं कथयिंसूति — सब्बं तं इतिहीतिहं ।

सब्बं तं तक्कवड्डनन्ति सब्बं तं तक्कवड्डनं वितक्कवड्डनं सङ्कप्पवड्डनं कामवितक्कवड्डनं ब्यापादवितक्कवड्डनं विहिंसावितक्कवड्डनं जातिवितक्कवड्डनं जनपदवितक्कवड्डनं अमरावितक्कवड्डनं परानुदयतापटिसंयुत्तवितक्कवड्डनं लाभसक्कारसिलोकपटिसंयुत्तवितक्कवड्डनं अनवज्जत्तिपटिसंयुत्तवितक्कवड्डनन्ति — सब्बं तं तक्कवड्डनं ।

नाहं तत्थ अभिरमिन्ति नाहं तत्थ अभिरमिं न विन्दिं नाधिगच्छिं न पटिलभिन्ति — नाहं तत्थ अभिरमिं । तेनाह सो ब्राह्मणो —

“ये मे पुब्बे वियाकंसु, [इच्चायस्मा हेमको]

हुरं गोतमसासना ।

इच्चासि इति भविस्सति, सब्बं तं इतिहीतिहं ।

सब्बं तं तक्कवड्डनं, नाहं तत्थ अभिरमिं”न्ति ॥

५४. त्वज्च मे धम्ममक्खाहि, तण्हानिग्घातनं मुनि ।

यं विदित्वा सतो चरं, तरे लोके विसत्तिकं ॥

त्वज्च मे धम्ममक्खाहीति । त्वन्ति भगवन्तं भणति । **धम्ममक्खाहीति** । **धम्मन्ति** आदिकल्याणं मज्जेकल्याणं

परियोसानकल्याणं सात्थं सब्यञ्जनं केवलपरिपुणं परिसुद्धं ब्रह्मचरियं, चत्तारो सतिपट्टाने चत्तारो सम्मण्णधाने चत्तारो इन्द्रिपादे पञ्चिन्द्रियानि पञ्च बलानि सत्त बोज्झङ्गे अरियं अट्ठङ्गिकं मगं निब्बानञ्च निब्बानगामिनिञ्च पटिपदं अक्खाहि आचिक्खाहि देसेहि पञ्जपेहि पट्टपेहि विवराहि विभजाहि उत्तानीकरोहि पकासेहीति — त्वञ्च मे धम्ममक्खाहि ।

तण्हानिग्घातनं मुनीति । तण्हाति — रूपतण्हा...पे०... धम्मतण्हा । तण्हानिग्घातनं तण्हापहानं तण्हावूपसमं तण्हापटिनिस्सगं तण्हापटिप्पस्सद्धिं अमतं निब्बानं । मुनीति मोनं वुच्चति जाणं...पे०... सङ्गजालमतिच्च सो मुनीति — तण्हानिग्घातनं मुनि ।

यं विदित्वा सतो चरन्ति यं विदितं कत्वा तुलयित्वा तीरयित्वा विभावयित्वा विभूतं कत्वा । “सब्बे सङ्खारा अनिच्चा”ति विदितं कत्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा दुक्खा”ति...पे०... “सब्बे धम्मा अनत्ता”ति...पे०... “यं किञ्चि समुदयधम्मं सब्बं तं निरोधधम्म”न्ति विदितं कत्वा तुलयित्वा तीरयित्वा विभावयित्वा विभूतं कत्वा । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो...पे०... सो वुच्चति सतो । चरन्ति चरन्तो विहरन्तो इरियन्तो वत्तेन्तो पालेन्तो यपेन्तो यापेन्तोति — यं विदित्वा सतो चरं ।

तरे लोके विसत्तिकन्ति विसत्तिका वुच्चति तण्हा । यो रागो सारागो...पे०... अभिज्झा लोभो अकुसलमूलं । विसत्तिकाति केनट्टेन विसत्तिका...पे०... विसटा वित्थताति विसत्तिका । लोकेति अपायलोके मनुस्सलोके देवल्लोके खन्धलोके धातुलोके आयतनलोके । तरे लोके विसत्तिकन्ति लोके वेसा विसत्तिका लोके वेतं विसत्तिकं सतो तरेय्यं उत्तरेय्यं पतरेय्यं समतिक्कमेय्यं वीतिवत्तेय्यन्ति — तरे लोके विसत्तिकं । तेनाह सो ब्राह्मणो —

“त्वञ्च मे धम्ममक्खाहि, तण्हानिग्घातनं मुनि ।
यं विदित्वा सतो चरं, तरे लोके विसत्तिक”न्ति ॥

५५. इध दिट्ठसुतमुतविज्जातेसु, पियरूपेसु हेमक ।
छन्दरागविनोदनं, निब्बानपदमच्चुतं ॥

इध दिट्ठसुतमुतविज्जातेसूति । दिट्ठन्ति चक्खुना दिट्ठं; सुतन्ति सोतेन सुतं; मुतन्ति घानेन घायितं जिह्वाय सायितं कायेन फुट्ठं; विज्जातन्ति मनसा विज्जातन्ति — इध दिट्ठसुतमुतविज्जातेसु ।

पियरूपेसु हेमकाति किञ्च लोके पियरूपं सातरूपं? चक्खु [चक्खुं (स्या० क०)] लोके पियरूपं सातरूपं, सोतं लोके...पे०... घानं लोके... जिह्वा लोके... कायो लोके... मनो लोके पियरूपं सातरूपं; रूपा लोके पियरूपं सातरूपं, सद्दा लोके... गन्धा लोके... रसा लोके... फोडुब्बा लोके... धम्मा लोके पियरूपं सातरूपं; चक्खुविज्जाणं लोके पियरूपं सातरूपं, सोतविज्जाणं लोके पियरूपं सातरूपं, घानविज्जाणं लोके... जिह्वाविज्जाणं लोके... कायविज्जाणं लोके... मनोविज्जाणं लोके पियरूपं सातरूपं, चक्खुसम्फस्सो लोके... सोतसम्फस्सो लोके... घानसम्फस्सो लोके... जिह्वासम्फस्सो लोके... कायसम्फस्सो लोके... मनोसम्फस्सो लोके पियरूपं सातरूपं; चक्खुसम्फस्सजा वेदना लोके पियरूपं सातरूपं... सोतसम्फस्सजा वेदना... घानसम्फस्सजा वेदना... जिह्वासम्फस्सजा वेदना... कायसम्फस्सजा वेदना... मनोसम्फस्सजा वेदना लोके पियरूपं सातरूपं; रूपसज्जा लोके... सद्दसज्जा लोके... गन्धसज्जा लोके... रससज्जा लोके... फोडुब्बसज्जा लोके... धम्मसज्जा लोके पियरूपं सातरूपं, रूपसज्चेतना लोके... सद्दसज्चेतना लोके... गन्धसज्चेतना लोके...

रससञ्चेतना लोके... फोडुब्बसञ्चेतना लोके... धम्मसञ्चेतना लोके पियरूपं सातरूपं; रूपतण्हा लोके... सद्वतण्हा लोके... गन्धतण्हा लोके... रसतण्हा लोके ... फोडुब्बतण्हा लोके... धम्मतण्हा लोके पियरूपं सातरूपं; रूपवितक्को लोके... सद्वितक्को लोके... गन्धवितक्को लोके... रसवितक्को लोके... फोडुब्बवितक्को लोके... धम्मवितक्को लोके पियरूपं सातरूपं; रूपविचारो लोके पियरूपं सातरूपं, सद्विचारो लोके... गन्धविचारो लोके... रसविचारो लोके... फोडुब्बविचारो लोके... धम्मविचारो लोके पियरूपं सातरूपन्ति — पियरूपेसु हेमक ।

छन्दरागविनोदनन्ति । छन्दरागोति यो कामेसु कामच्छन्दो कामरागो कामनन्दी कामतण्हा कामसिनेहो कामपरिळाहो काममुच्छा कामज्झोसानं कामोद्यो कामयोगो कामुपादानं कामच्छन्दनीवरणं । **छन्दरागविनोदनन्ति** छन्दरागप्पहानं छन्दरागवूपसमं छन्दरागपटिनिस्सगं छन्दरागपटिप्पस्सद्धं अमतं निब्बानन्ति — छन्दरागविनोदनं ।

निब्बानपदमच्च्युतन्ति निब्बानपदं ताणपदं लेणपदं सरणपदं अभयपदं । **अच्च्युतन्ति** निच्चं धुवं सस्सतं अविपरिणामधम्मन्ति — निब्बानपदमच्च्युतं । तेनाह भगवा —

“इध दिट्ठसुतमुतविज्जातेसु, पियरूपेसु हेमक ।
छन्दरागविनोदनं, निब्बानपदमच्च्युतं”न्ति ॥

५६. एतदञ्जाय ये सता, दिट्ठधम्माभिनिब्बुता ।
उपसन्ता च ते सदा, तिण्णा लोके विसत्तिकं ॥

एतदञ्जाय ये सताति । एतन्ति अमतं निब्बानं । यो सो सब्बसङ्खारसमथो सब्बूपधिपटिनिस्सगो तण्हकखयो विरागो निरोधो निब्बानं । **अञ्जायाति** अञ्जाय जानित्वा तुलयित्वा तीरयित्वा विभावयित्वा विभूतं कत्वा । “सब्बे सङ्खारा अनिच्चा”ति अञ्जाय जानित्वा तुलयित्वा तीरयित्वा विभावयित्वा विभूतं कत्वा । “सब्बे सङ्खारा दुक्खा”ति... “सब्बे धम्मा अनत्ता”ति... पे० ... “यं किञ्चि समुदयधम्मं सब्बं तं निरोधधम्म”न्ति अञ्जाय जानित्वा तुलयित्वा तीरयित्वा विभावयित्वा विभूतं कत्वा । **येति** अरहन्तो खीणासवा । **सताति** चतूहि कारणेहि सता — काये कायानुपस्सनासतिपट्टानं भावितत्ता सता... पे० ... ते वुच्चन्ति सताति — एतदञ्जाय ये सता ।

दिट्ठधम्माभिनिब्बुताति । दिट्ठधम्माति दिट्ठधम्मा जातधम्मा तुलितधम्मा तीरितधम्मा विभूतधम्मा विभावितधम्मा । “सब्बे सङ्खारा अनिच्चा”ति दिट्ठधम्मा... पे० ... “यं किञ्चि समुदयधम्मं सब्बं तं निरोधधम्म”न्ति दिट्ठधम्मा जातधम्मा तुलितधम्मा तीरितधम्मा विभूतधम्मा विभावितधम्मा । **अभिनिब्बुताति** रागस्स निब्बापितत्ता निब्बुता, दोसस्स निब्बापितत्ता निब्बुता, मोहस्स निब्बापितत्ता निब्बुता, कोधस्स... पे० ... उपनाहस्स... सब्बाकुसलाभिसङ्खारानं सन्तत्ता समितत्ता वूपसमितत्ता निज्झातत्ता निब्बुतत्ता विगतत्ता पटिप्पस्सद्धत्ता सन्ता उपसन्ता वूपसन्ता निब्बुता पटिप्पस्सद्धाति — दिट्ठधम्माभिनिब्बुता ।

उपसन्ता च ते सदाति । उपसन्ताति रागस्स उपसमितत्ता निब्बापितत्ता उपसन्ता... पे० ... दोसस्स... मोहस्स... कोधस्स... उपनाहस्स... पे० ... सब्बाकुसलाभिसङ्खारानं सन्तत्ता समितत्ता वूपसमितत्ता निज्झातत्ता निब्बुतत्ता विगतत्ता पटिप्पस्सद्धत्ता सन्ता उपसन्ता वूपसन्ता निब्बुता पटिप्पस्सद्धाति उपसन्ता । **तेति** अरहन्तो खीणासवा । **सदाति** सदा सब्बकालं निच्चकालं धुवकालं सततं समितं अब्बोकिण्णं पोङ्गानुपोङ्गं उदकूमिकजातं अवीचिसन्ततिसहितं फस्सितं

पुरेभत्तं पच्छाभत्तं पुरिमयामं मज्झिमयामं पच्छिमयामं काळे जुण्हे वस्से हेमन्ते गिम्हे पुरिमे वयोखन्धे मज्झिमे वयोखन्धे पच्छिमे वयोखन्धेति — उपसन्ता च ते सदा ।

तिण्णा लोके विसत्तिकन्ति विसत्तिका वुच्चति तण्हा । यो रागो सारागो...पे०... अभिज्झा लोभो अकुसलमूलं । **विसत्तिका**ति केनद्वेन विसत्तिका...पे०... विसटा वित्थताति विसत्तिका । **लोके**ति अपायलोके...पे०... आयतनलोके । **तिण्णा लोके विसत्तिकन्ति** लोके वेसा विसत्तिका लोके वेतं विसत्तिकं तिण्णा उत्तिण्णा नित्थिण्णा अतिक्कन्ता समतिक्कन्ता वीतिवत्ताति — तिण्णा लोके विसत्तिकं । तेनाह भगवा —

“एतदञ्जाय ये सता, दिट्ठधम्माभिनिब्बुता ।
उपसन्ता च ते सदा, तिण्णा लोके विसत्तिकं”न्ति ॥

सह गाथापरियोसाना...पे०... सत्था मे भन्ते भगवा, सावकोहमस्मीति ।

हेमकमाणवपुच्छानिद्देशो अट्ठमो ।

९. तोदेय्यमाणवपुच्छानिद्देशो

५७. यस्मिं कामा न वसन्ति, [इच्छायस्मा तोदेय्यो]
तण्हा यस्स न विज्जति ।
कथंकथा च यो तिण्णो, विमोक्खो तस्स कीदिसो ॥

यस्मिं कामा न वसन्तीति यस्मिं कामा न वसन्ति न संवसन्ति न आवसन्ति न परिवसन्तीति — यस्मिं कामा न वसन्ति । **इच्छायस्मा तोदेय्योति** । **इच्छा**ति पदसन्धि...पे०... पदानुपुब्बतापेतं — इच्छाति । **आयस्मा**ति पियवचनं...पे०... । **तोदेय्योति** तस्स ब्राह्मणस्स नामं...पे०... अभिलापोति — इच्छायस्मा तोदेय्यो ।

तण्हा यस्स न विज्जतीति तण्हा यस्स नत्थि न सति न संविज्जति नुपलब्धति जाणग्गिना दट्ठाति — तण्हा यस्स न विज्जति ।

कथंकथा च यो तिण्णोति कथंकथा च यो तिण्णो उत्तिण्णो नित्थिण्णो अतिक्कन्तो समतिक्कन्तो वीतिवत्तोति — कथंकथा च यो तिण्णो ।

विमोक्खो तस्स कीदिसोति विमोक्खो तस्स कीदिसो किंसण्ठितो किंपकारो किंपटिभागो इच्छितब्बोति विमोक्खं पुच्छतीति — विमोक्खो तस्स कीदिसो । तेनाह सो ब्राह्मणो —

“यस्मिं कामा न वसन्ति, [इच्छायस्मा तोदेय्यो]
तण्हा यस्स न विज्जति ।
कथंकथा च यो तिण्णो, विमोक्खो तस्स कीदिसो”ति ॥

५८. यस्मिं कामा न वसन्ति, [तोदेय्याति भगवा]

तण्हा यस्स न विज्जति।

कथंकथा च यो तिण्णो, विमोक्खो तस्स नापरो॥

यस्मिं कामा न वसन्तीति। यस्मिन्ति यस्मिं पुग्गले अरहन्ते खीणासवे। कामाति उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा। यस्मिं कामा न वसन्तीति यस्मिं कामा न वसन्ति न संवसन्ति न आवसन्ति न परिवसन्तीति — यस्मिं कामा न वसन्ति।

तोदेय्याति भगवाति। तोदेय्याति भगवा तं ब्राह्मणं नामेन आलपति। भगवाति गारवाधिवचनमेतं...पे०... सच्छिका पज्जति, यदिदं भगवाति — तोदेय्याति भगवा।

तण्हा यस्स न विज्जतीति। तण्हाति रूपतण्हा सद्धतण्हा गन्धतण्हा रसतण्हा फोटुब्बतण्हा धम्मतण्हा। यस्साति अरहतो खीणासवस्स। तण्हा यस्स न विज्जतीति तण्हा यस्स नत्थि न सति न संविज्जति नुपलब्धति, पहीना समुच्छिन्ना वूपसन्ता पटिप्पस्सद्धा अभब्बुप्पत्तिका जाणगिना दड्ढाति — तण्हा यस्स न विज्जति।

कथंकथा च यो तिण्णोति कथंकथा वुच्चति विचिकिच्छा। दुक्खे कङ्का...पे०... छम्भितत्तं चित्तस्स मनोविलेखो। योति यो सो अरहं खीणासवो। कथंकथा च यो तिण्णोति कथंकथा च यो तिण्णो उत्तिण्णो नित्थिण्णो अतिक्कन्तो समतिक्कन्तो वीतिवत्तोति — कथंकथा च यो तिण्णो।

विमोक्खो तस्स नापरोति नत्थि तस्स अपरो विमोक्खो। येन विमोक्खेन विमुच्चेय्य विमुत्तो सो। कतं तस्स विमोक्खेन करणीयन्ति — विमोक्खो तस्स नापरो। तेनाह भगवा —

“यस्मिं कामा न वसन्ति, [तोदेय्याति भगवा]

तण्हा यस्स न विज्जति।

कथंकथा च यो तिण्णो, विमोक्खो तस्स नापरो”ति॥

५९. निराससो सो उद आससानो, पज्जाणवा सो उद पज्जकप्पी।

मुनिं अहं सक्क यथा विज्जं, तं मे वियाचिक्ख समन्तचक्खु॥

निराससो सो उद आससानोति नित्तण्हो सो, उदाहु सतण्हो रूपे आसीसति [आसिंसति (स्या०)], सद्दे...पे०... गन्धे... रसे... फोटुब्बे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं... कामधातुं... रूपधातुं... अरूपधातुं... कामभवं... रूपभवं... अरूपभवं... सज्जाभवं... असज्जाभवं... नेवसज्जानासज्जाभवं... एकवोकारभवं... चतुवोकारभवं... पञ्चवोकारभवं... अतीतं... अनागतं... पच्चुप्पन्नं... दिट्ठसुतमुतविज्जातब्बे धम्मे आसीसति सादियति पत्थेति पिहेति अभिजप्पतीति — निराससो सो उद आससानो।

पज्जाणवा सो उद पज्जकप्पीति। पज्जाणवा सोति पण्डितो पज्जवा बुद्धिमा जाणी विभावी मेधावी। उद पज्जकप्पीति उदाहु अट्टसमापत्तिजाणेन वा पज्चाभिज्जाजाणेन वा मिच्छाजाणेन वा तण्हाकप्पं वा दिट्ठिकप्पं वा कप्पेति जनेति सज्जनेति निब्बत्तेति अभिनिब्बत्तेतीति — पज्जाणवा सो उद पज्जकप्पी।

मुनिं अहं सक्क यथा विजज्जन्ति । सक्काति सक्को भगवा । सक्ककुला पब्बजितोतिपि सक्को । अथ वा, अट्ठो महद्धनो धनवातिपि सक्को । तस्सिमानि धनानि, सेय्यथिदं — सद्धाधनं सीलधनं हिरिधनं ओत्तप्पधनं सुतधनं चागधनं पज्जाधनं सतिपट्ठानधनं सम्मप्पधानधनं इद्धिपादधनं इन्द्रियधनं बलधनं बोज्झङ्गधनं मग्गधनं फलधनं निब्बानधनन्ति । तेहि अनेकविधेहि धनरतनेहि अट्ठो महद्धनो धनवातिपि सक्को । अथ वा, पहु विसवी अलमत्तो सूरु वीरो विक्कन्तो अभीरू अच्छम्भी अनुत्रासी अपलायी पहीनभयभेरवो विगतलोमहंसोतिपि सक्को । मुनिं अहं सक्क यथा विजज्जन्ति सक्क यथाहं मुनिं जानेय्यं आजानेय्यं विजानेय्यं पटिविजानेय्यं पटिविज्जेय्यन्ति — मुनिं अहं सक्क यथा विजज्जं ।

तं मे वियाचिक्ख समन्तचक्खूति । तन्ति यं पुच्छामि यं याचामि यं अज्जेसामि यं पसादेमि । वियाचिक्खाति आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहि । समन्तचक्खूति समन्तचक्खु वुच्चति सब्बज्जुतजाणं...पे०... तथागतो तेन समन्तचक्खूति — तं मे वियाचिक्ख समन्तचक्खु । तेनाह सो ब्राह्मणो —

“निराससो सो उद आससानो, पज्जाणवा सो उद पज्जकप्पी ।
मुनिं अहं सक्क यथा विजज्जं, तं मे वियाचिक्ख समन्तचक्खू”ति ॥

६०. निराससो सो न च आससानो, पज्जाणवा सो न च पज्जकप्पी ।
एवमपि तोदेय्य मुनिं विजान, अकिञ्चनं कामभवे असत्तं ॥

निराससो सो न च आससानोति नित्तण्हो सो । न सो सतण्हो रूपे नासीसति । सद्दे...पे०... गन्धे... दिट्ठसुतमुतविज्जातब्बे धम्मे नासीसति न इच्छति न सादियति न पत्थेति न पिहेति नाभिजप्पतीति — निराससो सो न च आससानो ।

पज्जाणवा सो न च पज्जकप्पीति । पज्जाणवाति पण्डितो पज्जवा बुद्धिमा जाणी विभावी मेधावी । न च पज्जकप्पीति अट्ठसमापत्तिजाणेन वा पज्जाभिज्जाजाणेन वा मिच्छाजाणेन वा तण्हाकप्पं वा न कप्पेति दिट्ठिकप्पं वा न कप्पेति न जनेति न सज्जनेति न निब्बत्तेति नाभिनिब्बत्तेतीति — पज्जाणवा सो न च पज्जकप्पी ।

एवमपि तोदेय्य मुनिं विजानाति । मुनीति मोनं वुच्चति जाणं...पे०... सङ्गजालमतिच्च सो मुनि । एवमपि तोदेय्य मुनिं विजानाति तोदेय्य, एवं मुनिं जान पटिजान पटिविजान पटिविज्जाति — एवमपि तोदेय्य मुनिं विजान ।

अकिञ्चनं कामभवे असत्तन्ति । अकिञ्चनन्ति रागकिञ्चनं दोसकिञ्चनं मोहकिञ्चनं मानकिञ्चनं दिट्ठिकिञ्चनं किलेसकिञ्चनं दुच्चरितकिञ्चनं । यस्सेतानि [यस्सेते (स्या०)] किञ्चनानि [किञ्चना (स्या०)] पहीनानि समुच्छिन्नानि वूपसन्तानि पटिप्पस्सद्धानि अभब्बुप्पत्तिकानि जाणगिना दट्ठानि, सो वुच्चति अकिञ्चनो । कामाति उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । भवाति द्वे भवा — कम्मभवो च पटिसन्धिको च पुनर्भवो...पे०... अयं पटिसन्धिको पुनर्भवो ।

अकिञ्चनं कामभवे असत्तन्ति अकिञ्चनं पुगलं कामे च भवे च असत्तं अलग्गं अलगितं अपलिबुद्धं निक्खन्तं निस्सटं विप्पमुत्तं विसज्जुत्तं विमरियादिकतेन चेतसा विहरन्तन्ति — अकिञ्चनं कामभवे असत्तं । तेनाह भगवा —

“निराससो सो न च आससानो, पज्जाणवा सो न च पज्जकप्पी ।

एवम्पि तोदेय्य मुनिं विजान, अकिञ्चनं कामभवे असत्तन्ति ॥

सह गाथापरियोसाना...पे०... सत्था मे भन्ते भगवा, सावकोहमस्मीति ।

तोदेय्यमाणवपुच्छानिद्देसो नवमो ।

१०. कप्पमाणवपुच्छानिद्देसो

६१. मज्झे सरस्मिं तिट्ठतं, [इच्छायस्मा कप्पो]

ओघे जाते महब्भये ।

जरामच्चुपरेतानं, दीपं पब्रूहि मारिस ।

त्वञ्च मे दीपमक्खाहि, यथायिदं नापरं सिया ॥

मज्झे सरस्मिं तिट्ठतन्ति सरो वुच्चति संसारो आगमनं गमनं गमनागमनं कालं गति भवाभवो चुति च उपपत्ति च निब्बत्ति च भेदो च जाति च जरा च मरणञ्च । संसारस्स पुरिमापि कोटि न पज्जायति, पच्छिमापि कोटि न पज्जायति; मज्झेव संसारे सत्ता ठिता पतिट्ठिता अल्लीना उपगता अज्झोसिता अधिमुत्ता ।

कथं संसारस्स पुरिमा कोटि न पज्जायति? एत्तका जातियो वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि जातिसतानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि जातिसहस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि जातिसतसहस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तका जातिकोटियो वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि जातिकोटिसतानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि जातिकोटिसहस्सानि वट्ठं वत्ति, ततो परं न वत्ततीति, हेवं नत्थि । एवम्पि संसारस्स पुरिमा कोटि न पज्जायति । एत्तकानि जातिकोटिसतसहस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति ।

एत्तकानि वस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि वस्ससतानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि वस्ससहस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि वस्ससतसहस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तका वस्सकोटियो वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि वस्सकोटिसतानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि वस्सकोटिसहस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि वस्सकोटिसतसहस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति ।

एत्तकानि कप्पानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि कप्पसतानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि कप्पसहस्सानि वट्ठं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि

कप्पसतसहस्सानि वट्टं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तका कप्पकोटियो वट्टं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि कप्पकोटिसतानि वट्टं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि कप्पकोटिसहस्सानि वट्टं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति । एत्तकानि कप्पकोटिसतसहस्सानि वट्टं वत्ति, ततो परं न वत्ततीति हेवं नत्थि, एवम्पि संसारस्स पुरिमा कोटि न पज्जायति ।

वुत्तज्जेतं भगवता — “अनमतगोयं, भिक्खवे, संसारो, पुब्बा कोटि न पज्जायति अविज्जानीवरणानं सत्तानं तण्हासंयोजनानं सन्धावतं संसरतं । एवं दीघरत्तं खो, भिक्खवे, दुक्खं पच्चनुभूतं तिब्बं पच्चनुभूतं व्यसनं पच्चनुभूतं, कटसी वट्ठिता [कटसीववट्ठितं (स्या०) पस्स सं० नि० २.१२४] । यावज्जिदं, भिक्खवे, अलमेव सब्बसङ्खारेसु निब्बिन्दितुं अलं विरज्जितुं अलं विमुच्चितुं”न्ति । एवम्पि संसारस्स पुरिमा कोटि न पज्जायति ।

कथं संसारस्स पच्छिमा कोटि न पज्जायति? एत्तका जातियो वट्टं वत्तिस्सति, ततो परं न वत्तिस्सतीति हेवं नत्थि, एवम्पि संसारस्स पच्छिमा कोटि न पज्जायति । एत्तकानि जातिसतानि, एत्तकानि जातिसहस्सानि, एत्तकानि जातिसतसहस्सानि, एत्तका जातिकोटियो, एत्तकानि जातिकोटिसतानि, एत्तकानि जातिकोटिसहस्सानि, एत्तकानि जातिकोटिसतसहस्सानि, एत्तकानि वस्सानि, एत्तकानि वस्ससतानि, एत्तकानि वस्ससहस्सानि, एत्तकानि वस्ससतसहस्सानि, एत्तका वस्सकोटियो, एत्तकानि वस्सकोटिसतानि, एत्तकानि वस्सकोटिसहस्सानि, एत्तकानि वस्सकोटिसतसहस्सानि, एत्तकानि कप्पानि, एत्तकानि कप्पसतानि, एत्तकानि कप्पसहस्सानि, एत्तकानि कप्पसतसहस्सानि, एत्तका कप्पकोटियो, एत्तकानि कप्पकोटिसतानि, एत्तकानि कप्पकोटिसहस्सानि, एत्तकानि कप्पकोटिसतसहस्सानि वट्टं वत्तिस्सति, ततो परं न वत्तिस्सतीति हेवं नत्थि, एवम्पि संसारस्स पच्छिमा कोटि न पज्जायति । एवम्पि संसारस्स पुरिमापि कोटि न पज्जायति, पच्छिमापि कोटि न पज्जायति, मज्झेव संसारे सत्ता ठिता पतिट्ठिता अल्लीना उपगता अज्झोसिता अधिमुत्ताति — मज्झे सरस्मिं तिट्ठतं । **इच्चायस्मा कप्पोति । इच्चाति पदसन्धि...** पे०... । **आयस्माति** पियवचनं...पे०... । **कप्पोति** तस्स ब्राह्मणस्स नामं...पे०... अभिलापोति — इच्चायस्मा कप्पो ।

ओघे जाते महब्भयेति कामोघे भवोघे दिट्ठोघे अविज्जोघे जाते सज्जाते निब्बत्ते अभिनिब्बत्ते पातुभूते । **महब्भयेति** जातिभये जराभये व्याधिभये मरणभयेति — ओघे जाते महब्भये ।

जरामच्चुपरेतानन्ति जराय फुट्टानं परेतानं समोहितानं समन्नागतानं । मच्चुना फुट्टानं परेतानं समोहितानं समन्नागतानं, जातिया अनुगतानं जराय अनुसटानं व्याधिना अभिभूतानं मरणेन अब्भाहतानं अताणानं अलेणानं असरणानं असरणीभूतानन्ति — जरामच्चुपरेतानं ।

दीपं पबूहि मारिसाति दीपं ताणं लेणं सरणं गतिं परायनं [गतिपरायनं (स्या०) एवमुपरिपि] बूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहि । **मारिसाति** पियवचनं गरुवचनं सगारवसप्पतिस्साधिवचनमेतं मारिसाति — दीपं पबूहि मारिस ।

त्वञ्च मे दीपमक्खाहीति । त्वन्ति भगवन्तं भणति । **दीपमक्खाहीति** दीपं ताणं लेणं सरणं गतिं परायनं अक्खाहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — त्वञ्च मे दीपमक्खाहि ।

यथायिदं नापरं सियाति यथायिदं दुक्खं इधेव निरुज्जेय्य वूपसमेय्य अत्थं गच्छेय्य पटिप्पस्सम्भेय्य पुनपटिसन्धिकं दुक्खं न निब्बत्तेय्य, कामधातुया वा रूपधातुया वा अरूपधातुया वा कामभवे वा रूपभवे वा अरूपभवे वा सज्जाभवे वा असज्जाभवे वा नेवसज्जानासज्जाभवे वा एकवोकारभवे वा चतुवोकारभवे वा पञ्चवोकारभवे वा पुनगतिया वा उपपत्तिया वा पटिसन्धिया वा भवे वा संसारे वा वट्ठे वा न जनेय्य न सज्जनेय्य न निब्बत्तेय्य नाभिनिब्बत्तेय्य । इधेव निरुज्जेय्य वूपसमेय्य अत्थं गच्छेय्य पटिप्पस्सम्भेय्याति — यथायिदं नापरं सिया । तेनाह सो ब्राह्मणो —

“मज्झे सरस्मिं तिट्ठतं, [इच्चायस्मा कप्पो]
ओघे जाते महब्भये ।
जरामच्चुपरेतानं, दीपं पब्रूहि मारिस ।
त्वञ्च मे दीपमक्खाहि, यथायिदं नापरं सिया”ति ॥

६२. मज्झे सरस्मिं तिट्ठतं, [कप्पाति भगवा]
ओघे जाते महब्भये ।
जरामच्चुपरेतानं, दीपं पब्रूमि कप्प ते ॥

मज्झे सरस्मिं तिट्ठन्ति सरो वुच्चति संसारो आगमनं गमनं गमनागमनं कालं गति भवाभवो, चुति च उपपत्ति च निब्बत्ति च भेदो च जाति च जरा च मरणञ्च । संसारस्स पुरिमापि कोटि न पज्जायति, पच्छिमापि कोटि न पज्जायति । मज्झेव संसारे सत्ता ठिता पतिट्ठिता अल्लीना उपगता अज्झोसिता अधिमुत्ता ।

कथं संसारस्स पुरिमा कोटि न पज्जायति...पे०... एवं संसारस्स पुरिमा कोटि न पज्जायति । कथं संसारस्स पच्छिमा कोटि न पज्जायति...पे०... एवं संसारस्स पच्छिमा कोटि न पज्जायति । एवं संसारस्स पुरिमापि कोटि न पज्जायति, पच्छिमापि कोटि न पज्जायति । मज्झेव संसारे सत्ता ठिता पतिट्ठिता अल्लीना उपगता अज्झोसिता अधिमुत्ताति — मज्झे सरस्मिं तिट्ठतं । कप्पाति भगवाति । कप्पाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जत्ति, यदिदं भगवाति — कप्पाति भगवा ।

ओघे जाते महब्भयेति कामोघे भवोघे दिट्ठोघे अविज्जोघे जाते सज्जाते निब्बत्ते अभिनिब्बत्ते पातुभूते । महब्भयेति जातिभये जराभये व्याधिभये मरणभयेति — ओघे जाते महब्भये ।

जरामच्चुपरेतानन्ति जराय फुट्टानं परेतानं समोहितानं समन्नागतानं, मच्चुना फुट्टानं परेतानं समोहितानं समन्नागतानं जातिया अनुगतानं जराय अनुसटानं व्याधिना अभिभूतानं मरणेन अब्भाहतानं अताणानं अलेणानं असरणानं असरणीभूतानन्ति — जरामच्चुपरेतानं ।

दीपं पब्रूमि कप्प तेति दीपं ताणं लेणं सरणं गतिं परायनं ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — दीपं पब्रूमि कप्प ते । तेनाह भगवा —

“मज्झे सरस्मिं तिट्ठतं, [कप्पाति भगवा]
ओघे जाते महब्भये ।
जरामच्चुपरेतानं, दीपं पब्रूमि कप्प ते”ति ॥

**६३. अकिञ्चनं अनादानं, एतं दीपं अनापरं।
निब्बानं इति नं ब्रूमि, जरामच्चुपरिक्खयं॥**

अकिञ्चनं अनादानन्ति । किञ्चनन्ति — रागकिञ्चनं दोसकिञ्चनं मोहकिञ्चनं मानकिञ्चनं दिट्ठिकिञ्चनं किलेसकिञ्चनं दुच्चरितकिञ्चनं; किञ्चनप्पहानं किञ्चनवूपसमं [किञ्चनवूपसमो (स्या०) एवमीदिसेसु ठानेसु] किञ्चनपटिनिस्सगं [किञ्चनपटिनिस्सगो (स्या०)] किञ्चनपटिप्पस्सद्धिं अमतं निब्बानन्ति — अकिञ्चनं ।
अनादानन्ति आदानं वुच्चति तण्हा । यो रागो सारागो...पे०... अभिज्झा लोभो अकुसलमूलं । आदानप्पहानं आदानवूपसमं आदानपटिनिस्सगं आदानपटिप्पस्सद्धिं अमतं निब्बानन्ति — अकिञ्चनं अनादानं ।

एतं दीपं अनापरन्ति एतं दीपं ताणं लेणं सरणं गति परायनं । अनापरन्ति तम्हा परो अज्जो दीपो नत्थि । अथ खो सो एवं दीपो अगो च सेट्ठो च विसेट्ठो च पामोक्खो च उत्तमो च पवरो चाति — एतं दीपं अनापरं ।

निब्बानं इति नं ब्रूमीति वानं वुच्चति तण्हा । यो रागो सारागो...पे०... अभिज्झा लोभो अकुसलमूलं । वानप्पहानं वानवूपसमं वानपटिनिस्सगं वानपटिप्पस्सद्धिं अमतं निब्बानं । इतीति पदसन्धि पदसंसगो पदपारिपूरी अक्खरसमवायो व्यञ्जनसिलिट्ठता पदानुपुब्बतापेतं — इतीति । ब्रूमीति ब्रूमि आचिक्खामि देसेमि पज्जपेमि पट्ठपेमि विवरामि विभजामि उत्तानीकरोमि पकासेमीति — निब्बानं इति नं ब्रूमि ।

जरामच्चुपरिक्खयन्ति जरामरणस्स पहानं वूपसमं पटिनिस्सगं पटिप्पस्सद्धिं अमतं निब्बानन्ति — जरामच्चुपरिक्खयं । तेनाह भगवा —

“अकिञ्चनं अनादानं, एतं दीपं अनापरं ।
निब्बानं इति नं ब्रूमि, जरामच्चुपरिक्खयं”न्ति ॥

**६४. एतदज्जाय ये सता, दिट्ठधम्माभिनिब्बुता ।
न ते मारवसानुगा, न ते मारस्स पद्धू [पट्ठू (स्या० क०)] ॥**

एतदज्जाय ये सताति । एतन्ति अमतं निब्बानं । यो सो सब्बसङ्खारसमथो सब्बूपधिपटिनिस्सगो तण्हक्खयो विरागो निरोधो निब्बानं । अज्जायाति अज्जाय जानित्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा अनिच्चा”ति...पे०... “यं किञ्चि समुदयधम्मं, सब्बं तं निरोधधम्मं”न्ति अज्जाय जानित्वा तुलयित्वा तीरयित्वा विभावयित्वा विभूतं कत्वा । येति अरहन्तो खीणासवा । सताति चतूहि कारणेहि सता — काये कायानुपस्सनासतिपट्ठानं भावेन्ता [भावितत्ता (क०)] सता...पे०... ते वुच्चन्ति सताति — एतदज्जाय ये सता ।

दिट्ठधम्माभिनिब्बुताति । दिट्ठधम्माति दिट्ठधम्मा जातधम्मा तुलितधम्मा तीरितधम्मा विभूतधम्मा विभावितधम्मा । अभिनिब्बुताति रागस्स निब्बापितत्ता निब्बुता, दोसस्स...पे०... सब्बाकुसलाभिसङ्खारानं सन्तत्ता समितत्ता वूपसमितत्ता निज्झातत्ता निब्बुतत्ता पटिप्पस्सद्धत्ता सन्ता उपसन्ता वूपसन्ता निब्बुता पटिप्पस्सद्धाति — दिट्ठधम्माभिनिब्बुता ।

न ते मारवसानुगाति । मारोति यो सो मारो कण्हो अधिपति अन्तगू नमुचि पमत्तबन्धु । न ते मारवसानुगाति न ते मारस्स वसे वत्तन्ति, नापि मारो तेसु वसं वत्तेति । ते मारज्च मारपक्खज्च मारपासज्च मारबलिसज्च [मारबलिसज्च

(क०)] मारामिसञ्च मारविसयञ्च मारनिवासञ्च मारगोचरञ्च मारबन्धनञ्च अभिभुय्य अभिभवित्वा अज्झोत्थरित्वा परियादियित्वा मदित्वा चरन्ति विहरन्ति इरियन्ति वत्तेन्ति पालेन्ति यपेन्ति यापेन्तीति — न ते मारवसानुगा ।

न ते मारस्स पद्धगूति न ते मारस्स पद्धा पद्धचरा [पट्ठा पट्टचरा (स्या० क०)] परिचारिका सिया; बुद्धस्स ते भगवतो पद्धा पद्धचरा परिचारिका सियाति — न ते मारस्स पद्धगू । तेनाह भगवा —

“एतदज्जाय ये सता, दिट्ठधम्माभिनिब्बुता ।

न ते मारवसानुगा, न ते मारस्स पद्धगू”ति ॥

सह गाथापरियोसाना...पे०... सत्था मे भन्ते भगवा, सावकोहमस्मीति ।

कप्पमाणवपुच्छानिद्देसो दसमो ।

११. जतुकण्णिमाणवपुच्छानिद्देसो

६५. सुत्वानहं वीर अकामकामिं, [इच्छायस्मा जतुकण्णि]

ओघातिगं पुट्टमकाममागमं ।

सन्तिपदं ब्रूहि सहजनेत्त, यथातच्छं भगवा ब्रूहि मेतं ॥

सुत्वानहं वीर अकामकामिन्ति सुत्वा सुणित्वा उगगहेत्वा उपधारेत्वा उपलक्खयित्वा । इतिपि सो भगवा अरहं... पे०... बुद्धो भगवाति — सुत्वानहं । वीराति वीरो भगवा । वीरियवाति वीरो, पट्टति वीरो, विसवीति वीरो, अलमत्तोति वीरो, सूरौति वीरो, विक्कन्तो अभीरू अच्छम्भी अनुत्रासी अपलायी पहीनभयभेरवो विगतलोमहंसोति वीरो ।

विरतो इध सब्बपापकेहि, निरयदुक्खं अतिच्च वीरियवा [विरियवा (स्या०) सु० नि० ५३६] सो ।

सो वीरियवा पधानवा, वीरो तादि पवुच्चते तथत्ताति ॥

सुत्वानहं वीर । अकामकामिन्ति । कामाति उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । बुद्धस्स भगवतो वत्थुकामा परिज्जाता, किलेसकामा पहीना । वत्थुकामानं परिज्जातत्ता किलेसकामानं पहीनत्ता भगवा न कामे कामेति, न कामे पत्थेति, न कामे पिहेति, न कामे अभिजप्पति । ये कामे कामेन्ति, कामे पत्थेन्ति, कामे पिहेन्ति, कामे अभिजप्पन्ति, ते कामकामिनो रागरागिनो सज्जासज्जिनो । भगवा न कामे कामेति, न कामे पत्थेति, न कामे पिहेति, न कामे अभिजप्पति । तस्मा बुद्धो अकामो निक्कामो चत्तकामो वन्तकामो मुत्तकामो पहीनकामो पटिनिस्सट्ठकामो वीतरागो विगतरागो चत्तरागो वन्तरागो मुत्तरागो पहीनरागो पटिनिस्सट्ठरागो निच्छातो निब्बुतो सीतिभूतो सुखप्पटिसंवेदी ब्रह्मभूतेन अत्तना विहरतीति — सुत्वानहं वीर अमकामकामिं ।

इच्छायस्मा जतुकण्णीति । इच्छाति पदसन्धि...पे०... पदानुपुब्बतापेतं — इच्छाति । आयस्माति पियवचनं सगारवसप्पतिस्साधिवचनमेतं आयस्माति । जतुकण्णीति तस्स ब्राह्मणस्स गोत्तं सङ्घा समज्जा पज्जति वोहारोति — इच्छायस्मा जतुकण्णि ।

ओघातिगं पुट्टमकाममागमन्ति । ओघातिगन्ति ओघातिगं ओघं अतिक्कन्तं समतिक्कन्तं वीतिवत्तन्ति — ओघातिगं । पुट्टन्ति पुट्टं पुच्छितुं याचितुं अज्जेसितुं पसादेतुं । अकाममागमन्ति अकामं पुट्टं निक्कामं चत्तकामं वन्तकामं मुत्तकामं पहीनकामं पटिनिस्सट्ठकामं वीतरागं विगतारागं चत्तरागं वन्तरागं मुत्तरागं पहीनारागं पटिनिस्सट्ठारागं आगम्हा आगतम्हा उपागतम्हा सम्पत्तम्हा तथा सद्धिं समागतम्हाति — ओघातिगं पुट्टमकाममागमं ।

सन्तिपदं ब्रूहि सहजनेत्ताति । सन्तीति एकेन आकारेण सन्तिपि सन्तिपदम्पि [सन्तिपदन्ति (क०)] तंयेव अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । वुत्तज्हेतं भगवता — “सन्तमेतं पदं, पणीतमेतं पदं, यदिदं सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं”न्ति । अथापरेणाकारेण ये धम्मा सन्ताधिगमाय सन्तिफुसनाय सन्तिसच्छिकिरियाय संवत्तन्ति, सेय्यथिदं — चत्तारो सतिपट्ठाना चत्तारो सम्मप्पधाना चत्तारो इद्धिपादा पञ्चिन्द्रियानि पञ्च बलानि सत्त बोज्झङ्गा अरियो अट्ठङ्गिको मग्गो — इमे वुच्चन्ति सन्तिपदा । सन्तिपदं ताणपदं लेणपदं सरणपदं अभयपदं अच्चुतपदं अमतपदं निब्बानपदं ब्रूहि आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहि । सहजनेत्ताति नेत्तं वुच्चति सब्बज्जुतजाणं । बुद्धस्स भगवतो नेत्तज्ज जिनभावो च बोधिया मूले अपुब्बं अचरिमं एकस्मिं खणे उप्पन्नो, तस्मा बुद्धो सहजनेत्ताति — सन्तिपदं ब्रूहि सहजनेत्त ।

यथातच्छं भगवा ब्रूहि मेतन्ति यथातच्छं वुच्चति अमतं निब्बानं...पे०... निरोधो निब्बानं । भगवाति गारवाधिवचनं... पे०... सच्छिका पज्जति, यदिदं भगवाति । ब्रूहि मेतन्ति ब्रूहि आचिक्खाहि...पे०... पकासेहीति — यथातच्छं भगवा ब्रूहि मेतं । तेनाह सो ब्राह्मणो —

“सुत्त्वानहं वीर अकामकामिं, [इच्चायस्मा जतुकण्णि]
ओघातिगं पुट्टमकाममागमं ।
सन्तिपदं ब्रूहि सहजनेत्त, यथातच्छं भगवा ब्रूहि मेत”न्ति ॥

६६. भगवा हि कामे अभिभुय्य इरियति, आदिच्चोव पथविं तेजी तेजसा ।
परितपज्जस्स मे भूरिपज्जो, आचिक्ख धम्मं यमहं विजज्जं ।
जातिजराय इथ विप्पहानं ॥

भगवा हि कामे अभिभुय्य इरियतीति । भगवाति गारवाधिवचनं...पे०... सच्छिका पज्जति, यदिदं भगवाति । कामाति उद्धानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । भगवा वत्थुकामे परिजानित्वा किलेसकामे पहाय अभिभुय्य अभिभवित्वा अज्झोत्थरित्वा परियादियित्वा चरति विहरति इरियति वत्तेति पालेति यपेति यापेतीति — भगवा हि कामे अभिभुय्य इरियति ।

आदिच्चोव पथविं तेजी तेजसाति आदिच्चो वुच्चति सूरियो [सूरियो (स्या०)] । पथवी वुच्चति जगती [जरा (स्या०)] । यथा सूरियो तेजी तेजेन समन्नागतो पथविं अभिभुय्य अभिभवित्वा अज्झोत्थरित्वा परियादियित्वा सन्तापयित्वा सब्बं आकासगतं तमगतं अभिविहच्च अन्धकारं विधमित्वा आलोकं दस्सयित्वा आकासे अन्तलिक्खे गगनपथे [गमनपथे (स्या०) अट्ठकथा ओलोकेतब्बा] गच्छति, एवमेव भगवा जाणतेजी जाणतेजेन समन्नागतो सब्बं अभिसङ्खारसमुदयं...पे०... किलेसतमं अविज्जन्धकारं विधमित्वा जाणालोकं दस्सेत्वा वत्थुकामे परिजानित्वा किलेसकामे

पहाय अभिभुय्य अभिभवित्वा अज्झोत्थरित्वा परियादित्वा मदित्वा चरति विहरति इरियति वत्तेति पालेति यपेति यापेतीति — आदिच्चोव पथविं तेजी तेजसा ।

परित्तपज्जस्स मे भूरिपज्जोति अहमस्मि परित्तपज्जो ओमकपज्जो लामकपज्जो छतुक्कपज्जो । त्वम्पि महापज्जो पुथुपज्जो हासपज्जो जवनपज्जो तिक्खपज्जो निब्बेधिकपज्जो । भूरि वुच्चति पथवी । भगवा ताय पथविसमाय पज्जाय विपुलाय वित्थताय समन्नागतोति — परित्तपज्जस्स मे भूरिपज्जो ।

आचिक्ख धम्मं यमहं विजज्जन्ति । धम्मन्ति आदिकल्याणं मज्झेकल्याणं परियोसानकल्याणं सात्थं सब्बज्जनं केवलपरिपुण्णं परिसुद्धं ब्रह्मचरियं, चत्तारो सतिपट्टाने...पे०... निब्बानञ्च निब्बानगामिनिञ्च पटिपदं आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहि । **यमहं विजज्जन्ति** यमहं जानेय्यं आजानेय्यं विजानेय्यं पटिजानेय्यं पटिविज्जेय्यं अधिगच्छेय्यं फस्सेय्यं सच्छिकरेय्यन्ति — आचिक्ख धम्मं यमहं विजज्जं ।

जातिजराय इध विप्पहानन्ति इधेव जातिजराय मरणस्स पहानं वूपसमं पटिनिस्सगं पटिप्पस्सद्धिं अमतं निब्बानन्ति — जातिजराय इध विप्पहानं । तेनाह सो ब्राह्मणो —

“भगवा हि कामे अभिभुय्य इरियति, आदिच्चोव पथविं तेजी तेजसा ।
परित्तपज्जस्स मे भूरिपज्जो, आचिक्ख धम्मं यमहं विजज्जं ।
जातिजराय इध विप्पहान”न्ति ॥

६७. कामेसु विनय गेधं, [जतुकणीति भगवा]
नेक्खम्मं ददु खेमतो ।
उग्गहितं निरत्तं वा, मा ते विज्जित्थ किञ्चनं ॥

कामेसु विनय गेधन्ति । कामाति उद्धानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । **गेधन्ति** गेधो वुच्चति तण्हा । यो रागो सारागो...पे०... अभिज्झा लोभो अकुसलमूलं । **कामेसु विनय गेधन्ति** कामेसु गेधं विनय पटिविनय पजह विनोदेहि ब्यन्तीकरोहि अनभावं गमेहीति — कामेसु विनय गेधं । **जतुकणीति** भगवा तं ब्राह्मणं गोत्तेन आलपति । **भगवाति** गारवाधिवचनमेतं...पे०... सच्छिका पज्जति, यदिदं भगवाति — जतुकणीति भगवा ।

नेक्खम्मं ददु खेमतोति । नेक्खम्मन्ति सम्पापटिपदं अनुलोमपटिपदं अपच्चनीकपटिपदं अन्वत्थपटिपदं धम्मनुधम्मपटिपदं सीलेसु परिपूरकारितं इन्द्रियेसु गुत्तद्वारतं भोजने मत्तज्जुतं जागरियानुयोगं सतिसम्पज्जं चत्तारो सतिपट्टाने चत्तारो सम्मपधाने चत्तारो इद्धिपादे पञ्चिन्द्रियानि पञ्च बलानि सत्त बोज्झङ्गे अरियं अट्ठङ्गिकं मगं निब्बानञ्च निब्बानगामिनिञ्च पटिपदं खेमतो ताणतो लेणतो सरणतो सरणीभूततो अभयतो अच्युततो अमततो निब्बानतो ददुं पस्सित्वा तुलयित्वा तीरयित्वा विभावयित्वा विभूतं कत्वाति — नेक्खम्मं ददु खेमतो ।

उग्गहितं निरत्तं वाति । उग्गहितन्ति तण्हावसेन दिट्ठिवसेन गहितं परामट्ठं अभिनिविट्ठं अज्झोसितं अधिमुत्तं । **निरत्तं वाति** निरत्तं वा मुञ्चितब्बं विजहितब्बं विनोदितब्बं ब्यन्तीकातब्बं अनभावं गमेतब्बन्ति — उग्गहितं निरत्तं वा ।

मा ते विज्जित्थ किञ्चनन्ति रागकिञ्चनं दोसकिञ्चनं मोहकिञ्चनं मानकिञ्चनं दिट्ठिकिञ्चनं किलेसकिञ्चनं दुच्चरितकिञ्चनं । इदं किञ्चनं [इमे किञ्चना (क०)] तुय्हं मा विज्जित्थ मा पविज्जित्थ मा संविज्जित्थ पजह विनोदेहि ब्यन्तीकरोहि अनभावं गमेहीति — मा ते विज्जित्थ किञ्चनं । तेनाह भगवा —

“कामेसु विनय गेधं, [जतुकण्णीति भगवा]
नेक्खम्मं दट्ठु खेमतो ।
उग्गहितं निरत्तं वा, मा ते विज्जित्थ किञ्चनं”न्ति ॥

६८. यं पुब्बे तं विसोसेहि, पच्छा ते माहु किञ्चनं ।
मज्झे चे नो गहेस्ससि, उपसन्तो चरिस्ससि ॥

यं पुब्बे तं विसोसेहीति अतीते सङ्खारे आरब्भ ये किलेसा उपपज्जेय्युं ते किलेसे सोसेहि विसोसेहि सुक्खापेहि विसुक्खापेहि अबीजं करोहि पजह विनोदेहि ब्यन्तीकरोहि अनभावं गमेहीति — एवम्पि यं पुब्बे तं विसोसेहि । अथ वा, ये अतीता कम्माभिसङ्खारा अविपक्कविपाका ते कम्माभिसङ्खारे सोसेहि विसोसेहि सुक्खापेहि विसुक्खापेहि अबीजं [अवीजं (स्या०)] करोहि पजह विनोदेहि ब्यन्तीकरोहि अनभावं गमेहीति — एवम्पि यं पुब्बे तं विसोसेहि ।

पच्छा ते माहु किञ्चनन्ति पच्छा वुच्चति अनागते सङ्खारे आरब्भ रागकिञ्चनं दोसकिञ्चनं मोहकिञ्चनं मानकिञ्चनं दिट्ठिकिञ्चनं किलेसकिञ्चनं दुच्चरितकिञ्चनं । इदं किञ्चनं तुय्हं मा अहु मा अहोसि मा जनेसि [मा जनेहि (स्या०) तथावसेसेसु द्वीसु पदेसुपि] मा सज्जनेसि माभिनिब्बत्तेसि पजह विनोदेहि ब्यन्तीकरोहि अनभावं गमेहीति — पच्छा ते माहु किञ्चनं ।

मज्झे चे नो गहेस्ससीति मज्झे वुच्चति पच्चुप्पन्नं रूपं वेदना सज्जा सङ्खारा विज्जाणं । पच्चुप्पन्ने सङ्खारे तण्हावसेन दिट्ठिवसेन न गहेस्ससि न तण्हिस्ससि न परामसिस्ससि न नन्दिस्ससि नाभिनन्दिस्ससि न अज्झोसिस्ससि । अभिनन्दनं अभिवदनं अज्झोसानं गाहं परामासं अभिनिवेसं पजहिस्ससि विनोदेस्ससि ब्यन्तीकरिस्ससि अनभावं गमेस्ससीति — मज्झे चे नो गहेस्ससि ।

उपसन्तो चरिस्ससीति रागस्स उपसमितत्ता उपसन्तो चरिस्ससि, दोसस्स...पे०... सब्बाकुसलाभिसङ्खारानं सन्तत्ता समितत्ता उपसमितत्ता वूपसमितत्ता निज्झातत्ता निब्बुतत्ता विगतत्ता पटिप्पस्सद्धत्ता सन्तो उपसन्तो वूपसन्तो निब्बुतो पटिप्पस्सद्धो चरिस्ससि विहरिस्ससि इरियिस्ससि वत्तिस्ससि पालेस्ससि यपेस्ससि यापेस्ससीति — उपसन्तो चरिस्ससि । तेनाह भगवा —

“यं पुब्बे तं विसोसेहि, पच्छा ते माहु किञ्चनं ।
मज्झे चे नो गहेस्ससि, उपसन्तो चरिस्ससी”ति ॥

६९. सब्बसो नामरूपस्मिं, वीतगेधस्स ब्राह्मण ।
आसवास्स न विज्जन्ति, येहि मच्चुवसं वजे ॥

सब्बसो नामरूपस्मिं वीतगेधस्स ब्राह्मणाति । सब्बसोति सब्बेन सब्बं सब्बथा सब्बं असेसं निस्सेसं

परियादियनवचनमेतं सब्बसोति । नामन्ति चत्तारो अरूपिनो खन्धा । रूपन्ति चत्तारो च महाभूता चतुन्नञ्च महाभूतानं उपादाय रूपं । गेधो वुच्चति तण्हा । यो रागो सारागो...पे०... अभिज्झा लोभो अकुसलमूलं । सब्बसो नामरूपस्मिं वीतगेधस्स ब्राह्मणाति सब्बसो नामरूपस्मिं वीतगेधस्स विगतगेधस्स चत्तगेधस्स वन्तगेधस्स मुत्तगेधस्स पहीनगेधस्स पटिनिस्सट्ठगेधस्स वीतरागस्स विगतरागस्स चत्तरागस्स वन्तरागस्स मुत्तरागस्स पहीनरागस्स पटिनिस्सट्ठरागस्साति — सब्बसो नामरूपस्मिं वीतगेधस्स ब्राह्मण ।

आसवास्स न विज्जन्तीति । आसवाति चत्तारो आसवा — कामासवो, भवासवो, दिट्ठासवो, अविज्जासवो । अस्साति अरहतो खीणासवस्स । न विज्जन्तीति इमे आसवा तस्स नत्थि न सन्ति न संविज्जन्ति नुपलब्भन्ति पहीना समुच्छिन्ना वूपसन्ता पटिप्पस्सद्धा अभब्बुप्पत्तिका जाणगिना दट्ठाति — आसवास्स न विज्जन्ति ।

येहि मच्चुवसं वजेति येहि आसवेहि मच्चुनो वा वसं गच्छेय्य, मरणस्स वा वसं गच्छेय्य, मारपक्खस्स वा वसं गच्छेय्य; ते आसवा तस्स नत्थि न सन्ति न संविज्जन्ति नुपलब्भन्ति पहीना समुच्छिन्ना वूपसन्ता पटिप्पस्सद्धा अभब्बुप्पत्तिका जाणगिना दट्ठाति — येहि मच्चुवसं वजे । तेनाह भगवा —

“सब्बसो नामरूपस्मिं, वीतगेधस्स ब्राह्मण ।
आसवास्स न विज्जन्ति, येहि मच्चुवसं वजे”ति ॥

सह गाथापरियोसाना...पे०... सत्था मे भन्ते भगवा, सावकोहमस्मीति ।

जतुकण्णिमाणवपुच्छानिद्देसो एकादसमो ।

१२. भद्रावुधमाणवपुच्छानिद्देसो

७०. ओकज्जहं तण्हच्छिदं अनेजं, [इच्चायस्मा भद्रावुधो]

नन्दिज्जहं ओघतिण्णं विमुत्तं ।

कप्पज्जहं अभियाचे सुमेधं, सुत्वान नागस्स अपनमिस्सन्ति [अपगमिस्सन्ति (क०)] इतो ॥

ओकज्जहं तण्हच्छिदं अनेजन्ति । ओकज्जहन्ति रूपधातुया यो छन्दो यो रागो या नन्दी या तण्हा ये उपायुपादाना [उपयुपादाना (क०)] चेतसो अधिद्वानाभिनिवेसानुसया, ते बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो ओकज्जहो । वेदनाधातुया...पे०... सज्जाधातुया... सङ्खारधातुया... विज्जाणधातुया यो छन्दो यो रागो या नन्दी या तण्हा ये उपायुपादाना चेतसो अधिद्वानाभिनिवेसानुसया, ते बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो ओकज्जहो ।

तण्हच्छिदन्ति । तण्हाति रूपतण्हा...पे०... धम्मतण्हा । सा तण्हा बुद्धस्स भगवतो छिन्ना उच्छिन्ना समुच्छिन्ना वूपसन्ता पटिप्पस्सद्धा अभब्बुप्पत्तिका जाणगिना दट्ठा । तस्मा बुद्धो तण्हच्छिदो । अनेजोति एजा वुच्चति तण्हा । यो रागो सारागो ...पे०... अभिज्झा लोभो अकुसलमूलं । सा एजा तण्हा बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो अनेजो । एजाय पहीनत्ता अनेजो भगवा लाभेपि न इज्जति, अलाभेपि न इज्जति, यसेपि न इज्जति, अयसेपि न इज्जति, पसंसायपि न इज्जति, निन्दायपि न इज्जति, सुखेपि न इज्जति, दुक्खेपि न

इज्जति न चलति न वेधति न पवेधति न सम्पवेधतीति । तस्मा बुद्धो अनेजोति — ओकज्जहं तण्हच्छिदं अनेजं ।
इच्चायस्मा भद्रावुधोति । इच्चाति पदसन्धि...पे०... आयस्माति, पियवचनं...पे०... भद्रावुधोति तस्स ब्राह्मणस्स नामं...
 पे०... अभिलापोति — इच्चायस्मा भद्रावुधो ।

नन्दिज्जहं ओघतिण्णं विमुत्तन्ति नन्दी वुच्चति तण्हा । यो रागो सारागो...पे०... अभिज्झा लोभो अकुसलमूलं । सा नन्दी सा तण्हा बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो नन्दिज्जहो । **ओघतिण्णन्ति** भगवा कामोघं तिण्णो भवोघं तिण्णो दिट्ठोघं तिण्णो अविज्जोघं तिण्णो सब्बसंसारपथं तिण्णो उत्तिण्णो नित्थिण्णो अतिक्कन्तो समतिक्कन्तो वीतिवत्तो । सो वुत्थवासो चिण्णचरणो...पे०... जातिमरणसंसारो नत्थि तस्स पुनब्भवोति — नन्दिज्जहं ओघतिण्णं । **विमुत्तन्ति** भगवतो रागा चित्तं मुत्तं विमुत्तं सुविमुत्तं, दोसा चित्तं... मोहा चित्तं... पे०... सब्बाकुसलाभिसङ्खारेहि चित्तं मुत्तं विमुत्तं सुविमुत्तन्ति — नन्दिज्जहं ओघतिण्णं विमुत्तं ।

कप्पज्जहं अभियाचे सुमेधन्ति । कप्पाति द्वे कप्पा — तण्हाकप्पो च दिट्ठिकप्पो च...पे०... अयं तण्हाकप्पो...पे०... अयं दिट्ठिकप्पो । बुद्धस्स भगवतो तण्हाकप्पो पहीनो दिट्ठिकप्पो पटिनिस्सट्ठो । तण्हाकप्पस्स पहीनत्ता दिट्ठिकप्पस्स पटिनिस्सट्ठत्ता तस्मा बुद्धो कप्पज्जहो । **अभियाचेति** याचामि अभियाचामि अज्झेसामि सादियामि पत्थयामि पिहयामि जप्पामि अभिजप्पामि । **सुमेधा** वुच्चति पज्जा । या पज्जा पजानना...पे०... अमोहो धम्मविचयो सम्मादिट्ठि । भगवा इमाय मेधाय पज्जाय उपेतो समुपेतो उपागतो समुपागतो उपपन्नो समुपपन्नो समन्नागतो । तस्मा बुद्धो सुमेधोति — कप्पज्जहं अभियाचे सुमेधं ।

सुत्वान नागस्स अपनमिस्सन्ति इतोति । नागस्साति नागो । भगवा आगुं न करोतीति नागो, न गच्छतीति नागो, न आगच्छतीति नागो...पे०... एवं भगवा न गच्छतीति नागो । **सुत्वान नागस्स अपनमिस्सन्ति इतोति** तुय्हुं वचनं व्यप्पथं देसनं अनुसासनं अनुसिट्ठं सुत्वा सुणित्वा उगगहेत्वा उपधारयित्वा उपलक्खयित्वा इतो अपनमिस्सन्ति वजिस्सन्ति पक्कमिस्सन्ति दिसाविदिसं गमिस्सन्तीति — सुत्वान नागस्स अपनमिस्सन्ति इतो । तेनाह सो ब्राह्मणो —

“ओकज्जहं तण्हच्छिदं अनेजं, [इच्चायस्मा भद्रावुधो]
 नन्दिज्जहं ओघतिण्णं विमुत्तं ।
 कप्पज्जहं अभियाचे सुमेधं, सुत्वान नागस्स अपनमिस्सन्ति इतो”ति ॥

**७१. नानाजना जनपदेहि सङ्गता, तव वीर वाक्यं अभिकङ्खमाना ।
 तेसं तुवं साधु वियाकरोहि, तथा हि ते विदितो एस धम्मो ॥**

नानाजना जनपदेहि सङ्गताति । नानाजनाति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च । **जनपदेहि सङ्गताति** अङ्गा च मगधा च कलिङ्गा च कासिया च कोसला च वज्जिया च मल्ला च चेतियम्हा च [चेतियम्हा च सागरम्हा च (स्या०)] वंसा च कुरुम्हा च पञ्चाला च मच्छा च सुरसेना च अस्सका च अवन्तिया च योना [योनका (क०) महानि० ५५] च कम्बोजा च । **सङ्गताति** सङ्गता समागता समोहिता सन्निपतिताति — नानाजना जनपदेहि सङ्गता ।

तव वीर वाक्यं अभिकङ्खमानाति । वीराति वीरो । भगवा वीरियवाति वीरो, पहूति वीरो, विसवीति वीरो,

अलमत्तोति वीरो, विगतलोमहंसोतिपि वीरो ।

विरतो इध सब्बपापकेहि, निरयदुक्खं अतिच्च वीरियवा सो ।
सो वीरियवा पधानवा, वीरो तादि पवुच्चते तथत्ताति ॥

तव वीर वाक्यं अभिकङ्खमानाति तुहं वचनं ब्यप्पथं देसनं अनुसासनं अनुसिट्ठं । अभिकङ्खमानाति अभिकङ्खमाना इच्छमाना सादियमाना पत्थयमाना पिहयमाना अभिजप्पमानाति — तव वीर वाक्यं अभिकङ्खमाना ।

तेसं तुवं साधु वियाकरोहीति । तेसन्ति तेसं खत्तियानं ब्राह्मणानं वेस्सानं सुद्धानं गहट्टानं पब्बजितानं देवानं मनुस्सानं । तुवन्ति भगवन्तं भणाति । साधु वियाकरोहीति साधु आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — तेसं तुवं साधु वियाकरोहि ।

तथा हि ते विदितो एस धम्मोति तथा हि ते विदितो तुलितो तीरितो विभूतो विभावितो एस धम्मोति — तथा हि ते विदितो एस धम्मो । तेनाह सो ब्राह्मणो —

“नानाजना जनपदेहि सङ्गता, तव वीर वाक्यं अभिकङ्खमाना ।
तेसं तुवं साधु वियाकरोहि, तथा हि ते विदितो एस धम्मो”ति ॥

७२. आदानतण्हं विनयेथ सब्बं, [भद्रावुधाति भगवा]
उद्धं अधो तिरियञ्चापि मज्झे ।
यं यज्झि लोकस्मिमुपादियन्ति, तेनेव मारो अन्वेति जन्तुं ॥

आदानतण्हं विनयेथ सब्बन्ति आदानतण्हं वुच्चति रूपतण्हा...पे०... आदानतण्हाति किंकारणा वुच्चति आदानतण्हा? ताय तण्हाय रूपं आदियन्ति उपादियन्ति गणहन्ति परामसन्ति अभिनिविसन्ति । वेदनं...पे०... सज्जं... सङ्खारे... विज्जाणं... गतिं... उपपत्तिं... पटिसन्धिं... भवं... संसारं... वट्ठं आदियन्ति उपादियन्ति गणहन्ति परामसन्ति अभिनिविसन्ति । तंकारणा वुच्चति आदानतण्हा । आदानतण्हं विनयेथ सब्बन्ति सब्बं आदानतण्हं विनयेथ पटिविनयेथ पजहेथ विनोदेथ ब्यन्तीकरेथ अनभावं गमेय्याति — आदानतण्हं विनयेथ सब्बं । भद्रावुधाति भगवाति । भद्रावुधाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जति, यदिदं भगवाति — भद्रावुधाति भगवा ।

उद्धं अधो तिरियञ्चापि मज्झेति । उद्धन्ति अनागतं; अधोति अतीतं; तिरियञ्चापि मज्झेति पच्चुप्पन्नं । उद्धन्ति देवलोको; अधोति निरयलोको; तिरियञ्चापि मज्झेति मनुस्सलोको । अथ वा, उद्धन्ति कुसला धम्मा; अधोति अकुसला धम्मा; तिरियञ्चापि मज्झेति अब्याकता धम्मा । उद्धन्ति अरूपधातु; अधोति कामधातु; तिरियञ्चापि मज्झेति रूपधातु । उद्धन्ति सुखा वेदना; अधोति दुक्खा वेदना; तिरियञ्चापि मज्झेति अदुक्खमसुखा वेदना । उद्धन्ति उद्धं पादतला; अधोति अधो केसमत्थका; तिरियञ्चापि मज्झेति वेमज्जेति — उद्धं अधो तिरियञ्चापि मज्जे ।

यं यज्झि लोकस्मिमुपादियन्तीति यं यं रूपगतं वेदनागतं सज्जागतं सङ्खारगतं विज्जाणगतं आदियन्ति उपादियन्ति गणहन्ति परामसन्ति अभिनिविसन्ति । लोकस्मिन्ति अपायलोके...पे०... आयतनलोकेति — यं यज्झि लोकस्मिमुपादियन्ति ।

तेनेव मारो अन्वेति जन्तुन्ति तेनेव कम्माभिसङ्खारवसेन पटिसन्धिको खन्धमारो धातुमारो आयतनमारो गतिमारो उपपत्तिमारो पटिसन्धिमारो भवमारो संसारमारो वट्टमारो अन्वेति अनुगच्छति अन्वायिको होति । जन्तुन्ति सत्तं जनं नरं माणवं [मानवं (स्या०)] पोसं पुग्गलं जीवं जागुं जन्तुं इन्दगुं मनुजन्ति — तेनेव मारो अन्वेति जन्तुं । तेनाह भगवा —

“आदानतण्हं विनयेथ सब्बं, [भद्रावुधाति भगवा]
उद्धं अधो तिरियज्वापि मज्झे ।
यं यज्झि लोकस्मिमुपादियन्ति, तेनेव मारो अन्वेति जन्तु”न्ति ॥

**७३. तस्मा पजानं न उपादियेथ, भिक्खु सतो किञ्चनं सब्बलोके ।
आदानसत्ते इति पेक्खमानो, पजं इमं मच्चुधेय्ये विसत्तं ॥**

तस्मा पजानं न उपादियेथाति । तस्माति तस्मा तंकारणा तंहेतु तप्पच्चया तंनिदाना, एतं आदीनवं सम्पस्समानो आदानतण्हायाति — तस्मा । पजानन्ति जानन्तो पजानन्तो आजानन्तो विजानन्तो पटिविजानन्तो पटिविज्झन्तो “सब्बे सङ्खारा अनिच्चा”ति...पे०... “यं किञ्चि समुदयधम्मं सब्बं तं निरोधधम्म”न्ति जानन्तो पजानन्तो आजानन्तो विजानन्तो पटिविजानन्तो पटिविज्झन्तो । न उपादियेथाति रूपं नादियेय्य न उपादियेय्य न गणहेय्य न परामसेय्य नाभिनिविसेय्य; वेदनं...पे०... सज्जं... सङ्खारे... विज्जाणं... गतिं ... उपपत्तिं... पटिसन्धिं... भवं... संसारं... वट्टं नादियेय्य न उपादियेय्य न गणहेय्य न परामसेय्य नाभिनिविसेय्याति — तस्मा पजानं न उपादियेथ ।

भिक्खु सतो किञ्चनं सब्बलोकेति । भिक्खूति पुथुज्जनकल्याणको वा भिक्खु, सेक्खो वा भिक्खु । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो...पे०... सो वुच्चति सतोति — भिक्खु सतो । किञ्चनन्ति किञ्चि रूपगतं वेदनागतं सज्जागतं सङ्खारगतं विज्जाणगतं । सब्बलोकेति सब्बअपायलोके सब्बमनुस्सलोके सब्बदेवलोके सब्बखन्धलोके सब्बधातुलोके सब्बआयतनलोकेति — भिक्खु सतो किञ्चनं सब्बलोके ।

आदानसत्ते इति पेक्खमानोति आदानसत्ता वुच्चन्ति ये रूपं आदियन्ति उपादियन्ति गणहन्ति परामसन्ति अभिनिविसन्ति; वेदनं...पे०... सज्जं... सङ्खारे... विज्जाणं... गतिं... उपपत्तिं... पटिसन्धिं... भवं... संसारं... वट्टं आदियन्ति उपादियन्ति गणहन्ति परामसन्ति अभिनिविसन्ति । इतीति पदसन्धिं...पे०... पदानुपुब्बतापेतं इतीति । पेक्खमानोति पेक्खमानो दक्खमानो दिस्समानो पस्समानो ओलोकयमानो निज्झायमानो उपपरिक्खमानोति — आदानसत्ते इति पेक्खमानो ।

पजं इमं मच्चुधेय्ये विसत्तन्ति । पजाति सत्ताधिवचनं मच्चुधेय्या वुच्चन्ति किलेसा च खन्धा च अभिसङ्खारा च । पजा मच्चुधेय्ये मारधेय्ये मरणधेय्ये सत्ता विसत्ता आसत्ता लग्गा लग्गिता पलिबुद्धा । यथा भित्तिखिले वा नागदन्ते वा भण्डं सत्तं विसत्तं आसत्तं लग्गं लग्गितं पलिबुद्धं, एवमेव पजा मच्चुधेय्ये मारधेय्ये मरणधेय्ये सत्ता विसत्ता आसत्ता लग्गा लग्गिता पलिबुद्धाति — पजं इमं मच्चुधेय्ये विसत्तं । तेनाह भगवा —

“तस्मा पजानं न उपादियेथ, भिक्खु सतो किञ्चनं सब्बलोके ।
आदानसत्ते इति पेक्खमानो, पजं इमं मच्चुधेय्ये विसत्तं”न्ति ॥

सह गाथापरियोसाना...पे०... सत्था मे भन्ते भगवा, सावकोहमस्मीति ।

भद्रावुधमाणवपुच्छानिद्देसो द्वादसमो ।

१३. उदयमाणवपुच्छानिद्देसो

७४. झायिं विरजमासीनं, [इच्छायस्मा उदयो]

कतकिच्चं अनासवं ।

पारगुं सब्बधम्मानं, अत्थि पज्जेन आगमं ।

अज्जाविमोक्खं पब्रूहि [संब्रूहि (स्या०)], अविज्जाय पभेदनं ॥

झायिं विरजमासीनन्ति । झायिन्ति झायी भगवा । पठमेनपि ज्ञानेन झायी, दुतियेनपि ज्ञानेन झायी, ततियेनपि ज्ञानेन झायी, चतुथेनपि ज्ञानेन झायी, सवितक्कसविचारेनपि ज्ञानेन झायी, अवितक्कविचारमत्तेनपि ज्ञानेन झायी, अवितक्कअविचारेनपि ज्ञानेन झायी, सप्पीतिकेनपि ज्ञानेन झायी, निप्पीतिकेनपि ज्ञानेन झायी, सातसहगतेनपि ज्ञानेन झायी, उपेक्खासहगतेनपि ज्ञानेन झायी, सुज्जतेनपि ज्ञानेन झायी, अनिमित्तेनपि ज्ञानेन झायी, अप्पणिहितेनपि ज्ञानेन झायी, लोकियेनपि ज्ञानेन झायी, लोकुत्तरेनपि ज्ञानेन झायी ज्ञानरतो एकत्तमनुयुत्तो सदत्थगरुकोति — झायिं । विरजन्ति रागो रजो, दोसो रजो, मोहो रजो, कोधो रजो, उपनाहो रजो...पे०... सब्बाकुसलाभिसङ्खारा रजा । ते रजा बुद्धस्स भगवतो पहीना उच्छिन्नमूला तालावत्थुकता अनभावंकता आर्यातिं अनुप्पादधम्मा । तस्मा बुद्धो अरजो विरजो निरजो रजापगतो रजविप्पहीनो रजविप्पयुत्तो सब्बरजवीतिवत्तो ।

रागो रजो न च पन रेणु वुच्चति,

रागस्सेतं अधिवचनं रजोति ।

एतं रजं विप्पजहित्वा [पटिविनोदित्वा (क०) महानि० २०९] चक्खुमा, तस्मा जिनो विगतरजोति वुच्चति ॥

दोसो रजो न च पन रेणु वुच्चति, दोसस्सेतं अधिवचनं रजोति ।

एतं रजं विप्पजहित्वा चक्खुमा, तस्मा जिनो विगतरजोति वुच्चति ॥

मोहो रजो न च पन रेणु वुच्चति, मोहस्सेतं अधिवचनं रजोति ।

एतं रजं विप्पजहित्वा चक्खुमा, तस्मा जिनो विगतरजोति वुच्चतीति ॥ —

विरजं ...पे०... ।

आसीनन्ति निसिन्नो भगवा पासाणके चेतियेति — आसीनो ।

नगस्स [नगरस्स (क०)] पस्से आसीनं, मुनिं दुक्खस्स पारगुं ।

सावका पयिरुपासन्ति, तेविज्जा मच्चुहायिनोति ॥

एवम्पि भगवा आसीनो । अथ वा, भगवा सब्बोस्सुक्कपटिप्पस्सद्धत्ता आसीनो वुत्थवासो चिण्णचरणो...पे०...

जातिमरणसंसारो नत्थि तस्स पुनब्भवोति । एवम्पि भगवा आसीनोति — झायिं विरजमासीनं ।

इच्छायस्मा उदयोति । इच्छाति पदसन्धि...पे०... **आयस्माति** पियवचनं...पे०... **उदयोति** तस्स ब्राह्मणस्स नामं...पे०... अभिलापोति — इच्छायस्मा उदयो ।

कतकिच्चं अनासवन्ति बुद्धस्स भगवतो किच्चाकिच्चं करणीयाकरणीयं पहीनं उच्छिन्नमूलं तालावत्थुकतं अनभावंकतं आयतिं अनुप्पादधम्मं । तस्मा बुद्धो कतकिच्चो ।

यस्स च विसता [यस्स परिपता (स्या०) पस्स महानि० २०२] नत्थि, छिन्नसोतस्स भिक्खुनो ।
किच्चाकिच्चप्पहीनस्स, परिळाहो न विज्जतीति ॥

कतकिच्चं अनासवन्ति । आसवाति चत्तारो आसवा — कामासवो, भवासवो, दिट्ठासवो, अविज्जासवो । ते आसवा बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो अनासवोति — कतकिच्चं अनासवं ।

पारगुं सब्बधम्मानन्ति भगवा सब्बधम्मानं अभिज्जापारगू परिज्जापारगू पहानपारगू भावनापारगू सच्छिकिरियापारगू समापत्तिपारगू । अभिज्जापारगू सब्बधम्मानं, परिज्जापारगू सब्बदुक्खानं, पहानपारगू सब्बकिलेसानं, भावनापारगू चतुन्नं मग्गानं, सच्छिकिरियापारगू निरोधस्स, समापत्तिपारगू सब्बसमापत्तीनं । सो वसिप्पत्तो पारमिप्पत्तो अरियस्मिं सीलस्मिं; वसिप्पत्तो पारमिप्पत्तो अरियस्मिं समाधिस्मिं; वसिप्पत्तो पारमिप्पत्तो अरियाय पज्जाय; वसिप्पत्तो पारमिप्पत्तो अरियाय विमुत्तिया । सो पारगतो पारप्पत्तो अन्तगतो अन्तप्पत्तो कोटिगतो कोटिप्पत्तो परियन्तगतो परियन्तप्पत्तो वोसानगतो वोसानप्पत्तो ताणगतो ताणप्पत्तो लेणगतो लेणप्पत्तो सरणगतो सरणप्पत्तो अभयगतो अभयप्पत्तो अच्चुतगतो अच्चुतप्पत्तो अमत्तगतो अमत्तप्पत्तो निब्बानगतो निब्बानप्पत्तो । सो वुत्तवासो चिण्णचरणो...पे०... जातिमरणसंसारो नत्थि तस्स पुनब्भवोति — पारगुं सब्बधम्मानं ।

अत्थि पज्हेन आगमन्ति पज्हेन अत्थिको आगतोमिह, पज्हं पुच्छितुकामो आगतोमिह, पज्हं सोतुकामो आगतोमिहीति, एवम्पि अत्थि पज्हेन आगमं । अथ वा, पज्हत्यिकानं पज्हं पुच्छितुकामानं पज्हं सोतुकामानं आगमनं अभिक्कमनं उपसङ्कमनं पयिरुपासनं अत्थीति, एवम्पि अत्थि पज्हेन आगमं । अथ वा, पज्हागमो तुय्हं अत्थि, त्वम्पि पहु त्वमसि अलमत्तो मया पुच्छितं कथेतुं विसज्जेतुं, वहस्सेतं भारन्ति, एवम्पि अत्थि पज्हेन आगमं ।

अज्जाविमोक्खं पबूहीति अज्जाविमोक्खो वुच्चाति अरहत्तविमोक्खो । अरहत्तविमोक्खं पबूहि आचिक्खाहि देसेहि पज्जपेहि पटुपेहि विवराहि विभजाहि उत्तानीकरोहि पकासेहीति — अज्जाविमोक्खं पबूहि ।

अविज्जाय पभेदनन्ति अविज्जाय भेदनं पभेदनं पहानं वूपसमं पटिनिस्सगं पटिप्पस्सद्धं अमत्तं निब्बानन्ति — अविज्जाय पभेदनं । तेनाह सो ब्राह्मणो —

“झायिं विरजमासीनं, [इच्छायस्मा उदयो]
कतकिच्चं अनासवं ।
पारगुं सब्बधम्मानं, अत्थि पज्हेन आगमं ।

अज्जाविमोक्खं पब्रूहि, अविज्जाय पभेदन”न्ति॥

७५. पहानं कामच्छन्दानं, [उदयाति भगवा]

दोमनस्सान चूभयं।

थिनस्स [थीनस्स (स्या०)] च पनूदनं, कुक्कुच्चानं निवारणं॥

पहानं कामच्छन्दानन्ति । छन्दोति यो कामेसु कामच्छन्दो कामरागो कामनन्दी कामतण्हा कामसिनेहो कामपिपासा कामपरिळाहो काममुच्छा कामज्झोसानं कामोघो कामयोगो कामुपादानं कामच्छन्दनीवरणं । पहानं कामच्छन्दानन्ति कामच्छन्दानं पहानं वूपसमं पटिनिस्सगं पटिप्पस्सद्धिं अमतं निब्बानन्ति — पहानं कामच्छन्दानं । उदयाति भगवाति । उदयाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जति, यदिदं भगवाति — उदयाति भगवा ।

दोमनस्सान चूभयन्ति । दोमनस्साति यं चेतसिकं असातं चेतसिकं दुक्खं चेतोसम्फस्सजं असातं दुक्खं वेदयितं, चेतोसम्फस्सजा असाता दुक्खा वेदना । दोमनस्सान चूभयन्ति कामच्छन्दस्स च दोमनस्सस्स च उभिन्नं पहानं वूपसमं पटिनिस्सगं पटिप्पस्सद्धिं अमतं निब्बानन्ति — दोमनस्सान चूभयं ।

थिनस्स च पनूदनन्ति । थिनन्ति या चित्तस्स अकल्यता अकम्मज्जता ओलीयना सल्लीयना लीना लीयना लीयितत्तं थिनं थियना [थीनं थीयना (स्या०)] थियितत्तं चित्तस्स । पनूदनन्ति थिनस्स च पनूदनं पहानं वूपसमं पटिनिस्सगं पटिप्पस्सद्धिं अमतं निब्बानन्ति — थिनस्स च पनूदनं ।

कुक्कुच्चानं निवारणन्ति । कुक्कुच्चन्ति हत्थकुक्कुच्चम्पि कुक्कुच्चं, पादकुक्कुच्चम्पि कुक्कुच्चं, हत्थपादकुक्कुच्चम्पि कुक्कुच्चं । अकप्पिये कप्पियसज्जिता, कप्पिये अकप्पियसज्जिता...पे०... अवज्जे वज्जसज्जिता, वज्जे अवज्जसज्जिता । यं एवरूपं कुक्कुच्चं कुक्कुच्चायना कुक्कुच्चायितत्तं चेतसो विप्पटिसारो मनोविलेखो, इदं वुच्चति कुक्कुच्चं । अपि च, द्वीहि कारणोहि उप्पज्जति कुक्कुच्चं चेतसो विप्पटिसारो मनोविलेखो — कतत्ता च अकतत्ता च । कथं कतत्ता च अकतत्ता च उप्पज्जति कुक्कुच्चं चेतसो विप्पटिसारो मनोविलेखो? “कतं मे कायदुच्चरितं, अकतं मे कायसुचरितं”न्ति उप्पज्जति कुक्कुच्चं चेतसो विप्पटिसारो मनोविलेखो । “कतं मे वचीदुच्चरितं, अकतं मे वचीसुचरितं”न्ति...पे०... “कतं मे मनोदुच्चरितं, अकतं मे मनोसुचरितं”न्ति...पे०... “कतो मे पाणातिपातो, अकता मे पाणातिपाता वेरमणी”ति...पे०... “कतं मे अदिन्नादानं, अकता मे अदिन्नादाना वेरमणी”ति...पे०... “कतो मे कामेसुमिच्छाचारो, अकता मे कामेसुमिच्छाचारा वेरमणी”ति...पे०... “कतो मे मुसावादो, अकता मे मुसावादा वेरमणी”ति...पे०... “कता मे पिसुणा वाचा [पिसुणवाचा (क०)], अकता मे पिसुणाय वाचाय वेरमणी”ति...पे०... “कता मे फरुसा वाचा, अकता मे फरुसाय वाचाय वेरमणी”ति...पे०... “कतो मे सम्फप्पलापो, अकता मे सम्फप्पलापा वेरमणी”ति...पे०... “कता मे अभिज्झा, अकता मे अनभिज्झा”ति...पे०... “कतो मे ब्यापादो, अकतो मे अब्यापादो”ति...पे०... “कता मे मिच्छादिट्ठि, अकता मे सम्मादिट्ठी”ति, उप्पज्जति कुक्कुच्चं चेतसो विप्पटिसारो मनोविलेखो । एवं कतत्ता च अकतत्ता च उप्पज्जति कुक्कुच्चं चेतसो विप्पटिसारो मनोविलेखो ।

अथ वा, “सीलेसुम्हि अपरिपूरकारी”ति उप्पज्जति कुक्कुच्चं चेतसो विप्पटिसारो मनोविलेखो; “इन्द्रियेसुम्हि अगुत्तद्वारो”ति...पे०... “भोजने अमत्तज्जुम्ही”ति... “जागरियं अननुयुत्तोम्ही”ति... “न सतिसम्पज्जने समन्नागतोम्ही”ति... “अभाविता मे चत्तारो सतिपट्ठानाति, चत्तारो सम्मप्पधानाति चत्तारो इद्धिपादाति, पज्चिन्द्रियानीति,

पञ्च बलानीति, सत्त बोझङ्गाति, अरियो अट्टङ्गिको मग्गो”ति... “दुक्खं मे अपरिज्जातं, समुदयो मे अप्पहीनो, मग्गो मे अभावितो, निरोधो मे असच्छिकतो”ति उप्पज्जति कुक्कुच्चं चेतसो विप्पटिसारो मनोविलेखो ।

कुक्कुच्चानं निवारणन्ति कुक्कुच्चानं आवरणं नीवरणं पहानं उपसमं वूपसमं पटिनिस्सगं पटिप्पस्सद्धिं अमतं निब्बानन्ति — कुक्कुच्चानं निवारणं । तेनाह भगवा —

“पहानं कामच्छन्दानं, [उदयाति भगवा]
दोमनस्सान चूभयं ।
थिनस्स च पनूदनं, कुक्कुच्चानं निवारणं”न्ति ॥

**७६. उपेक्खासतिसंसुद्धं, धम्मतक्कपुरेजवं ।
अज्जाविमोक्खं पब्रूमि, अविज्जाय पभेदनं ॥**

उपेक्खासतिसंसुद्धन्ति । उपेक्खाति या चतुत्थे ज्ञाने उपेक्खा उपेक्खना अज्जुपेक्खना चित्तसमता [चित्तसमथो (स्या०) महानि० २०७] चित्तप्पस्सद्धता मज्झत्तता चित्तस्स । सतीति या चतुत्थे ज्ञाने उपेक्खं आरब्ध सति अनुस्सति... पे०... सम्मासति । उपेक्खासतिसंसुद्धन्ति चतुत्थे ज्ञाने उपेक्खा च सति च सुद्धा होन्ति विसुद्धा संसुद्धा परिसुद्धा परियोदाता अनङ्गणा विगतूपक्विकलेसा मुदुभूता कम्मनिया ठिता आनेज्जप्पत्ताति — उपेक्खासतिसंसुद्धं ।

धम्मतक्कपुरेजवन्ति धम्मतक्को वुच्चति सम्मासङ्कप्पो । सो आदितो होति, पुरतो होति, पुब्बङ्गमो होति अज्जाविमोक्खस्साति, एवम्पि धम्मतक्कपुरेजवं । अथ वा, धम्मतक्को वुच्चति सम्मादिट्ठि । सा आदितो होति, पुरतो होति, पुब्बङ्गमो होति अज्जाविमोक्खस्साति, एवम्पि धम्मतक्कपुरेजवं । अथ वा, धम्मतक्को वुच्चति चतुन्नं मग्गानं पुब्बभागविपस्सना । सा आदितो होति, पुरतो होति, पुब्बङ्गमो होति अज्जाविमोक्खस्साति — एवम्पि धम्मतक्कपुरेजवं ।

अज्जाविमोक्खं पब्रूमीति अज्जाविमोक्खो वुच्चति अरहत्तविमोक्खो । अरहत्तविमोक्खं पब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — अज्जाविमोक्खं पब्रूमि ।

अविज्जाय पभेदनन्ति । अविज्जाति दुक्खे अज्जाणं...पे०... अविज्जा मोहो अकुसलमूलं । पभेदनन्ति अविज्जाय पभेदनं पहानं वूपसमं पटिनिस्सगं पटिप्पस्सद्धिं अमतं निब्बानन्ति — अविज्जाय पभेदनं । तेनाह भगवा —

“उपेक्खासतिसंसुद्धं, धम्मतक्कपुरेजवं ।
अज्जाविमोक्खं पब्रूमि, अविज्जाय पभेदनं”न्ति ॥

**७७. किंसु संयोजनो लोको, किंसु तस्स विचारणं ।
किस्सस्स विप्पहानेन, निब्बानं इति वुच्चति ॥**

किंसु संयोजनो लोकोति लोकस्स संयोजनं लग्गनं बन्धनं उपक्विकलेसो । केन लोको युत्तो पयुत्तो आयुत्तो समायुत्तो लग्गो लगितो पलिबुद्धोति — किंसु संयोजनो लोको ।

किंसु तस्स विचारणन्ति किंसु तस्स चारणं विचारणं पटिविचारणं । केन लोको चरति विचरति पटिविचरतीति — किंसु तस्स विचारणं । किस्सस्स विप्पहानेन निब्बानं इति वुच्चतीति किस्सस्स विप्पहानेन वूपसमेन पटिनिस्सग्गेन पटिप्पस्सद्धिया निब्बानं इति वुच्चति पवुच्चति कथीयति भणीयति दीपीयति वोहरीयतीति — किस्सस्स विप्पहानेन निब्बानं इति वुच्चति । तेनाह सो ब्राह्मणो —

“किंसु संयोजनो लोको, किंसु तस्स विचारणं ।
किस्सस्स विप्पहानेन, निब्बानं इति वुच्चती”ति ॥

७८. नन्दिसंयोजनो लोको, वितक्कस्स विचारणा । तण्हाय विप्पहानेन, निब्बानं इति वुच्चति ॥

नन्दिसंयोजनो लोकोति नन्दी वुच्चति तण्हा । यो रागो सारागो...पे०... अभिज्झा लोभो अकुसलमूलं, अयं वुच्चति नन्दी । या नन्दी लोकस्स संयोजनं लग्गनं बन्धनं उपक्किलेसो, इमाय नन्दिया लोको युत्तो पयुत्तो आयुत्तो समायुत्तो लग्गो लग्गितो पलिबुद्धोति — नन्दिसंयोजनो लोको ।

वितक्कस्स विचारणाति । वितक्काति नव वितक्का — कामवितक्को, ब्यापादवितक्को, विहिंसावितक्को, जातिवितक्को जनपदवितक्को, अमरावितक्को, परानुदयतापटिसंयुत्तो वितक्को, लाभसक्कारसिलोकपटिसंयुत्तो वितक्को, अनवज्जत्तिपटिसंयुत्तो वितक्को । इमे वुच्चन्ति नव वितक्का । इमे नव वितक्का लोकस्स चारणा विचारणा पटिविचारणा । इमेहि नवहि वितक्केहि लोको चरति विचरति पटिविचरतीति — वितक्कस्स विचारणा ।

तण्हाय विप्पहानेन निब्बानं इति वुच्चतीति । तण्हाति रूपतण्हा...पे०... धम्मतण्हा । तण्हाय विप्पहानेन निब्बानं इति वुच्चतीति तण्हाय विप्पहानेन वूपसमेन पटिनिस्सग्गेन पटिप्पस्सद्धिया निब्बानं इति वुच्चति पवुच्चति कथीयति भणीयति दीपीयति वोहरीयतीति — तण्हाय विप्पहानेन निब्बानं इति वुच्चति । तेनाह भगवा —

“नन्दिसंयोजनो लोको, वितक्कस्स विचारणा ।
तण्हाय विप्पहानेन, निब्बानं इति वुच्चती”ति ॥

७९. कथं सतस्स चरतो, विज्जाणं उपरुज्झति । भगवन्तं पुट्टमागमा, तं सुणोम वचो तव ॥

कथं सतस्स चरतोति कथं सतस्स सम्पजानस्स चरतो विहरतो इरियतो वत्तयतो पालयतो यपयतो यापयतोति — कथं सतस्स चरतो ।

विज्जाणं उपरुज्झतीति विज्जाणं निरुज्झति वूपसम्मति अत्थं गच्छति पटिप्पस्सम्भतीति — विज्जाणं उपरुज्झति ।

भगवन्तं पुट्टमागमाति बुद्धं भगवन्तं पुट्टं पुच्छितुं याचितुं अज्झोसितुं पसादेतुं आगम्हा आगतम्हा उपागतम्हा सम्पत्तम्हा, “तया सद्धिं समागतम्हा”ति — भगवन्तं पुट्टमागमा ।

तं सुणोम वचो तवाति । तन्ति तुहं वचनं व्यप्पथं देसनं अनुसासनं अनुसिट्ठं सुणोम उगण्हाम धारेम उपधारेम उपलक्खेमाति — तं सुणोम वचो तव । तेनाह सो ब्राह्मणो —

“कथं सतस्स चरतो, विज्जाणं उपरुज्झति ।
भगवन्तं पुट्टमागमा, तं सुणोम वचो तवा”ति ॥

८०. अज्झत्तञ्च बहिद्धा च, वेदनं नाभिनन्दतो ।
एवं सतस्स चरतो, विज्जाणं उपरुज्झति ॥

अज्झत्तञ्च बहिद्धा च वेदनं नाभिनन्दतोति अज्झत्तं वेदनासु वेदनानुपस्सी विहरन्तो वेदनं नाभिनन्दति नाभिवदति न अज्झोसेति [न अज्झोसाय तिट्ठति (स्या०)], अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेति; बहिद्धा वेदनासु वेदनानुपस्सी विहरन्तो वेदनं नाभिनन्दति नाभिवदति न अज्झोसेति, अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेति; अज्झत्तबहिद्धा वेदनासु वेदनानुपस्सी विहरन्तो वेदनं नाभिनन्दति नाभिवदति न अज्झोसेति, अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेति । अज्झत्तं समुदयधम्मानुपस्सी वेदनासु वेदनानुपस्सी [इदं पदं नत्थि स्या० पोत्थके] विहरन्तो वेदनं नाभिनन्दति नाभिवदति न अज्झोसेति, अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेति; अज्झत्तं वयधम्मानुपस्सी वेदनासु वेदनानुपस्सी विहरन्तो...पे०... अज्झत्तं समुदयवयधम्मानुपस्सी वेदनासु वेदनानुपस्सी विहरन्तो... पे०... बहिद्धा समुदयधम्मानुपस्सी वेदनासु वेदनानुपस्सी विहरन्तो वेदनं नाभिनन्दति नाभिवदति न अज्झोसेति, अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेति; बहिद्धा वयधम्मानुपस्सी वेदनासु वेदनानुपस्सी विहरन्तो...पे०... बहिद्धा समुदयवयधम्मानुपस्सी वेदनासु वेदनानुपस्सी विहरन्तो...पे०... अज्झत्तबहिद्धा समुदयधम्मानुपस्सी वेदनासु वेदनानुपस्सी विहरन्तो...पे०... अज्झत्तबहिद्धा वयधम्मानुपस्सी वेदनासु वेदनानुपस्सी विहरन्तो...पे०... अज्झत्तबहिद्धा समुदयवयधम्मानुपस्सी वेदनासु वेदनानुपस्सी विहरन्तो वेदनं नाभिनन्दति नाभिवदति न अज्झोसेति, अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेति । इमेहि द्वादसहि आकारेहि वेदनासु वेदनानुपस्सी विहरन्तो...पे०... अनभावं गमेति ।

अथ वा, वेदनं अनिच्चतो पस्सन्तो वेदनं नाभिनन्दति नाभिवदति न अज्झोसेति, अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेति । वेदनं दुक्खतो रोगतो गण्डतो सल्लतो अघतो आबाधतो...पे०... निस्सरणतो पस्सन्तो वेदनं नाभिनन्दति नाभिवदति न अज्झोसेति, अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेति । इमेहि चत्तालीसाय [द्वाचत्तालीसाय (स्या०)] आकारेहि वेदनासु वेदनानुपस्सी विहरन्तो वेदनं नाभिनन्दति नाभिवदति न अज्झोसेति, अभिनन्दनं अभिवदनं अज्झोसानं गाहं परामासं अभिनिवेसं पजहति विनोदेति ब्यन्तीकरोति अनभावं गमेतीति — अज्झत्तञ्च बहिद्धा च वेदनं नाभिनन्दतो ।

एवं सतस्स चरतोति एवं सतस्स सम्पजानस्स चरतो विहरतो इरियतो वत्तयतो पालयतो यपयतो यापयतोति — एवं सतस्स चरतो ।

विज्जाणं उपरुज्झतीति पुज्जाभिसङ्खारसहगतं विज्जाणं अपुज्जाभिसङ्खारसहगतं विज्जाणं

आनेज्जाभिसङ्खारसहगतं विज्जाणं निरुज्झति वूपसम्मति अत्थं गच्छति पटिप्पस्सम्भतीति — विज्जाणं उपरुज्झती ।
तेनाह भगवा —

“अज्झत्तञ्च बहिद्वा च, वेदनं नाभिनन्दतो ।
एवं सतस्स चरतो, विज्जाणं उपरुज्झती”ति ॥

सह गाथापरियोसाना...पे०... सत्था मे, भन्ते भगवा, सावकोहमस्मीति ।

उदयमाणवपुच्छानिद्देसो तेरसमो ।

१४. पोसालमाणवपुच्छानिद्देसो

८१. यो अतीतं आदिसति, [इच्चायस्मा पोसालो]

अनेजो छिन्नसंसयो ।

पारगुं [पारगू (स्या० क०)] सब्बधम्मानं, अत्थि पज्जेन आगमं ॥

यो अतीतं आदिसतीति । योति यो सो भगवा सयम्भू । अनाचरियको पुब्बे अननुस्सुतेसु धम्मेसु सामं सच्चानि अभिसम्बुज्झि, तत्थ च सब्बज्जुतं पत्तो, बलेसु च वसीभावं । अतीतं आदिसतीति भगवा अत्तनो च परेसञ्च अतीतम्पि आदिसति, अनागतम्पि आदिसति, पच्चुप्पन्नम्पि आदिसति ।

कथं भगवा अत्तनो अतीतं आदिसति? भगवा अत्तनो अतीतं एकम्पि जातिं आदिसति, द्वेपि जातियो आदिसति, तिस्सोपि जातियो आदिसति, चतस्सोपि जातियो आदिसति, पञ्चपि जातियो आदिसति, दसपि जातियो आदिसति, वीसम्पि जातियो आदिसति, तिसम्पि जातियो आदिसति, चत्तालीसम्पि जातियो आदिसति, पञ्चासम्पि जातियो आदिसति, जातिसतम्पि...पे०... जातिसहस्सम्पि... जातिसतसहस्सम्पि... अनेकेपि संवट्टकप्पे... अनेकेपि विवट्टकप्पे... अनेकेपि संवट्टविवट्टकप्पे आदिसति — “अमुत्रासि एवंनामो एवंगोत्तो एवंवण्णो एवमाहारो एवंसुखदुक्खप्पटिसंवेदी एवमायुपरियन्तो, सो ततो चुतो अमुत्र उदपादिं; तत्रापासि एवंनामो एवंगोत्तो एवंवण्णो एवमाहारो एवंसुखदुक्खप्पटिसंवेदी एवमायुपरियन्तो, सो ततो चुतो इधूपपन्नो”ति । इति साकारं सउद्देसं अनेकविहितं पुब्बेनिवासं आदिसति । एवं भगवा अत्तनो अतीतं आदिसति ।

कथं भगवा परेसं अतीतं आदिसति? भगवा परेसं अतीतं एकम्पि जातिं आदिसति, द्वेपि जातियो आदिसति...पे०... अनेकेपि संवट्टविवट्टकप्पे आदिसति — “अमुत्रासि एवंनामो एवंगोत्तो एवंवण्णो एवमाहारो एवंसुखदुक्खप्पटिसंवेदी एवमायुपरियन्तो, सो ततो चुतो अमुत्र उदपादिं; तत्रापासि एवंनामो एवंगोत्तो एवंवण्णो एवमाहारो एवंसुखदुक्खप्पटिसंवेदी एवमायुपरियन्तो, सो ततो चुतो इधूपपन्नो”ति । इति साकारं सउद्देसं अनेकविहितं पुब्बेनिवासं आदिसति । एवं भगवा परेसं अतीतं आदिसति ।

भगवा पञ्च जातकसतानि भासन्तो अत्तनो च परेसञ्च अतीतं आदिसति, महापदानियसुत्तन्तं [महाधनियसुत्तं (स्या०)] भासन्तो अत्तनो च परेसञ्च अतीतं आदिसति, महासुदस्सनियसुत्तन्तं भासन्तो अत्तनो च परेसञ्च अतीतं आदिसति, महागोविन्दियसुत्तन्तं भासन्तो अत्तनो च परेसञ्च अतीतं आदिसति, मघदेवियसुत्तन्तं भासन्तो अत्तनो च

परेसञ्च अतीतं आदिसति ।

वुत्तज्हेतं भगवता — “अतीतं खो, चुन्द, अद्धानं आरब्भ तथागतस्स सतानुसारिजाणं [सतानुस्सरियजाणं (क०) पस्स दी० नि० ३.१८७] होति । सो यावतकं आकङ्खति तावतकं अनुस्सरति । अनागतञ्च खो, चुन्द...पे०... पच्चुप्पन्नञ्च खो, चुन्द, अद्धानं आरब्भ तथागतस्स बोधिजं जाणं उप्पज्जति — ‘अयमन्तिमा जाति, नत्थिदानि पुनब्भवो’”ति ।

इन्द्रियपरोपरियत्तजाणं [इन्द्रियपरोपरियत्तिजाणं (क०) अट्ठकथा ओलोकेतब्बा] तथागतस्स तथागतबलं, सत्तानं आसयानुसयजाणं तथागतस्स तथागतबलं, यमकपाटिहीरे जाणं [यमकपाटिहिरियजाणं (स्या०)] तथागतस्स तथागतबलं, महाकरुणासमापत्तिया जाणं तथागतस्स तथागतबलं, सब्बज्जुतजाणं तथागतस्स तथागतबलं, अनावरणजाणं तथागतस्स तथागतबलं, सब्बत्थ असङ्गमप्पटिहतमनावरणजाणं तथागतस्स तथागतबलं । एवं भगवा अत्तनो च परेसञ्च अतीतम्पि आदिसति अनागतम्पि आदिसति पच्चुप्पन्नम्पि आदिसति आचिक्खति देसेति पज्जपेति पट्टपेति विवरति विभजति उत्तानीकरोति पकासेतीति — यो अतीतं आदिसति ।

इच्चायस्मा पोसालोति । इच्चाति पदसन्धि...पे०... आयस्माति पियवचनं...पे०... पोसालोति तस्स ब्राह्मणस्स नामं... पे०... अभिलापोति — इच्चायस्मा पोसालो ।

अनेजो छिन्नसंसयोति एजा वुच्चति तण्हा । यो रागो सारागो...पे०... अभिज्झा लोभो अकुसलमूलं । सा एजा तण्हा बुद्धस्स भगवतो पहीना उच्छिन्नमूला तालावत्थुकता अनभावंकता आयति अनुप्पादधम्मा । तस्मा बुद्धो अनेजो । एजाय पहीनत्ता अनेजो । भगवा लाभेपि न इज्जति...पे०... दुक्खेपि न इज्जति न चलति न वेधति नप्पवेधति न सम्पवेधतीति अनेजो । छिन्नसंसयोति संसयो वुच्चति विचिकिच्छा । दुक्खे कङ्खा...पे०... छम्भितत्तं चित्तस्स मनोविलेखो । सो संसयो बुद्धस्स भगवतो पहीनो छिन्नो उच्छिन्नो समुच्छिन्नो वूपसन्तो पटिनिस्सग्गो पटिप्पस्सद्दो अभब्बुप्पत्तिको जाणगिना दङ्गो । तस्मा बुद्धो छिन्नसंसयोति — अनेजो छिन्नसंसयो ।

पारगुं सब्बधम्मानन्ति भगवा सब्बधम्मानं अभिज्जापारगू परिज्जापारगू पहानपारगू भावनापारगू सच्छिकिरियापारगू समापत्तिपारगू अभिज्जापारगू सब्बधम्मानं...पे०... जातिमरणसंसारो नत्थि तस्स पुनब्भवोति — पारगू सब्बधम्मानं ।

अत्थि पज्हेन आगमन्ति पज्हेन अत्थिको आगतोहि...पे०... “वहस्सेतं भार”न्ति — अत्थि पज्हेन आगमं । तेनाह सो ब्राह्मणो —

“यो अतीतं आदिसति, [इच्चायस्मा पोसालो]
अनेजो छिन्नसंसयो ।
पारगुं सब्बधम्मानं, अत्थि पज्हेन आगम”न्ति ॥

८२. विभूतरूपसज्जिस्स, सब्बकायप्पहायिनो ।
अज्झत्तञ्च बहिद्धा च, नत्थि किञ्चीति पस्सतो ।
जाणं सक्कानुपुच्छामि, कथं नेय्यो तथाविधो ॥

विभूतरूपसज्जिस्साति कतमा रूपसज्जा? रूपावचरसमापत्तिं समापन्नस्स वा उपपन्नस्स वा

दिदुधम्मसुखविहारिस्स वा सज्जा सज्जानना सज्जानितत्तं — अयं रूपसज्जा । विभूतरूपसज्जिस्साति चतस्सो अरूपसमापत्तियो पटिलद्धस्स [लाभिस्स (स्या०)] रूपसज्जा विभूता होन्ति विगता अतिक्कन्ता समतिक्कन्ता वीतिवत्ताति — विभूतरूपसज्जिस्स ।

सब्बकायप्पहायिनोति सब्बो तस्स पटिसन्धिको रूपकायो पहीनो, तदङ्गसमतिक्कमा विक्खम्भनप्पहानेन पहीनो तस्स रूपकायोति — सब्बकायप्पहायिनो ।

अज्झत्तञ्च बहिद्धा च, नत्थि किञ्चीति पस्सतोति । नत्थि किञ्चीति आकिञ्चज्जायतनसमापत्ति । किंकारणा? नत्थि किञ्चीति आकिञ्चज्जायतनसमापत्ति । यं विज्जाणज्जायतनसमापत्तिं सतो समापज्जित्वा ततो वुट्ठहित्वा तज्जेव विज्जाणं अभावेति, विभावेति, अन्तरधापेति, “नत्थि किञ्ची”ति पस्सति — तंकारणा नत्थि किञ्चीति आकिञ्चज्जायतनसमापत्तीति — अज्झत्तञ्च बहिद्धा च नत्थि किञ्चीति पस्सतो ।

जाणं सक्कानुपुच्छामीति । सक्काति — सक्को । भगवा सक्ककुला पब्बजितोतिपि सक्को ...पे०... पहीनभयभेरवो विगतलोमहंसोतिपि सक्को । जाणं सक्कानुपुच्छामीति तस्स जाणं पुच्छामि, पज्जं पुच्छामि, सम्बुद्धं पुच्छामि । “कीदिसं किंसण्ठितं किंपकारं किंपटिभागं जाणं इच्छितब्ब”न्ति — जाणं सक्कानुपुच्छामि ।

कथं नेय्यो तथाविधोति कथं सो नेतब्बो विनेतब्बो अनुनेतब्बो पज्जपेतब्बो निज्झापेतब्बो पेक्खेतब्बो पसादेतब्बो? कथं तेन [कथमस्स (स्या०)] उत्तरि जाणं उप्पादेतब्बं? तथाविधोति तथाविधो तादिसो तस्सण्ठितो तप्पकारो तप्पटिभागो यो सो आकिञ्चज्जायतनसमापत्तिलाभीति — कथं नेय्यो तथाविधो । तेनाह सो ब्राह्मणो —

“विभूतरूपसज्जिस्स, सब्बकायप्पहायिनो ।
अज्झत्तञ्च बहिद्धा च, नत्थि किञ्चीति पस्सतो ।
जाणं सक्कानुपुच्छामि, कथं नेय्यो तथाविधो”ति ॥

८३. विज्जाणट्ठितियो सब्बा, [पोसालाति भगवा]
अभिजानं तथागतो ।
तिट्ठन्तमेनं जानाति, धिमुत्तं तप्परायणं ।

विज्जाणट्ठितियो सब्बाति भगवा अभिसङ्खारवसेन चतस्सो विज्जाणट्ठितियो जानाति, पटिसन्धिवसेन सत्त विज्जाणट्ठितियो जानाति । कथं भगवा अभिसङ्खारवसेन चतस्सो विज्जाणट्ठितियो जानाति? वुत्तज्हेतं भगवता — “रूपुपयं [रूपूपायं (स्या० क०)] पस्स सं० नि० ३.५३] वा, भिक्खवे, विज्जाणं तिट्ठमानं तिट्ठेय्य [तिट्ठति (स्या० क०)], रूपारम्मणं रूपप्पतिट्ठं नन्दूपसेचनं वुद्धिं विरूळ्हि वेपुल्लं आपज्जेय्य । वेदनुपयं वा, भिक्खवे...पे०... सज्जुपयं वा, भिक्खवे...पे०... सङ्खारुपयं वा, भिक्खवे, विज्जाणं तिट्ठमानं तिट्ठेय्य, सङ्खारारम्मणं सङ्खारप्पतिट्ठं नन्दूपसेचनं वुद्धिं विरूळ्हि वेपुल्लं आपज्जेय्या”ति । एवं भगवा अभिसङ्खारवसेन चतस्सो विज्जाणट्ठितियो जानाति ।

कथं भगवा पटिसन्धिवसेन सत्त विज्जाणट्ठितियो जानाति? वुत्तज्हेतं भगवता — “सन्ति, भिक्खवे, सत्ता नानत्तकाया नानत्तसज्जिनो — सेय्यथापि मनुस्सा एकच्चे च देवा एकच्चे च विनिपातिका । अयं पठमा विज्जाणट्ठिति ।

“सन्ति, भिक्खवे, सत्ता नानत्तकाया एकत्तसज्जिनो, सेय्यथापि देवा ब्रह्मकायिका पठमाभिनिब्बत्ता । अयं दुतिया विज्जाणट्ठिति ।

“सन्ति, भिक्खवे, सत्ता एकत्तकाया नानत्तसज्जिनो, सेय्यथापि देवा आभस्सरा । अयं ततिया विज्जाणट्ठिति ।

“सन्ति, भिक्खवे, सत्ता एकत्तकाया एकत्तसज्जिनो, सेय्यथापि देवा सुभकिण्हा । अयं चतुथी [चतुत्था (स्या०) पस्स अ० नि० ७.४४] विज्जाणट्ठिति ।

“सन्ति, भिक्खवे, सत्ता सब्बसो रूपसज्जानं समतिक्कमा पटिघसज्जानं अत्थङ्गमा नानत्तसज्जानं अमनसिकारा, अनन्तो आकासोति आकासानज्जायतनूपगा । अयं पच्चमी [पच्चमा (स्या०)] विज्जाणट्ठिति ।

“सन्ति, भिक्खवे, सत्ता सब्बसो आकासानज्जायतनं समतिक्कम्म, अनन्तं विज्जाणन्ति विज्जाणज्जायतनूपगा । अयं छट्ठी [छट्ठो (स्या०)] विज्जाणट्ठिति ।

“सन्ति, भिक्खवे, सत्ता सब्बसो विज्जाणज्जायतनं समतिक्कम्म, नत्थि किञ्चीति आकिञ्चज्जायतनूपगा । अयं सत्तमी [सत्तमा (स्या०)] विज्जाणट्ठिति” । एवं भगवा पटिसन्धिवसेन सत्त विज्जाणट्ठितियो जानातीति — विज्जाणट्ठितियो सब्बा ।

पोसालाति भगवाति । पोसालाति भगवा तं ब्राह्मणं नामेन आलपति । **भगवाति** गारवाधिवचनमेतं...पे०... सच्छिका पज्जत्ति, यदिदं भगवाति — पोसालाति भगवा ।

अभिजानं तथागतोति । अभिजानन्ति अभिजानन्तो विजानन्तो पटिविजानन्तो पटिविज्झन्तो तथागतो । वुत्तज्हेतं भगवता — “अतीतं चेपि खो, चुन्द, होति अभूतं अतच्छं अनत्थसज्जितं, न तं तथागतो ब्याकरोति । अतीतं चेपि, चुन्द, होति भूतं तच्छं अनत्थसज्जितं, तम्पि तथागतो न ब्याकरोति । अतीतं चेपि खो, चुन्द, होति भूतं तच्छं अत्थसज्जितं, तत्र कालज्जू तथागतो होति तस्सेव पज्जस्स वेय्याकरणाय । अनागतं चेपि, चुन्द, होति...पे०... पच्चुप्पन्नं चेपि, चुन्द, होति अभूतं अतच्छं अनत्थसज्जितं, न तं तथागतो ब्याकरोति । पच्चुप्पन्नं चेपि, चुन्द, होति भूतं तच्छं अनत्थसज्जितं, तम्पि तथागतो न ब्याकरोति । पच्चुप्पन्नं चेपि, चुन्द, होति भूतं तच्छं अत्थसज्जितं, तत्र कालज्जू तथागतो होति तस्स पज्जस्स वेय्याकरणाय । इति खो, चुन्द, अतीतानागतपच्चुप्पन्नेसु धम्मेषु तथागतो कालवादी भूतवादी अत्थवादी धम्मवादी विनयवादी । तस्मा तथागतोति वुच्चति ।

“यं खो, चुन्द, सदेवकस्स लोकस्स समारकस्स सब्बहकस्स सस्समणब्राह्मणिया पजाय सदेवमनुस्साय दिट्ठं सुतं मुतं विज्जातं पत्तं परियेसितं अनुविचरितं मनसा, सब्बं तं तथागतेन अभिसम्बुद्धं । तस्मा तथागतोति वुच्चति । यज्च, चुन्द, रत्तिं तथागतो अनुत्तरं सम्मासम्बोधिं अभिसम्बुज्झति, यज्च रत्तिं अनुपादिसेसाय निब्बानधातुया परिनिब्बायति, यं एतस्मिं अन्तरे भासति लपति निद्विसति सब्बं तं तथेव होति नो अज्जथा । तस्मा तथागतोति वुच्चति । यथावादी, चुन्द, तथागतो तथाकारी; यथाकारी तथावादी । इति यथावादी तथाकारी, यथाकारी तथावादी । तस्मा तथागतोति वुच्चति । सदेवके, चुन्द, लोके समारके सब्बहके सस्समणब्राह्मणिया पजाय सदेवमनुस्साय तथागतो अभिभू अनभिभूतो अज्जदत्थुदसो वसवत्ती । तस्मा तथागतोति वुच्चती”ति — अभिजानं तथागतो ।

तिद्वन्तमेनं जानातीति भगवा इधत्थज्जेव [इधट्ठज्जेव (स्या०)] जानाति कम्माभिसङ्खारवसेन — “अयं पुग्गलो कायस्स भेदा परं मरणा अपायं दुग्गतिं विनिपातं निरयं उपपज्जिस्सती”ति । भगवा इधत्थज्जेव जानाति कम्माभिसङ्खारवसेन — “अयं पुग्गलो कायस्स भेदा परं मरणा तिरच्छानयोनिं उपपज्जिस्सती”ति । भगवा इधत्थज्जेव जानाति कम्माभिसङ्खारवसेन — “अयं पुग्गलो कायस्स भेदा परं मरणा पेत्तिविसयं उपपज्जिस्सती”ति । भगवा इधत्थज्जेव जानाति कम्माभिसङ्खारवसेन — “अयं पुग्गलो कायस्स भेदा परं मरणा मनुस्सेसु उपपज्जिस्सती”ति । भगवा इधत्थज्जेव जानाति कम्माभिसङ्खारवसेन — “अयं पुग्गलो सुप्पटिपन्नो कायस्स भेदा परं मरणा सुगतिं सगं लोकं उपपज्जिस्सती”ति ।

वुत्तज्हेतं भगवता — “इध पनाहं, सारिपुत्त, एकच्चं पुग्गलं एवं चेतसा चेतो परिच्च पजानामि — ‘तथायं पुग्गलो पटिपन्नो, तथा च इरियति, तज्ज मग्गं समारूढ्हो, यथा कायस्स भेदा परं मरणा अपायं दुग्गतिं विनिपातं निरयं उपपज्जिस्सती”ति ।

“इध पनाहं, सारिपुत्त, एकच्चं पुग्गलं एवं चेतसा चेतो परिच्च पजानामि — ‘तथायं पुग्गलो पटिपन्नो तथा च इरियति तज्ज मग्गं समारूढ्हो, यथा कायस्स भेदा परं मरणा तिरच्छानयोनिं उपपज्जिस्सती”ति ।

“इध पनाहं, सारिपुत्त, एकच्चं पुग्गलं एवं चेतसा चेतो परिच्च पजानामि — ‘तथायं पुग्गलो पटिपन्नो तथा च इरियति तज्ज मग्गं समारूढ्हो, यथा कायस्स भेदा परं मरणा पेत्तिविसयं उपपज्जिस्सती”ति ।

“इध पनाहं, सारिपुत्त, एकच्चं पुग्गलं एवं चेतसा चेतो परिच्च पजानामि — ‘तथायं पुग्गलो पटिपन्नो तथा च इरियति तज्ज मग्गं समारूढ्हो, यथा कायस्स भेदा परं मरणा मनुस्सेसु उपपज्जिस्सती”ति ।

“इध पनाहं, सारिपुत्त, एकच्चं पुग्गलं एवं चेतसा चेतो परिच्च पजानामि — ‘तथायं पुग्गलो पटिपन्नो तथा च इरियति तज्ज मग्गं समारूढ्हो, यथा कायस्स भेदा परं मरणा सुगतिं सगं लोकं उपपज्जिस्सती”ति ।

“इध पनाहं, सारिपुत्त, एकच्चं पुग्गलं एवं चेतसा चेतो परिच्च पजानामि — ‘तथायं पुग्गलो पटिपन्नो तथा च इरियति तज्ज मग्गं समारूढ्हो, यथा आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिक्त्वा उपसम्पज्ज विहरती”ति — तिद्वन्तमेनं जानाति ।

धिमुत्तं तप्परायणन्ति । धिमुत्तन्ति आकिञ्चज्जायतनं । धिमुत्तन्ति विमोक्खेन धिमुत्तं तत्राधिमुत्तं तदधिमुत्तं तदाधिपतेय्यं । अथ वा, भगवा जानाति — “अयं पुग्गलो रूपाधिमुत्तो सद्दाधिमुत्तो गन्धाधिमुत्तो रसाधिमुत्तो फोड्ढ्वाधिमुत्तो कुलाधिमुत्तो गणाधिमुत्तो आवासाधिमुत्तो लाभाधिमुत्तो यसाधिमुत्तो पसंसाधिमुत्तो सुखाधिमुत्तो चीवराधिमुत्तो पिण्डपाताधिमुत्तो सेनासनाधिमुत्तो गिलानपच्चयभेसज्जपरिक्खाराधिमुत्तो सुत्तन्ताधिमुत्तो विनयाधिमुत्तो अभिधम्माधिमुत्तो आरज्जकङ्गाधिमुत्तो पिण्डपातिकङ्गाधिमुत्तो पंसुकूलिकङ्गाधिमुत्तो तेचीवरिकङ्गाधिमुत्तो सपदानचारिकङ्गाधिमुत्तो खलुपच्छाभत्तिकङ्गाधिमुत्तो नेसज्जिकङ्गाधिमुत्तो यथासन्थतिकङ्गाधिमुत्तो पठमज्झानाधिमुत्तो दुतियज्झानाधिमुत्तो ततियज्झानाधिमुत्तो चतुत्थज्झानाधिमुत्तो आकासानज्जायतनसमापत्ताधिमुत्तो विज्जाणज्जायतनसमापत्ताधिमुत्तो आकिञ्चज्जायतनसमापत्ताधिमुत्तो नेवसज्जानासज्जायतनसमापत्ताधिमुत्तो”ति धिमुत्तं ।

तप्परायणन्ति आकिञ्चज्जायतनमयं तप्परायणं कम्मपरायणं विपाकपरायणं कम्मगरुकं पटिसन्धिगरुकं । अथ वा, भगवा जानाति — “अयं पुग्गलो रूपपरायणो...पे०... नेवसज्जानासज्जायतनसमापत्तिपरायणो”’ति — धिमुत्तं तप्परायणं । तेनाह भगवा —

“विज्जाणद्धितियो सब्बा, [पोसालाति भगवा]
अभिजानं तथागतो ।
तिड्ढन्तमेनं जानाति, धिमुत्तं तप्परायण’न्ति ॥

**८४. आकिञ्चज्जासम्भवं जत्वा, नन्दिसंयोजनं इति ।
एवमेतं अभिज्जाय, ततो तत्थ विपस्सति ।
एतं जाणं तथं तस्स, ब्राह्मणस्स वुसीमतो ॥**

आकिञ्चज्जासम्भवं जत्वाति आकिञ्चज्जासम्भवोति वुच्चति आकिञ्चज्जायतनसंवत्तनिको कम्माभिसङ्खारो । आकिञ्चज्जायतनसंवत्तनिकं कम्माभिसङ्खारं आकिञ्चज्जासम्भवोति जत्वा, लग्गनन्ति जत्वा, बन्धनन्ति जत्वा, पलिबोधोति जत्वा जानित्वा तुलयित्वा तीरयित्वा विभावयित्वा विभूतं कत्वाति — आकिञ्चज्जासम्भवं जत्वा ।

नन्दिसंयोजनं इतीति नन्दिसंयोजनं वुच्चति अरूपरागो । अरूपरागेन तं कम्मं लग्गं लग्गितं पलिबुद्धं अरूपरागं नन्दिसंयोजनन्ति जत्वा, लग्गनन्ति जत्वा, बन्धनन्ति जत्वा, पलिबोधोति जत्वा जानित्वा तुलयित्वा तीरयित्वा विभावयित्वा विभूतं कत्वा । इतीति पदसन्धि पदसंसग्गो पदपारिपूरी अक्खरसमवायो व्यञ्जनसिलिड्डता पदानुपुब्बतापेतं इतीति — नन्दिसंयोजनं इति ।

एवमेतं अभिज्जायाति एवं एतं अभिज्जाय जानित्वा तुलयित्वा तीरयित्वा विभावयित्वा विभूतं कत्वाति — एवमेतं अभिज्जाय ।

ततो तत्थ विपस्सतीति । तत्थाति आकिञ्चज्जायतनं समापज्जित्वा ततो वुड्ढित्वा तत्थ जाते चित्तचेतसिके धम्मे अनिच्चतो विपस्सति, दुक्खतो विपस्सति, रोगतो...पे०... निस्सरणतो विपस्सति दक्खति ओलोकेति निज्झायति उपपरिक्खतीति — ततो तत्थ विपस्सति ।

एतं जाणं तथं तस्साति एतं जाणं तच्छं भूतं याथावं अविपरीतं तस्साति — एतं जाणं तथं तस्स ।

ब्राह्मणस्स वुसीमतोति । ब्राह्मणोति सत्तन्नं धम्मनं बाहितत्ता ब्राह्मणो...पे०... असितो तादि पवुच्चते स ब्रह्माति । ब्राह्मणस्स वुसीमतोति पुथुज्जनकल्याणं उपादाय सत्तं सेक्खा अप्पत्तस्स पत्तिया अनधिगतस्स अधिगमाय असच्छिकतस्स सच्छिकिरियाय वसन्ति संवसन्ति आवसन्ति परिवसन्ति; अरहा वुसितवा कतकरणीयो ओहितभारो अनुप्पत्तसदत्थो परिक्खीणभवसंयोजनो सम्मदज्जा विमुत्तो; सो वुत्थवासो चिण्णचरणो...पे०... जातिमरणसंसारो; नत्थि तस्स पुनब्भवोति — ब्राह्मणस्स वुसीमतो । तेनाह भगवा —

“आकिञ्चज्जासम्भवं जत्वा, नन्दिसंयोजनं इति ।
एवमेतं अभिज्जाय, ततो तत्थ विपस्सति ।

एतं जाणं तथं तस्स, ब्राह्मणस्स वुसीमतो'ति ॥

सह गाथापरियोसाना...पे०... सत्था मे, भन्ते भगवा, सावकोहमस्मीति ।

पोसालमाणवपुच्छानिद्दसो चुद्दसमो ।

१५. मोघराजमाणवपुच्छानिद्दसो

८५. द्वाहं सक्कं अपुच्छिस्सं, [इच्चायस्मा मोघराजा]

न मे व्याकासि चक्खुमा ।

यावततियञ्च देवीसि [देविसि (स्या०)], व्याकरोतीति मे सुतं ॥

द्वाहं सक्कं अपुच्छिस्सन्ति सो ब्राह्मणो द्विक्खत्तुं बुद्धं भगवन्तं पज्जं अपुच्छि । तस्स भगवा पज्जं पुट्ठो न व्याकासि — “तदन्तरा [चक्खुसमन्तरा (स्या०)] इमस्स ब्राह्मणस्स इन्द्रियपरिपाको भविस्सती’ति । सक्कन्ति सक्को । भगवा सक्क्यकुला पब्बजितोतिपि सक्को । अथ वा, अट्ठो महद्धनो धनवातिपि सक्को । तस्सिमानि धनानि, सेय्यथिदं — सद्धाधनं सीलधनं हिरिधनं ओत्तप्पधनं सुतधनं चागधनं पज्जाधनं सतिपट्ठानधनं सम्मप्पधानधनं इद्धिपादधनं इन्द्रियधनं बलधनं बोज्झङ्गधनं मग्गधनं फलधनं निब्बानधनं । इमेहि अनेकविधेहि धनरतनेहि अट्ठो महद्धनो धनवातिपि सक्को । अथ वा, सक्को पहु विसवी अलमत्तो सूरु वीरो विक्कन्तो अभीरू अच्छम्भी अनुत्रासी अपलायी पहीनभयभेरवो विगतलोमहंसोतिपि सक्को । द्वाहं सक्कं अपुच्छिस्सन्ति द्वाहं सक्कं अपुच्छिस्सं अयाचिस्सं अज्झेसिस्सं पसादयिस्सन्ति — द्वाहं सक्कं अपुच्छिस्सं ।

इच्चायस्मा मोघराजाति । इच्चाति पदसन्धि...पे०... आयस्माति पियवचनं...पे०... मोघराजाति तस्स ब्राह्मणस्स नामं...पे०... अभिलापोति — इच्चायस्मा मोघराजा ।

न मे व्याकासि चक्खुमाति । न मे व्याकासीति न मे व्याकासि न आचिक्खि न देसेसि न पज्जपेसि न पट्ठपेसि न विवरि न विभजि न उत्तानीअकासि न पकासेसि । चक्खुमाति भगवा पज्जहि चक्खूहि चक्खुमा — मंसचक्खुनापि चक्खुमा, दिब्बचक्खुनापि [दिब्बेन चक्खुनापि (क०)] चक्खुमा, पज्जाचक्खुनापि चक्खुमा, बुद्धचक्खुनापि चक्खुमा, समन्तचक्खुनापि चक्खुमा ।

कथं भगवा मंसचक्खुनापि चक्खुमा? मंसचक्खुमि भगवतो पज्ज वण्णा संविज्जन्ति — नीलो च वण्णो, पीतको च वण्णो, लोहितको च वण्णो, कण्हो च वण्णो, ओदातो च वण्णो । यत्थ च अक्खिलोमानि पतिट्ठितानि तं नीलं होति सुनीलं पासादिकं दस्सनेय्यं उमापुप्फसमानं [उम्मारपुप्फसमानं (स्या०) महानि० १५६] । तस्स परतो पीतकं होति सुपीतकं सुवण्णवण्णं पासादिकं दस्सनेय्यं कणिकारपुप्फसमानं । उभतो च अक्खिलकूटानि भगवतो लोहितकानि होन्ति सुलोहितकानि पासादिकानि दस्सनेय्यानि इन्दगोपकसमानानि । मज्झे कण्हं होति सुकण्हं अलूखं सिनिद्धं पासादिकं दस्सनेय्यं अट्ठारिडुकसमानं [अट्ठारिडुकसमानं (स्या०)] । तस्स परतो ओदातं होति सुओदातं सेतं पण्डरं पासादिकं दस्सनेय्यं ओसधितारकसमानं । तेन भगवा पाकतिकेन मंसचक्खुना अत्तभावपरियापन्नेन पुरिमसुचरितकम्माभिनिब्बत्तेन समन्ता योजनं पस्सति दिवा चेव रत्तिञ्च । यदा हि चतुरङ्गसमन्नागतो अन्धकारो होति सूरियो च अत्थङ्गतो [अत्थङ्गमितो (स्या० क०)] होति; काळपक्खो च उपोसथो होति, तिब्बो च वनसण्डो होति, महा च काळमेघो [अकालमेघो (स्या० क०)]

पस्स महानि० १५६] अब्भुट्ठितो होति । एवरूपे चतुरङ्गसमन्नागते अन्धकारे समन्ता योजनं पस्सति । नत्थि सो कुट्टो वा कवाटं वा पाकारो वा पब्बतो वा गच्छो वा लता वा आवरणं रूपानं दस्सनाय । एकं चे तिलफलं निमित्तं कत्वा तिलवाहे पक्खिपेय्य, तंयेव तिलफलं उद्धरेय्य । एवं परिसुद्धं भगवतो पाकतिकं मंसचक्खु । एवं भगवा मंसचक्खुनापि चक्खुमा ।

कथं भगवा दिब्बेन चक्खुनापि चक्खुमा? भगवा दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने हीने पणीते सुवण्णे दुब्बण्णे; सुगते दुग्गते यथाकम्मूपगे सत्ते पजानाति — “इमे वत भोन्तो सत्ता कायदुच्चरितेन समन्नागता वचीदुच्चरितेन समन्नागता मनोदुच्चरितेन समन्नागता अरियानं उपवादका मिच्छादिट्ठिका मिच्छादिट्ठिकम्मसमादाना, ते कायस्स भेदा परं मरणा अपायं दुग्गतिं विनिपातं निरयं उपपन्ना; इमे वा पन भोन्तो सत्ता कायसुचरितेन समन्नागता वचीसुचरितेन समन्नागता मनोसुचरितेन समन्नागता अरियानं अनुपवादका सम्मादिट्ठिका सम्मादिट्ठिकम्मसमादाना, ते कायस्स भेदा परं मरणा सुगतिं सगं लोकं उपपन्ना”ति । इति दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने हीने पणीते सुवण्णे दुब्बण्णे सुगते दुग्गते, यथाकम्मूपगे सत्ते पजानाति । आकङ्खमानो च भगवा एकम्पि लोकधातुं पस्सेय्य, द्वेपि लोकधातुयो पस्सेय्य, तिस्सोपि लोकधातुयो पस्सेय्य, चतस्सोपि लोकधातुयो पस्सेय्य, पञ्चपि लोकधातुयो पस्सेय्य, दसपि लोकधातुयो पस्सेय्य, वीसम्पि लोकधातुयो पस्सेय्य, तिसम्पि लोकधातुयो पस्सेय्य, चत्तालीसम्पि लोकधातुयो पस्सेय्य, पञ्जासम्पि लोकधातुयो पस्सेय्य, सतम्पि लोकधातुयो पस्सेय्य, सहस्सिम्पि चूळनिकं लोकधातुं पस्सेय्य, द्विसहस्सिम्पि मज्झिमिकं लोकधातुं पस्सेय्य, तिसहस्सिम्पि लोकधातुं पस्सेय्य, महासहस्सिम्पि [तिसहस्सिं महासहस्सम्पि (क०)] लोकधातुं पस्सेय्य, यावतकं वा [यावता (सी० क०)] पन आकङ्खेय्य तावतकं पस्सेय्य । एवं परिसुद्धं भगवतो दिब्बचक्खु । एवं भगवा दिब्बेन चक्खुनापि चक्खुमा ।

कथं भगवा पञ्जाचक्खुनापि चक्खुमा? भगवा महापज्जो पुथुपज्जो जवनपज्जो हासपज्जो तिकखपज्जो निब्बेधिकपज्जो पञ्जापभेदकुसलो पभिन्नजाणो अधिगतपटिसम्भिदप्पत्तो चतुवेसारज्जप्पत्तो दसबलधारी पुरिसासभो पुरिससीहो पुरिसनागो पुरिसाजज्जो पुरिसधोरहो अनन्तजाणो अनन्ततेजो अनन्तयसो अट्ठो महद्धनो धनवा नेता विनेता अनुनेता पञ्जापेता निज्झापेता पेक्खेता पसादेता । सो हि भगवा अनुप्पन्नस्स मग्गस्स उप्पादेता असज्जातस्स मग्गस्स सज्जनेता अनक्खातस्स मग्गस्स अक्खाता, मग्गज्जू मग्गविदू मग्गकोविदो मग्गानुगा च पन एतरहि सावका विहरन्ति पच्छा समन्नागता ।

सो हि भगवा जानं जानाति, पस्सं पस्सति, चक्खुभूतो जाणभूतो धम्मभूतो ब्रह्मभूतो वत्ता पवत्ता अत्थस्स निन्नेता अमतस्स दाता धम्मस्सामी [धम्मसामि (स्या० क०)] तथागतो । नत्थि तस्स भगवतो अज्जातं अदिट्ठं अविदितं असच्छिकतं अफस्सितं [अफुसितं (स्या० क०)] पज्जाय । अतीतं अनागतं पच्चुप्पन्नं [अतीतानागतपच्चुप्पन्नं (स्या०)] उपादाय सब्बे धम्मा सब्बाकारेन बुद्धस्स भगवतो जाणमुखे आपाथं आगच्छन्ति । यं किञ्चि नेय्यं नाम अत्थि जानितब्बं [अत्थि धम्मं जानितब्बं (क०)] अत्तत्थो वा परत्थो वा उभयत्थो वा दिट्ठधम्मिको वा अत्थो सम्परायिको वा अत्थो उत्तानो वा अत्थो गम्भीरो वा अत्थो गूळहो वा अत्थो पटिच्छन्नो वा अत्थो नेय्यो वा अत्थो नीतो वा अत्थो अनवज्जो वा अत्थो निक्किलेसो वा अत्थो वोदानो वा अत्थो परमत्थो वा [परमत्थो वा अत्थो (क०)], सब्बं तं अन्तो बुद्धजाणे परिवत्तति ।

सब्बं कायकम्मं बुद्धस्स भगवतो जाणानुपरिवत्ति, सब्बं वचीकम्मं जाणानुपरिवत्ति, सब्बं मनोकम्मं जाणानुपरिवत्ति । अतीते बुद्धस्स भगवतो अप्पटिहतं जाणं, अनागते अप्पटिहतं जाणं, पच्चुप्पन्ने अप्पटिहतं जाणं, यावतकं नेय्यं तावतकं

जाणं, यावतकं जाणं तावतकं नेय्यं । नेय्यपरियन्तिकं जाणं, जाणपरियन्तिकं नेय्यं, नेय्यं अतिक्कमित्वा जाणं नप्पवत्तति, जाणं अतिक्कमित्वा नेय्यपथो नत्थि । अज्जमज्जपरियन्तद्वायिनो ते धम्मा । यथा द्विन्नं समुग्गपटलानं सम्माफुसितानं हेट्ठिमं समुग्गपटलं उपरिमं नातिवत्तति, उपरिमं समुग्गपटलं हेट्ठिमं नातिवत्तति, अज्जमज्जपरियन्तद्वायिनो; एवमेव बुद्धस्स भगवतो नेय्यञ्च जाणञ्च अज्जमज्जपरियन्तद्वायिनो । यावतकं नेय्यं तावतकं जाणं, यावतकं जाणं तावतकं नेय्यं, नेय्यपरियन्तिकं जाणं, जाणपरियन्तिकं नेय्यं । नेय्यं अतिक्कमित्वा जाणं नप्पवत्तति, जाणं अतिक्कमित्वा नेय्यपथो नत्थि । अज्जमज्जपरियन्तद्वायिनो ते धम्मा ।

सब्बधम्मेषु बुद्धस्स भगवतो जाणं पवत्तति । सब्बे धम्मा बुद्धस्स भगवतो आवज्जनपटिबद्धा आकङ्खपटिबद्धा मनसिकारपटिबद्धा चित्तुप्पादपटिबद्धा । सब्बसत्तेसु बुद्धस्स भगवतो जाणं पवत्तति । सब्बेसञ्च सत्तानं भगवा आसयं जानाति, अनुसयं जानाति, चरितं जानाति, अधिमुत्तिं जानाति, अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये भब्बाभब्बे सत्ते जानाति । सदेवको लोको समारको सब्रह्मको सस्समणब्राह्मणी पजा सदेवमनुस्सा अन्तोबुद्धजाणे परिवत्तति ।

यथा ये केचि मच्छकच्छपा अन्तमसो तिमितिमिङ्गलं [तिमितिपिङ्गलं (क०)] उपादाय अन्तोमहासमुद्वे परिवत्तन्ति, एवमेव सदेवको लोको समारको लोको सब्रह्मको लोको सस्समणब्राह्मणी पजा सदेवमनुस्सा अन्तोबुद्धजाणे परिवत्तति । यथा ये केचि पक्खी अन्तमसो गरुळं वेनतेय्यं उपादाय आकासस्स पदेसे परिवत्तन्ति, एवमेव येषि ते सारिपुत्तसमा पज्जाय समन्नागता तेषि बुद्धजाणस्स पदेसे परिवत्तन्ति; बुद्धजाणं देवमनुस्सानं पज्जं फरित्वा अभिभवित्वा तिष्ठति ।

येषि ते खत्तियपण्डिता ब्राह्मणपण्डिता गहपतिपण्डिता समणपण्डिता निपुणा कतपरप्पवादा वालवेधिरूपा वोभिन्दन्ता [ते भिन्दन्ता (स्या० क०)] मज्जे चरन्ति पज्जागतेन दिट्ठिगतानि, ते पज्हे अभिसङ्खरित्वा अभिसङ्खरित्वा तथागतं उपसङ्कमित्वा पुच्छन्ति गूळ्हानि च पटिच्छन्नानि । कथिता विसज्जिता च ते पज्हा भगवता [भगवतो (क०)] होन्ति निद्विडुकारणा । उपक्खित्तका च ते भगवतो सम्पज्जन्ति । अथ खो भगवाव तत्थ अतिरोचति — यदिदं पज्जायाति । एवं भगवा पज्जाचक्खुनापि चक्खुमा ।

कथं भगवा बुद्धचक्खुनापि चक्खुमा? भगवा बुद्धचक्खुना लोकं वोलोकेन्तो [ओलोकेन्तो (क०)] अदस सत्ते अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये अप्पेकच्चे परलोकवज्जभयदस्साविनो [पर ... दस्साविने (क०)] विहरन्ते । सेय्यथापि नाम उप्पलिनियं वा पदुमिनियं वा पुण्डरीकिनियं वा अप्पेकच्चानि उप्पलानि वा पदुमानि वा पुण्डरीकानि वा उदके जातानि उदके संवट्ठानि उदकानुगगतानि अन्तोनिमुग्गपोसीनि [अन्तोनिमुग्गपोसीनि (क०)], अप्पेकच्चानि उप्पलानि वा पदुमानि वा पुण्डरीकानि वा उदके जातानि उदके संवट्ठानि समोदकं ठितानि, अप्पेकच्चानि उप्पलानि वा पदुमानि वा पुण्डरीकानि वा उदके जातानि उदके संवट्ठानि उदका अच्युग्गम्म तिष्ठन्ति अनुपलित्तानि उदकेन; एवमेवं भगवा बुद्धचक्खुना लोकं वोलोकेन्तो अदस सत्ते अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये अप्पेकच्चे परलोकवज्जभयदस्साविनो विहरन्ते । जानाति भगवा — “अयं पुग्गलो रागचरितो, अयं दोसचरितो, अयं मोहचरितो, अयं वितक्कचरितो, अयं सद्दाचरितो, अयं जाणचरितो”ति । रागचरितस्स भगवा पुग्गलस्स असुभकथं कथेति; दोसचरितस्स भगवा पुग्गलस्स मेत्ताभावनं आचिक्खति; मोहचरितस्स भगवा पुग्गलस्स उद्वेसे परिपुच्छाय कालेन धम्मस्सवने कालेन धम्मसाकच्छाय गरुसंवासे निवेसेति; वितक्कचरितस्स भगवा पुग्गलस्स आनापानस्सतिं आचिक्खति; सद्दाचरितस्स

भगवा पुगलस्स पसादनीयं निमित्तं आचिक्खति बुद्धसुबोधिं [बुद्धसुबुद्धतं (क०)] धम्मसुधम्मतं सङ्गसुप्पटिपत्तिं सीलानि च; अत्तनो जाणचरितस्स भगवा पुगलस्स विपस्सनानिमित्तं आचिक्खति अनिच्चाकारं दुक्खाकारं अनत्ताकारं ।

“सेले यथा पब्बतमुद्धनिट्ठितो, यथापि पस्से जनतं समन्ततो ।
तथूपमं धम्ममयं सुमेध, पासादमारुह समन्तचक्खु ।
सोकावतिण्णं [सोकावकिण्णं (स्या०)] जनतमपेतसोको, अवेक्खस्सु जातिजराभिभूत”न्ति ॥

एवं भगवा बुद्धचक्खुनापि चक्खुमा ।

कथं भगवा समन्तचक्खुनापि चक्खुमा? समन्तचक्खु वुच्चति सब्बज्जुतजाणं । भगवा सब्बज्जुतजाणेन उपेतो समुपेतो उपागतो समुपागतो उपपन्नो समुपपन्नो समन्नागतो ।

“न तस्स अट्ठिमिधत्थि किञ्चि, अथो अविज्जातमजानितब्बं ।
सब्बं अभिज्जासि यदत्थि नेय्यं, तथागतो तेन समन्तचक्खू”ति ॥

एवं भगवा समन्तचक्खुनापि चक्खुमाति — न मे ब्याकासि चक्खुमा ।

यावततियञ्च देवीसि, ब्याकरोतीति मे सुतन्ति यावततियं बुद्धो सहधम्मिकं पञ्च पुट्टो ब्याकरोति नो संसारेतीति [सम्पायतीति (स्या०)] — एवं मया उगहितं, एवं मया उपधारितं, एवं मया उपलब्धितं । **देवीसीति** भगवा चेव इसि चाति — देवीसि । यथा राजा पब्बजिता वुच्चन्ति राजिसयो, ब्राह्मणा पब्बजिता वुच्चन्ति ब्राह्मणिसयो, एवमेव भगवा देवो चेव इसि चाति — देवीसि ।

अथ वा, भगवा पब्बजितोतिपि इसि । महन्तं सीलक्खन्धं एसी गवेसी परियेसीतिपि इसि । महन्तं समाधिक्खन्धं... पे०... महन्तं पञ्चाक्खन्धं... महन्तं विमुत्तिक्खन्धं... महन्तं विमुत्तिजाणदस्सनक्खन्धं एसी गवेसी परियेसीतिपि इसि । महतो तमोकायस्स पदालनं एसी गवेसी परियेसीतिपि इसि । महतो विपल्लासस्स पभेदनं एसी गवेसी परियेसीतिपि इसि । महतो तण्हासल्लस्स अब्बहनं... महतो दिट्ठिसङ्घाटस्स विनिवेठनं... महतो मानद्भजस्स पपातनं... महतो अभिसङ्खारस्स वूपसमं... महतो ओघस्स नित्थरणं... महतो भारस्स निक्खेपनं... महतो संसारवट्टस्स उपच्छेदं... महतो सन्तापस्स निब्बापनं... महतो परिळाहस्स पटिप्पस्सद्धिं... महतो धम्मद्भजस्स उस्सापनं एसी गवेसी परियेसीतिपि इसि । महन्ते सतिपट्टाने... महन्ते सम्मप्पधाने... महन्तानि इन्द्रियानि... महन्तानि बलानि... महन्ते बोज्झङ्गे... महन्तं अरियं अट्ठङ्गिकं मगं... महन्तं परमत्थं ं१ अतं निब्बानं एसी गवेसी परियेसीतिपि इसि । महेसक्खेहि वा सत्तेहि एसितो गवेसितो परियेसितो — “कहं बुद्धो, कहं भगवा, कहं देवदेवो, कहं नरासभो”तिपि इसीति — यावततियञ्च देवीसि ब्याकरोतीति मे सुतं । तेनाह सो ब्राह्मणो —

“द्वाहं सक्कं अपुच्छिस्सं, [इच्चायस्मा मोघराजा]
न मे ब्याकासि चक्खुमा ।
यावततियञ्च देवीसि, ब्याकरोतीति मे सुत”न्ति ॥

८६. अयं लोको परो लोको, ब्रह्मलोको सदेवको ।

दिट्ठिं ते नाभिजानाति, गोतमस्स यसस्सिनो॥

अयं लोको परो लोकोति । अयं लोकोति मनुस्सलोको । परो लोकोति मनुस्सलोकं ठपेत्वा सब्बो परो लोकोति — अयं लोको परो लोको ।

ब्रह्मलोको सदेवकोति सदेवको लोको समारको सब्रह्मको सस्समणब्राह्मणी पजा सदेवमनुस्साति — ब्रह्मलोको सदेवको ।

दिट्ठिं ते नाभिजानातीति तुय्हं दिट्ठिं खन्तिं रुचिं लद्धिं अज्झासयं अधिप्पायं लोको न जानाति — “अयं एवंदिट्ठिको एवंखन्तिको एवंरुचिको एवंलद्धिको एवंअज्झासयो एवंअधिप्पायो”ति न जानाति न पस्सति न दक्खति नाधिगच्छति न विन्दति न पटिलभतीति — दिट्ठिं ते नाभिजानाति ।

गोतमस्स यसस्सिनोति भगवा यसप्पत्तोति यसस्सी । अथ वा, भगवा सक्कतो गरुकतो मानितो पूजितो अपचितो लाभी चीवरपिण्डपातसेनासनगिलानपच्चयभेसज्जपरिक्खारानन्तिपि यसस्सीति — गोतमस्स यसस्सिनो । तेनाह सो ब्राह्मणो —

“अयं लोको परो लोको, ब्रह्मलोको सदेवको ।
दिट्ठिं ते नाभिजानाति, गोतमस्स यसस्सिनो”ति ॥

**८७. एवं अभिक्कन्तदस्साविं, अत्थि पज्जेन आगमं ।
कथं लोकं अवेक्खन्तं, मच्चुराजा न पस्सति॥**

एवं अभिक्कन्तदस्साविन्ति एवं अभिक्कन्तदस्साविं अग्गदस्साविं सेट्ठदस्साविं विसेट्ठदस्साविं पामोक्खदस्साविं उत्तमदस्साविं परमदस्साविन्ति — एवं अभिक्कन्तदस्साविं ।

अत्थि पज्जेन आगमन्ति पज्जेन अत्थिको आगतोमिहि...पे०... वहस्सेतं भारन्ति, एवमि अत्थि पज्जेन आगमं ।

कथं लोकं अवेक्खन्तन्ति कथं लोकं अवेक्खन्तं पच्चवेक्खन्तं तुलयन्तं तीरयन्तं विभावयन्तं विभूतं करोन्तन्ति — कथं लोकं अवेक्खन्तं ।

मच्चुराजा न पस्सतीति मच्चुराजा न पस्सति न दक्खति नाधिगच्छति न विन्दति न पटिलभतीति — मच्चुराजा न पस्सति । तेनाह सो ब्राह्मणो —

“एवं अभिक्कन्तदस्साविं, अत्थि पज्जेन आगमं ।
कथं लोकं अवेक्खन्तं, मच्चुराजा न पस्सती”ति ॥

**८८. सुज्जतो लोकं अवेक्खस्सु, मोघराज सदा सतो ।
अत्तानुदिट्ठिं ऊहच्च, एवं मच्चुतरो सिया ।
एवं लोकं अवेक्खन्तं, मच्चुराजा न पस्सति॥**

सुज्जतो लोकं अवेक्खस्सूति । लोकोति निरयलोको तिरच्छानलोको पेत्तिविसयलोको मनुस्सलोको देवल्लोको खन्धलोको धातुलोको आयतनलोको अयं लोको परो लोको ब्रह्मलोको सदेवको [सदेवको लोको (क०)] । अज्जतरो भिक्खु भगवन्तं एतदवोच — “लोको लोकोति, भन्ते, वुच्चति । कितावता नु खो, भन्ते, लोकोति वुच्चती”ति? “लुज्जतीति खो, भिक्खु, तस्मा लोकोति वुच्चति । किञ्च लुज्जति? चक्खु खो भिक्खु लुज्जति, रूपा लुज्जन्ति, चक्खुविज्ञाणं लुज्जति, चक्खुसम्फस्सो लुज्जति, यम्पिदं [यमिदं (क०) पस्स सं० नि० ४.८२] चक्खुसम्फस्सपच्चया उप्पज्जति वेदयितं सुखं वा दुक्खं वा अदुक्खमसुखं वा तम्पि लुज्जति; सोतं लुज्जति, गन्धा लुज्जन्ति...पे०... कायो लुज्जति, फोड्ड्वा लुज्जन्ति; मनो लुज्जति, धम्मा लुज्जन्ति, मनोविज्ञाणं लुज्जति, मनोसम्फस्सो लुज्जति; यम्पिदं मनोसम्फस्सपच्चया उप्पज्जति वेदयितं सुखं वा दुक्खं वा अदुक्खमसुखं वा तम्पि लुज्जति । लुज्जतीति खो, भिक्खु, तस्मा लोकोति वुच्चति” ।

सुज्जतो लोकं अवेक्खस्सूति द्वीहि कारणेहि सुज्जतो लोकं अवेक्खति — अवसियपवत्तसल्लक्खणवसेन [अवस्सियपवत्त ... (स्या०)] वा तुच्छसङ्खारसमनुपस्सनावसेन वा । कथं अवसियपवत्तसल्लक्खणवसेन सुज्जतो लोकं अवेक्खति? रूपे वसो न लब्भति, वेदनाय वसो न लब्भति, सज्जाय वसो न लब्भति, सङ्खारेसु वसो न लब्भति, विज्ञाणे वसो न लब्भति । वुत्तहेतं भगवता [पस्स सं० नि० ३.५९] — “रूपं, भिक्खवे, अनत्ता । रूपञ्च हिदं, भिक्खवे, अत्ता अभविस्स, नयिदं रूपं आबाधाय संवत्तेय्य; लब्भेथ च रूपे — ‘एवं मे रूपं होतु, एवं मे रूपं मा अहोसी’ति । यस्मा च खो, भिक्खवे, रूपं अनत्ता, तस्मा रूपं आबाधाय संवत्तति न च लब्भति रूपे — ‘एवं मे रूपं होतु, एवं मे रूपं मा अहोसी’ति ।

“वेदना अनत्ता । वेदना च हिदं, भिक्खवे, अत्ता अभविस्स, नयिदं वेदना आबाधाय संवत्तेय्य; लब्भेथ च वेदनाय — ‘एवं मे वेदना होतु, एवं मे वेदना मा अहोसी’ति । यस्मा च खो, भिक्खवे, वेदना अनत्ता, तस्मा वेदना आबाधाय संवत्तति, न च लब्भति वेदनाय — ‘एवं मे वेदना होतु, एवं मे वेदना मा अहोसी’ति ।

“सज्जा अनत्ता । सज्जा च हिदं, भिक्खवे, अत्ता अभविस्स, नयिदं सज्जा आबाधाय संवत्तेय्य; लब्भेथ च सज्जाय — ‘एवं मे सज्जा होतु, एवं मे सज्जा मा अहोसी’ति । यस्मा च खो, भिक्खवे, सज्जा अनत्ता, तस्मा सज्जा आबाधाय संवत्तति, न च लब्भति सज्जाय — ‘एवं मे सज्जा होतु, एवं मे सज्जा मा अहोसी’ति ।

“सङ्खारा अनत्ता । सङ्खारा च हिदं, भिक्खवे, अत्ता अभविस्सं, नयिदं सङ्खारा आबाधाय संवत्तेय्य; लब्भेथ च सङ्खारेसु — ‘एवं मे सङ्खारा होन्तु, एवं मे सङ्खारा मा अहेसु’न्ति । यस्मा च खो, भिक्खवे, सङ्खारा अनत्ता, तस्मा सङ्खारा आबाधाय संवत्तन्ति, न च लब्भति सङ्खारेसु — ‘एवं मे सङ्खारा होन्तु, एवं मे सङ्खारा मा अहेसु’न्ति ।

“विज्ञाणं अनत्ता । विज्ञाणञ्च हिदं, भिक्खवे, अत्ता अभविस्स, नयिदं विज्ञाणं आबाधाय संवत्तेय्य; लब्भेथ च विज्ञाणे — ‘एवं मे विज्ञाणं होतु, एवं मे विज्ञाणं मा अहोसी’ति । यस्मा च खो, भिक्खवे, विज्ञाणं अनत्ता, तस्मा विज्ञाणं आबाधाय संवत्तति, न च लब्भति विज्ञाणे — ‘एवं मे विज्ञाणं होतु, एवं मे विज्ञाणं मा अहोसी’”ति ।

वुत्तहेतं भगवता — “नायं, भिक्खवे, कायो तुम्हाकं, नपि अज्जेसं [परेसं (स्या०) पस्स सं० नि० २.३७] । पुराणमिदं, भिक्खवे, कम्मं अभिसङ्खतं अभिसज्जेतयितं वेदनियं दड्डब्बं । तत्र खो, भिक्खवे, सुतवा अरियसावको पटिच्चसमुप्पादयेव साधुकं योनिसो मनसि करोति — ‘इति इमस्मिं सति इदं होति, इमस्सुप्पादा इदं उप्पज्जति; इमस्मिं असति इदं न होति, इमस्स निरोधा इदं निरुज्झति, यदिदं — अविज्जापच्चया सङ्खारा, सङ्खारपच्चया विज्ञाणं,

विज्जाणपच्चया नामरूपं, नामरूपपच्चया सळायतनं, सळायतनपच्चया फस्सो, फस्सपच्चया वेदना, वेदनापच्चया तण्हा, तण्हापच्चया उपादानं, उपादानपच्चया भवो, भवपच्चया जाति, जातिपच्चया जरामरणं सोकपरिदेवदुक्खदोमनस्सुपायासा सम्भवन्ति — एवमेतस्स केवलस्स दुक्खक्खन्धस्स समुदयो होति” ।

“अविज्जाय त्वेव असेसविरागनिरोधा सङ्खारनिरोधो, सङ्खारनिरोधा विज्जाणनिरोधो ...पे०... जातिनिरोधा जरामरणं सोकपरिदेवदुक्खदोमनस्सुपायासा निरुज्झन्ति, एवमेतस्स केवलस्स दुक्खक्खन्धस्स निरोधो होती”ति । एवं अवसियपवत्तसल्लक्खणवसेन सुज्जतो लोकं अवेक्खति ।

कथं तुच्छसङ्खारसमनुपस्सनावसेन सुज्जतो लोकं अवेक्खति? रूपे सारो न लब्धति, वेदनाय सारो न लब्धति, सज्जाय सारो न लब्धति, सङ्खारेसु सारो न लब्धति, विज्जाणे सारो न लब्धति; रूपं अस्सारं निस्सारं सारापगतं निच्चसारसारेन वा सुखसारसारेन वा अत्तसारसारेन वा निच्चेन वा धुवेन वा सस्सतेन वा अविपरिणामधम्मेन वा । वेदना अस्सारा निस्सारा सारापगता...पे०... सज्जा अस्सारा निस्सारा सारापगता... सङ्खारा अस्सारा निस्सारा सारापगता... विज्जाणं अस्सारं निस्सारं सारापगतं निच्चसारसारेन वा सुखसारसारेन वा अत्तसारसारेन वा निच्चेन वा धुवेन वा सस्सतेन वा अविपरिणामधम्मेन वा । यथा नळो अस्सारो निस्सारो सारापगतो, यथा च एरण्डो...पे०... यथा च उदुम्बरो अस्सारो निस्सारो सारापगतो, यथा च सेतगच्छो [सेतवच्छो (क०)] अस्सारो निस्सारो सारापगतो, यथा च पालिभद्दको [पालिभद्दको (क०)] अस्सारो निस्सारो सारापगतो, यथा च फेणुपिण्डो [फेणुपिण्डो (स्या०)] अस्सारो निस्सारो सारापगतो, यथा च उदकपुब्बुळं [पुब्बुलकं (स्या०)] अस्सारं निस्सारं सारापगतं, यथा च मरीचि अस्सारा निस्सारा सारापगता, यथा कदलिक्वन्धो अस्सारो निस्सारो सारापगतो, यथा माया अस्सारा निस्सारा सारापगता — एवमेव रूपं अस्सारं निस्सारं सारापगतं निच्चसारसारेन वा सुखसारसारेन वा अत्तसारसारेन वा निच्चेन वा धुवेन वा सस्सतेन वा अविपरिणामधम्मेन वा । वेदना अस्सारा निस्सारा सारापगता...पे०... सज्जा अस्सारा निस्सारा सारापगता... सङ्खारा अस्सारा निस्सारा सारापगता... विज्जाणं अस्सारं निस्सारं सारापगतं निच्चसारसारेन वा सुखसारसारेन वा अत्तसारसारेन वा निच्चेन वा धुवेन वा सस्सतेन वा अविपरिणामधम्मेन वा । एवं तुच्छसङ्खारसमनुपस्सनावसेन सुज्जतो लोकं अवेक्खति । इमेहि द्वीहि कारणेहि सुज्जतो लोकं अवेक्खति ।

अपि च, छहाकारेहि सुज्जतो लोकं अवेक्खति । चक्खु सुज्जं [स्या० ... पोत्थके इमस्मिं ठाने अज्जथा दिस्सति] अत्तेन वा अत्तनियेन वा निच्चेन वा धुवेन वा सस्सतेन वा अविपरिणामधम्मेन वा, सोतं सुज्जं...पे०... घानं सुज्जं... जिक्का सुज्जा... कायो सुज्जो... मनो सुज्जो अत्तेन वा अत्तनियेन वा निच्चेन वा धुवेन वा सस्सतेन वा अविपरिणामधम्मेन वा । रूपा सुज्जा...पे०... सद्दा सुज्जा... गन्धा सुज्जा... रसा सुज्जा... फोट्ठब्बा सुज्जा... धम्मा सुज्जा अत्तेन वा अत्तनियेन वा निच्चेन वा धुवेन वा सस्सतेन वा अविपरिणामधम्मेन वा । चक्खुविज्जाणं सुज्जं...पे०... मनोविज्जाणं सुज्जं... चक्खुसम्फस्सो सुज्जो ... मनोसम्फस्सो सुज्जो... चक्खुसम्फस्सजा वेदना सुज्जा... मनोसम्फस्सजा वेदना सुज्जा... रूपसज्जा सुज्जा... धम्मसज्जा सुज्जा... रूपसज्जेतना सुज्जा... धम्मसज्जेतना सुज्जा... रूपतण्हा सुज्जा... रूपवितक्को सुज्जो... रूपविचारो सुज्जो... धम्मविचारो सुज्जो अत्तेन वा अत्तनियेन वा निच्चेन वा धुवेन वा सस्सतेन वा अविपरिणामधम्मेन वा । एवं छहाकारेहि सुज्जतो लोकं अवेक्खति ।

अपि च, दसहाकारेहि सुज्जतो लोकं अवेक्खति । रूपं रिक्ततो तुच्छतो सुज्जतो अनत्ततो असारकतो वधकतो विभवतो अघमूलतो सासवतो सङ्खत्ततो; वेदनं...पे०... सज्जं... सङ्खारे... विज्जाणं... चुत्तिं... उपपत्तिं... पटिसन्धिं... भवं...

संसारवट्टं रिक्ततो तुच्छतो सुज्जतो अनत्ततो असारकतो वधकतो विभवतो अघमूलतो सासवतो सङ्खततो । एवं दसहाकारेहि सुज्जतो लोकं अवेक्खति ।

अपि च, द्वादसहाकारेहि सुज्जतो लोकं अवेक्खति । रूपं न सत्तो न जीवो न नरो न माणवो न इत्थी न पुरिसो न अत्ता न अत्तनियं नाहं न मम न कोचि न कस्सचि; वेदना...पे०... सज्जा... सङ्खारा... विज्जाणं न सत्तो न जीवो न नरो न माणवो न इत्थी न पुरिसो न अत्ता न अत्तनियं नाहं न मम न कोचि न कस्सचि । एवं द्वादसहाकारेहि सुज्जतो लोकं अवेक्खति ।

वुत्तज्जेतं भगवता — “यं, भिक्खवे, न तुम्हाकं तं पजहथ । तं वो पहीनं दीघरत्तं हिताय सुखाय भविस्सति । किञ्च, भिक्खवे, न तुम्हाकं? रूपं, भिक्खवे, न तुम्हाकं; तं पजहथ । तं वो पहीनं दीघरत्तं हिताय सुखाय भविस्सति । वेदना, भिक्खवे, न तुम्हाकं; तं पजहथ । सा वो पहीना दीघरत्तं हिताय सुखाय भविस्सति । सज्जा, भिक्खवे, न तुम्हाकं; तं पजहथ । सा वो पहीना दीघरत्तं हिताय सुखाय भविस्सति । सङ्खारा, भिक्खवे, न तुम्हाकं; ते पजहथ । ते वो पहीना दीघरत्तं हिताय सुखाय भविस्सन्ति । विज्जाणं, भिक्खवे, न तुम्हाकं; तं पजहथ । तं वो पहीनं दीघरत्तं हिताय सुखाय भविस्सति । सेय्यथापि [तं किं मज्जथ (स्या० क०) पस्स सं० नि० ३.३३], भिक्खवे, यं इमस्मिं जेतवने तिणकट्टसाखापलासं तं जनो हरेय्य वा डहेय्य वा यथापच्चयं वा करेय्य । अपि नु तुम्हाकं एवमस्स — ‘अम्हे जनो हरति वा डहति वा यथापच्चयं वा करोती’ति? ‘नो हेतं, भन्ते’ । ‘तं किस्स हेतु’? ‘न हि नो एतं, भन्ते, अत्ता वा अत्तनियं वा’ति । एवमेव खो, भिक्खवे, यं न तुम्हाकं तं पजहथ; तं वो पहीनं दीघरत्तं हिताय सुखाय भविस्सति । किञ्च, भिक्खवे, न तुम्हाकं? रूपं, भिक्खवे, न तुम्हाकं; तं पजहथ । तं वो पहीनं दीघरत्तं हिताय सुखाय भविस्सति । वेदना...पे०... सज्जा... सङ्खारा... विज्जाणं, भिक्खवे, न तुम्हाकं; तं पजहथ । तं वो पहीनं दीघरत्तं हिताय सुखाय भविस्सती’ति । एवम्पि सुज्जतो लोकं अवेक्खति ।

आयस्मा आनन्दो भगवन्तं एतदवोच — “‘सुज्जो [सुज्जतो (क०) पस्स सं० नि० ४.८५] लोको, सुज्जो लोको’ति, भन्ते, वुच्चति । कित्तावता नु खो, भन्ते, सुज्जो लोकोति वुच्चती’ति? ‘यस्मा च खो, आनन्द, सुज्जं अत्तेन वा अत्तनियेन वा, तस्मा सुज्जो लोकोति वुच्चति । किञ्चानन्द, सुज्जं अत्तेन वा अत्तनियेन वा? चक्खु खो, आनन्द, सुज्जं अत्तेन वा अत्तनियेन वा । रूपा सुज्जा...पे०... चक्खुविज्जाणं सुज्जं... चक्खुसम्फस्सो सुज्जो... यम्पिदं चक्खुसम्फस्सपच्चया उप्पज्जति वेदयितं सुखं वा दुक्खं वा अदुक्खमसुखं वा तम्पि सुज्जं अत्तेन वा अत्तनियेन वा । सोतं सुज्जं... सद्वा सुज्जा... घानं सुज्जं... गन्धा सुज्जा... जिह्वा सुज्जा... रसा सुज्जा... कायो सुज्जो ... फोड्डब्बा सुज्जा... मनो सुज्जो... धम्मा सुज्जा... मनोविज्जाणं सुज्जं... मनोसम्फस्सो सुज्जो... यम्पिदं सुज्जं मनोसम्फस्सपच्चया उप्पज्जति वेदयितं सुखं वा दुक्खं वा अदुक्खमसुखं वा तम्पि सुज्जं अत्तेन वा अत्तनियेन वा । यस्मा च खो, आनन्द, सुज्जं अत्तेन वा अत्तनियेन वा, तस्मा सुज्जो लोकोति वुच्चती’ति । एवम्पि सुज्जतो लोकं अवेक्खति ।

“सुद्धं धम्मसमुप्पादं, सुद्धसङ्खारसन्ततिं ।

पस्सन्तस्स यथाभूतं, न भयं होति गामणि ॥

“तिणकट्टसमं लोकं, यदा पज्जाय पस्सति ।

नाज्जं [न अज्जं (सी० स्या० क०)] पत्थयते किञ्चि, अज्जत्रप्पटिसन्धिया’ति ॥

एवम्पि सुज्जतो लोकं अवेक्खति ।

वुत्तञ्हेतं भगवता [पस्स सं० नि० ४.२४६] — “एवमेव खो, भिक्खवे, भिक्खु रूपं समन्नेसति यावता रूपस्स गति, वेदनं समन्नेसति यावता वेदनाय गति, सज्जं समन्नेसति यावता सज्जाय गति, सङ्खारे समन्नेसति यावता सङ्खारानं गति, विज्जाणं समन्नेसति यावता विज्जाणस्स गति । तस्स रूपं [तस्स भिक्खुनो रूपं (स्या०)] समन्नेसतो यावता रूपस्स गति, वेदनं...पे०... सज्जं... सङ्खारे... विज्जाणं समन्नेसतो यावता विज्जाणस्स गति, यम्पिस्स तं होति अहन्ति वा ममन्ति वा अस्मीति वा, तम्पि तस्स न होती”ति । एवम्पि सुज्जतो लोकं अवेक्खति ।

सुज्जतो लोकं अवेक्खस्सूति सुज्जतो लोकं अवेक्खस्सु पच्चवेक्खस्सु दक्खस्सु तुलेहि तीरेहि विभावेहि विभूतं करोहीति — सुज्जतो लोकं अवेक्खस्सु ।

मोघराज सदा सतोति । मोघराजाति भगवा तं ब्राह्मणं नामेन आलपति । **सदाति** सब्बकालं...पे०... पच्छिमे वयोखन्धे । **सतोति** चतूहि कारणेहि सतो — काये कायानुपस्सनासतिपट्टानं भावेन्तो सतो...पे०... सो वुच्चति सतोति — मोघराज सदा सतो ।

अत्तानुदिट्ठि ऊहच्चाति अत्तानुदिट्ठि वुच्चति वीसतिवत्थुका सक्कायदिट्ठि । इध अस्सुतवा पुथुज्जनो अरियानं अदस्सावी अरियधम्मस्स अकोविदो अरियधम्मे अविनीतो सप्पुरिसानं अदस्सावी सप्पुरिसधम्मस्स अकोविदो सप्पुरिसधम्मे अविनीतो रूपं अत्ततो समनुपस्सति रूपवन्तं वा अत्तानं अत्तनि वा रूपं रूपस्मिं वा अत्तानं, वेदनं...पे०... सज्जं... सङ्खारे... विज्जाणं अत्ततो समनुपस्सति विज्जाणवन्तं वा अत्तानं अत्तनि वा विज्जाणं विज्जाणस्मिं वा अत्तानं । या एवरूपा दिट्ठि दिट्ठिगतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसंयोजनं गाहो पटिग्गाहो अभिनिवेसो परामासो कुम्मगो मिच्छापथो मिच्छत्तं तित्थायतनं विपरियेसग्गाहो विपरीतग्गाहो विपल्लासग्गाहो मिच्छागाहो अयाथावकस्मिं याथावकन्ति गाहो यावता द्वासट्ठि दिट्ठिगतानि, अयं अत्तानुदिट्ठि । **अत्तानुदिट्ठि ऊहच्चाति** अत्तानुदिट्ठि ऊहच्च समूहच्च [उहच्च समुहच्च (क०) सद्दनीतिया पन समेति] उद्धरित्वा समुद्धरित्वा उप्पाटयित्वा समुप्पाटयित्वा पजहित्वा विनोदेत्वा ब्यन्तीकरित्वा अनभावं गमेत्वाति — अत्तानुदिट्ठि ऊहच्च ।

एवं मच्चुतरो सियाति एवं मच्चुपि तरेय्यासि, जरापि तरेय्यासि, मरणम्पि तरेय्यासि उत्तरेय्यासि पतरेय्यासि समतिक्कमेय्यासि वीतिवत्तेय्यासीति — एवं मच्चुतरो सिया ।

एवं लोकं अवेक्खन्तन्ति एवं लोकं अवेक्खन्तं पच्चवेक्खन्तं तुलयन्तं तीरयन्तं विभावयन्तं विभूतं करोन्तन्ति — एवं लोकं अवेक्खन्तं ।

मच्चुराजा न पस्सतीति मच्चुपि मच्चुराजा, मारोपि मच्चुराजा, मरणम्पि मच्चुराजा । **न पस्सतीति** मच्चुराजा न पस्सती न दक्खति नाधिगच्छति न विन्दति न पटिलभति । वुत्तञ्हेतं भगवता — “सेय्यथापि, भिक्खवे, आरज्जिको मिगो अरज्जे पवने चरमानो विस्सत्थो गच्छति विस्सत्थो [विस्सट्ठो (क०)] तिट्ठति विस्सत्थो निसीदति विस्सत्थो सेय्यं कप्पेति । तं किस्स हेतु? अनापातगतो [अनापातगतो (क०)], भिक्खवे, लुहस्स । एवमेव खो, भिक्खवे, भिक्खु विविच्चेव कामेहि विविच्च अकुसलेहि धम्मेहि सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरति । अयं वुच्चति, भिक्खवे, ‘भिक्खु अन्धमकासि [अन्तमकासि (क०) पस्स म० नि० १.२७१] मारं, अपदं वधित्वा मारचक्खुं अदस्सनं गतो पापिमतो’ ।

“पुन चपरं, भिक्खवे, भिक्खु वितक्कविचारानं वूपसमा अज्झत्तं सम्पसादनं चेतसो एकोदिभावं अवितक्कं अविचारं समाधिजं पीतिसुखं दुतियं झानं...पे०... ततियं झानं... चतुत्थं झानं उपसम्पज्ज विहरति । अयं वुच्चति, भिक्खवे, ‘भिक्खु अन्धमकासि मारं, अपदं वधित्वा मारचक्खुं अदस्सनं गतो पापिमतो’ ।

“पुन चपरं, भिक्खवे, भिक्खु सब्बसो रूपसज्जानं समतिक्कमा, पटिघसज्जानं अत्थङ्गमा, नानत्तसज्जानं अमनसिकारा, अनन्तो आकासोति आकासानज्जायतनं उपसम्पज्ज विहरति । अयं वुच्चति, भिक्खवे, ‘भिक्खु अन्धमकासि मारं, अपदं वधित्वा मारचक्खुं अदस्सनं गतो पापिमतो’ ।

“पुन चपरं, भिक्खवे, भिक्खु सब्बसो आकासानज्जायतनं समतिक्कम्म अनन्तं विज्जाणन्ति विज्जाणज्जायतनं उपसम्पज्ज विहरति...पे०... ।

“पुन चपरं, भिक्खवे, सब्बसो विज्जाणज्जायतनं समतिक्कम्म नत्थि किञ्चीति आकिञ्चज्जायतनं उपसम्पज्ज विहरति...पे०... ।

“पुन चपरं, भिक्खवे, सब्बसो आकिञ्चज्जायतनं समतिक्कम्म नेवसज्जानासज्जायतनं उपसम्पज्ज विहरति...पे०... ।

“पुन चपरं, भिक्खवे, सब्बसो नेवसज्जानासज्जायतनं समतिक्कम्म सज्जावेदयितनिरोधं उपसम्पज्ज विहरति; पज्जाय चस्स दिस्वा आसवा परिकखीणा होन्ति । अयं वुच्चति, भिक्खवे, ‘भिक्खु अन्धमकासि मारं, अपदं वधित्वा मारचक्खुं अदस्सनं गतो पापिमतो, तिण्णो लोके विसत्तिक’न्ति । सो विस्सत्थो गच्छति विस्सत्थो तिट्ठति विस्सत्थो निसीदति विस्सत्थो सेय्यं कप्पेति । तं किस्स हेतु? अनापाथगतो भिक्खु पापिमतो’ति — मच्चुराजा न पस्सति । तेनाह भगवा —

“सुज्जतो लोकं अवेक्खस्सु, मोघराज सदा सतो ।

अत्तानुदिट्ठिं ऊहच्च, एवं मच्चुतरो सिया ।

एवं लोकं अवेक्खन्तं, मच्चुराजा न पस्सती’ति ॥

सह गाथापरियोसाना...पे०... सत्था मे, भन्ते भगवा, सावकोहमस्मीति ।

मोघराजमाणवपुच्छानिदेसो पन्नरसमो ।

१६. पिङ्गियमाणवपुच्छानिदेसो

८९. जिण्णोहमस्मि अबलो वीतवण्णो [विवण्णो (स्या०)], [इच्चायस्मा पिङ्गियो]

नेत्ता न सुद्धा सवनं न फासु ।

माहं नस्सं मोमुहो अन्तराव [अन्तराय (स्या० क०)], आचिक्ख धम्मं यमहं विजज्जं ।

जातिजराय इध विप्पहानं ॥

जिण्णोहमस्मि अबलो वीतवण्णोति । जिण्णोहमस्मीति जिण्णो वुड्ढो महल्लको अब्धगतो वयोअनुप्पत्तो वीसवस्ससतिको जातिया । अबलोति दुब्बलो अप्पबलो अप्पथामो । वीतवण्णोति वीतवण्णो विगतवण्णो विगच्छितवण्णो । या सा पुरिमा सुभा वण्णनिभा सा अन्तरहिता, आदीनवो पातुभूतोति — जिण्णोहमस्मि अबलो वीतवण्णो ।

इच्चायस्मा पिङ्गियोति । इच्चाति पदसन्धि...पे०... । आयस्माति पियवचनं...पे०... । पिङ्गियोति तस्स ब्राह्मणस्स नामं...पे०... अभिलापोति — इच्चायस्मा पिङ्गियो ।

नेत्ता न सुद्धा सवनं न फासूति नेत्ता असुद्धा अविसुद्धा अपरिसुद्धा अवोदाता । नो तथा चक्खुना रूपे पस्सामीति — नेत्ता न सुद्धा । सवनं न फासूति सोतं असुद्धं अविसुद्धं अपरिसुद्धं अवोदातं । नो तथा सोतेन सद्धं सुणोमीति — नेत्ता न सुद्धा सवनं न फासु ।

माहं नस्सं मोमुहो अन्तरावाति । माहं नस्सन्ति माहं नस्स माहं विनस्सं माहं पनस्सं । मोमुहोति मोहमुहो अविज्जागतो अज्जाणी अविभावी दुप्पज्जो । अन्तरावाति तुय्हं धम्मं दिट्ठिं पटिपदं मग्गं अनज्जाय अनधिगन्त्वा अविदित्वा अप्पटिलभित्वा अफस्सयित्वा असच्छिकरित्वा अन्तरायेव कालङ्कुरेय्यन्ति — माहं नस्सं मोमुहो अन्तराव ।

आचिक्ख धम्मं यमहं विजज्जन्ति । धम्मन्ति आदिकल्याणं मज्झेकल्याणं परियोसानकल्याणं सात्थं सब्यज्जनं केवलपरिपुण्णं परिसुद्धं ब्रह्मचरियं, चत्तारो सतिपट्टाने, चत्तारो सम्मप्पधाने, चत्तारो इद्धिपादे, पज्जिन्द्रियानि, पज्ज बलानि, सत्त बोज्झङ्गे, अरियं अट्ठङ्गिकं मग्गं, निब्बानज्च निब्बानगामिनिज्च पटिपदं आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहीति — आचिक्ख धम्मं । यमहं विजज्जन्ति यमहं जानेय्यं आजानेय्यं विजानेय्यं पटिविजानेय्यं पटिविज्जेय्यं अधिगच्छेय्यं फस्सेय्यं सच्छिकरेय्यन्ति — आचिक्ख धम्मं यमहं विजज्जं ।

जातिजराय इध विप्पहानन्ति इधेव जातिजरामरणस्स पहानं वूपसमं पटिनिस्सग्गं पटिप्पस्सद्धिं अमतं निब्बानन्ति — जातिजराय इध विप्पहानं । तेनाह सो ब्राह्मणो —

“जिण्णोहमस्मि अबलो वीतवण्णो, [इच्चायस्मा पिङ्गियो]
नेत्ता न सुद्धा सवनं न फासु ।
माहं नस्सं मोमुहो अन्तराव, आचिक्ख धम्मं यमहं विजज्जं ।
जातिजराय इध विप्पहानं”न्ति ॥

१०. दिस्वान रूपेसु विहज्जमाने, [पिङ्गियाति भगवा]
रुप्पन्ति रूपेसु जना पमत्ता ।
तस्मा तुवं पिङ्गिय अप्पमत्तो, जहस्सु रूपं अपुनब्भवाय ॥

दिस्वान रूपेसु विहज्जमानेति । रूपन्ति चत्तारो च महाभूता चतुन्नज्च महाभूतानं उपादाय रूपं । सत्ता रूपहेतु रूपप्पच्चया रूपकारणा हज्जन्ति विहज्जन्ति उपहज्जन्ति उपघातियन्ति [उपघातयन्ति (स्या० क०)] । रूपे सति विविधकम्मकारणा [विविधकम्मकरणानि (क०)] कारेन्ति । कसाहिपि ताळेन्ति, वेत्तेहिपि ताळेन्ति, अट्ठदण्डकेहिपि ताळेन्ति, हत्थम्पि छिन्दन्ति, पादम्पि छिन्दन्ति, हत्थपादम्पि छिन्दन्ति, कण्णम्पि छिन्दन्ति, नासम्पि छिन्दन्ति, कण्णनासम्पि

छिन्दन्ति, बिलङ्गथालिकम्पि करोन्ति, सङ्खमुण्डिकम्पि करोन्ति, राहुमुखम्पि करोन्ति, जोतिमालिकम्पि करोन्ति, हत्थपज्जोतिकम्पि करोन्ति, एरकवत्तिकम्पि करोन्ति, चीरकवासिकम्पि करोन्ति, एण्येयकम्पि करोन्ति, बळिसमंसिकम्पि करोन्ति, कहापणिकम्पि करोन्ति, खारापतच्छिकम्पि [खारापटिच्छिकम्पि (क०)] करोन्ति, पलिघपरिवत्तिकम्पि करोन्ति, पलालपीठकम्पि करोन्ति, तत्तेनपि तेलेन ओसिञ्चन्ति, सुनखेहिपि खादापेन्ति, जीवन्तम्पि सूले उत्तासेन्ति, असिनापि सीसं छिन्दन्ति । एवं सत्ता रूपहेतु रूपप्पच्चया रूपकारणा हञ्जन्ति विहञ्जन्ति उपहञ्जन्ति उपघातियन्ति । एवं हञ्जमाने विहञ्जमाने उपहञ्जमाने उपघातियमाने दिस्वा पस्सित्वा तुलयित्वा तीरयित्वा विभावयित्वा विभूतं कत्वाति — दिस्वान रूपेसु विहञ्जमाने ।

पिङ्गियाति भगवाति । पिङ्गियाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जति, यदिदं भगवाति — पिङ्गियाति भगवा ।

रुप्पन्ति रूपेसु जना पमत्ताति । रुप्पन्तीति रुप्पन्ति कुप्पन्ति पीळयन्ति [पीळियन्ति (स्या० क०)] घट्टयन्ति, ब्याधिता दोमनस्सिता होन्ति । चक्खुरोगेन रुप्पन्ति कुप्पन्ति पीळयन्ति घट्टयन्ति, ब्याधिता दोमनस्सिता होन्ति । सोतरोगेन... पे०... कायरोगेन...पे०... डंसमकसवातातपसरीसपसम्फस्सेहि रुप्पन्ति कुप्पन्ति पीळयन्ति घट्टयन्ति, ब्याधिता दोमनस्सिता होन्तीति — रुप्पन्ति रूपेसु ।

अथ वा, चक्खुस्मिं हीयमाने हायमाने परिहायमाने वेमाने [विहायमाने (क०)] विगच्छमाने अन्तरधायमाने रुप्पन्ति... पे०... दोमनस्सिता होन्ति । सोतस्मिं...पे०... घानस्मिं... जिह्वाय... कायस्मिं... रूपस्मिं... सद्दस्मिं... गन्धस्मिं... रसस्मिं... फोटुब्बस्मिं... कुलस्मिं... गणस्मिं... आवासस्मिं... लाभस्मिं... यसस्मिं... पसंसाय... सुखस्मिं... चीवरस्मिं... पिण्डपातस्मिं... सेनासनस्मिं... गिलानपच्चयभेसज्जपरिक्खारस्मिं हीयमाने हायमाने परिहायमाने वेमाने विगच्छमाने अन्तरधायमाने रुप्पन्ति कुप्पन्ति पीळयन्ति घट्टयन्ति, ब्याधिता दोमनस्सिता होन्तीति — एवम्पि रुप्पन्ति रूपेसु ।

जनाति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च । पमत्ताति पमादो वत्तब्बो कायदुच्चरितेन वा वचीदुच्चरितेन वा मनोदुच्चरितेन वा पच्चसु कामगुणेसु चित्तस्स वोसग्गो वोसग्गानुप्पदानं कुसलानं वा धम्मनं भावनाय असक्कच्चकिरियता असातच्चकिरियता अनट्ठितकिरियता ओलीनवुत्तिता निक्खित्तच्छन्दता निक्खित्तधुरता अनासेवना अभावना अबहुलीकम्मं [अबहुलिकम्मं (क०)] अनधिद्धानं अननुयोगो पमादो । यो एवरूपो पमादो पमज्जना पमज्जितत्तं — अयं वुच्चति पमादो । इमिना पमादेन समन्नागता जना पमत्ताति — रुप्पन्ति रूपेसु जना पमत्ता ।

तस्मा तुवं पिङ्गिय अप्पमत्तोति । तस्माति तस्मा तंकारणा तंहेतु तप्पच्चया तंनिदाना एवं आदीनवं सम्पस्समानो रूपेसूति — तस्मा तुवं पिङ्गिय । **अप्पमत्तोति** सक्कच्चकारी सातच्चकारी...पे०... अप्पमादो कुसलेसु धम्मेसूति — तस्मा तुवं पिङ्गिय अप्पमत्तो ।

जहस्सु रूपं अपुनब्भवायाति । रूपन्ति चत्तारो च महाभूता चतुन्नञ्च महाभूतानं उपादाय रूपं । जहस्सु रूपन्ति जहस्सु रूपं, पजहस्सु रूपं, विनोदेहि रूपं, ब्यन्तीकरोहि रूपं, अनभावं गमेहि रूपं । **अपुनब्भवायाति** यथा ते रूपं इधेव निरुज्जेय्य, पुनपटिसन्धिको भवो न निब्बत्तेय्य कामधातुया वा रूपधातुया वा अरूपधातुया वा, कामभवे वा रूपभवे वा अरूपभवे वा, सज्जाभवे वा असज्जाभवे वा नेवसज्जानासज्जाभवे वा, एकवोकारभवे वा चतुवोकारभवे वा

पञ्चवोकारभवे वा, पुन गतिया वा उपपत्तिया वा पटिसन्धिया वा भवे वा संसारे वा वट्टे वा न जनेय्य न सज्जनेय्य न निब्बत्तेय्य नाभिनिब्बत्तेय्य, इधेव निरुज्जेय्य वूपसमेय्य अत्थं गच्छेय्य पटिप्पस्सम्भेय्याति — जहस्सु रूपं अपुनब्भवाय । तेनाह भगवा —

“दिस्वान रूपेसु विहज्जमाने, [पिङ्गियाति भगवा]

रुप्पन्ति रूपेसु जना पमत्ता ।

तस्मा तुवं पिङ्गिय अप्पमत्तो, जहस्सु रूपं अपुनब्भवाया”ति ॥

९१. दिसा चतस्सो विदिसा चतस्सो, उद्धं अधो दस दिसा इमायो ।

न तुहं अदिट्ठं अस्सुतं अमुतं, अथो अविज्जातं किञ्चि नमत्थि लोके ।

आचिक्ख धम्मं यमहं विजज्जं, जातिजराय इध विप्पहानं ॥

दिसा चतस्सो विदिसा चतस्सो, उद्धं अधो दस दिसा इमायोति दस दिसा ।

न तुहं अदिट्ठं अस्सुतं अमुतं, अथो अविज्जातं किञ्चि नमत्थि लोकेति न तुहं अदिट्ठं अस्सुतं अमुतं अविज्जातं किञ्चि अत्तत्थो वा परत्थो वा उभयत्थो वा दिट्ठधम्मिको वा अत्थो सम्परायिको वा अत्थो उत्तानो वा अत्थो गम्भीरो वा अत्थो गूळ्हो वा अत्थो पटिच्छन्नो वा अत्थो नेय्यो वा अत्थो नीतो वा अत्थो अनवज्जो वा अत्थो निक्किलेसो वा अत्थो वोदानो वा अत्थो परमत्थो वा नत्थि न सति न संविज्जति नुपलब्भतीति — न तुहं अदिट्ठं अस्सुतं अमुतं, अथो अविज्जातं किञ्चि नमत्थि लोके ।

आचिक्ख धम्मं यमहं विजज्जन्ति । धम्मन्ति आदिकल्याणं...पे०... निब्बानञ्च निब्बानगामिनिञ्च पटिपदं आचिक्खाहि देसेहि पज्जपेहि पट्टपेहि विवराहि विभजाहि उत्तानीकरोहि पकासेहि । यमहं विजज्जन्ति यमहं जानेय्यं आजानेय्यं विजानेय्यं पटिविजानेय्यं पटिविज्जेय्यं अधिगच्छेय्यं फस्सेय्यं सच्छिकरेय्यन्ति — आचिक्ख धम्मं यमहं विजज्जं ।

जातिजराय इध विप्पहानन्ति इधेव जातिजरामरणस्स पहानं वूपसमं पटिनिस्सगं पटिप्पस्सद्धिं अमतं निब्बानन्ति — जातिजराय इध विप्पहानं । तेनाह सो ब्राह्मणो —

“दिसा चतस्सो विदिसा चतस्सो, उद्धं अधो दस दिसा इमायो ।

न तुहं अदिट्ठं अस्सुतं अमुतं, अथो अविज्जातं किञ्चि नमत्थि लोके ।

आचिक्ख धम्मं यमहं विजज्जं, जातिजराय इध विप्पहानं”न्ति ॥

९२. तण्हाधिपन्ने मनुजे पेक्खमानो, [पिङ्गियाति भगवा]

सन्तापजाते जरसा परेते ।

तस्मा तुवं पिङ्गिय अप्पमत्तो, जहस्सु तण्हं अपुनब्भवाय ॥

तण्हाधिपन्ने मनुजे पेक्खमानोति । तण्हाति रूपतण्हा...पे०... धम्मतण्हा । तण्हाधिपन्नेति तण्हाधिपन्ने [तण्हाय अधिपन्ने (क०)] तण्हानुगे तण्हानुगते तण्हानुसटे तण्हाय पन्ने पटिपन्ने अभिभूते परियादिन्नचित्ते । मनुजेति सत्ताधिवचनं । पेक्खमानोति पेक्खमानो दक्खमानो ओलोकयमानो निज्झायमानो उपपरिक्खमानोति — तण्हाधिपन्ने

मनुजे पेक्खमानो । पिङ्गियाति भगवाति । पिङ्गियाति भगवा तं ब्राह्मणं नामेन आलपति । भगवाति गारवाधिवचनमेतं...पे०... सच्छिका पज्जत्ति, यदिदं भगवाति — पिङ्गियाति भगवा ।

सन्तापजाते जरसा परेतेति । सन्तापजातेति जातिया सन्तापजाते, जराय सन्तापजाते, ब्याधिना सन्तापजाते, मरणेन सन्तापजाते, सोकपरिदेवदुक्खदोमनस्सुपायासेहि सन्तापजाते, नेरयिकेन दुक्खेन सन्तापजाते...पे०... दिट्ठिब्यसनेन दुक्खेन सन्तापजाते ईतिजाते उपद्वजाते उपसग्गजातेति — सन्तापजाते । **जरसा परेतेति** जराय फुट्टे परेते समोहिते समन्नागते । जातिया अनुगते जराय अनुसटे ब्याधिना अभिभूते मरणेन अब्भाहते अताणे अलेणे असरणे असरणीभूतेति — सन्तापजाते जरसा परेते ।

तस्मा तुवं पिङ्गिय अप्पमत्तोति । तस्माति तस्मा तंकारणा तंहेतु तप्पच्चया तंनिदाना एवं आदीनवं सम्पस्समानो तण्हायाति — तस्मा तुवं पिङ्गिय । **अप्पमत्तोति** सक्कच्चकारी...पे०... अप्पमादो कुसलेसु धम्मसूति — तस्मा तुवं पिङ्गिय अप्पमत्तो ।

जहस्सु तण्हं अपुनब्भवायाति । तण्हाति रूपतण्हा...पे०... धम्मतण्हा । **जहस्सु तण्हन्ति** जहस्सु तण्हं पजहस्सु तण्हं विनोदेहि तण्हं ब्यन्तीकरोहि तण्हं अनभावं गमेहि तण्हं । **अपुनब्भवायाति** यथा ते...पे०... पुनपटिसन्धिको भवो न निब्बत्तेय्य कामधातुया वा रूपधातुया वा अरूपधातुया वा, कामभवे वा रूपभवे वा अरूपभवे वा, सज्जाभवे वा असज्जाभवे वा नेवसज्जानासज्जाभवे वा, एकवोकारभवे वा चतुवोकारभवे वा पञ्चवोकारभवे वा, पुनगतिया वा उपपत्तिया वा पटिसन्धिया वा भवे वा संसारे वा वट्टे वा न जनेय्य न सज्जनेय्य न निब्बत्तेय्य नाभिनिब्बत्तेय्य, इधेव निरुज्जेय्य वूपसमेय्य अत्थं गच्छेय्य पटिप्पस्सम्भेय्याति — जहस्सु तण्हं अपुनब्भवाय । तेनाह भगवा —

“तण्हाधिपन्ने मनुजे पेक्खमानो, [पिङ्गियाति भगवा]

सन्तापजाते जरसा परेते ।

तस्मा तुवं पिङ्गिय अप्पमत्तो, जहस्सु तण्हं अपुनब्भवाया”ति ॥

सह गाथापरियोसाना ये ते ब्राह्मणेन सद्धिं एकच्छन्दा एकपयोगा एकाधिप्पाया एकवासनवासिता, तेसं अनेकपाणसहस्सानं विरजं वीतमलं धम्मचक्खुं उदपादि — “यं किञ्चि समुदयधम्मं सब्बं तं निरोधधम्म”न्ति । तस्स च ब्राह्मणस्स विरजं वीतमलं धम्मचक्खुं उदपादि — “यं किञ्चि समुदयधम्मं सब्बं तं निरोधधम्म”न्ति । सह धम्मचक्खुस्स पटिलाभा अजिनजटावाकचीरतिदण्डकमण्डलुकेसा च मस्सू च अन्तरहिता भण्डुकासायवत्थवसनो सङ्घाटिपत्तचीवरधरो अन्वत्थपटिपत्तिया पज्जलिको भगवन्तं नमस्समानो निसिन्नो होति — “सत्था मे भन्ते भगवा, सावकोहमस्मी”ति ।

पिङ्गियमाणवपुच्छानिद्देसो [सिङ्गियपज्जं (क०)] सोळसमो ।

१७. पारायनत्थुतिगाथानिद्देसो

१३. इदमवोच भगवा मगधेसु विहरन्तो पासाणके चेतिये, परिचारकसोळसानं [परिचारितसोळसन्नं (स्या० क०)] ब्राह्मणानं अज्झिट्ठो पुट्ठो पुट्ठो पज्जं ब्याकासि ।

इदमवोच भगवाति इदं पारायनं अवोच । भगवाति गारवाधिवचनमेतं...पे०... सच्छिका पज्जत्ति, यदिदं भगवाति —

इदमवोच भगवा । मगधेसु विहरन्तोति मगधनामके जनपदे विहरन्तो इरियन्तो वत्तेन्तो पालेन्तो यपेन्तो यापेन्तो ।
पासाणके चेतियेति पासाणकचेतियं वुच्चति बुद्धासनन्ति — मगधेसु विहरन्तो पासाणके चेतिये । **परिचारकसोळसानं**
ब्राह्मणानन्ति पिङ्गियो [सिङ्गियो (क०)] ब्राह्मणो बावरिस्स ब्राह्मणस्स पद्धो पद्धचरो परिचारको [परिचारिको (स्या० क०)]
 सिस्सो । पिङ्गियेन [तेन (क०)] ते सोळसाति — एवम्पि परिचारकसोळसानं ब्राह्मणानं । अथ वा, ते सोळस ब्राह्मणा बुद्धस्स
 भगवतो पद्धा पद्धचरा परिचारका सिस्साति — एवम्पि परिचारकसोळसानं ब्राह्मणानं ।

अज्झिटो पुटो पुटो प्हं व्याकासीति । **अज्झिटो**ति अज्झिटो अज्झेसितो । **पुटो पुटो**ति पुटो पुटो पुच्छितो पुच्छितो
 याचितो याचितो अज्झेसितो अज्झेसितो पसादितो पसादितो । **प्हं व्याकासीति** प्हं व्याकासि आचिक्खि देसेसि
 पज्जपेसि पटुपेसि विवरि विभजि उत्तानीआकासि पकासेसीति — अज्झिटो पुटो पुटो प्हं व्याकासि । तेनेतं वुच्चति —

“इदमवोच भगवा मगधेसु विहरन्तो पासाणके चेतिये, परिचारकसोळसानं ब्राह्मणानं अज्झिटो पुटो पुटो
 प्हं व्याकासी”ति ।

१४. एकमेकस्स चेपि प्हस्स अत्थमज्जाय धम्ममज्जाय धम्मानुधम्मं पटिपज्जेय्य, गच्छेय्येव जरामरणस्स
पारं । पारङ्गमनीया इमे धम्माति । तस्मा इमस्स धम्मपरियायस्स “पारायन”न्तेव अधिवचनं ।

एकमेकस्स चेपि प्हस्साति एकमेकस्स चेपि अजितप्हस्स, एकमेकस्स चेपि तिस्समेत्तेय्यप्हस्स, एकमेकस्स
 चेपि पुण्णकप्हस्स, एकमेकस्स चेपि मेत्तगूपप्हस्स, एकमेकस्स चेपि धोतकप्हस्स, एकमेकस्स चेपि उपसीवप्हस्स,
 एकमेकस्स चेपि नन्दकप्हस्स, एकमेकस्स चेपि हेमकप्हस्स, एकमेकस्स चेपि तोदेय्यप्हस्स, एकमेकस्स चेपि
 कप्पप्हस्स, एकमेकस्स चेपि जतुकण्णिप्हस्स, एकमेकस्स चेपि भद्रावुधप्हस्स, एकमेकस्स चेपि उदयप्हस्स,
 एकमेकस्स चेपि पोसालप्हस्स, एकमेकस्स चेपि मोघराजप्हस्स, एकमेकस्स चेपि पिङ्गियप्हस्साति — एकमेकस्स
 चेपि प्हस्स ।

अत्थमज्जाय धम्ममज्जायाति स्वेव प्हो धम्मो, विसज्जनं [विस्सज्जनं (क०)] अत्थोति अत्थं अज्जाय जानित्वा
 तुलयित्वा तीरयित्वा विभावयित्वा विभूतं कत्वाति — अत्थमज्जाय । **धम्ममज्जायाति** धम्मं अज्जाय जानित्वा तुलयित्वा
 तीरयित्वा विभावयित्वा विभूतं कत्वाति — धम्ममज्जायाति — अत्थमज्जाय धम्ममज्जाय । **धम्मानुधम्मं पटिपज्जेय्याति**
 सम्मापटिपदं अनुलोमपटिपदं अपच्चनीकपटिपदं अन्वत्थपटिपदं धम्मानुधम्मपटिपदं पटिपज्जेय्याति — धम्मानुधम्मं
 पटिपज्जेय्य । **गच्छेय्येव जरामरणस्स पारन्ति** जरामरणस्स पारं वुच्चति अमतं निब्बानं । यो सो सब्बसङ्खारसमथो
 सब्बूपधिप्पटिनिस्सग्गो तण्हक्खयो विरागो निरोधो निब्बानं । **गच्छेय्येव जरामरणस्स पारन्ति** जरामरणस्स पारं गच्छेय्य,
 पारं अधिगच्छेय्य, पारं अधिफस्सेय्य, पारं सच्छिकरेय्याति — गच्छेय्येव जरामरणस्स पारं । **पारङ्गमनीया इमे धम्माति**
 इमे धम्मा पारङ्गमनीया । पारं पापेन्ति पारं सम्पापेन्ति पारं समनुपापेन्ति, जरामरणस्स तरणाय [तरणाय (स्या०)]
 संवत्तन्तीति — पारङ्गमनीया इमे धम्माति ।

तस्मा इमस्स धम्मपरियायस्साति । **तस्माति** तस्मा तंकारणा तंहेतु तप्पच्चया तंनिदानाति — तस्मा । **इमस्स**
धम्मपरियायस्साति इमस्स पारायनस्साति — तस्मा इमस्स धम्मपरियायस्स । **पारायनन्तेव अधिवचनन्ति** पारं वुच्चति
 अमतं निब्बानं...पे०... निरोधो निब्बानं । अयनं वुच्चति मग्गो, सेय्यथिदं — सम्मादिट्ठि...पे०... सम्मासमाधि । **अधिवचनन्ति**
 सङ्खा समज्जा पज्जति वोहारो नामं नामकम्मं नामधेय्यं निरुत्ति ब्यज्जनं अभिलापोति — पारायनन्तेव अधिवचनं । तेनेतं

वुच्चति —

“एकमेकस्स चेपि पज्हस्स अत्थमज्जाय धम्ममज्जाय धम्मानुधम्मं पटिपज्जेय्य, गच्छेय्येव जरामरणस्स पारं । पारङ्गमनीया इमे धम्माति । तस्मा इमस्स धम्मपरियायस्स ‘पारायन’न्तेव अधिवचन’न्ति ।

१५. अजितो तिस्समेत्तेय्यो, पुण्णको अथ मेत्तगू ।
धोतको उपसीवो च, नन्दो च अथ हेमको॥

१६. तोदेय्यकप्पा दुभयो, जतुकण्णी च पण्डितो ।
भद्रावुधो उदयो च, पोसालो चापि ब्राह्मणो ।
मोघराजा च मेधावी, पिङ्गियो च महाइसि॥

१७. एते बुद्धं उपागच्छुं, सम्पन्नचरणं इसिं ।
पुच्छन्ता निपुणे पज्हे, बुद्धसेट्ठं उपागमुं॥

एते बुद्धं उपागच्छन्ति । एतेति सोळस पारायनिया ब्राह्मणा । बुद्धोति यो सो भगवा सयम्भू अनाचरियको पुब्बे अननुस्सुतेसु धम्मेसु सामं सच्चानि अभिसम्बुज्झि, तत्थ च सब्बज्जुतं पत्तो बलेसु च वसीभावं । बुद्धोति केनट्टेन बुद्धो? बुज्झिता सच्चानीति बुद्धो, बोधेता पजायाति बुद्धो, सब्बज्जुताय बुद्धो, सब्बदस्साविताय बुद्धो, अभिज्जेय्यताय बुद्धो, विसविताय बुद्धो, खीणासवसङ्घातेन बुद्धो, निरुपलेपसङ्घातेन बुद्धो, एकन्तवीतरागोति बुद्धो, एकन्तवीतदोसोति बुद्धो, एकन्तवीतमोहोति बुद्धो, एकन्तनिक्किलेसोति बुद्धो, एकायनमगं गतोति बुद्धो, एको अनुत्तरं सम्मासम्बोधिं अभिसम्बुद्धोति बुद्धो, अबुद्धिविहतत्ता बुद्धिपटिलाभाति बुद्धो । बुद्धोति नेतं नामं मातरा कतं न पितरा कतं न भातरा कतं न भगिनिया कतं न मित्तामच्चोहि कतं न जातिसालोहितेहि कतं न समणब्राह्मणेहि कतं न देवताहि कतं । विमोक्खन्तिकमेतं बुद्धानं भगवन्तानं बोधिया मूले सह सब्बज्जुतजाणस्स पटिलाभा सच्छिका पज्जति, यदिदं बुद्धोति । एते बुद्धं उपागच्छन्ति एते बुद्धं उपागमिंसु उपसङ्कमिंसु पयिरुपासिंसु परिपुच्छिंसु परिपज्हिंसूति — एते बुद्धं उपागच्छुं ।

सम्पन्नचरणं इसिन्ति चरणं वुच्चति सीलाचारनिब्बति । सीलसंवरोपि चरणं, इन्द्रियसंवरोपि चरणं, भोजने मत्तज्जुतापि चरणं, जागरियानुयोगोपि चरणं, सत्तपि सद्धम्मा चरणं, चत्तारिपि ज्ञानानि चरणं । सम्पन्नचरणन्ति सम्पन्नचरणं सेट्ठचरणं विसेट्ठचरणं [विसिट्ठचरणं (क०)] पामोक्खचरणं उत्तमचरणं पवरचरणं । इसीति इसि भगवा महन्तं सीलक्खन्धं एसी गवेसी परियेसीति इसि... पे०... महेसक्खेहि वा सत्तेहि एसितो गवेसितो परियेसितो — “कहं बुद्धो, कहं भगवा, कहं देवदेवो कहं नरासभो”ति — इसीति — सम्पन्नचरणं इसिं ।

पुच्छन्ता निपुणे पज्हेति । पुच्छन्ताति पुच्छन्ता याचन्ता अज्झेसन्ता पसादेन्ता । निपुणे पज्हेति गम्भीरे दुद्दसे दुरनुबोधे सन्ते पणीते अतक्कावचरे निपुणे पण्डितवेदनीये पज्हेति — पुच्छन्ता निपुणे पज्हे ।

बुद्धसेट्ठं उपागमुन्ति । बुद्धोति यो सो भगवा... पे०... सच्छिका पज्जति, यदिदं बुद्धोति । सेट्ठन्ति अगं सेट्ठं विसेट्ठं पामोक्खं उत्तमं पवरं बुद्धं उपागमुं उपागमिंसु उपसङ्कमिंसु पयिरुपासिंसु परिपुच्छिंसु परिपज्हिंसूति — बुद्धसेट्ठं उपागमुं । तेनेतं वुच्चति —

“एते बुद्धं उपागच्छुं, सम्पन्नचरणं इसिं ।
पुच्छन्ता निपुणे पज्जे, बुद्धसेट्ठं उपागमु”न्ति ॥

**१८. तेसं बुद्धो पब्ब्याकासि, पज्जं पुट्ठो यथातथं ।
पज्जानं वेय्याकरणेन, तोसेसि ब्राह्मणे मुनि ॥**

तेसं बुद्धो पब्ब्याकासीति । तेसन्ति सोळसानं पारायनियानं ब्राह्मणानं । बुद्धोति यो सो भगवा...पे०... सच्छिका पज्जति, यदिदं बुद्धोति । पब्ब्याकासीति तेसं बुद्धो पब्ब्याकासि आचिक्खि देसेसि पज्जपेसि पट्टपेसि विवरि विभजि उत्तानीअकासि पकासेसीति — तेसं बुद्धो पब्ब्याकासि ।

पज्जं पुट्ठो यथातथन्ति । पज्जं पुट्ठोति पज्जं पुट्ठो पुच्छितो याचितो अज्जेसितो पसादितो । यथातथन्ति यथा आचिक्खितब्बं तथा आचिक्खि, यथा देसितब्बं तथा देसेसि, यथा पज्जपेतब्बं तथा पज्जपेसि, यथा पट्टपेतब्बं तथा पट्टपेसि, यथा विवरितब्बं तथा विवरि, यथा विभजितब्बं तथा विभजि, यथा उत्तानीकातब्बं तथा उत्तानीअकासि, यथा पकासितब्बं तथा पकासेसीति — पज्जं पुट्ठो यथातथं ।

पज्जानं वेय्याकरणेनाति पज्जानं वेय्याकरणेन आचिक्खनेन देसनेन पज्जपनेन पट्टपनेन विवरणेन विभजनेन उत्तानीकम्मेन पकासनेनाति — पज्जानं वेय्याकरणेन ।

तोसेसि ब्राह्मणे मुनीति । तोसेसीति तोसेसि वितोसेसि पसादेसि आराधेसि अत्तमने अकासि । ब्राह्मणेति सोळस पारायनिये ब्राह्मणे । मुनीति मोनं वुच्चति जाणं...पे०... सङ्गजालमतिच्च सो मुनीति — तोसेसि ब्राह्मणे मुनि । तेनेतं वुच्चति

—

“तेसं बुद्धो पब्ब्याकासि, पज्जं पुट्ठो यथातथं ।
पज्जानं वेय्याकरणेन, तोसेसि ब्राह्मणे मुनी”ति ॥

**१९. ते तोसिता चक्खुमता, बुद्धेनादिच्चबन्धुना ।
ब्रह्मचरियमचरिंसु, वरपज्जस्स सन्तिके ॥**

ते तोसिता चक्खुमताति । तेति सोळस पारायनिया ब्राह्मणा । तोसिताति तोसिता वितोसिता पसादिता आराधिता अत्तमना कताति — ते तोसिता । चक्खुमताति भगवा पज्जहि चक्खूहि चक्खुमा — मंसचक्खुनापि चक्खुमा, दिब्बचक्खुनापि चक्खुमा, पज्जाचक्खुनापि चक्खुमा, बुद्धचक्खुनापि चक्खुमा, समन्तचक्खुनापि चक्खुमा । कथं भगवा मंसचक्खुनापि चक्खुमा...पे०... एवं भगवा समन्तचक्खुनापि चक्खुमाति — ते तोसिता चक्खुमता ।

बुद्धेनादिच्चबन्धुनाति । बुद्धोति यो सो भगवा...पे०... सच्छिका पज्जति, यदिदं बुद्धोति । आदिच्चबन्धुनाति आदिच्चो वुच्चति सूरियो । सो गोतमो गोत्तेन, भगवापि गोतमो गोत्तेन, भगवा सूरियस्स गोत्तजातको गोत्तबन्धु । तस्मा बुद्धो आदिच्चबन्धूति — बुद्धेनादिच्चबन्धुना ।

ब्रह्मचरियमचरिंसूति ब्रह्मचरियं वुच्चति असद्धम्मसमापत्तिया आरति विरति पटिविरति वेरमणी विरमणं अकिरिया

अकरणं अनज्झापत्ति वेला अनतिक्कमो सेतुघातो । अपि च, निप्परियायवसेन ब्रह्मचरियं वुच्चति अरियो अट्ठङ्गिको मग्गो, सेय्यथिदं — सम्मादिट्ठि, सम्मासङ्कप्पो, सम्मावाचा, सम्माकम्मन्तो, सम्माआजीवो, सम्मावायामो, सम्मासति, सम्मासमाधि । **ब्रह्मचरियमचरिंसूति** ब्रह्मचरियं चरिंसु अचरिंसु समादाय वत्तिंसूति — ब्रह्मचरियमचरिंसु ।

वरपञ्जस्स सन्तिकेति वरपञ्जस्स अग्गपञ्जस्स सेट्ठपञ्जस्स विसेट्ठपञ्जस्स पामोक्खपञ्जस्स उत्तमपञ्जस्स पवरपञ्जस्स । **सन्तिकेति** सन्तिके सामन्ता आसन्ने अविदूरे उपकट्ठेति — वरपञ्जस्स सन्तिके । तेनेतं वुच्चति —

“ते तोसिता चक्खुमता, बुद्धेनादिच्चबन्धुना ।
ब्रह्मचरियमचरिंसु, वरपञ्जस्स सन्तिके”ति ॥

**१००. एकमेकस्स पज्जस्स, यथा बुद्धेन देसितं ।
तथा यो पटिपज्जेय्य, गच्छे पारं अपारतो ॥**

एकमेकस्स पज्जस्साति एकमेकस्स अजितपज्जस्स, एकमेकस्स तिस्समेत्तेय्यपज्जस्स...पे०... एकमेकस्स पिङ्गियपज्जस्साति — एकमेकस्स पज्जस्स ।

यथा बुद्धेन देसितन्ति । बुद्धोति यो सो भगवा सयम्भू...पे०... सच्छिका पज्जति, यदिदं बुद्धोति । **यथा बुद्धेन देसितन्ति** यथा बुद्धेन आचिक्खितं देसितं पज्जपितं पट्ठपितं विवरितं विभजितं **[विभत्तं (स्या०)]** उत्तानीकतं पकासितन्ति — यथा बुद्धेन देसितं ।

तथा यो पटिपज्जेय्याति सम्मापटिपदं अनुलोमपटिपदं अपच्चनीकपटिपदं अन्वत्थपटिपदं धम्मनुधम्मपटिपदं पटिपज्जेय्याति — तथा यो पटिपज्जेय्य ।

गच्छे पारं अपारतोति पारं वुच्चति अमतं निब्बानं...पे०... निरोधो निब्बानं; अपारं वुच्चन्ति किलेसा च खन्धा च अभिसङ्गारा च । **गच्छे पारं अपारतोति** अपारतो पारं गच्छेय्य, पारं अधिगच्छेय्य, पारं फस्सेय्य, पारं सच्छिकरेय्याति — गच्छे पारं अपारतो । तेनेतं वुच्चति —

“एकमेकस्स पज्जस्स, यथा बुद्धेन देसितं ।
तथा यो पटिपज्जेय्य, गच्छे पारं अपारतो”ति ॥

**१०१. अपारा पारं गच्छेय्य, भावेन्तो मग्गमुत्तमं ।
मग्गो सो पारं गमनाय, तस्मा पारायनं इति ॥**

अपारा पारं गच्छेय्याति अपारं वुच्चन्ति किलेसा च खन्धा च अभिसङ्गारा च; पारं वुच्चति अमतं निब्बानं...पे०... तण्हक्खयो विरागो निरोधो निब्बानं । **अपारा पारं गच्छेय्याति** अपारा पारं गच्छेय्य, पारं अधिगच्छेय्य, पारं फस्सेय्य, पारं सच्छिकरेय्याति — अपारा पारं गच्छेय्य ।

भावेन्तो मग्गमुत्तमन्ति मग्गमुत्तमं वुच्चति अरियो अट्ठङ्गिको मग्गो, सेय्यथिदं — सम्मादिट्ठि...पे०... सम्मासमाधि ।

मग्गमुत्तमन्ति मग्गं अग्गं सेट्ठं विसेट्ठं पामोक्खं उत्तमं पवरं । भावेन्तोति भावेन्तो आसेवन्तो बहुलीकरोन्तोति — भावेन्तो मग्गमुत्तमं ।

मग्गो सो पारं गमनायाति —

मग्गो पन्थो पथो पज्जो [अद्धो (क०)], अज्जसं वटुमायनं ।

नावा उत्तरसेतु च, कुल्लो च भिसि सङ्गमो [सङ्गमो (स्या० क०) पस्स-धातुमालायं मग्गधातुवण्णनायं] ॥

पारं गमनायाति पारं गमनाय पारं सम्पापनाय पारं समनुपापनाय जरामरणस्स तरणायाति — मग्गो सो पारं गमनाय ।

तस्मा पारायनं इतीति । तस्माति तस्मा तंकारणा तंहेतु तप्पच्चया तंनिदाना । पारं वुच्चति अमतं निब्बानं...पे०... निरोधो निब्बानं । अयनं वुच्चति मग्गो । इतीति पदसन्धि...पे०... पदानुपुब्बतापेतं इतीति — तस्मा पारायनं इति । तेनेतं वुच्चति —

“अपारा पारं गच्छेय्य, भावेन्तो मग्गमुत्तमं ।

मग्गो सो पारं गमनाय, तस्मा पारायनं इती”ति ॥

पारायनत्थुतिगाथानिद्देसो सत्तरसमो ।

१८. पारायनानुगीतिगाथानिद्देसो

१०२.पारायनमनुगायिस्सं, [इच्चायस्मा पिङ्गियो]

यथाद्वक्खि तथाक्खासि, विमलो भूरिमेधसो ।

निक्कामो निब्बनो नागो, किस्स हेतु मुसा भणे ॥

पारायनमनुगायिस्सन्ति गीतमनुगायिस्सं कथितमनुकथयिस्सं [कथितमनुगायिस्सं (स्या०) एवं सब्बपदेसु अनुगायिस्सन्ति आगतं] भणितमनुभणिस्सं लपितमनुलपिस्सं भासितमनुभासिस्सन्ति — पारायनमनुगायिस्सं । इच्चायस्मा पिङ्गियोति । इच्चाति पदसन्धि...पे०... पदानुपुब्बतापेतं — इच्चाति । आयस्माति पियवचनं गरुवचनं सगारवसप्पतिस्साधिवचनमेतं — आयस्माति । पिङ्गियोति तस्स थेरस्स नामं सङ्घा समज्जा पज्जत्ति वोहारो नामं नामकम्मं नामधेय्यं निरुत्ति ब्यज्जनं अभिलापोति — इच्चायस्मा पिङ्गियो ।

यथाद्वक्खि तथाक्खासीति यथा अद्वक्खि तथा अक्खासि आचिक्खि देसेसि पज्जपेसि पट्टपेसि विवरि विभजि उत्तानीअकासि पकासेसि । “सब्बे सङ्घारा अनिच्चा”ति यथा अद्वक्खि तथा अक्खासि आचिक्खि देसेसि पज्जपेसि पट्टपेसि विवरि विभजि उत्तानीअकासि पकासेसि । “सब्बे सङ्घारा दुक्खा”ति...पे०... “सब्बे धम्मा अनत्ता”ति... “यं किञ्चि समुदयधम्मं सब्बं तं निरोधधम्म”न्ति यथा अद्वक्खि तथा अक्खासि आचिक्खि देसेसि पज्जपेसि पट्टपेसि विवरि विभजि उत्तानीअकासि पकासेसीति — यथाद्वक्खि तथाक्खासि ।

विमलो भूरिमेधसोति । विमलोति रागो मलं, दोसो मलं, मोहो मलं, कोधो... उपनाहो...पे०... सब्बाकुसलाभिसङ्घारा

मला । ते मला बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । अमलो बुद्धो विमलो निम्मलो मलापगतो मलविप्पहीनो मलविमुत्तो सब्बमलवीतिवत्तो । भूरि वुच्चति पथवी । भगवा तां **[भगवा इमां (स्या०)]** पथविसमाय पज्जाय विपुलाय वित्थताय समन्नागतो । मेधा वुच्चति पज्जा । या पज्जा पजानना... पे०... अमोहो धम्मविचयो सम्मादिट्ठि । भगवा इमां मेधाय पज्जाय उपेतो समुपेतो उपागतो समुपागतो उपपन्नो समुपपन्नो समन्नागतो, तस्मा बुद्धो सुमेधसोति — विमलो भूरिमेधसो ।

निक्कामो निब्बनो नागोति । कामाति उद्धानतो द्वे कामा — वत्थुकामा च किलेसकामा च... पे०... इमे वुच्चन्ति वत्थुकामा... पे०... इमे वुच्चन्ति किलेसकामा । बुद्धस्स भगवतो वत्थुकामा परिज्जाता किलेसकामा पहीना वत्थुकामानं परिज्जातत्ता किलेसकामानं पहीनत्ता । भगवा न कामे कामेति न कामे इच्छति न कामे पत्थेति न कामे पिहेति न कामे अभिजप्पति । ये कामे कामेन्ति कामे इच्छन्ति कामे पत्थेन्ति कामे पिहेन्ति कामे अभिजप्पन्ति ते कामकामिनो रागरागिनो सज्जसज्जिनो । भगवा न कामे कामेति न कामे इच्छति न कामे पत्थेति न कामे पिहेति न कामे अभिजप्पति । तस्मा बुद्धो अकामो निक्कामो चत्तकामो वन्तकामो मुत्तकामो पहीनकामो पटिनिस्सट्ठकामो वीतरागो विगतरागो चत्तरागो वन्तरागो मुत्तरागो पहीनरागो पटिनिस्सट्ठरागो निच्छातो निब्बुतो सीतिभूतो सुखप्पटिसंवेदी ब्रह्मभूतेन अत्तना विहरतीति — निक्कामो ।

निब्बनोति रागो वनं, दोसो वनं, मोहो वनं, कोधो वनं, उपनाहो वनं... पे०... सब्बाकुसलाभिसङ्खारा वना । ते वना बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो अवनो विवनो निब्बनो वनापगतो वनविप्पहीनो वनविमुत्तो सब्बवनवीतिवत्तोति — निब्बनो । **नागोति** नागो; भगवा आगुं न करोतीति नागो, न गच्छतीति नागो, न आगच्छतीति नागो... पे०... एवं भगवा न आगच्छतीति नागोति — निक्कामो निब्बनो नागो ।

किस्स हेतु मुसा भणेति । किस्स हेतूति किस्स हेतु किंहेतु किंकारणा किंनिदाना किंपच्चयाति — किस्स हेतु । **मुसा भणेति** मुसा भण्येय्य कथेय्य दीपेय्य वोहरेय्य; **मुसा भणेति** मोसवज्जं भण्येय्य, मुसावादं भण्येय्य, अनरियवादं भण्येय्य । इधेकच्चो सभागतो **[सभगगतो (स्या०)]** वा परिसागतो **[परिसगगतो (स्या०)]** वा जातिमज्झगतो वा पूगमज्झगतो वा राजकुलमज्झगतो वा अभिनीतो सक्खिपुट्ठो — “एहम्भो **[एहि भो (स्या०) पस्स मं नि० ३.११२]** पुरिस, यं जानासि तं वदेही”ति, सो अजानं वा आह — “जानामी”ति, जानं वा आह — “न जानामी”ति, अपस्सं वा आह — “पस्सामी”ति, पस्सं वा आह — “न पस्सामी”ति । इति अत्तहेतु वा परहेतु वा आमिसकिञ्चिक्खहेतु वा सम्पजानमुसा भासति, इदं वुच्चति मोसवज्जं ।

अपि च, तीहाकारेहि मुसावादो होति । पुब्बेवस्स होति — “मुसा भणिस्स”न्ति, भणन्तस्स होति — “मुसा भणामी”ति, भणितस्स होति — “मुसा मया भणित”न्ति — इमेहि तीहाकारेहि मुसावादो होति । अपि च, चतूहाकारेहि मुसावादो होति । पुब्बेवस्स होति — “मुसा भणिस्स”न्ति, भणन्तस्स होति — “मुसा भणामी”ति, भणितस्स होति — “मुसा मया भणित”न्ति, विनिधाय दिट्ठिं — इमेहि चतूहाकारेहि मुसावादो होति । अपि च, पञ्चहाकारेहि... पे०... छहाकारेहि... सत्तहाकारेहि... अट्ठहाकारेहि मुसावादो होति । पुब्बेवस्स होति — “मुसा भणिस्स”न्ति, भणन्तस्स होति — “मुसा भणामी”ति, भणितस्स होति — “मुसा मया भणित”न्ति, विनिधाय दिट्ठिं, विनिधाय खन्तिं, विनिधाय रुचिं, विनिधाय सज्जं, विनिधाय भावं — इमेहि अट्ठहाकारेहि मुसावादो होति मोसवज्जं । किस्स हेतु मुसा भण्येय्य कथेय्य दीपेय्य वोहरेय्याति — किस्स हेतु मुसा भणे । तेनाह थरो पिङ्गियो —

“पारायनमनुगायिस्सं, [इच्चायस्मा पिङ्गियो]
यथादक्खि तथाक्खासि, विमलो भूरिमेधसो ।
निक्कामो निब्बनो नागो, किस्स हेतु मुसा भणे”ति ॥

१०३.पहीनमलमोहस्स, मानमक्खप्पहायिनो । हन्दाहं कित्तयिस्सामि, गिरं वण्णूपसंहितं ॥

पहीनमलमोहस्साति । मलन्ति रागो मलं, दोसो मलं, मोहो मलं, मानो मलं, दिट्ठि मलं, किलेसो मलं, सब्बदुच्चरितं मलं, सब्बभवगामिकम्मं मलं ।

मोहोति यं दुक्खे अज्जाणं...पे०... अविज्जालङ्गी मोहो अकुसलमूलं । अयं वुच्चति मोहो । मलज्च मोहो च बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो पहीनमलमोहोति — पहीनमलमोहस्स ।

मानमक्खप्पहायिनोति । मानोति एकविधेन मानो — या चित्तस्स उन्नति [उण्णति (स्या० क०)] । दुविधेन मानो — अत्तुक्कंसनमानो, परवम्भनमानो । तिविधेन मानो — सेय्योहमस्मीति मानो, सदिसोहमस्मीति मानो, हीनोहमस्मीति मानो । चतुर्विधेन मानो — लाभेन मानं जनेति, यसेन मानं जनेति, पसंसाय मानं जनेति, सुखेन मानं जनेति । पञ्चविधेन मानो — लाभिमहि मनापिकानं रूपानन्ति मानं जनेति, लाभिमहि मनापिकानं सद्धानं...पे०... गन्धानं... रसानं... फोट्टब्बानन्ति मानं जनेति । छब्बिधेन मानो — चक्खुसम्पदाय मानं जनेति, सोतसम्पदाय...पे०... घानसम्पदाय... जिक्कासम्पदाय... कायसम्पदाय... मनोसम्पदाय मानं जनेति । सत्तविधेन मानो — मानो, अतिमानो, मानातिमानो, ओमानो, अवमानो, अस्मिमानो, मिच्छामानो । अट्ठविधेन मानो — लाभेन मानं जनेति, अलाभेन ओमानं जनेति, यसेन मानं जनेति, अयसेन ओमानं जनेति, पसंसाय मानं जनेति, निन्दाय ओमानं जनेति, सुखेन मानं जनेति, दुक्खेन ओमानं जनेति । नवविधेन मानो — सेय्यस्स सेय्योहमस्मीति मानो, सेय्यस्स सदिसोहमस्मीति मानो, सेय्यस्स हीनोहमस्मीति मानो, सदिसस्स सेय्योहमस्मीति मानो, सदिसस्स सदिसोहमस्मीति मानो, सदिसस्स हीनोहमस्मीति मानो, हीनस्स सेय्योहमस्मीति मानो, हीनस्स सदिसोहमस्मीति मानो, हीनस्स हीनोहमस्मीति मानो । दसविधेन मानो — इधेक्क्यो मानं जनेति जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्जेनेन वा कम्मायतनेन वा सिप्पायतनेन वा विज्जाट्टानेन [विज्जाट्टानेन (क०)] वा सुतेन वा पटिभानेन वा अज्जतरज्जतरेन वा वत्थुना । यो एवरूपो मानो मज्जना मज्जितत्तं उन्नति उन्नमो धजो सम्पग्गाहो केतुकम्यता चित्तस्स — अयं वुच्चति मानो ।

मक्खोति यो मक्खो मक्खायना मक्खायितत्तं निट्ठुरियं निट्ठुरियकम्मं [नित्थुरियकम्मं (क०) पस्स विभ० ८९२] — अयं वुच्चति मक्खो । बुद्धस्स भगवतो मानो च मक्खो च पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो मानमक्खप्पहायीति — मानमक्खप्पहायिनो ।

हन्दाहं कित्तयिस्सामि गिरं वण्णूपसंहितन्ति । हन्दाहन्ति पदसन्धि पदसंसग्गो पदपारिपूरी अक्खरसमवायो ब्यज्जनसिलिड्डता पदानुपुब्बतापेतं — हन्दाहन्ति । कित्तयिस्सामि गिरं वण्णूपसंहितन्ति वण्णेन उपेतं समुपेतं उपागतं समुपागतं उपपन्नं समुपपन्नं समन्नागतं वाचं गिरं ब्यप्पथं उदीरणं [ओदीरणं (स्या०)] कित्तयिस्सामि देसेस्सामि पज्जपेस्सामि पट्टपेस्सामि विवरिस्सामि विभजिस्सामि उत्तानीकरिस्सामि पकासेस्सामीति — हन्दाहं कित्तयिस्सामि गिरं

वण्णूपसंहितं । तेनाह थेरो पिङ्गियो —

“पहीनमलमोहस्स, मानमक्खप्पहायिनो ।
हन्दाहं कित्तयिस्सामि, गिरं वण्णूपसंहितं”न्ति ॥

**१०४ तमोनुदो बुद्धो समन्तचक्खु, लोकन्तगू सब्बभवातिवत्तो ।
अनासवो सब्बदुक्खप्पहीनो, सच्चक्खयो ब्रह्मे उपासितो मे ॥**

तमोनुदो बुद्धो समन्तचक्खूति । तमोनुदोति रागतमं दोसतमं मोहतमं मानतमं दिट्ठितमं किलेसतमं दुच्चरिततमं अन्धकरणं अज्जाणकरणं पज्जानिरोधिकं विधातपक्खिकं अनिब्बानसंवत्तनिकं नुदि पनुदि पजहि विनोदेसि ब्यन्तीअकासि अनभावं गमेसि । बुद्धोति यो सो भगवा...पे०... सच्छिका पज्जति; यदिदं बुद्धोति । समन्तचक्खु वुच्चति सब्बज्जुतजाणं...पे०... तथागतो तेन समन्तचक्खूति — तमोनुदो बुद्धो समन्तचक्खु ।

लोकन्तगू सब्बभवातिवत्तोति । लोकोति एको लोको — भवलोको । द्वे लोका — भवलोको च सम्भवलोको च; सम्पत्तिभवलोको च सम्पत्तिसम्भवलोको च; विपत्तिभवलोको च विपत्तिसम्भवलोको च [द्वे लोका सम्पत्ति च भवलोको विपत्ति च भवलोको (स्या०)] । तयो लोका — तिस्सो वेदना । चत्तारो लोका — चत्तारो आहारा । पञ्च लोका — पञ्चुपादानक्खन्धा । छ लोका — छ अज्झत्तिकानि आयतनानि । सत्त लोका — सत्तविज्जाणट्ठितियो । अट्ठ लोका — अट्ठ लोकधम्मा । नव लोका — नव सत्तावासा । दस लोका — दस आयतनानि । द्वादस लोका — द्वादसायतनानि । अट्ठारस लोका — अट्ठारस धातुयो । लोकन्तगूति भगवा लोकस्स अन्तगतो अन्तप्पत्तो कोटिगतो कोटिप्पत्तो... निब्बानगतो निब्बानप्पत्तो । सो वुत्थवासो चिण्णचरणो... जातिमरणसंसारो नत्थि तस्स पुनब्भवोति — लोकन्तगू ।

सब्बभवातिवत्तोति । भवाति द्वे भवा — कम्मभवो च पटिसन्धिको च पुनब्भवो । कतमो कम्मभवो? पुज्जाभिसङ्गारो अपुज्जाभिसङ्गारो आनेज्जाभिसङ्गारो — अयं कम्मभवो । कतमो पटिसन्धिको पुनब्भवो? पटिसन्धिका रूपा वेदना सज्जा सङ्गारा विज्जाणं — अयं पटिसन्धिको पुनब्भवो । भगवा कम्मभवञ्च पटिसन्धिकञ्च पुनब्भवं अतिवत्तो [उपातिवत्तो (क०)] अतिक्कन्तो वीतिवत्तोति — लोकन्तगू सब्बभवातिवत्तो ।

अनासवो सब्बदुक्खप्पहीनोति । अनासवोति चत्तारो आसवा — कामासवो, भवासवो, दिट्ठासवो, अविज्जासवो । ते आसवा बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो अनासवो । सब्बदुक्खप्पहीनोति सब्बं तस्स पटिसन्धिकं जातिदुक्खं जरादुक्खं ब्याधिदुक्खं मरणदुक्खं सोकपरिदेवदुक्खदोमनस्सुपायासदुक्खं ...पे०... दिट्ठिब्यसनदुक्खं पहीनं समुच्छिन्नं वूपसन्तं पटिप्पस्सद्धं अभब्बुप्पत्तिकं जाणगिना दट्ठं । तस्मा बुद्धो सब्बदुक्खप्पहीनोति — अनासवो सब्बदुक्खप्पहीनो ।

सच्चक्खयो ब्रह्मे उपासितो मेति । सच्चक्खयोति सच्चक्खयो सदिसनामो सदिसक्खयो सच्चसदिसक्खयो । विपस्सी भगवा, सिखी भगवा, वेस्सभू भगवा, ककुसन्धो भगवा, कोणागमनो भगवा, कस्सपो भगवा । ते बुद्धा भगवन्तो सदिसनामा सदिसक्खया । भगवापि सक्कमुनि तेसं बुद्धानं भगवन्तानं सदिसनामो सदिसक्खयोति — तस्मा बुद्धो सच्चक्खयो ।

ब्रह्मे उपासितो मेति सो मया भगवा आसितो उपासितो पयिरुपासितो परिपुच्छितो परिपज्झितोति — सच्चक्खयो ब्रह्मे उपासितो मे । तेनाह थेरो पिङ्गियो —

“तमोनुदो बुद्धो समन्तचक्खु, लोकन्तगू सब्भवातिवत्तो ।
अनासवो सब्भदुक्खप्पहीनो, सच्चक्खयो ब्रह्मे उपासितो मे”ति ॥

१०५.दिजो यथा कुब्बनकं पहाय, बहुप्फलं काननमावसेय्य ।

एवमहं अप्पदस्से पहाय, महोदधिं हंसोरिव अज्झपत्तो [अज्ज पत्तो (क०)] ॥

दिजो यथा कुब्बनकं पहाय, बहुप्फलं काननमावसेय्याति । दिजो वुच्चति पक्खी । किंकारणा दिजो वुच्चति पक्खी? द्विक्खत्तुं जायतीति दिजो, मातुकुच्छिम्हा च अण्डकोसम्हा च । तंकारणा दिजो वुच्चति पक्खीति — दिजो । यथा कुब्बनकं पहायाति यथा दिजो कुब्बनकं परित्तवनकं अप्पफलं अप्पभक्खं अप्पोदकं पहाय जहित्वा अतिक्कमित्वा समतिक्कमित्वा वीतिवत्तेत्वा अज्जं बहुप्फलं बहुभक्खं बहूदकं [बहुरुक्खं (स्या०)] महन्तं काननं वनसण्डं अधिगच्छेय्य विन्देय्य पटिलभेय्य, तस्मिञ्च वनसण्डे वासं कप्पेय्याति — दिजो यथा कुब्बनकं पहाय बहुप्फलं काननं आवसेय्य ।

एवमहं अप्पदस्से पहाय, महोदधिं हंसोरिव अज्झपत्तोति । एवन्ति ओपम्मसम्पटिपादनं । अप्पदस्से पहायाति यो च बावरी ब्राह्मणो ये चज्जे तस्स आचरिया बुद्धं भगवन्तं उपादाय अप्पदस्सा परित्तदस्सा थोकदस्सा ओमकदस्सा लामकदस्सा छतुक्कदस्सा [जतुक्कदस्सा (स्या०), जतुकदस्सा (सी० अट्ट०)] वा । ते अप्पदस्से परित्तदस्से थोकदस्से ओमकदस्से लामकदस्से छतुक्कदस्से पहाय पजहित्वा अतिक्कमित्वा समतिक्कमित्वा वीतिवत्तेत्वा बुद्धं भगवन्तं अप्पमाणदस्सं अगगदस्सं सेट्ठदस्सं विसेट्ठदस्सं पामोक्खदस्सं उत्तमदस्सं पवरदस्सं असमं असमसमं अप्पटिसमं अप्पटिभागं अप्पटिपुगलं देवातिदेवं नरासभं पुरिससीहं पुरिसनागं पुरिसाजज्जं पुरिसनिसभं पुरिसधोरहं दसबलधारिं [दसबलं तादिं (स्या०)] अधिगच्छिं विन्दिं पटिलभिं । यथा च हंसो महन्तं मानसकं [मानुसकतं (स्या०)] वा सरं अनोतत्तं वा दहं महासमुद्धं वा अक्खोभं अमितोदकं जलरासिं अधिगच्छेय्य विन्देय्य पटिलभेय्य, एवमेव बुद्धं भगवन्तं अक्खोभं अमिततेजं पभिन्नजाणं विवटचक्खुं पज्जापभेदकुसलं अधिगतपटिसम्भिदं चतुवेसारज्जप्पत्तं सुद्धाधिमुत्तं सेतपच्चत्तं अद्वयभाणिं तादिं तथापटिज्जं अपरित्तं महन्तं गम्भीरं अप्पमेय्यं दुप्परियोगाहं पहूतरतनं सागरसमं छळङ्गुपेक्खाय समन्नागतं अतुलं विपुलं अप्पमेय्यं, तं तादिसं पवदतं मग्गवादिनं [पवरमग्गवादिनं (क०)] मेरुमिव नगानं गरुळमिव दिजानं सीहमिव मिगानं उदधिमिव अण्णवानं अधिगच्छिं, तं सत्थारं जिनपवरं महेसिन्ति — एवमहं अप्पदस्से पहाय महोदधिं हंसोरिव अज्झपत्तो । तेनाह थेरो पिङ्गियो —

“दिजो यथा कुब्बनकं पहाय, बहुप्फलं काननमावसेय्य ।
एवमहं अप्पदस्से पहाय, महोदधिं हंसोरिव अज्झपत्तो”ति ॥

१०६.ये मे पुब्बे वियाकंसु,

हरं गोतमसासना ‘इच्चासि इति भविस्सति’ ।

सब्बं तं इतिहीतिहं, सब्बं तं तक्कवड्ढनं ॥

ये मे पुब्बे वियाकंसूति । येति यो च बावरी ब्राह्मणो ये चज्जे तस्स आचरिया, ते सकं दिट्ठिं सकं खन्तिं सकं रुचिं सकं लद्धिं सकं अज्झासयं सकं अधिप्पायं ब्याकंसु आचिक्खिंसु देसयिंसु पज्जपिंसु पट्ठपिंसु विवरिंसु विभजिंसु उत्तानीअकंसु पकासेसुन्ति — ये मे पुब्बे वियाकंसु ।

हुरं गोतमसासनाति हुरं गोतमसासना, परं गोतमसासना, पुरे गोतमसासना, पठमतरं गोतमसासना बुद्धसासना जिनसासना तथागतसासना [तथागतसासना देवसासना (स्या० क०)] अरहन्तसासनाति — हुरं गोतमसासना ।

इच्चासि इति भविस्सतीति एवं किर आसि, एवं किर भविस्सतीति — इच्चासि इति भविस्सति ।

सब्बं तं इतिहीतिहन्ति सब्बं तं इतिहीतिहं इतिकिराय परम्पराय पिटकसम्पदाय तक्कहेतु नयहेतु आकारपरिवितक्केन दिट्ठिनिज्झानक्खन्तिया न सामं सयमभिज्जातं न अत्तपच्चक्खं धम्मं यं कथयिंसूति — सब्बं तं इतिहीतिहं ।

सब्बं तं तक्कवड्डनन्ति सब्बं तं तक्कवड्डनं वितक्कवड्डनं सङ्कप्पवड्डनं कामवितक्कवड्डनं ब्यापादवितक्कवड्डनं विहिंसावितक्कवड्डनं जातिवितक्कवड्डनं जनपदवितक्कवड्डनं अमरावितक्कवड्डनं परानुदयतापटिसंयुत्तवितक्कवड्डनं लाभसक्कारसिलोकपटिसंयुत्तवितक्कवड्डनं अनवज्जत्तिपटिसंयुत्तवितक्कवड्डनन्ति — सब्बं तं तक्कवड्डनं । तेनाह थेरो पिङ्गियो —

“ये मे पुब्बे वियाकंसु, हुरं गोतमसासना ।

‘इच्चासि इति भविस्स’ति ।

सब्बं तं इतिहीतिहं, सब्बं तं तक्कवड्डनं’न्ति ॥

१०७.एको तमोनुदासीनो, जुतिमा सो पभङ्करो ।

गोतमो भूरिपज्जाणो, गोतमो भूरिमेधसो ॥

एको तमोनुदासीनोति । एकोति भगवा पब्बज्जसङ्घातेन एको, अदुतियट्ठेन एको, तण्हाय पहानट्ठेन एको, एकन्तवीतरागोति एको, एकन्तवीतदोसोति एको, एकन्तवीतमोहोति एको, एकन्तनिक्किलेसोति एको, एकायनमगं गतोति एको, एको अनुत्तरं सम्मासम्बोधिं अभिसम्बुद्धोति एको ।

कथं भगवा पब्बज्जसङ्घातेन एको? भगवा दहरोव समानो सुसु काळकेसो भद्रेन योब्बनेन समन्नागतो पठमेन वयसा अकामकानं मातापितृनं अस्सुमुखानं रोदन्तानं विलपन्तानं जातिसङ्गं सब्बं घरावासपलिबोधं छिन्दित्वा पुत्तदारपलिबोधं छिन्दित्वा जातिपलिबोधं छिन्दित्वा मित्तामच्चपलिबोधं छिन्दित्वा केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजित्वा अकिञ्चनभावं उपगन्त्वा एको चरति विहरति इरियति वत्तेति पालेति यपेति यापेति । एवं भगवा पब्बज्जसङ्घातेन एको ।

कथं भगवा अदुतियट्ठेन एको? एवं पब्बजितो समानो एको अरज्जवनपत्थानि पन्तानि सेनासनानि पटिसेवति अप्पसद्धानि अप्पनिग्घोसानि विजनवातानि मनुस्सराहस्सेय्यकानि [मनुस्सराहस्सेय्यकानि (स्या० क०)] पटिसल्लानसारुप्पानि [पटिसल्लानसारुप्पानि (क०)] । सो एको गच्छति, एको तिट्ठति, एको निसीदति, एको सेय्यं कप्पेति, एको गामं पिण्डाय पविसति, एको अभिक्कमति, एको पटिक्कमति, एको र्हो निसीदति, एको चङ्कमं अधिट्ठाति, एको चरति विहरति इरियति वत्तेति पालेति यपेति यापेति । एवं भगवा अदुतियट्ठेन एको ।

कथं भगवा तण्हाय पहानट्ठेन एको? सो एवं एको अदुतियो अप्पमत्तो आतापी पहितत्तो विहरन्तो नज्जा नेरज्जराय

तीरे बोधिरुक्खमूले महापधानं पदहन्तो मारं ससेनं कण्हं नमुचिं पमत्तबन्धुं विधमित्वा तण्हाजालिनिं [तण्हं जालिनिं (स्या०)] विसटं [सरितं (स्या०) महानि० १९१] विसत्तिकं पजहि विनोदेसि ब्यन्तीअकासि अनभावं गमेसि ।

“तण्हादुतियो पुरिसो, दीघमद्धान संसरं ।
इत्थभावज्जथाभावं, संसारं नातिवत्तति ॥

“एतमादीनवं [एवमादीनवं (क०) पस्स इतिवु० १५] जत्वा, तण्हं [तण्हा (स्या० क०) महानि० १९१] दुक्खस्स सम्भवं ।
वीततण्हो अनादानो, सतो भिक्खु परिब्बजे”ति ॥

एवं भगवा तण्हाय प्हानट्ठेन एको ।

कथं भगवा एकन्तवीतरागोति एको? रागस्स पहीनत्ता एकन्तवीतरागोति एको, दोसस्स पहीनत्ता एकन्तवीतदोसोति एको, मोहस्स पहीनत्ता एकन्तवीतमोहोति एको, किलेसानं पहीनत्ता एकन्तनिक्किलेसोति एको ।

कथं भगवा एकायनमगं गतोति एको? एकायनमगो वुच्चति चत्तारो सतिपट्ठाना...पे०... अरियो अट्ठङ्गिको मग्गो ।

“एकायनं जातिखयन्तदस्सी, मगं पजानाति हितानुकम्पी ।
एतेन मग्गेन तरिंसु [अतरिंसु (क०) पस्स सं० नि० ५.४०९; महानि० १९१] पुब्बे, तरिस्सन्ति ये च तरन्ति ओघ”न्ति ॥

एवं भगवा एकायनमगं गतोति एको ।

कथं भगवा एको अनुत्तरं सम्मासम्बोधिं अभिसम्बुद्धोति एको । बोधि वुच्चति चतूसु मग्गेषु जाणं पज्जा पज्जिन्द्रियं पज्जाबलं धम्मविचयसम्बोज्झङ्गो वीमंसा विपस्सना सम्मादिट्ठि । भगवा तेन बोधिजाणेन “सब्बे सङ्खारा अनिच्चा”ति बुज्झि, “सब्बे सङ्खारा दुक्खा”ति बुज्झि, “सब्बे धम्मा अनत्ता”ति बुज्झि...पे०... “यं किञ्चि समुदयधम्मं सब्बं तं निरोधधम्म”न्ति बुज्झि । अथ वा, यं बुज्झितब्बं अनुबुज्झितब्बं पटिबुज्झितब्बं सम्बुज्झितब्बं अधिगन्तब्बं फस्सितब्बं सच्छिकातब्बं सब्बं तं तेन बोधिजाणेन बुज्झि अनुबुज्झि पटिबुज्झि सम्बुज्झि अधिगच्छि फस्सेसि सच्छाकासि । एवं भगवा एको अनुत्तरं सम्मासम्बोधिं अभिसम्बुद्धोति एको ।

तमोनुदोति भगवा रागतमं दोसतमं मोहतमं दिट्ठितमं किलेसतमं दुच्चरिततमं अन्धकरणं अचक्खुकरणं अज्जाणकरणं पज्जानिरोधिकं विघातपक्खिकं अनिब्बानसंवत्तनिकं नुदि पनुदि पजहि विनोदेसि ब्यन्तीअकासि अनभावं गमेसि । आसीनोति निसिन्नो भगवा पासाणके चेतियेति — आसीनो [आसिनो (क०)] ।

नगस्स पस्से आसीनं, मुनिं दुक्खस्स पारगुं ।
सावका पयिरुपासन्ति, तेविज्जा मच्चुहायिनोति ॥

एवम्पि भगवा आसीनो...पे०... अथ वा, भगवा सब्बोस्सुक्कपटिप्पस्सद्धत्ता आसीनो सो वुत्थवासो चिण्णचरणो...

पे०... जातिमरणसंसारो नत्थि तस्स पुनब्भवोति, एवम्पि भगवा आसीनोति — एको तमोनुदासीनो ।

जुतिमा सो पभङ्करोति । जुतिमाति जुतिमा मतिमा पण्डितो पज्जवा बुद्धिमा जाणी विभावी मेधावी । पभङ्करोति पभङ्करो आलोककरो ओभासकरो दीपङ्करो पदीपकरो उज्जोतकरो पज्जोतकरोति — जुतिमा सो पभङ्करो ।

गोतमो भूरिपज्जाणोति गोतमो भूरिपज्जाणो जाणपज्जाणो पज्जाधजो पज्जाकेतु पज्जाधिपतेय्यो विचयबहुलो पविचयबहुलो ओक्खायनबहुलो समोक्खायनधम्मो विभूतविहारी तच्चरितो तब्बहुलो तग्गरुको तन्निन्नो तप्पोणो तप्पभारो तदधिमुत्तो तदधिपतेय्यो ।

धजो रथस्स पज्जाणं, धूमो [धूमो (स्या०)] पज्जाणमग्गिनो ।

राजा रट्ठस्स पज्जाणं, भत्ता पज्जाणमित्थियाति ॥

एवमेव गोतमो भूरिपज्जाणो जाणपज्जाणो पज्जाधजो पज्जाकेतु पज्जाधिपतेय्यो विचयबहुलो पविचयबहुलो ओक्खायनबहुलो समोक्खायनधम्मो विभूतविहारी तच्चरितो तब्बहुलो तग्गरुको तन्निन्नो तप्पोणो तप्पभारो तदधिमुत्तो तदधिपतेय्योति — गोतमो भूरिपज्जाणो ।

गोतमो भूरिमेधसोति भूरि वुच्चति पथवी । भगवा ताय पथविसमाय पज्जाय विपुलाय वित्थताय समन्नागतो । मेधा वुच्चति पज्जा । या पज्जा पजानना...पे०... अमोहो धम्मविचयो सम्मादिट्ठि । भगवा इमाय मेधाय उपेतो समुपेतो उपागतो समुपागतो उपपन्नो समुपपन्नो समन्नागतो, तस्मा बुद्धो सुमेधसोति [भूरिमेधसोति (स्या०) एवमुपरिपि] — गोतमो भूरिमेधसो । तेनाह थेरो पिङ्गियो —

“एको तमोनुदासीनो, जुतिमा सो पभङ्करो ।

गोतमो भूरिपज्जाणो, गोतमो भूरिमेधसो’ति ॥

१०८.यो मे धम्ममदेसेसि, सन्दिट्ठिकमकालिकं ।

तण्हक्खयमनीतिकं, यस्स नत्थि उपमा क्वचि ॥

यो मे धम्ममदेसेसीति । योति यो सो भगवा सयम्भू अनाचरियको पुब्बे अननुस्सुतेसु धम्मेषु सामं सच्चानि अभिसम्बुज्झि, तत्थ च सब्बज्जुतं पत्तो बलेसु च वसीभावं । **धम्ममदेसेसीति । धम्मन्ति** आदिकल्याणं मज्जेकल्याणं परियोसानकल्याणं सात्थं सब्बज्जनं केवलपरिपुण्णं परिसुद्धं ब्रह्मचरियं, चत्तारो सतिपट्टाने...पे०... अरियं अट्ठङ्गिकं मगं निब्बानञ्च निब्बानगामिनिञ्च पटिपदं आचिक्खि देसेसि पज्जपेसि पट्टपेसि विवरि विभजि उत्तानीअकासि पकासेसीति — यो मे धम्ममदेसेसि ।

सन्दिट्ठिकमकालिकन्ति सन्दिट्ठिकं अकालिकं एहिपस्सिकं ओपनेय्यिकं पच्चत्तं वेदितब्बं विज्जूहीति — एवं सन्दिट्ठिकं । अथ वा, यो दिट्ठेव धम्मे अरियं अट्ठङ्गिकं मगं भावेति, तस्स मग्गस्स अनन्तरा समनन्तरा अधिगच्छतेव फलं विन्दति पटिलभतीति, एवम्पि सन्दिट्ठिकं । **अकालिकन्ति** यथा मनुस्सा कालिकं धनं दत्त्वा अनन्तरा न लभन्ति कालं आगमेन्ति, नेवायं धम्मो । यो दिट्ठेव धम्मे अरियं अट्ठङ्गिकं मगं भावेति, तस्स मग्गस्स अनन्तरा समनन्तरा अधिगच्छतेव फलं विन्दति पटिलभति, न परत्थ न परलोके, एवं अकालिकन्ति — सन्दिट्ठिकमकालिकं ।

तण्हक्खयमनीतिकन्ति । तण्हाति रूपतण्हा...पे०... धम्मतण्हा । तण्हक्खयन्ति तण्हक्खयं रागक्खयं दोसक्खयं मोहक्खयं गतिकक्खयं उपपत्तिकक्खयं पटिसन्धिकक्खयं भवक्खयं संसारक्खयं वट्ठक्खयं । अनीतिकन्ति ईति वुच्चन्ति किलेसा च खन्धा च अभिसङ्खारा च । ईतिप्पहानं ईतिवूपसमं ईतिपटिनिस्सगं ईतिपटिप्पस्सद्धिं अमतं निब्बानन्ति — तण्हक्खयमनीतिकं ।

यस्स नत्थि उपमा क्वचीति । यस्साति निब्बानस्स । नत्थि उपमाति उपमा नत्थि, उपनिधा नत्थि, सदिसं नत्थि, पटिभागो नत्थि न सति न संविज्जति नुपलब्धति । क्वचीति क्वचि किम्हिचि कत्थचि अज्झत्तं वा बहिद्धा वा अज्झत्तबहिद्धा वाति — यस्स नत्थि उपमा क्वचि । तेनाह थेरो पिङ्गियो —

“यो मे धम्ममदेसेसि, सन्दिट्टिकमकालिकं ।
तण्हक्खयमनीतिकं, यस्स नत्थि उपमा क्वची”ति ॥

१०९. किं नु तम्हा विप्पवसि, मुहुत्तमपि पिङ्गिय ।
गोतमा भूरिपज्जाणा, गोतमा भूरिमेधसा ॥

किं नु तम्हा विप्पवसीति किं नु बुद्धम्हा विप्पवसि अपेसि अपगच्छि [अपगच्छसि (स्या० क०)] विना होसीति — किं नु तम्हा विप्पवसि ।

मुहुत्तमपि पिङ्गियाति मुहुत्तम्पि खणम्पि लयम्पि वयम्पि अद्धम्पीति — मुहुत्तमपि । पिङ्गियाति बावरी तं नत्तारं नामेन आलपति ।

गोतमा भूरिपज्जाणाति गोतमा भूरिपज्जाणा जाणपज्जाणा पज्जाधजा पज्जाकेतुम्हा पज्जाधिपतेय्यम्हा विचयबहुला पविचयबहुला ओक्खायनबहुला समोक्खायनधम्मा विभूतविहारिम्हा तच्चरिता तब्बहुला तगुरुका तन्निन्ना तप्पोणा तप्पभारा तदधिमुत्ता तदधिपतेय्यम्हाति — गोतमा भूरिपज्जाणा ।

गोतमा भूरिमेधसाति भूरि वुच्चति पथवी । भगवा ताय पथविसमाय पज्जाय विपुलाय वित्थताय समन्नागतो । मेधा वुच्चति पज्जा । या पज्जा पजानना...पे०... अमोहो धम्मविचयो सम्मादिट्ठि । भगवा इमाय मेधाय पज्जाय उपेतो समुपेतो उपागतो समुपागतो उपपन्नो समुपपन्नो समन्नागतो, तस्मा बुद्धो सुमेधसोति — गोतमा भूरिमेधसा । तेनाह सो ब्राह्मणो —

“किंनु तम्हा विप्पवसि, मुहुत्तमपि पिङ्गिय ।
गोतमा भूरिपज्जाणा, गोतमा भूरिमेधसा”ति ॥

११०. यो ते धम्ममदेसेसि, सन्दिट्टिकमकालिकं ।
तण्हक्खयमनीतिकं, यस्स नत्थि उपमा क्वचि ॥

यो ते धम्ममदेसेसीति यो सो भगवा...पे०... तत्थ च सब्बज्जुतं पत्तो बलेसु च वसीभावं । धम्ममदेसेसीति धम्मन्ति आदिकल्याणं मज्जेकल्याणं...पे०... निब्बानञ्च निब्बानगामिनिञ्च पटिपदं आचिक्खि देसेसि पज्जपेसि पट्टपेसि विवरि विभजि उत्तानीअकासि पकासेसीति — यो ते धम्ममदेसेसि ।

सन्दिट्टिकमकालिकन्ति सन्दिट्टिकं अकालिकं एहिपस्सिकं ओपनेय्यिकं पच्चत्तं वेदितब्बं विञ्जूहीति — एवं सन्दिट्टिकं । अथ वा, यो दिट्ठेव धम्मे अरियं अट्ठङ्गिकं मग्गं भावेति, तस्स मग्गस्स अनन्तरा समनन्तरा अधिगच्छतेव फलं विन्दति पटिलभतीति — एवम्पि सन्दिट्टिकं । **अकालिकन्ति** यथा मनुस्सा कालिकं धनं दत्त्वा अनन्तरा न लभन्ति, कालं आगमेन्ति, नेवायं धम्मो । यो दिट्ठेव धम्मे अरियं अट्ठङ्गिकं मग्गं भावेति; तस्स मग्गस्स अनन्तरा समनन्तरा अधिगच्छतेव फलं विन्दति पटिलभति, न परत्थं न परलोके, एवं अकालिकन्ति — सन्दिट्टिकमकालिकं ।

तण्हक्खयमनीतिकन्ति । तण्हाति रूपतण्हा...पे०... धम्मतण्हा । **तण्हक्खयन्ति** तण्हक्खयं रागक्खयं दोसक्खयं मोहक्खयं गतिकक्खयं उपपत्तिकक्खयं पटिसन्धिकक्खयं भवक्खयं संसारक्खयं वट्ठक्खयं । **अनीतिकन्ति** ईति वुच्चन्ति किलेसा च खन्धा च अभिसङ्खारा च । ईतिप्पहानं ईतिवूपसमं ईतिपटिनिस्सगं ईतिपटिप्पस्सद्धिं अमत्तं निब्बानन्ति — तण्हक्खयमनीतिकं ।

यस्स नत्थि उपमा क्वचीति । यस्साति निब्बानस्स । **नत्थि उपमाति** उपमा नत्थि, उपनिधा नत्थि, सदिसं नत्थि, पटिभागो नत्थि न सति न संविज्जति नुपलब्धति । **क्वचीति** क्वचि किम्हिचि कत्थचि अज्झत्तं वा बहिद्वा वा अज्झत्तबहिद्वा वाति — यस्स नत्थि उपमा क्वचि । तेनाह सो ब्राह्मणो —

“यो ते धम्ममदेसेसि, सन्दिट्टिकमकालिकं ।
तण्हक्खयमनीतिकं, यस्स नत्थि उपमा क्वची”ति ॥

१११. नाहं तम्हा विप्पवसामि, मुहुत्तमपि ब्राह्मण ।
गोतमा भूरिपज्जाणा, गोतमा भूरिमेधसा ॥

नाहं तम्हा विप्पवसामीति नाहं बुद्धम्हा विप्पवसामि अपेमि अपगच्छामि विना होमीति — नाहं तम्हा विप्पवसामि ।

मुहुत्तमपि ब्राह्मणाति मुहुत्तम्पि खणम्पि लयम्पि वयम्पि अद्धम्पीति मुहुत्तमपि । **ब्राह्मणाति** गारवेन मातुलं आलपति ।

गोतमा भूरिपज्जाणाति गोतमा भूरिपज्जाणा जाणपज्जाणा पज्जाधजा पज्जाकेतुम्हा पज्जाधिपतेय्यम्हा विचयबहुला पविचयबहुला ओक्खायनबहुला समोक्खायनधम्मा विभूतविहारिम्हा तच्चरिता तब्बहुला तग्गरुका तन्निन्ना तप्पोणा तप्पम्भारा तदधिमुत्ता तदधिपतेय्यम्हाति — गोतमा भूरिपज्जाणा ।

गोतमा भूरिमेधसाति भूरि वुच्चति पथवी । भगवा तां पथविसमाय पज्जाय विपुलाय वित्थताय समन्नागतो । मेधा वुच्चति पज्जा । या पज्जा पजानना...पे०... अमोहो धम्मविचयो सम्मादिट्ठि । भगवा इमाय मेधाय पज्जाय उपेतो समुपेतो उपागतो समुपागतो उपपन्नो समुपपन्नो समन्नागतो । तस्मा बुद्धो सुमेधसोति — गोतमा भूरिमेधसा । तेनाह थेरो पिङ्गियो —

“नाहं तम्हा विप्पवसामि, मुहुत्तमपि ब्राह्मण ।
गोतमा भूरिपज्जाणा, गोतमा भूरिमेधसा”ति ॥

११२. यो मे धम्ममदेसेसि, सन्दिट्टिकमकालिकं।

तण्हक्खयमनीतिकं, यस्स नत्थि उपमा क्वचि॥

यो मे धम्ममदेसेसीति यो सो भगवा सयम्भू अनाचरियको पुब्बे अननुस्सुतेसु धम्मेसु सामं सच्चानि अभिसम्बुज्झि, तत्थ च सब्बज्जुतं पत्तो बलेसु च वसीभावं। धम्ममदेसेसीति। धम्मन्ति आदिकल्याणं मज्जेकल्याणं परियोसानकल्याणं सात्थं सब्बज्जनं केवलपरिपुण्णं परिसुद्धं ब्रह्मचरियं, चत्तारो सतिपट्टाने चत्तारो सम्मप्यधाने चत्तारो इद्धिपादे पञ्चिन्द्रियानि पञ्च बलानि सत्त बोज्झङ्गे अरियं अट्ठङ्गिकं मग्गं निब्बानञ्च निब्बानगामिनिञ्च पटिपदं आचिक्खि देसेसि पञ्जपेसि पट्टपेसि विवरि विभजि उत्तानीअकासि पकासेसीति — यो मे धम्ममदेसेसि।

सन्दिट्टिकमकालिकन्ति सन्दिट्टिकं अकालिकं एहिपरिस्सिकं ओपनेय्यिकं पच्चत्तं वेदितब्बं विज्जूहीति, एवं सन्दिट्टिकं। अथ वा, यो दिट्ठेव धम्मे अरियं अट्ठङ्गिकं मग्गं भावेति, तस्स मग्गस्स अनन्तरा समनन्तरा अधिगच्छतेव फलं विन्दति पटिलभतीति, एवम्पि सन्दिट्टिकं। अकालिकन्ति यथा मनुस्सा कालिकं धनं दत्त्वा अनन्तरा न लभन्ति, कालं आगमेन्ति, नेवायं धम्मो। यो दिट्ठेव धम्मे अरियं अट्ठङ्गिकं मग्गं भावेति, तस्स मग्गस्स अनन्तरा समनन्तरा अधिगच्छतेव फलं विन्दति पटिलभति, न परत्थ न परलोके, एवं अकालिकन्ति — सन्दिट्टिकमकालिकं।

तण्हक्खयमनीतिकन्ति। तण्हाति रूपतण्हा...पे०... धम्मतण्हा। तण्हक्खयन्ति तण्हक्खयं रागक्खयं दोसक्खयं मोहक्खयं गतिक्खयं उपपत्तिक्खयं पटिसन्धिक्खयं भवक्खयं संसारक्खयं वट्ठक्खयं। अनीतिकन्ति ईति वुच्चन्ति किलेसा च खन्धा च अभिसङ्खारा च। ईतिप्पहानं ईतिवूपसमं ईतिपटिप्पस्सद्धिं अमतं निब्बानन्ति — तण्हक्खयमनीतिकं।

यस्स नत्थि उपमा क्वचीति। यस्साति निब्बानस्स। नत्थि उपमाति उपमा नत्थि, उपनिधा नत्थि, सदिसं नत्थि, पटिभागो नत्थि न अत्थि न संविज्जति नुपलब्धति। क्वचीति क्वचि किम्हिचि कत्थचि अज्झत्तं वा बहिद्भा वा अज्झत्तबहिद्भा वाति — यस्स नत्थि उपमा क्वचि। तेनाह थेरो पिङ्गियो —

“यो मे धम्ममदेसेसि, सन्दिट्टिकमकालिकं।

तण्हक्खयमनीतिकं, यस्स नत्थि उपमा क्वची”ति॥

११३. पस्सामि नं मनसा चक्खुनाव, रत्तिन्दिवं ब्राह्मण अप्पमत्तो।

नमस्समानो विवसेमि [नमस्समानोव वसेमि (सी० अट्ठ०) ... विवसामि (स्या०)] रत्तिं, तेनेव मज्जामि अविप्पवासं॥

पस्सामि नं मनसा चक्खुनावति यथा चक्खुमा पुरिसो आलोके रूपगतानि पस्सेय्य दक्खेय्य ओलोकेय्य निज्झायेय्य उपपरिक्खेय्य, एवमेवाहं बुद्धं भगवन्तं मनसा पस्सामि दक्खामि ओलोकेमि निज्झायामि उपपरिक्खामीति — पस्सामि नं मनसा चक्खुनाव।

रत्तिन्दिवं ब्राह्मण अप्पमत्तोति रत्तिञ्च दिवा च बुद्धानुस्सतिं मनसा भावेन्तो अप्पमत्तोति — रत्तिन्दिवं ब्राह्मण अप्पमत्तो।

नमस्समानो विवसेमि रत्तिन्ति। नमस्समानोति कायेन वा नमस्समानो, वाचाय वा नमस्समानो, चित्तेन वा

नमस्समानो, अन्वत्थपटिपत्तिया वा नमस्समानो, धम्मानुधम्मपटिपत्तिया वा नमस्समानो सक्कारमानो गरुकारमानो मानयमानो पूजयमानो रत्तिन्दिवं विवसेमि अतिनामेमि अतिक्कमेमीति — नमस्समानो विवसेमि रत्तिं ।

तेनेव मज्जामि अविप्पवासन्ति ताय बुद्धानुस्सतिया भावेन्तो अविप्पवासोति तं मज्जामि, अविप्पवुट्ठोति तं मज्जामि जानामि । एवं जानामि एवं आजानामि एवं विजानामि एवं पटिविजानामि एवं पटिविज्झामीति — तेनेव मज्जामि अविप्पवासं । तेनाह थेरो पिङ्गियो —

“पस्सामि नं मनसा चक्खुनाव, रत्तिन्दिवं ब्राह्मण अप्पमत्तो ।
नमस्समानो विवसेमि रत्तिं, तेनेव मज्जामि अविप्पवास”न्ति ॥

११४.सद्धा च पीति च मनो सति च, नापेन्तिमे गोतमसासनम्हा ।
यं यं दिसं वजति भूरिपज्जो, स तेन तेनेव नतोहमस्मि ॥

सद्धा च पीति च मनो सति चाति । सद्धाति या च भगवन्तं आरब्ध सद्धा सद्वहना [सद्धहना (क०)] ओकप्पना अभिप्पसादो सद्धा सद्धिन्द्रियं सद्धाबलं । पीतीति या भगवन्तं आरब्ध पीति पामोज्जं [पामुज्जं (स्या०)] मोदना आमोदना पमोदना हासो पहासो वित्ति तुट्ठि ओदग्यं अत्तमनता चित्तस्स । मनोति यज्ज भगवन्तं आरब्ध चित्तं मनो मानसं हृदयं पण्डरं मनो मनायतनं मनिन्द्रियं विज्जाणं विज्जाणक्खन्धो तज्जा मनोविज्जाणधातु । सतीति या भगवन्तं आरब्ध सति अनुस्सति सम्मासतीति — सद्धा च पीति च मनो सति च ।

नापेन्तिमे गोतमसासनम्हाति इमे चत्तारो धम्मा गोतमसासना बुद्धसासना जिनसासना तथागतसासना अरहन्तसासना नापेन्ति न गच्छन्ति न विजहन्ति न विनासेन्तीति — नापेन्तिमे गोतमसासनम्हा ।

यं यं दिसं वजति भूरिपज्जोति । यं यं दिसन्ति पुरत्थिमं वा दिसं पच्छिमं वा दिसं दक्खिणं वा दिसं उत्तरं वा दिसं वजति गच्छति कमति अभिक्कमति । भूरिपज्जोति भूरिपज्जो महापज्जो तिक्खपज्जो पुथुपज्जो हासपज्जो जवनपज्जो निब्बेधिकपज्जो । भूरि वुच्चति पथवी । भगवा ताय पथविसमाय पज्जाय विपुलाय वित्थताय समन्नागतोति — यं यं दिसं वजति भूरिपज्जो ।

स तेन तेनेव नतोहमस्मीति सो येन बुद्धो तेन तेनेव नतो तन्निन्नो तप्पोणो तप्पभारो तदधिमुत्तो तदधिपतेय्योति — स तेन तेनेव नतोहमस्मि । तेनाह थेरो पिङ्गियो —

“सद्धा च पीति च मनो सति च, नापेन्तिमे गोतमसासनम्हा ।
यं यं दिसं वजति भूरिपज्जो, स तेन तेनेव नतोहमस्मी”ति ॥

११५.जिण्णस्स मे दुब्बलथामकस्स, तेनेव कायो न पलेति तत्थ ।
सङ्कप्पयन्ताय वजामि निच्चं, मनो हि मे ब्राह्मण तेन युत्तो ॥

जिण्णस्स मे दुब्बलथामकस्साति जिण्णस्स वुट्ठस्स महल्लकस्स अद्भगतस्स वयोअनुप्पत्तस्स ।
दुब्बलथामकस्साति दुब्बलथामकस्स अप्पथामकस्स परित्थामकस्साति — जिण्णस्स मे दुब्बलथामकस्स ।

तेनेव कायो न पलेति तत्थाति कायो येन बुद्धो तेन न पलेति न वजति न गच्छति नातिक्कमतीति — तेनेव कायो न पलेति तत्थ ।

सङ्कप्पयन्ताय वजामि निच्चन्ति सङ्कप्पगमनेन वितक्कगमनेन आणगमनेन पज्जागमनेन बुद्धिगमनेन वजामि गच्छामि अतिक्कमामीति — सङ्कप्पयन्ताय वजामि निच्चं ।

मनो हि मे ब्राह्मण तेन युत्तोति । मनोति यं चित्तं मनो मानसं... पे०... तज्जा मनोविज्जाणधातु । मनो हि मे ब्राह्मण तेन युत्तोति मनो येन बुद्धो तेन युत्तो पयुत्तो संयुत्तोति — मनो हि मे ब्राह्मण तेन युत्तो । तेनाह थेरो पिङ्गियो —

“जिण्णस्स मे दुब्बलथामकस्स, तेनेव कायो न पलेति तत्थ ।
सङ्कप्पयन्ताय वजामि निच्चं, मनो हि मे ब्राह्मण तेन युत्तो”ति ॥

**११६. पङ्के सयानो परिफन्दमानो, दीपा दीपं उपल्लविं ।
अथदसार्सिं सम्बुद्धं, ओघतिण्णमनासवं ॥**

पङ्के सयानो परिफन्दमानोति । पङ्के सयानोति कामपङ्के कामकदमे कामकिलेसे कामबळिसे कामपरिळाहे कामपलिबोधे सेमानो सयमानो वसमानो आवसमानो परिवसमानो [अवसेमानो परिसेमानो (स्या०)] ति — पङ्के सयानो । परिफन्दमानोति तण्हाफन्दनाय फन्दमानो, दिट्ठिफन्दनाय फन्दमानो, किलेसफन्दनाय फन्दमानो, पयोगफन्दनाय फन्दमानो, विपाकफन्दनाय फन्दमानो, मनोदुच्चरितफन्दनाय फन्दमानो, रत्तो रागेन फन्दमानो, दुट्ठो दोसेन फन्दमानो, मूळ्हो मोहेन फन्दमानो, विनिबन्धो मानेन फन्दमानो, परामट्ठो दिट्ठिया फन्दमानो, विक्खेपगतो उद्धच्चेन फन्दमानो, अनिट्ठङ्गतो विचिकिच्छाय फन्दमानो, थामगतो अनुसयेहि फन्दमानो, लाभेन फन्दमानो, अलाभेन फन्दमानो, यसेन फन्दमानो, अयसेन फन्दमानो, पसंसाय फन्दमानो, निन्दाय फन्दमानो, सुखेन फन्दमानो, दुक्खेन फन्दमानो, जातिया फन्दमानो, जराय फन्दमानो, ब्याधिना फन्दमानो, मरणेन फन्दमानो, सोकपरिदेवदुक्खदोमनस्सुपायासेहि फन्दमानो, नेरयिकेन दुक्खेन फन्दमानो, तिरच्छानयोनिकेन दुक्खेन फन्दमानो, पेत्तिविसयिकेन दुक्खेन फन्दमानो, मानुसिकेन दुक्खेन... पे०... गब्भोक्कन्तिमूलकेन दुक्खेन... गब्भट्ठितिमूलकेन दुक्खेन... गब्भवुट्ठानमूलकेन दुक्खेन... जातस्सूपनिबन्धकेन दुक्खेन... जातस्स पराधेय्यकेन दुक्खेन... अत्तूपक्कमेन दुक्खेन... परूपक्कमेन दुक्खेन... सङ्खारदुक्खेन... विपरिणामदुक्खेन... चक्खुरोगेन दुक्खेन... सोतरोगेन दुक्खेन... घानरोगेन दुक्खेन... जिह्वारोगेन दुक्खेन... कायरोगेन दुक्खेन... सीसरोगेन दुक्खेन... कण्णरोगेन दुक्खेन... मुखरोगेन दुक्खेन... दन्तरोगेन दुक्खेन... ओट्टरोगेन दुक्खेन... कासेन... सासेन... पिनासेन... डाहेन [दाहेन (क०) महानि० ११] ... जरेन... कुच्छिरोगेन... मुच्छाय... पक्खन्दिकाय... सूलाय... विसूचिकाय... कुट्ठेन... गण्डेन... किलासेन... सोसेन... अपमारेन ... ददुया... कण्डुया... कच्छुया... रक्खसाय... वितच्छिकाय... लोहितपित्तेन [लोहितेन । पित्तेन (स्या० क०)] ... मधुमेहेन... अंसाय... पिळकाय... भगन्दलेन [भगन्दलाय (स्या०)] ... पित्तसमुट्ठानेन आबाधेन... सेम्हसमुट्ठानेन आबाधेन... वातसमुट्ठानेन आबाधेन... सन्निपातिकेन आबाधेन... उत्तुपरिणामजेन आबाधेन... विसमपरिहारजेन आबाधेन... ओपक्कमिकेन आबाधेन... कम्मविपाकजेन आबाधेन... सीतेन... उण्हेन... जिघच्छाय ... पिपासाय... उच्चारेन... पस्सावेन... डंसमकसवातातपसरीसपसम्फस्सेन दुक्खेन... मातुमरणेन दुक्खेन... पितुमरणेन दुक्खेन... पुत्तमरणेन दुक्खेन... धीतुमरणेन दुक्खेन... जातिव्यसनेन दुक्खेन... भोगव्यसनेन दुक्खेन... रोगव्यसनेन दुक्खेन... सीलव्यसनेन दुक्खेन... दिट्ठिव्यसनेन दुक्खेन फन्दमानो परिफन्दमानो पवेधमानो सम्पवेधमानोति — पङ्के सयानो परिफन्दमानो ।

दीपा दीपं उपल्लवन्ति सत्थारतो सत्थारं धम्मक्खानतो धम्मक्खानं गणतो गणं दिट्ठिया दिट्ठिं पटिपदाय पटिपदं मग्गतो मगं पल्लविं उपल्लविं सम्पल्लवन्ति — दीपा दीपं उपल्लविं ।

अथदसासिं सम्बुद्धन्ति । अथाति पदसन्धि पदसंसङ्गो पदपारिपूरी अक्खरसमवायो ब्यञ्जनसिलिट्ठता पदानुपुब्बतापेतं — अथाति । अदसासिन्ति अदसं अदक्खिं अपस्सिं पटिविज्झिं । बुद्धोति यो सो भगवा सयम्भू अनाचरियको...पे०... सच्छिका पज्जति, यदिदं बुद्धोति — अथदसासिं सम्बुद्धं ।

ओघतिण्णमनासवन्ति । ओघतिण्णन्ति भगवा कामोघं तिण्णो, भवोघं तिण्णो, दिट्ठोघं तिण्णो, अविज्जोघं तिण्णो, सब्बसंसारपथं तिण्णो उत्तिण्णो नित्थिण्णो अतिक्कन्तो समतिक्कन्तो वीतिवत्तो, सो वुत्थवासो चिण्णचरणो...पे०... जातिमरणसंसारो, नत्थि तस्स पुनब्भवोति — ओघतिण्णं । अनासवन्ति चत्तारो आसवा — कामासवो, भवासवो, दिट्ठासवो, अविज्जासवो । ते आसवा बुद्धस्स भगवतो पहीना उच्छिन्नमूला तालावत्थुकता अनभावकता आर्यातिं अनुप्पादधम्मा । तस्मा बुद्धो अनासवाति — ओघतिण्णमनासवं । तेनाह थेरो पिङ्गियो —

“पङ्के सयानो परिफन्दमानो, दीपा दीपं उपल्लविं ।
अथदसासिं सम्बुद्धं, ओघतिण्णमनासवं”न्ति ॥

११७. यथा अहू वक्कलि मुत्तसद्धो, भद्रावुधो आळविगोतमो च ।

एवमेव त्वम्पि पमुञ्चस्सु सद्धं, गमिस्ससि त्वं पिङ्गिय मच्चुधेय्यस्स पारं ॥

यथा अहू वक्कलि मुत्तसद्धो, भद्रावुधो आळविगोतमो चाति यथा वक्कलित्थेरो [वक्कलि (स्या०)] सद्धो सद्धागरुको सद्धापुब्बङ्गमो सद्धाधिमुत्तो सद्धाधिपतेय्यो अरहत्तप्पत्तो, यथा भद्रावुधो थेरो सद्धो सद्धागरुको सद्धापुब्बङ्गमो सद्धाधिमुत्तो सद्धाधिपतेय्यो अरहत्तप्पत्तो, यथा आळविगोतमो थेरो सद्धो सद्धागरुको सद्धापुब्बङ्गमो सद्धाधिमुत्तो सद्धाधिपतेय्यो अरहत्तप्पत्तोति — यथा अहू वक्कलि मुत्तसद्धो भद्रावुधो आळविगोतमो च ।

एवमेव त्वम्पि पमुञ्चस्सु सद्धन्ति एवमेव त्वं सद्धं मुञ्चस्सु पमुञ्चस्सु सम्पमुञ्चस्सु अधिमुञ्चस्सु ओकप्पेहि । “सब्बे सङ्खारा अनिच्चा”ति सद्धं मुञ्चस्सु पमुञ्चस्सु सम्पमुञ्चस्सु अधिमुञ्चस्सु ओकप्पेहि । “सब्बे सङ्खारा दुक्खा”ति... पे०... “सब्बे धम्मा अनत्ता”ति सद्धं मुञ्चस्सु पमुञ्चस्सु सम्पमुञ्चस्सु अधिमुञ्चस्सु ओकप्पेहि... “यं किञ्चि समुदयधम्मं सब्बं तं निरोधधम्म”न्ति सद्धं मुञ्चस्सु पमुञ्चस्सु, सम्पमुञ्चस्सु अधिमुञ्चस्सु ओकप्पेहीति — एवमेव त्वम्पि पमुञ्चस्सु सद्धं ।

गमिस्ससि त्वं पिङ्गिय मच्चुधेय्यस्स पारन्ति मच्चुधेय्यं वुच्चन्ति किलेसा च खन्धा च अभिसङ्खारा च । मच्चुधेय्यस्स पारं वुच्चति अमत्तं निब्बानं, यो सो सब्बसङ्खारसमथो सब्बूपधिपटिनिस्सङ्गो तण्हक्खयो विरागो निरोधो निब्बानं । गमिस्ससि त्वं पिङ्गिय मच्चुधेय्यस्स पारन्ति त्वं पारं गमिस्ससि, पारं अधिगमिस्ससि, पारं फस्सिस्ससि, पारं सच्छिकरिस्ससीति — गमिस्ससि त्वं पिङ्गिय मच्चुधेय्यस्स पारं । तेनाह भगवा —

“यथा अहू वक्कलि मुत्तसद्धो, भद्रावुधो आळविगोतमो च ।
एवमेव त्वम्पि पमुञ्चस्सु सद्धं,

गमिस्ससि त्वं पिङ्गिय मच्चुधेय्यस्स पार’न्ति ॥

११८. एस भिय्यो पसीदामि, सुत्वान मुनिनो वचो ।

विवटच्छदो [विवटच्छदनो (क०) सहनीतिपदमाला ओलोकेतब्बा] सम्बुद्धो, अखिलो पटिभानवा [पटिभाणवा (स्या०)] ॥

एस भिय्यो पसीदामीति एस भिय्यो पसीदामि, भिय्यो भिय्यो सहहामि, भिय्यो भिय्यो ओकप्पेमि, भिय्यो भिय्यो अधिमुच्चामि; “सब्बे सङ्खारा अनिच्चा”ति भिय्यो भिय्यो पसीदामि, भिय्यो भिय्यो सहहामि, भिय्यो भिय्यो ओकप्पेमि, भिय्यो भिय्यो अधिमुच्चामि; “सब्बे सङ्खारा दुक्खा”ति भिय्यो भिय्यो पसीदामि...पे०... “सब्बे धम्मा अनत्ता”ति भिय्यो भिय्यो पसीदामि...पे०... “यं किञ्चि समुदयधम्मं सब्बं तं निरोधधम्म”न्ति भिय्यो भिय्यो पसीदामि, भिय्यो भिय्यो सहहामि, भिय्यो भिय्यो ओकप्पेमि, भिय्यो भिय्यो अधिमुच्चामीति — एस भिय्यो पसीदामि ।

सुत्वान मुनिनो वचोति । मुनीति मोनं वुच्चति जाणं...पे०... सङ्गजालमतिच्च सो मुनि । **सुत्वान मुनिनो वचोति** तुहं वचनं व्यप्यथं देसनं अनुसासनं अनुसिट्ठं सुत्वान उग्गहेत्वान उपधारयित्वान उपलक्खयित्वानाति — सुत्वान मुनिनो वचो ।

विवटच्छदो सम्बुद्धोति । छदनन्ति पञ्च छदनानि — तण्हाछदनं, दिट्ठिछदनं, किलेसछदनं, दुच्चरितछदनं, अविज्जाछदनं । तानि छदनानि बुद्धस्स भगवतो विवटानि विद्धंसितानि समुग्घाटितानि पहीनानि समुच्छिन्नानि वूपसन्तानि पटिप्पस्सद्धानि अभब्बुप्पत्तिकानि जाणगिना दङ्गानि । तस्मा बुद्धो विवटच्छदो । **बुद्धोति** यो सो भगवा...पे०... सच्छिका पज्जत्ति, यदिदं बुद्धोति — विवटच्छदो सम्बुद्धो ।

अखिलो पटिभानवाति । अखिलोति रागो खिलो, दोसो खिलो, मोहो खिलो, कोधो खिलो, उपनाहो...पे०... सब्बाकुसलाभिसङ्खारा खिला । ते खिला बुद्धस्स भगवतो पहीना उच्छिन्नमूला तालावत्थुकता अनभावंकता आयतिं अनुप्पादधम्मा । तस्मा बुद्धो अखिलो ।

पटिभानवाति तयो पटिभानवन्तो — परियत्ति पटिभानवा, परिपुच्छापटिभानवा, अधिगमपटिभानवा । कतमो परियत्तिपटिभानवा? इधेकच्चस्स बुद्धवचनं [पकतिया (क०)] परियापुतं [परियापुटं (स्या० क०)] होति सुत्तं गेय्यं वेय्याकरणं गाथा उदानं इतिवुत्तकं जातकं अब्भुतधम्मं वेदल्लं । तस्स परियत्तिं निस्साय पटिभाति [पटिभायति (क०)] — अयं परियत्तिपटिभानवा ।

कतमो परिपुच्छापटिभानवा? इधेकच्चो परिपुच्छिता होति अत्थे च जाये च लक्खणे च कारणे च ठानाठाने च । तस्स परिपुच्छं निस्साय पटिभाति — अयं परिपुच्छापटिभानवा ।

कतमो अधिगमपटिभानवा? इधेकच्चस्स अधिगता होन्ति चत्तारो सतिपट्ठाना, चत्तारो सम्मप्पधाना, चत्तारो इद्धिपादा, पञ्चिन्द्रियाणि, पञ्च बलानि, सत्त बोज्झङ्गा, अरियो अट्ठङ्गिको मग्गो, चत्तारो अरियमग्गा, चत्तारि सामञ्जफलानि, चतस्सो पटिसम्भिदायो, छ अभिज्जायो । तस्स अत्थो जातो, धम्मो जातो, निरुत्ति जाता । अत्थे जाते अत्थो पटिभाति, धम्मो जाते धम्मो पटिभाति, निरुत्तिया जाताय निरुत्ति पटिभाति । इमेसु तीसु जाणेसु जाणं पटिभानपटिसम्भिदा । भगवा

इमाय पटिभानपटिसम्भिदाय उपेतो समुपेतो उपागतो समुपागतो उपपन्नो समुपपन्नो समन्नागतो । तस्मा बुद्धो पटिभानवा । यस्स परियत्ति नत्थि, परिपुच्छा नत्थि, अधिगमो नत्थि, किं तस्स पटिभायिस्सतीति — अखिलो पटिभानवा । तेनाह थेरो पिङ्गियो —

“एस भिय्यो पसीदामि, सुत्त्वान मुनिनो वचो ।
विवटच्छदो सम्बुद्धो, अखिलो पटिभानवा”ति ॥

११९. अधिदेवे [अतिदेवे (क०)] अभिज्जाय, सब्बं वेदि परोपरं [परोवरं (सी० अट्ठ०)] ।

पज्जानन्तकरो सत्था, कङ्कणीनं पटिजानतं ॥

अधिदेवे अभिज्जायाति । देवाति तयो देवा — सम्मुतिदेवा [सम्मभिदेवा (स्या०)], उपपत्तिदेवा, विसुद्धिदेवा । कतमे सम्मुतिदेवा? सम्मुतिदेवा वुच्चन्ति राजानो [कतमे सम्मुतिदेवा राजानो (स्या०) एवमुपरिपि] च राजकुमारो च देवियो च । इमे वुच्चन्ति सम्मुतिदेवा । कतमे उपपत्तिदेवा? उपपत्तिदेवा वुच्चन्ति चातुमहाराजिका देवा तावतिसा देवा...पे०... ब्रह्मकायिका देवा, ये च देवा तदुत्तरि । इमे वुच्चन्ति उपपत्तिदेवा । कतमे विसुद्धिदेवा? विसुद्धिदेवा वुच्चन्ति तथागता तथागतसावका अरहन्तो खीणासवा, ये च पच्चेकसम्बुद्धा । इमे वुच्चन्ति विसुद्धिदेवा । भगवा सम्मुतिदेवे अधिदेवाति अभिज्जाय उपपत्तिदेवे अधिदेवाति अभिज्जाय, विसुद्धिदेवे अधिदेवाति अभिज्जाय जानित्वा तुलयित्वा तीरयित्वा विभावयित्वा विभूतं कत्वाति — अधिदेवे अभिज्जाय ।

सब्बं वेदि परोपरन्ति भगवा अत्तनो च परेसञ्च अधिदेवकरे धम्मे वेदि अज्जासि अफस्सि पटिविज्झि । कतमे अत्तनो अधिदेवकरा धम्मा? सम्मापटिपदा अनुलोमपटिपदा अपच्चनीकपटिपदा अन्वत्थपटिपदा धम्मानुधम्मपटिपदा सीलेसु परिपूरकारिता इन्द्रियेसु गुत्तद्वारता भोजने मत्तञ्जुता जागरियानुयोगो सतिसम्पजज्जं चत्तारो सतिपट्टाना...पे०... अरियो अट्ठङ्गिको मग्गो । इमे वुच्चन्ति अत्तनो अधिदेवकरा धम्मा ।

कतमे परेसं अधिदेवकरा धम्मा? सम्मापटिपदा...पे०... अरियो अट्ठङ्गिको मग्गो । इमे वुच्चन्ति परेसं अधिदेवकरा धम्मा । एवं भगवा अत्तनो च परेसञ्च अधिदेवकरे धम्मे वेदि अज्जासि अफस्सि पटिविज्झीति — सब्बं वेदि परोपरं ।

पज्जानन्तकरो सत्थाति भगवा पारायनिकपज्जानं अन्तकरो परियन्तकरो परिच्छेदकरो परिवट्टमकरो; सभियपज्जानं [परिसपज्जानं (स्या०), पिङ्गियपज्जानं (क०)] अन्तकरो परियन्तकरो परिच्छेदकरो परिवट्टमकरो; सक्कपज्जानं...पे०... सुयामपज्जानं... भिक्खुपज्जानं... भिक्खुनीपज्जानं... उपासकपज्जानं... उपासिकापज्जानं... राजपज्जानं... खत्तियपज्जानं... ब्राह्मणपज्जानं... वेस्सपज्जानं... सुद्वपज्जानं... देवपज्जानं... ब्रह्मपज्जानं अन्तकरो परियन्तकरो परिच्छेदकरो परिवट्टमकरोति — पज्जानन्तकरो । **सत्था**ति भगवा सत्थवाहो । यथा सत्थवाहो सत्थे कन्तारं तारेति, चोरकन्तारं तारेति, वाळकन्तारं तारेति, दुब्भिकखकन्तारं तारेति, निरुदककन्तारं तारेति उत्तारेति नित्थारेति [नित्तारेति (स्या० क०)] पतारेति, खेमन्तभूमिं सम्पापेति; एवमेव भगवा सत्थवाहो सत्ते कन्तारं तारेति, जातिकन्तारं तारेति, जराकन्तारं...पे०... ब्याधिकन्तारं... मरणकन्तारं... सोकपरिदेवदुक्खदोमनस्सुपायासकन्तारं तारेति, रागकन्तारं तारेति, दोसकन्तारं... मोहकन्तारं... मानकन्तारं... दिट्ठिकन्तारं... किलेसकन्तारं... दुच्चरितकन्तारं तारेति, रागगहनं तारेति, दोसगहनं तारेति, मोहगहनं... दिट्ठिगहनं... किलेसगहनं... दुच्चरितगहनं तारेति उत्तारेति नित्थारेति पतारेति; खेमन्तं अमत्तं निब्बानं सम्पापेतीति — एवम्पि भगवा सत्थवाहो ।

अथ वा, भगवा नेता विनेता अनुनेता पञ्जपेता निज्झापेता पेक्खता पसादेताति, एवं भगवा सत्थवाहो । अथ वा, भगवा अनुप्पन्नस्स मग्गस्स उप्पादेता, असज्जातस्स मग्गस्स सज्जनेता, अनक्खातस्स मग्गस्स अक्खाता, मग्गज्जू मग्गविदू मग्गकोविदो मग्गानुगा च पन एतरहि सावका विहरन्ति पच्छा समन्नागताति, एवम्पि भगवा सत्थवाहोति — पज्जानन्तकरो सत्था ।

कङ्खीनं पटिजानतन्ति सकङ्खा आगन्त्वा निक्कङ्खा सम्पज्जन्ति, सल्लेखा आगन्त्वा निल्लेखा सम्पज्जन्ति, सद्देवहका आगन्त्वा निद्देवहका सम्पज्जन्ति, सविचिकिच्छा आगन्त्वा निब्बिचिकिच्छा सम्पज्जन्ति, सरागा आगन्त्वा वीतरागा सम्पज्जन्ति, सदोसा आगन्त्वा वीतदोसा सम्पज्जन्ति, समोहा आगन्त्वा वीतमोहा सम्पज्जन्ति, सकिलेसा आगन्त्वा निक्किलेसा सम्पज्जन्तीति — कङ्खीनं पटिजानतं । तेनाह थेरो पिङ्गियो —

“अधिदेवे अभिज्जाय, सब्बं वेदि परोपरं ।
पज्जानन्तकरो सत्था, कङ्खीनं पटिजानत”न्ति ॥

**१२०. असंहीरं असंकुप्पं, यस्स नत्थि उपमा क्वचि ।
अद्धा गमिस्सामि न मेत्थ कङ्खा, एवं मं धारेहि अधिमुत्तचित्तं ॥**

असंहीरं असंकुप्पन्ति असंहीरं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । **असंहीरन्ति** रागेन दोसेन मोहेन कोधेन उपनाहेन मक्खेन पळासेन इस्साय मच्छरियेन मायाय साठेय्येन थम्भेन सारम्भेन मानेन अतिमानेन मदेन पमादेन सब्बकिलेसेहि सब्बदुच्चरितेहि सब्बपरिळाहेहि सब्बासवेहि सब्बदरथेहि सब्बसन्तापेहि सब्बाकुसलाभिसङ्खारेहि असंहारियं निब्बानं निच्चं धुवं सस्सतं अविपरिणामधम्मन्ति — असंहीरं ।

असंकुप्पन्ति असंकुप्पं वुच्चति अमतं निब्बानं । यो सो सब्बसङ्खारसमथो...पे०... निरोधो निब्बानं । निब्बानस्स [यस्स (स्या०)] न उप्पादो पज्जायति, वयो नत्थि, न तस्स अज्जत्तं [तस्स अज्जदत्थु (स्या०)] पज्जायति । निब्बानं निच्चं धुवं सस्सतं अविपरिणामधम्मन्ति — असंहीरं असंकुप्पं ।

यस्स नत्थि उपमा क्वचीति । यस्साति निब्बानस्स । **नत्थि उपमाति** उपमा नत्थि, उपनिधा नत्थि, सदिसं नत्थि, पटिभागो नत्थि, न सति न संविज्जति नुपलब्धति । **क्वचीति** क्वचि किम्हिचि कत्थचि अज्जत्तं वा बहिद्धा वा अज्जत्तबहिद्धा वाति — यस्स नत्थि उपमा क्वचि ।

अद्धा गमिस्सामि न मेत्थ कङ्खाति । अद्धाति एकंसवचनं निस्संसयवचनं निक्कङ्खवचनं अद्वेज्जवचनं अद्वेवहकवचनं नियोगवचनं अपण्णकवचनं अविरद्धवचनं अवत्थापनवचनमेतं — अद्धाति । **गमिस्सामीति** गमिस्सामि अधिगमिस्सामि फस्सिस्सामि सच्छिकरिस्सामीति — अद्धा गमिस्सामि । **न मेत्थ कङ्खाति । एत्थाति** निब्बाने कङ्खा नत्थि, विचिकिच्छा नत्थि, द्वेवहकं नत्थि, संसयो नत्थि, न सति न संविज्जति नुपलब्धति, पहीनो समुच्छिन्नो वूपसन्तो पटिप्पस्सद्धो अभब्बुप्पत्तिको जाणग्गिना दद्धोति — अद्धा गमिस्सामि न मेत्थ कङ्खा ।

एवं मं धारेहि अधिमुत्तचित्तन्ति । एवं मं धारेहीति एवं मं उपलब्धेहि । **अधिमुत्तचित्तन्ति** निब्बाननिन्नं

निब्बानपोणं निब्बानपब्भारं निब्बानाधिमुत्तन्ति — एवं मं धारेहि अधिमुत्तचित्तन्ति । तेनाह थेरो पिङ्गियो —

“असंहीरं असंकुप्यं, यस्स नत्थि उपमा क्वचि ।

अद्भा गमिस्सामि न मेत्थ कङ्खा, एवं मं धारेहि अधिमुत्तचित्त”न्ति ॥

पारायनानुगीतिगाथानिद्देशो अट्टारसमो ।

पारायनवग्गो समत्तो ।

खग्गविसाणसुत्तो

खग्गविसाणसुत्तनिद्देशो

पठमवग्गो

१२१. सब्बेसु भूतेसु निधाय दण्डं, अविहेठयं अज्जतरम्मि तेसं ।

न पुत्तमिच्छेय्य कुतो सहायं, एको चरे खग्गविसाणकप्पो ॥

सब्बेसु भूतेसु निधाय दण्डन्ति । सब्बेसूति सब्बेन सब्बं सब्बथा सब्बं असेसं निस्सेसं परियादियनवचनमेतं — सब्बेसूति । भूतेसूति भूता वुच्चन्ति तसा च थावरा च । तसाति येसं तसिततण्हा अप्पहीना, येसज्ज भयभेरवा अप्पहीना । किंकारणा वुच्चन्ति तसा? ते तसन्ति उत्तसन्ति परितसन्ति भासन्ति सन्तासं आपज्जन्ति, तंकारणा वुच्चन्ति तसा । थावराति येसं तसिततण्हा पहीना, येसज्ज भयभेरवा पहीना । किंकारणा वुच्चन्ति थावरा? ते न तसन्ति न उत्तसन्ति न परितसन्ति न भायन्ति न सन्तासं आपज्जन्ति, तंकारणा वुच्चन्ति थावरा । दण्डन्ति तयो दण्डा — कायदण्डो वचीदण्डो मनोदण्डो । तिविधं कायदुच्चरितं कायदण्डो, चतुब्बिधं वचीदुच्चरितं वचीदण्डो, तिविधं मनोदुच्चरितं मनोदण्डो । सब्बेसु भूतेसु निधाय दण्डन्ति सब्बेसु भूतेसु दण्डं निधाय निदहित्वा ।

अविहेठयं अज्जतरम्मि तेसन्ति एकमेकम्मि सत्तं पाणिना वा लेड्डुना वा दण्डेन वा सत्थेन वा अन्दुया [अरुया (स्या०), अदुया (क०)] वा रज्जुया वा अविहेठयन्तो, सब्बेपि सत्ते पाणिना वा लेड्डुना वा दण्डेन वा सत्थेन वा अन्दुया वा रज्जुया वा अविहेठयन्तोति — अविहेठयं अज्जतरम्मि तेसं ।

न पुत्तमिच्छेय्य कुतो सहायन्ति । नाति पटिक्खेपो; पुत्ताति चत्तारो पुत्ता — अत्रजो पुत्तो, खेत्तजो पुत्तो, दिन्नको पुत्तो, अन्तेवासिको पुत्तो । सहायन्ति सहाया वुच्चन्ति येहि सह आगमनं फासु, गमनं फासु, गमनागमनं फासु, ठानं फासु, निसज्जनं फासु, सयनं [निपज्जनं (स्या०)] फासु, आलपनं फासु, सल्लपनं फासु, उल्लपनं फासु, समुल्लपनं फासु । न पुत्तमिच्छेय्य कुतो सहायन्ति पुत्तम्मि न इच्छेय्य न सादियेय्य न पत्थयेय्य न पिहयेय्य नाभिजप्पेय्य, कुतो मित्तं वा सन्दिट्ठं वा सम्भत्तं वा सहायं वा इच्छेय्य [इच्छिस्सति (स्या०) एवमीदिसेसु पदेसु अनागतविभत्तिया] सादियेय्य पत्थयेय्य पिहयेय्य अभिजप्पेय्याति — न पुत्तमिच्छेय्य कुतो सहायं ।

एको चरे खग्गविसाणकप्पोति । एकोति सो पच्चेकसम्बुद्धो पब्बज्जासङ्घातेन एको, अदुतियट्ठेन एको, तण्हाय प्हानट्ठेन [तण्हाप्हानट्ठेन (स्या०) महानि० १९१] एको, एकन्तवीतरागोति एको, एकन्तवीतदोसोति एको,

एकन्तवीतमोहोति एको, एकन्तनिक्किलेसोति एको, एकायनमग्गं गतोति एको, एको अनुत्तरं पच्चेकसम्बोधिं अभिसम्बुद्धोति एको ।

कथं सो पच्चेकसम्बुद्धो पब्बज्जासङ्घातेन एको? सो पच्चेकसम्बुद्धो सब्बं घरावासपलिबोधं छिन्दित्वा पुत्तदारपलिबोधं छिन्दित्वा जातिपलिबोधं छिन्दित्वा सन्निधिपलिबोधं छिन्दित्वा केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजित्वा अकिञ्चनभावं उपगन्त्वा एको चरति विहरति इरियति वत्तेति पालेति यपेति यापेतीति — एवं सो पच्चेकसम्बुद्धो पब्बज्जासङ्घातेन एको ।

कथं सो पच्चेकसम्बुद्धो अदुतियट्ठेन एको? सो एवं पब्बजितो समानो एको अरञ्जवनपत्थानि पन्तानि सेनासनानि पटिसेवति अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानि । सो एको गच्छति, एको तिष्ठति, एको निसीदति, एको सेय्यं कप्पेति, एको गामं पिण्डाय पविसति, एको अभिक्कमति, एको पटिक्कमति, एको रहो निसीदति, एको चङ्कमं अधिद्धाति, एको चरति विहरति इरियति वत्तेति पालेति यपेति यापेतीति — एवं सो पच्चेकसम्बुद्धो अदुतियट्ठेन एको ।

कथं सो पच्चेकसम्बुद्धो तण्हाय प्हानट्ठेन एको? सो एवं एको अदुतियो अप्पमत्तो आतापी प्हितत्तो विहरन्तो महापधानं पदहन्तो मारं ससेनकं नमुचिं कण्हं पमत्तबन्धुं विधमेत्वा च तण्हाजालिनिं विसरितं विसत्तिकं पजहि विनोदेसि ब्यन्तीअकासि अनभावंगमेसि ।

“तण्हादुतियो पुरिसो, दीघमद्धान संसरं ।
इत्थभावज्जथाभावं, संसारं नातिवत्तति ॥

“एतमादीनवं जत्वा, तण्हं दुक्खस्स सम्भवं ।
वीततण्हो अनादानो, सतो भिक्खु परिब्बजे”ति ॥

एवं सो पच्चेकसम्बुद्धो तण्हाय प्हानट्ठेन एको ।

कथं सो पच्चेकसम्बुद्धो एकन्तवीतरागोति एको? रागस्स पहीनत्ता एकन्तवीतरागोति एको, दोसस्स पहीनत्ता एकन्तवीतदोसोति एको, मोहस्स पहीनत्ता एकन्तवीतमोहोति एको, किलेसानं पहीनत्ता एकन्तनिक्किलेसोति एको । एवं सो पच्चेकसम्बुद्धो एकन्तवीतरागोति एको ।

कथं सो पच्चेकसम्बुद्धो एकायनमग्गं गतोति एको? एकायनमग्गो वुच्चति चत्तारो सतिपट्ठाना, चत्तारो सम्मप्पधाना, चत्तारो इद्धिपादा, पञ्चिन्द्रियानि, पञ्च बलानि, सत्त बोज्झङ्गा अरियो अट्ठङ्गिको मग्गो ।

“एकायनं जातिखयन्तदस्सी, मग्गं पजानाति हितानुकम्पी ।
एतेन मग्गेन तरिसु पुब्बे, तरिस्सन्ति ये च तरन्ति ओघ”न्ति ॥

एवं सो पच्चेकसम्बुद्धो एकायनमग्गं गतोति एको ।

कथं सो पच्चेकसम्बुद्धो एको अनुत्तरं पच्चेकसम्बोधिं अभिसम्बुद्धोति एको? बोधि वुच्चति चतूसु मग्गेसु जाणं । पज्जा पज्जिन्द्रियं पज्जाबलं धम्मविचयसम्बोज्झङ्गो वीमंसा विपस्सना सम्मादिट्ठि । सो पच्चेकसम्बुद्धो मग्गपच्चेकसम्बुद्धो जाणपच्चेकसम्बुद्धो “सब्बे सङ्खारा अनिच्चा”ति बुज्झि, “सब्बे सङ्खारा दुक्खा”ति बुज्झि, “सब्बे धम्मा अनत्ता”ति बुज्झि, “अविज्जापच्चया सङ्खारा”ति बुज्झि, “सङ्खारपच्चया विज्जाण”न्ति बुज्झि, “विज्जाणपच्चया नामरूप”न्ति बुज्झि, “नामरूपपच्चया सळायतन”न्ति बुज्झि, “सळायतनपच्चया फस्सो”ति बुज्झि, “फस्सपच्चया वेदना”ति बुज्झि, “वेदनापच्चया तण्हा”ति बुज्झि, “तण्हापच्चया उपादान”न्ति बुज्झि, “उपादानपच्चया भवो”ति बुज्झि, “भवपच्चया जाती”ति बुज्झि, “जातिपच्चया जरामरण”न्ति बुज्झि; “अविज्जानिरोधा सङ्खारनिरोधो”ति बुज्झि, “सङ्खारनिरोधा विज्जाणनिरोधो”ति बुज्झि, “विज्जाणनिरोधा नामरूपनिरोधो”ति बुज्झि, “नामरूपनिरोधा सळायतननिरोधो”ति बुज्झि, “सळायतननिरोधा फस्सनिरोधो”ति बुज्झि, “फस्सनिरोधा वेदनानिरोधो”ति बुज्झि, “वेदनानिरोधा तण्हानिरोधो”ति बुज्झि, “तण्हानिरोधा उपादाननिरोधो”ति बुज्झि, “उपादाननिरोधा भवनिरोधो”ति बुज्झि, “भवनिरोधा जातिनिरोधो”ति बुज्झि, “जातिनिरोधा जरामरणनिरोधो”ति बुज्झि; “इदं दुक्ख”न्ति बुज्झि, “अयं दुक्खसमुदयो”ति बुज्झि, “अयं दुक्खनिरोधो”ति बुज्झि, “अयं दुक्खनिरोधगामिनी पटिपदा”ति बुज्झि; “इमे आसवा”ति बुज्झि, “अयं आसवसमुदयो”ति बुज्झि... पे० ... “अयं आसवनिरोधगामिनी पटिपदा”ति बुज्झि; “इमे धम्मा अभिज्जेय्या”ति बुज्झि, “इमे धम्मा पहातब्बा”ति बुज्झि, “इमे धम्मा सच्छिकातब्बा”ति बुज्झि, “इमे धम्मा भावेतब्बा”ति बुज्झि; छन्नं फस्सायतनानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च बुज्झि, पञ्चन्नं उपादानक्खन्धानं समुदयञ्च... पे० ... निस्सरणञ्च बुज्झि, चतुन्नं महाभूतानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च बुज्झि, “यं किञ्चि समुदयधम्मं सब्बं तं निरोधधम्म”न्ति बुज्झि ।

अथ वा, यं बुज्झितब्बं अनुबुज्झितब्बं पटिबुज्झितब्बं सम्बुज्झितब्बं अधिगन्तब्बं फस्सितब्बं सच्छिकातब्बं, सब्बं तं तेन पच्चेकबोधिजाणेन बुज्झि अनुबुज्झि पटिबुज्झि सम्बुज्झि अधिगच्छि फस्सेसि सच्छाकासीति एवं सो पच्चेकसम्बुद्धो एको अनुत्तरं पच्चेकसम्बोधिं अभिसम्बुद्धोति — एको ।

चरेति अट्ठ चरियायो — इरियापथचरिया, आयतनचरिया, सतिचरिया, समाधिचरिया, जाणचरिया, मग्गचरिया, पत्तिचरिया, लोकत्थचरिया । इरियापथचरियाति चतूसु इरियापथेसु । आयतनचरियाति छसु अज्झत्तिकबाहिरेसु आयतनेसु । सतिचरियाति चतूसु सतिपट्टानेसु । समाधिचरियाति चतूसु ज्ञानेसु । जाणचरियाति चतूसु अरियसच्चेसु । मग्गचरियाति चतूसु अरियमग्गेसु । पत्तिचरियाति चतूसु सामञ्जफलेसु । लोकत्थचरियाति तथागतेसु अरहन्तेसु सम्मासम्बुद्धेसु पदेसतो पच्चेकसम्बुद्धेसु पदेसतो सावकेसु । इरियापथचरिया च पणिधिसम्पन्नानं, आयतनचरिया च इन्द्रियेसु गुत्तद्वारानं, सतिचरिया च अप्पमादविहारीनं, समाधिचरिया च अधिचित्तमनुयुत्तानं, जाणचरिया च बुद्धिसम्पन्नानं, मग्गचरिया च सम्मापटिपन्नानं, पत्तिचरिया च अधिगतफलानं, लोकत्थचरिया च तथागतानं अरहन्तानं सम्मासम्बुद्धानं पदेसतो पच्चेकबुद्धानं पदेसतो सावकानं । इमा अट्ठ चरियायो । अपरापि अट्ठ चरियायो — अधिमुच्चन्तो सद्भाय चरति, पग्गहन्तो वीरियेन चरति, उपट्ठपेन्तो सतिया चरति, अविक्खेपं करोन्तो समाधिना चरति, पजानन्तो पज्जाय चरति, विजानन्तो विज्जाणचरियाय चरति । एवं पटिपन्नस्स कुसला धम्मा आयापेन्तीति — आयतनचरियाय चरति । एवं पटिपन्नो विसेसमधिगच्छतीति — विसेसचरियाय चरति । इमा अट्ठ चरियायो ।

अपरापि अट्ठ चरियायो — दस्सनचरिया च सम्मादिट्ठिया, अभिरोपनचरिया च सम्मासङ्कप्पस्स, परिग्गहचरिया च सम्मावाचाय, समुद्धानचरिया च सम्माकम्मन्तस्स, वोदानचरिया च सम्माआजीवस्स, पग्गहचरिया च सम्मावायामस्स,

उपट्टानचरिया च सम्मासतिथा, अविकखेपचरिया च सम्मासमाधिस्स । इमा अट्ट चरियायो ।

खग्गविसाणकप्पोति यथा खग्गस्स नाम विसाणं एकं होति अदुतियं, एवमेव सो पच्चेकसम्बुद्धो तक्कप्पो तस्सदिसो तप्पटिभागो । यथा अतिलोणं वुच्चति लोणकप्पो, अतितित्तकं वुच्चति तित्तकप्पो, अतिमधुरं वुच्चति मधुरकप्पो, अतिउण्हं वुच्चति अगिकप्पो, अतिसीतलं वुच्चति हिमकप्पो, महाउदकखन्धो वुच्चति समुद्धकप्पो, महाभिज्जाबलप्पतो सावको वुच्चति सत्थुकप्पोति; एवमेव सो पच्चेकसम्बुद्धो तत्थ तक्कप्पो तस्सदिसो तप्पटिभागो एको अदुतियो मुत्तबन्धनो सम्मा लोके चरति विहरति इरियति वत्तेति पालेति यपेति यापेतीति — एको चरे खग्गविसाणकप्पो । तेनाह सो पच्चेकसम्बुद्धो —

“सब्बेसु भूतेसु निधाय दण्डं, अविहेठयं अञ्जतरम्पि तेसं ।
न पुत्तमिच्छेय्य कुतो सहायं, एको चरे खग्गविसाणकप्पो”ति ॥

**१२२.संसग्गजातस्स भवन्ति स्नेहा, स्नेहन्वयं दुक्खमिदं प्होति ।
आदीनवं स्नेहजं पेक्खमानो, एको चरे खग्गविसाणकप्पो ॥**

संसग्गजातस्स भवन्ति स्नेहाति । संसग्गाति द्वे संसग्गा — दस्सनसंसग्गो च सवनसंसग्गो च । कतमो दस्सनसंसग्गो? इधेकच्चो पस्सति इत्थिं वा कुमारिं वा अभिरूपं दस्सनीयं पासादिकं परमाय वण्णपोक्खरताय समन्नागतं । दिस्वा पस्सित्वा अनुब्यञ्जनसो निमित्तं गण्हाति — केसा वा सोभना **[सोभणा (स्या०)]** मुखं वा सोभनं अक्खी वा सोभना कण्णा वा सोभना नासा वा सोभना ओट्टा वा सोभना दन्ता वा सोभना मुखं वा सोभनं गीवा वा सोभना थना वा सोभना उरं वा सोभनं उदरं वा सोभनं कटि वा सोभना ऊरू वा सोभना जङ्घा वा सोभना हत्था वा सोभना पादा वा सोभना अङ्गुलियो वा सोभना नखा वा सोभनाति । दिस्वा पस्सित्वा अभिनन्दति अभिवदति अभिपत्थेति अनुप्पादेति **[अनुस्सरति (क०)]** अनुबन्धति रागबन्धनं — अयं दस्सनसंसग्गो ।

कतमो सवनसंसग्गो? इधेकच्चो सुणाति — “असुकस्मिं नाम गामे वा निगमे वा इत्थी वा कुमारी वा अभिरूपा दस्सनीया पासादिका परमाय वण्णपोक्खरताय समन्नागता”ति । सुत्वा सुणित्वा अभिनन्दति अभिवदति अभिपत्थेति अनुप्पादेति अनुबन्धति रागबन्धनं — अयं सवनसंसग्गो ।

स्नेहाति द्वे स्नेहा — तण्हास्नेहो च दिट्ठिस्नेहो च । कतमो तण्हास्नेहो? यावता तण्हासङ्घातेन सीमकतं **[सीमकतं मरियादिकतं (स्या०)]** ओधिकतं परियन्तिकतं परिग्गहितं ममायितं — “इदं मम, एतं मम, एत्तकं मम, एत्तावता मम” । रूपा सद्वा गन्धा रसा फोड्डब्बा अत्थरणा पावुरणा दासिदासा अजेळका कुक्कुटसूकरा हत्थिगवास्सवळवा खेत्तं वत्थु हिरञ्जं सुवण्णं गामनिगमराजधानियो रट्ठञ्च जनपदो च कोसो च कोट्टागारञ्च, केवलम्पि महापथाविं तण्हावसेन ममायति, यावता अट्टसततण्हाविचरितं — अयं तण्हास्नेहो ।

कतमो दिट्ठिस्नेहो? वीसतिवत्थुका सक्कायदिट्ठि, दसवत्थुका मिच्छादिट्ठि, दसवत्थुका अन्तग्गाहिकादिट्ठि । या एवरूपा दिट्ठि दिट्ठिगतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसंयोजनं गाहो पटिग्गाहो **[पटिट्ठाहो (क०)]** अभिनिवेशो परामासो कुम्मग्गो मिच्छापथो मिच्छत्तं तित्थायतनं विपरियासग्गाहो विपरीतग्गाहो विपल्लासग्गाहो मिच्छागाहो अयाथावकस्मिं याथावकन्ति गाहो, यावता द्वासट्ठि दिट्ठिगतानि — अयं दिट्ठिस्नेहो ।

संसर्गजातस्स भवन्ति स्नेहाति दस्सनसंसर्गपच्चया च सवनसंसर्गपच्चया च तण्हास्नेहो च दिट्ठिस्नेहो च भवन्ति सम्भवन्ति जायन्ति सज्जायन्ति निब्बत्तन्ति अभिनिब्बत्तन्ति पातुभवन्तीति — संसर्गजातस्स भवन्ति स्नेहा ।

स्नेहन्वयं दुक्खमिदं पहीतीति । स्नेहोति द्वे स्नेहा — तण्हास्नेहो च दिट्ठिस्नेहो च...पे०... अयं तण्हास्नेहो...पे०... अयं दिट्ठिस्नेहो । दुक्खमिदं पहीतीति इधेकच्चो कायेन दुच्चरितं चरति, वाचाय दुच्चरितं चरति, मनसा दुच्चरितं चरति, पाणमि हनति, अदिन्नमि आदियति, सन्धिमि छिन्दति, निल्लोपमि [विलोपमि (स्या०) पस्स महानि० १७०] हरति, एकागारिकमि करोति, परिपन्थेपि तिड्ढति, परदारमि गच्छति, मुसापि भणति । तमेनं गहेत्वा रज्जो दस्सेन्ति — “अयं, देव, चोरो आगुचारी । इमस्स यं इच्छसि तं दण्डं पणेही”ति । तमेनं राजा तं परिभासति । सो परिभासपच्चयापि दुक्खं दोमनस्सं [दुक्खदोमनस्सं (स्या०)] पटिसंवेदेति । एतं भयं दुक्खं दोमनस्सं कुतो जातं? तस्स स्नेहपच्चया च नन्दिपच्चया च रागपच्चया च नन्दिरागपच्चया च जातं ।

एतकेनपि राजा न तुस्सति । तमेनं राजा बन्धापेति — अन्दुबन्धनेन वा रज्जुबन्धनेन वा सङ्खलिकबन्धनेन वा वेत्तबन्धनेन वा लताबन्धनेन वा पक्खेपबन्धनेन वा परिक्खेपबन्धनेन वा गामबन्धनेन वा निगमबन्धनेन वा रट्टबन्धनेन वा जनपदबन्धनेन वा, अन्तमसो सवचनीयमि करोति — “न ते लब्भा इतो पक्कमितु”न्ति । सो बन्धनपच्चयापि दुक्खं दोमनस्सं पटिसंवेदेति । एतं भयं दुक्खं दोमनस्सं कुतो जातं? तस्स स्नेहपच्चया च नन्दिपच्चया च रागपच्चया च नन्दिरागपच्चया च जातं ।

एतकेनपि राजा न तुस्सति । तमेनं राजा तस्सेव [तस्स (स्या०)] धनं आहरापेति — सतं वा सहस्सं वा सतसहस्सं वा । सो धनजानिपच्चयापि दुक्खं दोमनस्सं पटिसंवेदेति । एतं भयं दुक्खं दोमनस्सं कुतो जातं? तस्स स्नेहपच्चया च नन्दिपच्चया च रागपच्चया च नन्दिरागपच्चया च जातं ।

एतकेनपि राजा न तुस्सति । तमेनं राजा विविधा कम्मकारणा [विविधानि कम्मकरणानि (क०)] कारापेति — कसाहिपि ताळेति, वेत्तेहिपि ताळेति, अट्टदण्डेहिपि ताळेति, हत्थमि छिन्दति, पादमि छिन्दति, हत्थपादमि छिन्दति, कण्णमि छिन्दति, नासमि छिन्दति, कण्णनासमि छिन्दति, बिलङ्गथालिकमि करोति, सङ्खमुण्डिकमि करोति, राहुमुखमि करोति, जोतिमालिकमि करोति, हत्थपज्जोतिकमि करोति, एरकवत्तिकमि [एरकवट्टिकमि (स्या० क०) पस्स म० नि० १.१६९] करोति, चीरकवासिकमि करोति, एण्येयकमि करोति, बळिसमंसिकमि करोति, कहापणिकमि करोति, खारापतच्छिकमि [खारापटिच्छिकमि (क०)] करोति, पलिघपरिवत्तिकमि करोति, पलालपीठकमि करोति, तत्तेनपि तेलेन ओसिज्जति, सुनखेहिपि खादापेति, जीवन्तमि सूले उत्तासेति, असिनापि सीसं छिन्दति । सो कम्मकारणपच्चयापि दुक्खं दोमनस्सं पटिसंवेदेति । एतं भयं दुक्खं दोमनस्सं कुतो जातं? तस्स स्नेहपच्चया च नन्दिपच्चया च रागपच्चया च नन्दिरागपच्चया च जातं । राजा इमेसं चतुन्नं दण्डानं इस्सरो ।

सो सकेन कम्मेन कायस्स भेदा परं मरणा अपायं दुग्गतिं विनिपातं निरयं उपपज्जति । तमेनं निरयपाला पच्चविधबन्धनं नाम कम्मकारणं करोन्ति [कारेन्ति (स्या० क०) पस्स म० नि० ३.२६७] — तत्तं अयोखिलं हत्थे गमेन्ति, तत्तं अयोखिलं दुतिये हत्थे गमेन्ति, तत्तं अयोखिलं पादे गमेन्ति, तत्तं अयोखिलं दुतिये पादे गमेन्ति, तत्तं अयोखिलं मज्झे उरस्मिं गमेन्ति । सो तत्थ दुक्खा तिब्बा [तिप्पा (स्या०)] खरा कटुका वेदना वेदेति; न च ताव कालं करोति याव न तं पापकम्मं ब्यन्तीहोति । एतं भयं दुक्खं दोमनस्सं कुतो जातं? तस्स स्नेहपच्चया च नन्दिपच्चया च रागपच्चया च नन्दिरागपच्चया च जातं ।

तमेनं निरयपाला संवेसेत्वा [संवेसित्वा (स्या० क०) पस्स म० नि० ३.२६७] कुठारीहि [कुधारीहि (स्या० क०)] तच्छन्ति...पे०... तमेनं निरयपाला उद्धंपादं अधोसिरं गहेत्वा वासीहि तच्छन्ति । तमेनं निरयपाला रथे योजेत्वा आदिताय पथविद्या सम्पज्जलिताय सजोतिभूताय [सज्जोतिभूताय (स्या०)] सारेन्तिपि पच्चासारेन्तिपि । तमेनं निरयपाला महन्तं अङ्गारपब्बतं आदित्तं सम्पज्जलितं सजोतिभूतं आरोपेन्तिपि ओरोपेन्तिपि । तमेनं निरयपाला उद्धंपादं अधोसिरं गहेत्वा तत्ताय लोहकुम्भिया पक्खिपन्ति आदिताय सम्पज्जलिताय सजोतिभूताय । सो तत्थ फेणुद्देहकं पच्चति । सो तत्थ फेणुद्देहकं पच्चमानो सकिम्पि उद्धं गच्छति, सकिम्पि अधो गच्छति, सकिम्पि तिरियं गच्छति । सो तत्थ दुक्खा तिब्बा खरा कटुका वेदना वेदेति; न च ताव कालङ्करोति याव न तं पापकम्मं ब्यन्तीहोति । एतं भयं दुक्खं दोमनस्सं कुतो जातं? तस्स स्नेहपच्चया च नन्दिपच्चया च रागपच्चया च नन्दिरागपच्चया च जातं ।

तमेनं निरयपाला महानिरये पक्खिपन्ति । सो खो पन महानिरयो —

चतुक्कण्णो चतुद्वारो, विभत्तो भागसो मितो ।
अयोपाकारपरियन्तो, अयसा पटिकुज्जितो ॥

तस्स अयोमया भूमि, जलिता तेजसा युता ।
समन्ता योजनसतं, फरित्वा तिड्ढति सब्बदा ॥

कदरियातपना [कदरिया तापना (क०) महानि० १७०] घोरा, अच्चिमन्तो दुरासदा ।
लोमहंसनरूपा च, भेस्मा पटिभया दुखा ॥

पुरत्थिमाय च भित्तिया, अच्चिक्खन्धो समुट्ठितो ।
डहन्तो पापकम्मन्ते, पच्छिमाय पटिहज्जति ॥

पच्छिमाय च भित्तिया, अच्चिक्खन्धो समुट्ठितो ।
डहन्तो पापकम्मन्ते, पुरिमाय पटिहज्जति ॥

दक्खिणाय च भित्तिया, अच्चिक्खन्धो समुट्ठितो ।
डहन्तो पापकम्मन्ते, उत्तराय पटिहज्जति ॥

उत्तराय च भित्तिया, अच्चिक्खन्धो समुट्ठितो ।
डहन्तो पापकम्मन्ते, दक्खिणाय पटिहज्जति ॥

हेट्ठतो च समुट्ठाया, अच्चिक्खन्धो भयानको ।
डहन्तो पापकम्मन्ते, छदनस्मिं पटिहज्जति ॥

छदनम्हा समुट्ठाया, अच्चिक्खन्धो भयानको ।
डहन्तो पापकम्मन्ते, भूमियं पटिहज्जति ॥

अयोकपालमादित्तं, सन्तत्तं जलितं यथा ।
एवं अवीचिनिरयो, हेट्ठा उपरि पस्सतो ॥

तत्थ सत्ता महालुद्धा, महाकिब्बिसकारिनो ।
अच्चन्तपापकम्मन्ता, पच्चन्ति न च मिय्यरे [मीयरे (क०)] ॥

जातवेदसमो कायो, तेसं निरयवासिनं ।
पस्स कम्मनं दळ्हत्तं, न भस्मा होति नपि मसि ॥

पुरत्थिमेनपि धावन्ति, ततो धावन्ति पच्छिमं ।
उत्तरेनपि धावन्ति, ततो धावन्ति दक्खिणं ॥

यं यं दिसं पधावन्ति, तं तं द्वारं पिधीयति ।
अभिनिक्खमितासा ते, सत्ता मोक्खगवेसिनो ॥

न ते ततो निक्खमितुं, लभन्ति कम्मपच्चया ।
तेसञ्च पापकम्मन्तं, अविपक्कं कतं बहुन्ति ॥

एतं भयं दुक्खं दोमनस्सं कुतो जातं? तस्स स्नेहपच्चया च नन्दिपच्चया च रागपच्चया च नन्दिरागपच्चया च जातं ।

यानि च नेरयिकानि दुक्खानि यानि च तिरच्छानयोनिकानि दुक्खानि यानि च पेत्तिविसयिकानि दुक्खानि यानि च मानुसिकानि दुक्खानि, तानि कुतो जातानि कुतो सञ्जातानि कुतो निब्बत्तानि कुतो अभिनिब्बत्तानि कुतो पातुभूतानि? तस्स स्नेहपच्चया च नन्दिपच्चया च रागपच्चया च नन्दिरागपच्चया च भवन्ति सम्भवन्ति जायन्ति सञ्जायन्ति निब्बत्तन्ति अभिनिब्बत्तन्ति पातुभवन्तीति — स्नेहन्वयं दुक्खमिदं पहाति ।

आदीनवं स्नेहजं पेक्खमानोति । स्नेहोति द्वे स्नेहा — तण्हास्नेहो च दिट्ठिस्नेहो च...पे०... अयं तण्हास्नेहो...पे०... अयं दिट्ठिस्नेहो । आदीनवं स्नेहजं पेक्खमानोति तण्हास्नेहो च दिट्ठिस्नेहो च आदीनवं स्नेहजं पेक्खमानो दक्खमानो ओलोकयमानो निज्झायमानो उपपरिक्खमानोति — आदीनवं स्नेहजं पेक्खमानो, एको चरे खग्गविसाणकप्पो । तेनाह सो पच्चेकसम्बुद्धो —

“संसग्गजातस्स भवन्ति स्नेहा, स्नेहन्वयं दुक्खमिदं पहाति ।
आदीनवं स्नेहजं पेक्खमानो, एको चरे खग्गविसाणकप्पो”ति ॥

१२३.मित्ते सुहज्जे अनुकम्पमानो, हापेति अत्थं पटिबद्धचित्तो [पटिबन्धचित्तो (क०)] ।
एतं भयं सन्थवे [सन्थवे (क०)] पेक्खमानो, एको चरे खग्गविसाणकप्पो ॥

मित्ते सुहज्जे अनुकम्पमानो, हापेति अत्थं पटिबद्धचित्तोति । मित्ताति द्वे मित्ता — अगारिकमित्तो च अनागारिकमित्तो [पब्बजितमित्तो (क०) एवमुपरिपि] च । कतमो अगारिकमित्तो? इधेकच्चो दुद्दं ददाति, दुच्चजं चजति,

दुक्करं करोति, दुक्खमं खमति, गुहमस्स आचिक्खति, गुहमस्स परिगूहति [परिगूहति (स्या० क०)], आपदासु न विजहति, जीवितम्पिस्स अत्थाय परिच्चत्तं होति, खीणे नातिमज्जति — अयं अगारिकमित्तो ।

कतमो अनागारिकमित्तो? इध भिक्खु पियो च होति मनापो च गरु च भावनीयो च वत्ता च वचनक्खमो च गम्भीरज्ज कथं कत्ता, नो च अट्टाने नियोजेति अधिसीले समादपेति, चतुन्नं सतिपट्टानानं भावनानुयोगे समादपेति, चतुन्नं सम्मप्पधानानं...पे०... चतुन्नं इद्धिपादानं... पञ्चन्नं इन्द्रियानं... पञ्चन्नं बलानं... सत्तन्नं बोज्झङ्गानं... अरियस्स अट्ठङ्गिकस्स मग्गस्स भावनानुयोगे समादपेति — अयं अनागारिकमित्तो ।

सुहज्जा वुच्चन्ति येहि सह आगमनं फासु गमनं फासु ठानं फासु निसज्जनं [निसज्जा (क०)] फासु सयनं फासु आलपनं फासु सल्लपनं फासु उल्लपनं फासु समुल्लपनं फासु । मित्ते सुहज्जे अनुकम्पमानो हापेति अत्थन्ति मित्ते च सुहज्जे च सन्दिट्ठे च सम्भत्ते च सहाये च अनुकम्पमानो अनुपेक्खमानो अनुगण्हमानो अत्तत्थम्पि परत्थम्पि उभयत्थम्पि हापेति, दिट्ठधम्मिकम्पि अत्थं हापेति, सम्परायिकम्पि अत्थं हापेति, परमत्थम्पि हापेति पहापेति परिहापेति परिधंसेति परिवज्जेति [परिसज्जेति (स्या०)] अन्तरधापेतीति — मित्ते सुहज्जे अनुकम्पमानो हापेति अत्थं ।

पटिबद्धचित्तोति द्वीहि कारणोहि पटिबद्धचित्तो होति — अत्तानं वा नीचं ठपेन्तो परं उच्चं ठपेन्तो पटिबद्धचित्तो होति, अत्तानं वा उच्चं ठपेन्तो परं नीचं ठपेन्तो पटिबद्धचित्तो होति । कथं अत्तानं नीचं ठपेन्तो परं उच्चं ठपेन्तो पटिबद्धचित्तो होति? तुम्हे मे बहूपकारा, अहं तुम्हे निस्साय लभामि चीवरपिण्डपातसेनासनगिलानपच्चयभेसज्जपरिक्खारं । यम्पि [येपि (क०) एवं चूळनि० खग्गविसाणसुत्तनिद्देस १५१] मे अज्जे दातुं वा कातुं वा मज्जन्ति तुम्हे निस्साय तुम्हे सम्पस्सन्ता । यम्पि मे पोराणं मातापेत्तिकं नामगोत्तं, तम्पि मे अन्तरहितं । तुम्हेहि अहं जायामि — असुकस्स कुलुपको, असुकाय कुलुपकोति । एवं अत्तानं नीचं ठपेन्तो परं उच्चं ठपेन्तो पटिबद्धचित्तो होति ।

कथं अत्तानं उच्चं ठपेन्तो परं नीचं ठपेन्तो पटिबद्धचित्तो होति? अहं तुम्हाकं बहूपकारो, तुम्हे मं आगम्म बुद्धं सरणं गता, धम्मं सरणं गता, सङ्घं सरणं गता, पाणातिपाता पटिविरता, अदिन्नादाना पटिविरता, कामेसुमिच्छाचारा पटिविरता, मुसावादा पटिविरता, सुरामेरयमज्जपमादट्टाना पटिविरता; अहं तुम्हाकं उद्देसं देमि, परिपुच्छं देमि, उपोसथं आचिक्खामि, नवकम्मं अधिट्ठामि । अथ पन तुम्हे मं उज्झित्वा [परिच्चजित्वा (स्या०)] अज्जे सक्करोथ गरुं करोथ मानेथ पूजेथाति । एवं अत्तानं उच्चं ठपेन्तो परं नीचं ठपेन्तो पटिबद्धचित्तो होतीति — मित्ते सुहज्जे अनुकम्पमानो, हापेति अत्थं पटिबद्धचित्तो ।

एतं भयं सन्थवे पेक्खमानोति । भयन्ति जातिभयं जराभयं व्याधिभयं मरणभयं राजभयं चोरभयं अग्निभयं उदकभयं अत्तानुवादभयं परानुवादभयं दण्डभयं दुग्गतिभयं ऊमिभयं कुम्भिलभयं आवट्टभयं सुसुमारभयं [सुसुमारभयं (स्या०)] आजीविकभयं असिलोकभयं परिससारज्जभयं मदनभयं भयानकं छम्भितत्तं लोमहंसो चेतसो उब्बेगो उत्रासो । सन्थवेति द्वे सन्थवा — तण्हासन्थवो च दिट्ठिसन्थवो च...पे०... अयं तण्हासन्थवो...पे०... अयं दिट्ठिसन्थवो । एतं भयं सन्थवे पेक्खमानोति एतं भयं सन्थवे पेक्खमानो दक्खमानो ओलोकयमानो निज्झायमानो उपपरिक्खमानोति — एतं भयं सन्थवे पेक्खमानो, एको चरे खग्गविसाणकप्पो । तेनाह सो पच्चेकसम्बुद्धो —

“मित्ते सुहज्जे अनुकम्पमानो, हापेति अत्थं पटिबद्धचित्तो ।

एतं भयं सन्थवे पेक्खमानो, एको चरे खग्गविसाणकप्पो”ति ॥

१२४ वंसो विसालोव यथा विसत्तो, पुत्तेसु दारेसु च या अपेक्खा ।

वंसक्कळीरोव [वंसे कळीरोव (क०)] असज्जमानो, एको चरे खगविसाणकप्पो ॥

वंसो विसालोव यथा विसत्तोति वंसो वुच्चति वेळुगुम्बो । यथा वेळुगुम्बस्मिं पोरणका वंसा सत्ता [वेळुगुम्बस्मिं कण्टका जटिता संसिब्बिता (स्या०)] विसत्ता आसत्ता लग्गा लग्गिता पलिबुद्धा, एवमेव विसत्तिका वुच्चति तण्हा । यो रागो सारागो अनुनयो अनुरोधो नन्दी नन्दिरागो चित्तस्स सारागो इच्छा मुच्छा अज्झोसानं गेधो पलिगेधो सङ्गो पङ्को एजा माया जनिका सज्जननी सिब्बिनी जालिनी सरिता विसत्तिका सुत्तं विसटा आयूहनी दुतिया पणिधि भवनेत्ति वनं वनथो सन्थवो सिनेहो अपेक्खा पटिबन्धु आसा आसीसना आसीसितत्तं रूपासा सद्दासा गन्धासा रसासा फोडुब्बासा लाभासा धनासा पुत्तासा जीवितासा जप्पा पजप्पा अभिजप्पा जप्पना जप्पितत्तं लोलुपं लोलुप्पायना लोलुप्पायितत्तं पुच्छज्जिकता साधुकम्यता अधम्मरागो विसमलोभो निकन्ति निकामना पत्थना पिहना सम्पत्थना कामतण्हा भवतण्हा विभवतण्हा रूपतण्हा अरूपतण्हा निरोधतण्हा रूपतण्हा सद्धतण्हा गन्धतण्हा रसतण्हा फोडुब्बतण्हा धम्मतण्हा ओघो योगो गन्थो उपादानं आवरणं नीवरणं छदनं बन्धनं उपक्किलेसो अनुसयो परियुट्ठानं लता वेविच्छं दुक्खमूलं दुक्खनिदानं दुक्खप्पभवो मारपासो मारबळिसं मारविसयो मारनिवासो मारबन्धनं तण्हानदी तण्हाजालं तण्हागहुलं तण्हासमुद्धो अभिज्झा लोभो अकुसलमूलं ।

विसत्तिकाति केनट्टेन विसत्तिका? विसालाति विसत्तिका विसताति विसत्तिका, विसटाति विसत्तिका, विसमाति विसत्तिका, विसक्कतीति विसत्तिका, विसंहरतीति विसत्तिका, विसंवादिकाति विसत्तिका, विसमूलाति विसत्तिका, विसफलाति विसत्तिका, विसपरिभोगाति विसत्तिका । विसाला वा पन तण्हा रूपे सद्दे गन्धे रसे फोडुब्बे कुले गणे आवासे लाभे यसे पसंसाय सुखे चीवरे पिण्डपाते सेनासने गिलानपच्चयभेसज्जपरिक्खारे कामधातुया रूपधातुया अरूपधातुया कामभवे रूपभवे अरूपभवे सज्जाभवे असज्जाभवे नेवसज्जानासज्जाभवे एकवोकारभवे चतुवोकारभवे पच्चवोकारभवे अतीते अनागते पच्चुप्पन्ने दिट्ठसुतमुतविज्जातब्बेसु धम्मेषु विसता वित्थताति — विसत्तिकाति — वंसो विसालोव यथा विसत्तो ।

पुत्तेसु दारेसु च या अपेक्खाति । पुत्ताति चत्तारो पुत्ता — अत्रजो पुत्तो, खेत्तजो पुत्तो, दिन्नको पुत्तो, अन्तेवासिको पुत्तो । दारा वुच्चन्ति भरियायो । अपेक्खा वुच्चन्ति तण्हा । यो रागो सारागो...पे०... अभिज्झा लोभो अकुसलमूलन्ति — पुत्तेसु दारेसु च या अपेक्खा ।

वंसक्कळीरोव असज्जमानोति वंसो वुच्चति वेळुगुम्बो । यथा वेळुगुम्बस्मिं तरुणका कळीरका [तरुणकळीरा (स्या०)] असत्ता अलग्गा अगधिता [अपलिवेट्ठिता (स्या०)] अपलिबुद्धा निक्खन्ता निस्सटा विप्पमुत्ता एवमेव । सज्जाति द्वे सज्जना — तण्हासज्जना च दिट्ठिसज्जना च...पे०... अयं तण्हासज्जना...पे०... अयं दिट्ठिसज्जना । तस्स पच्चेकसम्बुद्धस्स तण्हासज्जना पहीना, दिट्ठिसज्जना पटिनिस्सट्ठा । तण्हासज्जनाय पहीनत्ता दिट्ठिसज्जनाय पटिनिस्सट्ठत्ता सो पच्चेकसम्बुद्धो रूपे न सज्जति सद्दे न सज्जति गन्धे न सज्जति रसे न सज्जति फोडुब्बे न सज्जति कुले...पे०... गणे... आवासे... लाभे... यसे... पसंसाय... सुखे... चीवरे... पिण्डपाते... सेनासने... गिलानपच्चयभेसज्जपरिक्खारे... कामधातुया... रूपधातुया... अरूपधातुया... कामभवे... रूपभवे... अरूपभवे... सज्जाभवे... असज्जाभवे... नेवसज्जानासज्जाभवे... एकवोकारभवे... चतुवोकारभवे... पच्चवोकारभवे... अतीते... अनागते... पच्चुप्पन्ने... दिट्ठसुतमुतविज्जातब्बेसु धम्मेषु न सज्जति न गण्हाति न बज्झति न पलिबज्झति न मुच्छति; निक्खन्तो निस्सटो विप्पमुत्तो विसज्जुत्तो विमरियादिकतेन

चेतसा विहरतीति — वंसक्कळीरोव असज्जमानो, एको चरे खग्गविसाणकप्पो । तेनाह सो पच्चेकसम्बुद्धो —

“वंसो विसालोव यथा विसत्तो, पुत्तेसु दारेसु च या अपेक्खा ।
वंसक्कळीरोव असज्जमानो, एको चरे खग्गविसाणकप्पो”ति ॥

१२५.मिगो अरज्जमहि यथा अबद्धो [अबन्धो (स्या० क०)], येनिच्छकं गच्छति गोचराय ।
विज्जू नरो सेरितं पेक्खमानो, एको चरे खग्गविसाणकप्पो ॥

मिगो अरज्जमहि यथा अबद्धो, येनिच्छकं गच्छति गोचरायाति । मिगोति द्वे मिगा — एणिमिगो च पसदमिगो च ।
यथा आरज्जिको [आरज्जको (स्या० क०)] मिगो अरज्जे पवने चरमानो [अरज्जे वसमानो (स्या०)] विस्सत्थो गच्छति
विस्सत्थो तिद्वति विस्सत्थो निसीदति विस्सत्थो सेय्यं कप्पेति ।

वुत्तज्हेतं भगवता — “सेय्यथापि, भिक्खवे, आरज्जिको मिगो अरज्जे पवने चरमानो विस्सत्थो गच्छति विस्सत्थो
तिद्वति विस्सत्थो निसीदति विस्सत्थो सेय्यं कप्पेति । तं किस्स हेतु? अनापाथगतो, भिक्खवे, लुद्धस्स । एवमेव खो,
भिक्खवे, भिक्खु विविच्चेव कामेहि विविच्च अकुसलेहि धम्मेहि सवितक्कं सविचारं विवेकजं पीतिसुखं पठमं ज्ञानं
उपसम्पज्ज विहरति । अयं वुच्चति, भिक्खवे, ‘भिक्खु अन्धमकासि मारं, अपदं [परं (क०) म० नि० १.२७१] वधित्वा
मारचक्खुं अदस्सनं गतो पापिमतो’ ।

“पुन चपरं, भिक्खवे, भिक्खु वितक्कविचारानं वूपसमा अज्झत्तं सम्पसादनं चेतसो एकोदिभावं अवितक्कं अविचारं
समाधिजं पीतिसुखं दुतियं ज्ञानं उपसम्पज्ज विहरति । अयं वुच्चति, भिक्खवे, ‘भिक्खु अन्धमकासि मारं, अपदं वधित्वा
मारचक्खुं अदस्सनं गतो पापिमतो’ ।

“पुन चपरं, भिक्खवे, भिक्खु पीतिया च विरागा उपेक्खको च विहरति सतो च सम्पजानो सुखञ्च कायेन
पटिसंवेदेति, यं तं अरिया आचिक्खन्ति ‘उपेक्खको सतिमा सुखविहारी’ति ततियं ज्ञानं उपसम्पज्ज विहरति । अयं वुच्चति,
भिक्खवे, ‘भिक्खु अन्धमकासि मारं, अपदं वधित्वा मारचक्खुं अदस्सनं गतो पापिमतो’ ।

“पुन चपरं, भिक्खवे, भिक्खु सुखस्स च पहाना दुक्खस्स च पहाना पुब्बेव सोमनस्सदोमनस्सानं अत्थङ्गमा
अदुक्खमसुखं उपेक्खासतिपारिसुद्धिं चतुत्थं ज्ञानं उपसम्पज्ज विहरति । अयं वुच्चति, भिक्खवे, ‘भिक्खु अन्धमकासि
मारं, अपदं वधित्वा मारचक्खुं अदस्सनं गतो पापिमतो’ ।

“पुन चपरं, भिक्खवे, भिक्खु सब्बसो रूपसज्जानं समतिक्कमा पटिघसज्जानं अत्थङ्गमा नानत्तसज्जानं
अमनसिकारा ‘अनन्तो आकासो’ति आकासानज्जायतनं उपसम्पज्ज विहरति । अयं वुच्चति, भिक्खवे, ‘भिक्खु
अन्धमकासि मारं, अपदं वधित्वा मारचक्खुं अदस्सनं गतो पापिमतो’ ।

“पुन चपरं, भिक्खवे, भिक्खु सब्बसो आकासानज्जायतनं समतिक्कम्म ‘अनन्तं विज्जाण’न्ति विज्जाणज्जायतनं
उपसम्पज्ज विहरति...पे०... ।

“पुन चपरं, भिक्खवे, सब्बसो विज्जाणज्जायतनं समतिक्कम्म ‘नत्थि किज्जी’ति आकिज्जज्जायतनं उपसम्पज्ज

विहरति...पे०... ।

“पुन चपरं, भिक्खवे, सब्बसो आकिञ्चज्जायतनं समतिक्कम्म नेवसज्जानासज्जायतनं उपसम्पज्ज विहरति...पे०...

।

“पुन चपरं, भिक्खवे, सब्बसो नेवसज्जानासज्जायतनं समतिक्कम्म सज्जावेदयितनिरोधं उपसम्पज्ज विहरति, पज्जाय चस्स दिस्वा आसवा परिकखीणा होन्ति । अयं वुच्चति, भिक्खवे, ‘भिक्खु अन्धमकासि मारं, अपदं वधित्वा मारचक्खुं अदस्सनं गतो पापिमतो’, तिण्णो लोके विसत्तिकं । सो विस्सत्थो गच्छति विस्सत्थो तिट्ठति विस्सत्थो निसीदति विस्सत्थो सेय्यं कप्पेति । तं किस्स हेतु? अनापाथगतो, भिक्खवे, पापिमतो’ति — मिगो अरज्जहि यथा अबद्धो, येनिच्छकं गच्छति गोचराय ।

विज्जू नरो सेरितं पेक्खमानोति । विज्जूति पण्डितो पज्जवा बुद्धिमा जाणी विभावी मेधावी । **नरोति** सत्तो माणवो पोसो पुगगलो जीवो जागु जन्तु इन्दगु मनुजो । **सेरीति** द्वे सेरी — धम्मोपि सेरी पुगगलोपि सेरी । कतमो धम्मो सेरी? चत्तारो सतिपट्ठाना चत्तारो सम्मप्यधाना चत्तारो इन्द्रिपादा पञ्चिन्द्रियानि पञ्च बलानि सत्त बोज्झङ्गा अरियो अट्ठङ्गिको मग्गो — अयं धम्मो सेरी । कतमो पुगगलो सेरी? यो इमिना सेरिना धम्मेन समन्नागतो, सो वुच्चति पुगगलो सेरी । **विज्जू नरो सेरितं पेक्खमानोति** विज्जू नरो सेरितं धम्मं पेक्खमानो, दक्खमानो ओलोकयमानो निज्झायमानो उपपरिक्खमानोति — विज्जू नरो सेरितं पेक्खमानो, एको चरे खग्गविसाणकप्पो । तेनाह सो पच्चेकसम्बुद्धो —

“मिगो अरज्जहि यथा अबद्धो, येनिच्छकं गच्छति गोचराय ।

विज्जू नरो सेरितं पेक्खमानो, एको चरे खग्गविसाणकप्पो’ति ॥

१२६.आमन्तना होति सहायमज्झे, वासे ठाने गमने चारिकाय ।

अनभिज्झितं सेरितं पेक्खमानो, एको चरे खग्गविसाणकप्पो ॥

आमन्तना होति सहायमज्झे, वासे ठाने गमने चारिकायाति सहाया वुच्चन्ति येहि सह आगमनं फासु गमनं फासु गमनागमनं फासु ठानं फासु निसज्जनं फासु सयनं फासु आलपनं फासु सल्लपनं फासु उल्लपनं फासु समुल्लपनं फासु ।

आमन्तना होति सहायमज्झे, वासे ठाने गमने चारिकायाति सहायमज्झे वासेपि ठानेपि गमनेपि चारिकायपि

अत्तत्थमन्तना परत्थमन्तना उभयत्थमन्तना दिट्ठधम्मिकत्थमन्तना सम्परायिकत्थमन्तना परमत्थमन्तना [\[उभयत्थमन्तना \(क०\)\]](#) ति — आमन्तना होति सहायमज्झे, वासे ठाने गमने चारिकाय ।

अनभिज्झितं सेरितं पेक्खमानोति अनभिज्झितं एतं वत्थु बालानं असप्पुरिसानं तित्थियानं तित्थयसावकानं, यदिदं — भण्डुकासायवत्थवसनता । अभिज्झितं एतं वत्थु पण्डितानं सप्पुरिसानं बुद्धसावकानं पच्चेकबुद्धानं, यदिदं — भण्डुकासायवत्थवसनता । **सेरीति** द्वे सेरी — धम्मोपि सेरी पुगगलोपि सेरी । कतमो धम्मो सेरी? चत्तारो सतिपट्ठाना ...पे०... अरियो अट्ठङ्गिको मग्गो — अयं धम्मो सेरी । कतमो पुगगलो सेरी? यो इमिना सेरिना धम्मेन समन्नागतो, सो वुच्चति पुगगलो सेरी । **अनभिज्झितं सेरितं पेक्खमानोति** सेरितं धम्मं पेक्खमानो दक्खमानो ओलोकयमानो निज्झायमानो उपपरिक्खमानोति — अनभिज्झितं सेरितं पेक्खमानो, एको चरे खग्गविसाणकप्पो । तेनाह सो पच्चेकसम्बुद्धो —

“आमन्तना होति सहायमज्झे, वासे ठाने गमने चारिकाय ।

अनभिज्झितं सेरितं पेक्खमानो, एको चरे खग्गविसाणकप्पो”ति ॥

१२७.खिड्डा [खिड्डा (क०)] रती होति सहायमज्झे, पुत्तेसु च विपुलं होति पेमं ।

पियविप्पयोगं [विप्पयोगमि (क०)] विजिगुच्छमानो, एको चरे खग्गविसाणकप्पो ॥

खिड्डा रती होति सहायमज्जेति । खिड्डाति द्वे खिड्डा — कायिका च खिड्डा वाचसिका च खिड्डा । कतमा कायिका खिड्डा? हत्थीहिपि कीळन्ति, अस्सेहिपि कीळन्ति, रथेहिपि कीळन्ति, धनूहिपि कीळन्ति, थरूहिपि कीळन्ति, अट्टपदेहिपि कीळन्ति, दसपदेहिपि कीळन्ति, आकासेपि कीळन्ति, परिहारपथेपि कीळन्ति, सन्तिकायपि कीळन्ति, खलिकायपि कीळन्ति, घटिकायपि कीळन्ति, सलाकहत्थेनपि कीळन्ति, अक्खेनपि कीळन्ति, पङ्गचीरेनपि कीळन्ति, वङ्गकेनपि कीळन्ति, मोक्खचिकायपि कीळन्ति, चिङ्गुलकेनपि कीळन्ति, पत्ताळहकेनपि कीळन्ति, रथकेनपि कीळन्ति, धनुकेनपि कीळन्ति, अक्खरिकायपि कीळन्ति, मनेसिकायपि कीळन्ति, यथावज्जेनपि कीळन्ति । अयं कायिका खिड्डा ।

कतमा वाचसिका खिड्डा? मुखभेरिकं मुखालम्बरं मुखडिण्डिमकं [मुखदेण्डिमकं (स्या०), मुखदिन्दिमकं (क०)] मुखचलिमकं मुखकेरकं [मुखभेरुकं (स्या०)] मुखददरिक्कं नाटकं लासं गीतं दवकम्मं । अयं वाचसिका खिड्डा ।

रतीति अनुक्कण्ठिताधिवचनमेतं रतीति । सहाया वुच्चन्ति येहि सह आगमनं फासु गमनं फासु गमनागमनं फासु ठानं फासु निसज्जनं फासु सयनं फासु आलपनं फासु सल्लपनं फासु उल्लपनं फासु समुल्लपनं फासु । खिड्डा रती होति सहायमज्जेति खिड्डा च रति च सहायमज्जे होतीति — खिड्डा रती होति सहायमज्जे ।

पुत्तेसु च विपुलं होति पेमन्ति । पुत्ताति चत्तारो पुत्ता — अत्रजो पुत्तो, खेत्तजो पुत्तो, दिन्नको पुत्तो, अन्तेवासिको पुत्तो । पुत्तेसु च विपुलं होति पेमन्ति पुत्तेसु च अधिमत्तं होति पेमन्ति — पुत्तेसु च विपुलं होति पेमं ।

पियविप्पयोगं विजिगुच्छमानोति द्वे पिया — सत्ता वा सङ्गारा वा । कतमे सत्ता पिया? इध यस्स ते होन्ति अत्थकामा हितकामा फासुकामा योगक्खेमकामा माता वा पिता वा भाता वा भगिनी वा पुत्तो वा धीता वा मिता वा अमच्चा वा जाती वा सालोहिता वा, इमे सत्ता पिया ।

कतमे सङ्गारा पिया? मनापिका रूपा मनापिका सद्दा मनापिका गन्धा मनापिका रसा मनापिका फोड्डब्बा, इमे सङ्गारा पिया । पियविप्पयोगं विजिगुच्छमानोति पियानं विप्पयोगं विजिगुच्छमानो अट्टियमानो हरायमानोति — पियविप्पयोगं विजिगुच्छमानो, एको चरे खग्गविसाणकप्पो । तेनाह सो पच्चेकसम्बुद्धो —

“खिड्डा रती होति सहायमज्जे, पुत्तेसु च विपुलं होति पेमं ।

पियविप्पयोगं विजिगुच्छमानो, एको चरे खग्गविसाणकप्पो”ति ॥

१२८.चातुदिसो अप्पटिघो च होति, सन्तुस्समानो इतरीतरेन ।

परिस्सयानं सहिता अछम्भी, एको चरे खग्गविसाणकप्पो ॥

चातुदिसो अप्पटिघो च होतीति । चातुदिसोति सो पच्चेकसम्बुद्धो मेत्तासहगतेन चेतसा एकं दिसं फरित्वा विहरति, तथा दुतियं, तथा ततियं, तथा चतुत्थं । इति उद्धमधो तिरियं सब्बधि सब्बत्तताय सब्बावन्तं लोकं मेत्तासहगतेन चेतसा

विपुलेन महगतेन अप्पमाणेन अवेरेन अब्यापज्जेन [अब्यापज्जेन (स्या०) पस्स दी० नि० ३.३०८] फरित्वा विहरति । करुणासहगतेन...पे०... मुदितासहगतेन...पे०... उपेक्खासहगतेन चेतसा एकं दिसं फरित्वा विहरति, तथा दुतियं, तथा ततियं...पे०... अब्यापज्जेन फरित्वा विहरति । **चातुदिसो अप्पटिघो च होतीति** मेत्ताय भावितत्ता ये पुरत्थिमाय दिसाय सत्ता ते अप्पटिकूला [अप्पटिकूला (बहूसु)] होन्ति, ये दक्खिणाय दिसाय सत्ता ते अप्पटिकूला होन्ति, ये पच्छिमाय दिसाय सत्ता ते अप्पटिकूला होन्ति, ये उत्तराय दिसाय सत्ता ते अप्पटिकूला होन्ति, ये पुरत्थिमाय अनुदिसाय सत्ता ते अप्पटिकूला होन्ति, ये दक्खिणाय अनुदिसाय सत्ता ते अप्पटिकूला होन्ति, ये पच्छिमाय अनुदिसाय सत्ता ते अप्पटिकूला होन्ति, ये उत्तराय अनुदिसाय सत्ता ते अप्पटिकूला होन्ति, ये हेट्ठिमाय दिसाय सत्ता ते अप्पटिकूला होन्ति, ये उपरिमाय दिसाय सत्ता ते अप्पटिकूला होन्ति, ये दिसासु विदिसासु सत्ता ते अप्पटिकूला होन्ति; करुणाय भावितत्ता मुदिताय भावितत्ता उपेक्खाय भावितत्ता ये पुरत्थिमाय दिसाय सत्ता ते अप्पटिकूला होन्ति...पे०... ये दिसासु विदिसासु सत्ता ते अप्पटिकूला होन्तीति — चातुदिसो अप्पटिघो च होति ।

सन्तुस्समानो इतरीतरेनाति सो पच्चेकसम्बुद्धो सन्तुड्ढो होति इतरीतरेन चीवरेन, इतरीतरचीवरसन्तुड्ढिया च वण्णवादी, न च चीवरहेतु अनेसनं अप्पतिरूपं [अप्पटिरूपं (स्या०)] आपज्जति । अलद्धा च चीवरं न परितस्सति, लद्धा च चीवरं अगधितो अमुच्छितो अनज्झापन्नो [अनज्झापन्नो (स्या०)] आदीनवदस्सावी निस्सरणपज्जो परिभुज्जति । तां च पन इतरीतरचीवरसन्तुड्ढिया नेवत्तानुक्कंसेति न परं वम्भेति । यो हि तत्थ दक्खो अनलसो सम्पजानो पतिस्सतो, अयं वुच्चति पच्चेकसम्बुद्धो पोराने अगगज्जे अरियवंसे ठितो । सन्तुड्ढो होति इतरीतरेन पिण्डपातेन...पे०...

सन्तुड्ढो होति इतरीतरेन सेनासनेन...पे०... सन्तुड्ढो होति इतरीतरेन गिलानपच्चयभेसज्जपरिक्खारेन, इतरीतरगिलानपच्चयभेसज्जपरिक्खारसन्तुड्ढिया च वण्णवादी, न च गिलानपच्चयभेसज्जपरिक्खारहेतु अनेसनं अप्पतिरूपं आपज्जति । अलद्धा च गिलानपच्चयभेसज्जपरिक्खारानं न परितस्सति । लद्धा च गिलानपच्चयभेसज्जपरिक्खारं अगधितो अमुच्छितो अनज्झापन्नो आदीनवदस्सावी निस्सरणपज्जो परिभुज्जति । तां च इतरीतरगिलानपच्चयभेसज्जपरिक्खारसन्तुड्ढिया नेवत्तानुक्कंसेति न परं वम्भेति । यो हि तत्थ दक्खो अनलसो सम्पजानो पतिस्सतो, अयं वुच्चति पच्चेकसम्बुद्धो पोराने अगगज्जे अरियवंसे ठितोति — सन्तुस्समानो इतरीतरेन ।

परिस्सयानं सहिता अछम्भीति । परिस्सयाति द्वे परिस्सया — पाकटपरिस्सया च पटिच्छन्नपरिस्सया च । कतमे पाकटपरिस्सया? सीहा ब्यग्घा दीपी अच्छा तरच्छा कोका महिसा [गोमहिसा (स्या०) महानि० ५] हत्थी अही विच्छिका सतपदी, चोरा वा अस्सु मानवा वा कतकम्मा वा अकतकम्मा वा, चक्खुरोगो सोतरोगो घानरोगो जिह्वारोगो कायरोगो सीसरोगो कण्णरोगो मुखरोगो दन्तरोगो कासो सासो पिनासो डाहो जरो कुच्छिरोगो मुच्छा पक्खन्दिका सूला विसूचिका कुट्टं गण्डो किलासो सोसो अपमारो दद्दु कण्डु कच्छु रक्खसा वितच्छिका लोहितपित्तं मधुमेहो अंसा पिळका भगन्दला, पित्तसमुद्धाना आबाधा सेम्हसमुद्धाना आबाधा वातसमुद्धाना आबाधा सन्निपातिका आबाधा उतुपरिणामजा आबाधा विसमपरिहारजा आबाधा ओपक्कमिका आबाधा कम्मविपाकजा आबाधा, सीतं उण्हं जिघच्छा पिपासा उच्चारो पस्सावो डंसमकसवातातपसरीसपसम्फस्सा इति वा । इमे वुच्चन्ति पाकटपरिस्सया ।

कतमे पटिच्छन्नपरिस्सया? कायदुच्चरितं वचीदुच्चरितं मनोदुच्चरितं कामच्छन्दनीवरणं व्यापादनीवरणं थिनमिद्धनीवरणं उद्धच्चकुक्कुच्चनीवरणं विचिकिच्छानीवरणं रागो दोसो मोहो कोधो उपनाहो मक्खो पळासो इस्सा मच्छरियं माया साठेय्यं थम्भो सारम्भो मानो अतिमानो मदो पमादो, सब्बे किलेसा सब्बे दुच्चरिता सब्बे दरथा सब्बे

परिळाहा सब्बे सन्तापा सब्बाकुसलाभिसङ्खारा । इमे वुच्चन्ति पटिच्छन्नपरिस्सया ।

परिस्सयाति केनट्टेन परिस्सया? परिसहन्तीति परिस्सया, परिहानाय संवत्तन्तीति परिस्सया, तत्रासयाति परिस्सया ।
कथं परिसहन्तीति परिस्सया? ते परिस्सया तं पुग्गलं सहन्ति परिसहन्ति अभिभवन्ति अज्झोत्थरन्ति परियादियन्ति मद्दन्ति ।
एवं परिसहन्तीति — परिस्सया ।

कथं परिहानाय संवत्तन्तीति परिस्सया? ते परिस्सया कुसलानं धम्मानं अन्तरायाय परिहानाय संवत्तन्ति । कतमेसं कुसलानं धम्मानं? सम्पापटिपदाय अनुलोमपटिपदाय अपच्चनीकपटिपदाय अन्वत्थपटिपदाय धम्मानुधम्मपटिपदाय सीलेसु परिपूरकारिताय इन्द्रियेसु गुत्तद्वारताय भोजने मत्तञ्जुताय जागरियानुयोगस्स सतिसम्पजञ्जस्स चतुन्नं सतिपट्टानानं भावनानुयोगस्स, चतुन्नं सम्मप्पधानानं... चतुन्नं इद्धिपादानं... पञ्चन्नं इन्द्रियानं... पञ्चन्नं बलानं... सत्तन्नं बोझङ्गानं... अरियस्स अट्ठङ्गिकस्स मग्गस्स भावनानुयोगस्स — इमेसं कुसलानं धम्मानं अन्तरायाय परिहानाय संवत्तन्ति । एवं परिहानाय संवत्तन्तीति — परिस्सया ।

कथं तत्रासयाति परिस्सया? तत्थेते [तत्र ते (क०)] पापका अकुसला धम्मा उप्पज्जन्ति अत्तभावसन्निस्सया । यथा बिले बिलासया पाणा सयन्ति, दके दकासया [उदके उदकासया (स्या०)] पाणा सयन्ति, वने वनासया पाणा सयन्ति, रुक्खे रुक्खासया पाणा सयन्ति; एवमेव तत्थेते पापका अकुसला धम्मा उप्पज्जन्ति अत्तभावसन्निस्सयाति । एवम्पि तत्रासयाति — परिस्सया ।

वुत्तज्हेतं भगवता — “सान्तेवासिको, भिक्खवे, भिक्खु साचरियको दुक्खं न फासु विहरति । कथञ्च, भिक्खवे, भिक्खु सान्तेवासिको साचरियको दुक्खं न फासु विहरति? इध, भिक्खवे, भिक्खु चक्खुना रूपं दिस्वा उप्पज्जन्ति ये पापका अकुसला धम्मा, सरसङ्कप्पा संज्जोजनीया [संज्जोजनिका (क०)], त्यस्स अन्तो वसन्ति अन्वास्सवन्ति पापका अकुसला धम्माति । तस्मा सान्तेवासिको वुच्चति । तेन समुदाचरेन समुदाचरन्ति नं पापका अकुसला धम्माति । तस्मा साचरियकोति वुच्चति ।

“पुन चपरं, भिक्खवे, भिक्खुनो सोतेन सहं सुत्वा...पे०... घानेन गन्धं घायित्वा...पे०... जिक्काय रसं सायित्वा...पे०... कायेन फोट्ठब्बं फुसित्वा...पे०... मनसा धम्मं विज्जाय उप्पज्जन्ति ये पापका अकुसला धम्मा सरसङ्कप्पा संयोजनीया, त्यस्स अन्तो वसन्ति अन्वास्सवन्ति पापका अकुसला धम्माति । तस्मा सान्तेवासिकोति वुच्चति । तेन समुदाचरेन समुदाचरन्ति नं पापका अकुसला धम्माति । तस्मा साचरियकोति वुच्चति । एवं खो, भिक्खवे, भिक्खु सान्तेवासिको साचरियको दुक्खं न फासु विहरती”ति । एवम्पि, तत्रासयाति — परिस्सया ।

वुत्तज्हेतं भगवता — “तयोमे, भिक्खवे, अन्तरामला अन्तराअमित्ता अन्तरासपत्ता अन्तरावधका अन्तरापच्चत्थिका । कतमे तयो? लोभो, भिक्खवे, अन्तरामलो [अन्तरामलं (स्या० क०) पस्स इतिवु० ८८] अन्तराअमित्तो अन्तरासपत्तो अन्तरावधको अन्तरापच्चत्थिको, दोसो, भिक्खवे...पे०... मोहो, भिक्खवे, अन्तरामलो अन्तराअमित्तो अन्तरासपत्तो अन्तरावधको अन्तरापच्चत्थिको । इमे खो, भिक्खवे, तयो अन्तरामला अन्तराअमित्ता अन्तरासपत्ता अन्तरावधका अन्तरापच्चत्थिका”ति ।

अनत्थजननो लोभो, लोभो चित्तप्पकोपनो ।

भयमन्तरतो जातं, तं जनो नावबुज्झति ॥

लुब्धो अत्थं न जानाति, लुब्धो धम्मं न पस्सति ।
अन्धतमं तदा होति, यं लोभो सहते नरं ॥

अनत्थजननो दोसो, दोसो चित्तप्पकोपनो ।
भयमन्तरतो जातं, तं जनो नावबुज्झति ॥

दुट्ठो अत्थं न जानाति, दुट्ठो धम्मं न पस्सति ।
अन्धतमं तदा होति, यं दोसो सहते नरं ॥

अनत्थजननो मोहो, मोहो चित्तप्पकोपनो ।
भयमन्तरतो जातं, तं जनो नावबुज्झति ॥

मूळ्हो अत्थं न जानाति, मूळ्हो धम्मं न पस्सति ।
अन्धतमं तदा होति, यं मोहो सहते नरन्ति ॥

एवम्पि, तत्रासयाति — परिस्सया ।

वुत्तञ्हेतं भगवता — “तयो खो, महाराज, पुरिसस्स धम्मा अज्झत्तं उप्पज्जमाना उप्पज्जन्ति अहिताय दुक्खाय अफासुविहाराय । कतमे तयो? लोभो खो, महाराज, पुरिसस्स धम्मो अज्झत्तं उप्पज्जमानो उप्पज्जति अहिताय दुक्खाय अफासुविहाराय; दोसो खो, महाराज...पे०... मोहो खो, महाराज, पुरिसस्स धम्मो अज्झत्तं उप्पज्जमानो उप्पज्जति अहिताय दुक्खाय अफासुविहाराय । इमे खो, महाराज, तयो पुरिसस्स धम्मा अज्झत्तं उप्पज्जमाना उप्पज्जन्ति अहिताय दुक्खाय अफासुविहाराय ।

“लोभो दोसो च मोहो च, पुरिसं पापचेतसं ।
हिंसन्ति अत्तसम्भूता, तचसारंव सम्फलं’न्ति [सफलन्ति (क०) पस्स इतिवु० ५०] ॥

एवम्पि, तत्रासयाति — परिस्सया ।

वुत्तञ्हेतं भगवता —

“रागो च दोसो च इतोनिदाना, अरती रती लोमहंसो इतोजा ।
इतो समुट्ठाय मनोवितक्का, कुमारका धङ्कमिवोस्सज्जन्ती’ति [चङ्कमिवोस्सज्जन्तीति (स्या० क०) पस्स सु०
नि० २७३-२७४] ॥

एवम्पि, तत्रासयाति — परिस्सया ।

परिस्सयानं सहिताति परिस्सये सहिता आराधिता अज्झोत्थरिता परियादिता पटिनिस्सताति — परिस्सयानं सहिता ।

अछम्भीति सो पच्चेकसम्बुद्धो अभीरू अछम्भी अनुत्रासी अपलायी पहीनभयभेरवो विगतलोमहंसो विहरतीति — परिस्सयानं सहिता अछम्भी, एको चरे खग्गविसाणकप्पो । तेनाह सो पच्चेकसम्बुद्धो —

“चातुदिसो अप्पटिघो च होति, सन्तुस्समानो इतरीतरेन ।
परिस्सयानं सहिता अछम्भी, एको चरे खग्गविसाणकप्पो”ति ॥

१२९.दुस्सङ्गहा पब्बजितापि एके, अथो गहट्टा घरमावसन्ता ।
अप्पोस्सुक्को परपुत्तेसु हुत्वा, एको चरे खग्गविसाणकप्पो ॥

दुस्सङ्गहा पब्बजितापि एकेति पब्बजितापि इधेकच्चे निस्सयेपि दिव्यमाने उद्वेसेपि दिव्यमाने परिपुच्छायपि [परिपुच्छेपि (क०)] दिव्यमाने चीवरेपि दिव्यमाने पत्तेपि दिव्यमाने लोहथालकेपि दिव्यमाने धम्मकरणेपि [धम्मकरकेपि (स्या०)] दिव्यमाने परिस्सावनेपि दिव्यमाने थविकेपि दिव्यमाने उपाहनेपि दिव्यमाने कायबन्धनेपि दिव्यमाने न सुणन्ति न सोतं ओदहन्ति न अज्जाचित्तं उपट्ठपेन्ति, अनस्सवा अवचनकरा पटिलोमवुत्तिनो अज्जेनेव मुखं करोन्तीति — दुस्सङ्गहा पब्बजितापि एके ।

अथो गहट्टा घरमावसन्ताति गहट्टापि इधेकच्चे हत्थिम्हिपि दिव्यमाने... पे०... रथेपि खेत्तेपि वत्थुम्हिपि हिरज्जेपि सुवण्णेपि दिव्यमाने गामेपि... पे०... निगमेपि नगरेपि... रट्ठेपि... जनपदेपि दिव्यमाने न सुणन्ति न सोतं ओदहन्ति न अज्जाचित्तं उपट्ठपेन्ति, अनस्सवा अवचनकरा पटिलोमवुत्तिनो अज्जेनेव मुखं करोन्तीति — अथो गहट्टा घरमावसन्ता ।

अप्पोस्सुक्को परपुत्तेसु हुत्वाति अत्तानं ठपेत्वा सब्बे इमस्मिं अत्थे परपुत्ता । तेसु परपुत्तेसु अप्पोस्सुक्को हुत्वा अब्बावटो हुत्वा अनपेक्खो हुत्वाति — अप्पोस्सुक्को परपुत्तेसु हुत्वा, एको चरे खग्गविसाणकप्पो । तेनाह सो पच्चेकसम्बुद्धो —

“दुस्सङ्गहा पब्बजितापि एके, अथो गहट्टा घरमावसन्ता ।
अप्पोस्सुक्को परपुत्तेसु हुत्वा, एको चरे खग्गविसाणकप्पो”ति ॥

१३०.ओरोपयित्वा [वोरोपयित्वा (स्या०)] गिहिव्यञ्जनानि, सञ्छिन्नपत्तो [संसीनपत्तो (सी० अट्ठ०)] यथा कोविळारो ।
छेत्वान वीरो गिहिव्यञ्जनानि, एको चरे खग्गविसाणकप्पो ॥

ओरोपयित्वा गिहिव्यञ्जनानीति गिहिव्यञ्जनानि वुच्चन्ति केसा च मस्सू च माला च गन्धज्ज विलेपनज्ज आभरणज्ज पिलन्धनज्ज वत्थज्ज पारुपनज्ज वेठनज्ज उच्छादनं परिमहनं न्हापनं [नहापनं (स्या०)] सम्बाहनं आदासं अज्जनं मालागन्धविलेपनं मुखचुण्णं मुखलेपनं हत्थबन्धं सिखाबन्धं दण्डं नाळिकं [नालिकं (क०) पस्स दी० नि० १.१६] खग्गं छत्तं चितुपाहनं उण्हीसं मणिं वाळबीजनिं ओदातानि वत्थानि दीघदसानि [दीघरस्सानि (स्या०)] इति वा ।
ओरोपयित्वा गिहिव्यञ्जनानीति गिहिव्यञ्जनानि ओरोपयित्वा समोरोपयित्वा निक्खिपित्वा पटिपस्सम्भयित्वाति — ओरोपयित्वा गिहिव्यञ्जनानि ।

सञ्छिन्नपत्तो यथा कोविळारोति यथा कोविळारस्स पत्तानि छिन्नानि सञ्छिन्नानि पतितानि परिपतितानि, एवमेव

तस्स पच्चेकसम्बुद्धस्स गिहिव्यञ्जनानि छिन्नानि सञ्छिन्नानि पतितानीति — सञ्छिन्नपत्तो यथा कोविळारो ।

छेत्त्वान वीरो गिहिवन्धनानीति । वीरोति वीरियवाति वीरो, पट्टति वीरो, विसवीति वीरो, अलमत्तोति वीरो, सूरुति वीरो, विक्कन्तो अभीरू अच्छम्भी अनुत्रासी अपलायी पहीनभयभेरवोति वीरो, विगतलोमहंसोति वीरो ।

विरतो इध [आरतो इधेव (स्या०) पस्स सु० नि० ५३६] सब्बपाकेहि, निरयदुक्खं अतिच्च वीरियवा सो ।
सो वीरियवा पधानवा, धीरो [वीरो (स्या० क०) पस्स सु० नि० ५३६] तादि पवुच्चते तथत्ता ॥

गिहिवन्धनानि वुच्चन्ति पुत्ता च भरिया च दासा च दासी च अजेळका च कुक्कुटसूकरा च हत्थिगवास्सवळवा च खेत्तञ्च वत्थु च हिरञ्जञ्च सुवण्णञ्च गामनिगमराजधानियो च रट्टञ्च जनपदो च कोसो च कोट्टागारञ्च, यं किञ्चि रजनीयवत्थु ।

छेत्त्वान वीरो गिहिवन्धनानीति सो पच्चेकसम्बुद्धो वीरो गिहिवन्धनानि छिन्दित्वा समुच्छिन्दित्वा जहित्वा विनोदेत्वा ब्यन्तीकरित्वा अनभावं गमेत्वाति — छेत्त्वान वीरो गिहिवन्धनानि, एको चरे खग्गविसाणकप्पो । तेनाह सो पच्चेकसम्बुद्धो —

“ओरोपयित्वा गिहिव्यञ्जनानि, सञ्छिन्नपत्तो यथा कोविळारो,
छेत्त्वान वीरो गिहिवन्धनानि ।
एको चरे खग्गविसाणकप्पो”ति ॥

पठमो वग्गो ।

दुतियवग्गो

१३१. सचे लभेथ निपकं सहायं, सद्धिं चरं साधुविहारि धीरं ।

अभिभुय्य सब्बानि परिस्सयानि, चरेय्य तेनत्तमनो सतीमा ॥

सचे लभेथ निपकं सहायन्ति सचे निपकं पण्डितं पञ्चवन्तं बुद्धिमन्तं जाणिं विभाविं मेधाविं सहायं लभेय्य पटिलभेय्य अधिगच्छेय्य विन्देय्याति — सचे लभेथ निपकं सहायं ।

सद्धिं चरं साधुविहारि धीरन्ति । सद्धिं चरन्ति एकतो चरं । **साधुविहारिन्ति** पठमेनपि ज्ञानेन साधुविहारिं, दुतियेनपि ज्ञानेन... ततियेनपि ज्ञानेन... चतुत्थेनपि ज्ञानेन साधुविहारिं, मेत्तायपि चेतोविमुत्तिया साधुविहारिं, करुणायपि...पे०... मुदितायपि... उपेक्खायपि चेतोविमुत्तिया साधुविहारिं, आकासानञ्जायतनसमापत्तियापि साधुविहारिं, विज्जाणञ्च आयतनसमापत्तियापि...पे०... आकिञ्चञ्जायतनसमापत्तियापि...पे०... नेवसञ्जानासञ्जायतनसमापत्तियापि साधुविहारिं, निरोधसमापत्तियापि साधुविहारिं, फलसमापत्तियापि साधुविहारिं । **धीरन्ति** धीरं पण्डितं पञ्चवन्तं बुद्धिमन्तं जाणिं विभाविं मेधाविन्ति — सद्धिं चरं साधुविहारि धीरं ।

अभिभुय्य सब्बानि परिस्सयानीति । परिस्सयाति द्वे परिस्सया — पाकटपरिस्सया च पटिच्छन्नपरिस्सया च...पे०...

इमे वुच्चन्ति पाकटपरिस्सया...पे०... इमे वुच्चन्ति पटिच्छन्नपरिस्सया...पे०... एवम्पि, तत्रासयाति — परिस्सया ।
अभिभुय्य सब्बानि परिस्सयानीति सब्बे परिस्सये अभिभुय्य अभिभवित्वा अज्झोत्थरित्वा परियादियित्वा मदित्वाति —
 अभिभुय्य सब्बानि परिस्सयानि ।

चरेय्य तेनत्तमनो सतीमाति सो पच्चेकसम्बुद्धो तेन निपकेन पण्डितेन पञ्जवन्तेन बुद्धिमन्तेन जाणिना विभाविना मेधाविना सहायेन सद्धिं अत्तमनो तुट्टमनो हट्टमनो पहट्टमनो उदगमनो मुदितमनो चरेय्य विहरेय्य इरियेय्य वत्तेय्य पालेय्य यपेय्य यापेय्याति — चरेय्य तेनत्तमनो । **सतीमाति** सो पच्चेकसम्बुद्धो सतिमा होति परमेन सतिनेपक्केन समन्नागतो, चिरकतम्पि चिरभासितम्पि सरिता अनुस्सरिताति — चरेय्य तेनत्तमनो सतीमा । तेनाह सो पच्चेकसम्बुद्धो —

“सचे लभेथ निपकं सहायं, सद्धिं चरं साधुविहारि धीरं ।
 अभिभुय्य सब्बानि परिस्सयानि, चरेय्य तेनत्तमनो सतीमा”ति ॥

**१३२.नो चे लभेथ निपकं सहायं, सद्धिं चरं साधुविहारि धीरं ।
 राजाव रट्ठं विजितं पहाय, एको चरे खग्गविसाणकप्पो ॥**

नो चे लभेथ निपकं सहायन्ति नो चे निपकं पण्डितं पञ्जवन्तं बुद्धिमन्तं जाणिं विभाविं मेधाविं सहायं लभेय्य पटिलभेय्य अधिगच्छेय्य विन्देय्याति — नो चे लभेथ निपकं सहायं ।

सद्धिं चरं साधुविहारि धीरन्ति । सद्धिं चरन्ति एकतो चरं । **साधुविहारिन्ति** पठमेनपि ज्ञानेन साधुविहारिं...पे०... निरोधसमापत्तियापि साधुविहारिं, फलसमापत्तियापि साधुविहारिं । **धीरन्ति** धीरं पण्डितं पञ्जवन्तं बुद्धिमन्तं जाणिं विभाविं मेधाविन्ति — सद्धिं चरं साधुविहारि धीरं ।

राजाव रट्ठं विजितं पहायाति राजा खत्तियो मुद्धाभिसित्तो विजितसङ्गामो निहतपच्चामित्तो लद्धाधिप्पायो परिपुण्णकोसकोट्टागारो रट्ठञ्च जनपदञ्च कोसञ्च कोट्टागारञ्च पहूतहिरञ्जसुवण्णं नगरञ्च परिच्यजित्वा केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजित्वा अकिञ्चनभावं उपगन्त्वा एको चरति विहरति इरियति वत्तेति पालेति यपेति यापेति । एवं पच्चेकसम्बुद्धोपि सब्बं घरावासपलिबोधं छिन्दित्वा पुत्तदारपलिबोधं छिन्दित्वा जातिपलिबोधं छिन्दित्वा मित्तामच्चपलिबोधं छिन्दित्वा केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजित्वा अकिञ्चनभावं उपगन्त्वा एको चरति विहरति इरियति वत्तेति पालेति यपेति यापेतीति — राजाव रट्ठं विजितं पहाय, एको चरे खग्गविसाणकप्पो । तेनाह सो पच्चेकसम्बुद्धो —

“नो चे लभेथ निपकं सहायं, सद्धिं चरं साधुविहारि धीरं ।
 राजाव रट्ठं विजितं पहाय, एको चरे खग्गविसाणकप्पो”ति ॥

**१३३.अद्धा पसंसाम सहायसम्पदं, सेट्ठा समा सेवितब्बा सहाया ।
 एते अलद्धा अनवज्जभोजी, एको चरे खग्गविसाणकप्पो ॥**

अद्धा पसंसाम सहायसम्पदन्ति । अद्धाति एकंसवचनं निस्संसयवचनं निक्कङ्खवचनं अद्वेज्जवचनं अद्वेळ्हकवचनं नियोगवचनं अपण्णकवचनं अविरद्धवचनं अवत्थापनवचनमेतं — अद्धाति । **सहायसम्पदन्ति** सहायसम्पदा वुच्चति यो

सो सहायो असेकखेन सीलक्खन्धेन समन्नागतो होति, असेकखेन समाधिकक्खन्धेन... असेकखेन पज्जाक्खन्धेन ... असेकखेन विमुत्तिक्खन्धेन... असेकखेन विमुत्तिजाणदस्सनक्खन्धेन समन्नागतो होति । अद्धा पसंसाम सहायसम्पदन्ति सहायसम्पदं पसंसाम थोमेम कित्तेम वण्णेमाति — अद्धा पसंसाम सहायसम्पदं ।

सेट्ठा समा सेवितब्बा सहायाति सेट्ठा होन्ति सहाया सीलेन समाधिना पज्जाय विमुत्तिया विमुत्तिजाणदस्सनेन; समा सदिसा होन्ति सहाया सीलेन समाधिना पज्जाय विमुत्तिया विमुत्तिजाणदस्सनेन । सेट्ठा वा सहाया सदिसा वा सहाया सेवितब्बा भजितब्बा पयिरुपासितब्बा परिपुच्छितब्बा परिपज्झितब्बाति — सेट्ठा समा सेवितब्बा सहाया ।

एते अलद्धा अनवज्जभोजीति अत्थि पुगगलो सावज्जभोजी अत्थि पुगगलो अनवज्जभोजीति । कतमो च पुगगलो सावज्जभोजी? इधेकच्चो पुगगलो कुहनाय लपनाय नेमित्तिकताय निप्पेसिकताय लाभेन लाभं निजिगीसनताय [निजिगीसनताय (स्या०)] दारुदानेन वेळुदानेन पत्तदानेन पुष्पदानेन फलदानेन सिनानदानेन चुण्णदानेन मत्तिकादानेन दन्तकट्टदानेन मुखोदकदानेन चाटुकम्यताय [पातुकम्यताय (स्या०) महानि० १५९] मुग्गसूयताय [मुग्गसूयताय (स्या०)] पारिभट्टयताय पीठमद्विकताय वत्थुविज्जाय तिरच्छानविज्जाय अङ्गविज्जाय नक्खत्तविज्जाय दूतगमनेन पहिणगमनेन जङ्घपेसनियेन वेज्जकम्मेन नवकम्मेन [दूतकम्मेन (स्या० क०) महानि० १५९] पिण्डपटिपिण्डकेन दानानुप्पदानेन, अधम्मेन विसमेन लद्धा लभित्वा अधिगन्त्वा विन्दित्वा पटिलभित्वा जीविकं [जीवितं (क०)] कप्पेति । अयं वुच्चति पुगगलो सावज्जभोजी ।

कतमो च पुगगलो अनवज्जभोजी? इधेकच्चो पुगगलो न कुहनाय न लपनाय न नेमित्तिकताय न निप्पेसिकताय न लाभेन लाभं निजिगीसनताय न दारुदानेन न वेळुदानेन न पत्तदानेन न पुष्पदानेन न फलदानेन न सिनानदानेन न चुण्णदानेन न मत्तिकादानेन न दन्तकट्टदानेन न मुखोदकदानेन न चाटुकम्यताय न मुग्गसूयताय न पारिभट्टयताय न पीठमद्विकताय न वत्थुविज्जाय न तिरच्छानविज्जाय न अङ्गविज्जाय न नक्खत्तविज्जाय न दूतगमनेन न पहिणगमनेन न जङ्घपेसनियेन न वेज्जकम्मेन न नवकम्मेन न पिण्डपटिपिण्डकेन न दानानुप्पदानेन, धम्मेन समेन लद्धा लभित्वा अधिगन्त्वा विन्दित्वा पटिलभित्वा जीविकं कप्पेति । अयं वुच्चति पुगगलो अनवज्जभोजी ।

एते अलद्धा अनवज्जभोजीति एते अनवज्जभोजी अलद्धा अलभित्वा अनधिगन्त्वा अविन्दित्वा अप्पटिलभित्वाति — एते अलद्धा अनवज्जभोजी, एको चरे खग्गविसाणकप्पो । तेनाह सो पच्चेकसम्बुद्धो —

“अद्धा पसंसाम सहायसम्पदं, सेट्ठा समा सेवितब्बा सहाया ।
एते अलद्धा अनवज्जभोजी, एको चरे खग्गविसाणकप्पो”ति ॥

१३४ दिस्वा सुवण्णस्स पभस्सरानि, कम्मरपुत्तेन सुनिट्ठितानि ।

सङ्घट्टयन्तानि [संघट्टमानानि (सु० नि० ४८)] दुवे भुजस्मिं, एको चरे खग्गविसाणकप्पो ॥

दिस्वा सुवण्णस्स पभस्सरानीति दिस्वा पस्सित्वा तुलयित्वा तीरयित्वा विभावयित्वा विभूतं कत्वा । सुवण्णस्साति जातरूपस्स । पभस्सरानीति परिसुद्धानि परियोदातानीति — दिस्वा सुवण्णस्स पभस्सरानि ।

कम्मरपुत्तेन सुनिट्ठितानीति कम्मरपुत्तो वुच्चति सुवण्णकारो । कम्मरपुत्तेन सुनिट्ठितानीति कम्मरपुत्तेन

सुनिद्धितानि सुकतानि सुपरिकम्मकतानीति — कम्मरपुत्तेन सुनिद्धितानि ।

सङ्खट्टयन्तानि दुवे भुजस्मिन्ति भुजो वुच्चति हत्थो । यथा एकस्मिं हत्थे द्वे नूपुरानि [धुवरानि (स्या०)] घट्टेन्ति [घट्टेन्ति (स्या०)]; एवमेव सत्ता तण्हावसेन दिद्धिवसेन निरये घट्टेन्ति, तिरच्छानयोनियं घट्टेन्ति, पेत्तिविसये घट्टेन्ति, मनुस्सलोके घट्टेन्ति, देवलोके घट्टेन्ति, गतिया गतिं उपपत्तिया उपपत्तिं पटिसन्धिया पटिसन्धिं भवेन भवं संसारेन संसारं वट्टेन वट्टं घट्टेन्ति सङ्खट्टेन्ति सङ्खट्टेन्ता चरन्ति विहरन्ति इरियन्ति वत्तेन्ति पालेन्ति यपेन्ति यापेन्तीति — सङ्खट्टयन्तानि दुवे भुजस्मिं, एको चरे खग्गविसाणकप्पो । तेनाह सो पच्चेकसम्बुद्धो —

“दिस्वा सुवण्णस्स पभस्सरानि, कम्मरपुत्तेन सुनिद्धितानि ।
सङ्खट्टयन्तानि दुवे भुजस्मिं, एको चरे खग्गविसाणकप्पो” ॥

१३५. एवं दुतीयेन सहा ममस्स, वाचाभिलापो अभिसज्जना वा ।
एतं भयं आयतिं पेक्खमानो, एको चरे खग्गविसाणकप्पो ॥

एवं दुतीयेन सहा ममस्साति तण्हादुतियो वा होति पुग्गलदुतियो वा । कथं तण्हादुतियो होति? तण्हाति रूपतण्हा... पे०... धम्मतण्हा । यस्सेसा तण्हा अप्पहीना, सो वुच्चति तण्हादुतियो ।

तण्हादुतियो पुरिसो, दीघमद्धान संसरं ।
इत्थभावज्जथाभावं, संसारं नातिवत्ततीति ॥

एवं तण्हादुतियो वा होति ।

कथं पुग्गलदुतियो होति? इधेकच्चो न अत्थहेतु [अत्तहेतु (स्या०)] न कारणहेतु उद्धतो अवूपसन्तचित्तो एकस्स वा दुतियो होति, द्विन्नं वा ततियो होति, तिण्णं वा चतुत्थो होति । तत्थ बहं सम्फप्पलापं पलपति; सेय्यथिदं — राजकथं चोरकथं महामत्तकथं सेनाकथं भयकथं युद्धकथं अन्नकथं पानकथं वत्थकथं सयनकथं मालाकथं गन्धकथं जातिकथं यानकथं गामकथं निगमकथं नगरकथं जनपदकथं इत्थिकथं [इत्थिकथं पुरिसकथं (स्या० क०) दी० नि० १.१७, २०१; सं० नि० ५.१०८० पस्सितब्बं] सूरकथं विसिखाकथं कुम्भट्टानकथं पुब्बपेतकथं नानत्तकथं लोकक्खायिकं समुद्दक्खायिकं इतिभवाभवकथं कथेति । एवं पुग्गलदुतियो होतीति — एवं दुतीयेन सहा ममस्स ।

वाचाभिलापो अभिसज्जना वाति वाचाभिलापो वुच्चति बात्तिस तिरच्छानकथा, सेय्यथिदं — राजकथं... पे०... इतिभवाभवकथं । अभिसज्जना वाति द्वे सज्जना — तण्हासज्जना च दिद्धिसज्जना च... पे०... अयं तण्हासज्जना... पे०... अयं दिद्धिसज्जनाति — वाचाभिलापो अभिसज्जना वा ।

एतं भयं आयतिं पेक्खमानोति । भयन्ति जातिभयं जराभयं ब्याधिभयं मरणभयं राजभयं चोरभयं अग्निभयं उदकभयं अत्तानुवादभयं परानुवादभयं दण्डभयं दुग्गतिभयं ऊमिभयं कुम्भिलभयं आवट्टभयं सुसुमारभयं आजीवकभयं असिलोकभयं परिससारज्जभयं मदनभयं भयानकं छम्भितत्तं लोमहंसो चेतसो उब्बेगो उत्रासो । एतं भयं आयतिं पेक्खमानोति एतं भयं आयतिं पेक्खमानो दक्खमानो ओलोकयमानो निज्झायमानो उपपरिक्खमानोति — एतं भयं आयतिं पेक्खमानो, एको चरे खग्गविसाणकप्पो । तेनाह सो पच्चेकसम्बुद्धो —

“एवं दुतीयेन सहा ममस्स, वाचाभिलापो अभिसज्जना वा ।
एतं भयं आयतिं पेक्खमानो, एको चरे खग्गविसाणकप्पो” ॥

**१३६.कामा हि चित्रा मधुरा मनोरमा, विरूपरूपेन मथेन्ति चित्तं ।
आदीनवं कामगुणेषु दिस्वा, एको चरे खग्गविसाणकप्पो ॥**

कामा हि चित्रा मधुरा मनोरमाति । कामाति उद्धानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । **चित्राति** नानावण्णा रूपा नानावण्णा सद्वा नानावण्णा गन्धा नानावण्णा रसा नानावण्णा फोट्टब्बा इट्ठा कन्ता मनापा पियरूपा कामूपसंहिता रजनीया । **मधुराति** वुत्तज्जेतं भगवता [म० नि० १.१६७ पस्सितब्बं] — “पज्जिमे, भिक्खवे, कामगुणा । कतमे पज्च? चक्खुविज्जेय्या रूपा इट्ठा कन्ता मनापा पियरूपा कामूपसंहिता रजनीया, सोतविज्जेय्या सद्वा...पे०... घानविज्जेय्या गन्धा... जिह्वाविज्जेय्या रसा... कायविज्जेय्या फोट्टब्बा इट्ठा कन्ता मनापा पियरूपा कामूपसंहिता रजनीया । इमे खो, भिक्खवे, पज्च कामगुणा । यं खो, भिक्खवे, इमे पज्च कामगुणे पटिच्च उप्पज्जति सुखं सोमनस्सं, इदं वुच्चति कामसुखं मिळ्हसुखं [मीळ्हसुखं (पस्स म० नि० ३.३२८)] पुथुज्जनसुखं अनरियसुखं, न सेवितब्बं न भावेतब्बं न बहुलीकातब्बं, ‘भायितब्बं एतस्स सुखस्सा’ति वदामी”ति — कामा हि चित्रा मधुरा **मनोरमाति । मनोति** यं चित्तं...पे०... तज्जा मनोविज्जाणधातु । मनो रमेन्ति थोमेन्ति तोसेन्ति पहासेन्तीति — कामा हि चित्रा मधुरा मनोरमा ।

विरूपरूपेन मथेन्ति चित्तन्ति नानावण्णेहि रूपेहि...पे०... नानावण्णेहि फोट्टब्बेहि चित्तं मथेन्ति तोसेन्ति पहासेन्तीति — विरूपरूपेन मथेन्ति चित्तं ।

आदीनवं कामगुणेषु दिस्वाति । वुत्तज्जेतं भगवता — “को च, भिक्खवे, कामानं आदीनवो? इध, भिक्खवे, कुलपुत्तो येन सिप्पट्ठानेन जीविकं कप्पेति, यदि मुद्दाय यदि गणनाय यदि सङ्गानेन यदि कसिया यदि वणिज्जाय यदि गोरक्खेन यदि इस्सत्थेन [इस्सट्ठेन (स्या०), इस्सत्तेन (क०) पस्स म० नि० १.१६७] यदि राजपोरिसेन यदि सिप्पज्जतरेन, सीतस्स पुरक्खतो उण्हस्स पुरक्खतो डंसमकसवातातपसरीसपसम्फस्सेहि सम्फस्समानो [रिस्समानो (म० नि० १.१६७)] खुप्पिपासाय मीयमानो; अयं, भिक्खवे, कामानं आदीनवो सन्दिट्ठिको दुक्खक्खन्थो कामहेतु कामनिदानं कामाधिकरणं कामानमेव हेतु ।

“तस्स चे, भिक्खवे, कुलपुत्तस्स एवं उट्ठहतो घटतो वायमतो ते भोगा नाभिनिप्फज्जन्ति, सो सोचति किलमति परिदेवति उरत्ताळिं कन्दति, सम्मोहं आपज्जति — ‘मोघं वत मे उट्ठानं, अफलो वत मे वायामो’ति । अयम्पि, भिक्खवे, कामानं आदीनवो सन्दिट्ठिको दुक्खक्खन्थो कामहेतु कामनिदानं कामाधिकरणं कामानमेव हेतु ।

“तस्स चे, भिक्खवे, कुलपुत्तस्स एवं उट्ठहतो घटतो वायमतो ते भोगा अभिनिप्फज्जन्ति, सो तेसं भोगानं आरक्खाधिकरणं दुक्खं दोमनस्सं [दुक्खदोमनस्सं (स्या० क०)] पटिसंवेदेति — ‘किन्ति मे भोगे नेव राजानो हरेय्युं, न चोरा हरेय्युं, न अग्गि डहेय्य, न उदकं वहेय्य, न अप्पिया दायादा हरेय्युं’ति । तस्स एवं आरक्खतो गोपयतो ते भोगे राजानो वा हरन्ति चोरा वा हरन्ति अग्गि वा डहति उदकं वा वहति अप्पिया वा दायादा हरन्ति । सो सोचति...पे०... सम्मोहं आपज्जति — ‘यम्पि मे अहोसि तम्पि नो नत्थी’ति । अयम्पि, भिक्खवे, कामानं आदीनवो सन्दिट्ठिको दुक्खक्खन्थो कामहेतु कामनिदानं कामाधिकरणं कामानमेव हेतु ।

“पुन चपरं, भिक्खवे, कामहेतु कामनिदानं कामाधिकरणं कामानमेव हेतु राजानोपि राजूहि विवदन्ति, खत्तियापि खत्तियेहि विवदन्ति, ब्राह्मणापि ब्राह्मणेहि विवदन्ति, गहपतीपि गहपतीहि विवदन्ति, मातापि पुत्तेन विवदति, पुत्तोपि मातरा विवदति, पितापि पुत्तेन विवदति, पुत्तोपि पितरा विवदति, भातापि भगिनिया विवदति, भगिनीपि भातरा विवदति, सहायोपि सहायेन विवदति । ते तत्थ कलहविग्गहविवादापन्ना अज्जमज्जं पाणीहिपि उपक्कमन्ति लेड्ढीहिपि उपक्कमन्ति दण्डेहिपि उपक्कमन्ति सत्थेहिपि उपक्कमन्ति । ते तत्थ मरणम्पि निगच्छन्ति मरणमत्तम्पि दुक्खं । अयम्पि, भिक्खवे, कामानं आदीनवो सन्दिट्ठिको दुक्खक्खन्थो कामहेतु कामनिदानं कामाधिकरणं कामानमेव हेतु ।

“पुन चपरं, भिक्खवे, कामहेतु कामनिदानं कामाधिकरणं कामानमेव हेतु असिचम्मं गहेत्वा धनुकलापं सन्नहिक्त्वा उभतोब्बूळ्हं [उभतोवियूळ्हं (स्या०) पस्स म० नि० १.१६८] सङ्गामं पक्खन्दन्ति, उसूसुपि खिप्पमानेसु सत्तीसुपि खिप्पमानासु असीसुपि विज्जोतलन्तेसु । ते तत्थ उसूहिपि विज्झन्ति सत्तीहिपि [सत्तियापि (म० नि० १.१६७, १७८)] विज्झन्ति असिनापि सीसं छिन्दन्ति । ते तत्थ मरणम्पि निगच्छन्ति मरणमत्तम्पि दुक्खं । अयम्पि, भिक्खवे, कामानं आदीनवो सन्दिट्ठिको दुक्खक्खन्थो कामहेतु कामनिदानं कामाधिकरणं कामानमेव हेतु ।

“पुन चपरं, भिक्खवे, कामहेतु कामनिदानं कामाधिकरणं कामानमेव हेतु असिचम्मं गहेत्वा धनुकलापं सन्नहिक्त्वा अद्दावलेपना [अद्दावलेपना (स्या०)] उपकारियो पक्खन्दन्ति, उसूसुपि खिप्पमानेसु सत्तीसुपि खिप्पमानासु, असीसुपि विज्जोतलन्तेसु । ते तत्थ उसूहिपि विज्झन्ति सत्तीहिपि विज्झन्ति छकणकायपि [छकणटियापि (स्या०), पक्कट्टिया (सी० अट्ट०) पस्स म० नि० १.१६८] ओसिज्चन्ति अभिवग्गेनपि ओमदन्ति असिनापि सीसं छिन्दन्ति । ते तत्थ मरणम्पि निगच्छन्ति मरणमत्तम्पि दुक्खं । अयम्पि, भिक्खवे, कामानं आदीनवो सन्दिट्ठिको दुक्खक्खन्थो कामहेतु कामनिदानं कामाधिकरणं कामानमेव हेतु ।

“पुन चपरं, भिक्खवे, कामहेतु कामनिदानं कामाधिकरणं कामानमेव हेतु सन्धिम्पि छिन्दन्ति निल्लोपम्पि हरन्ति एकागारिकम्पि करोन्ति परिपन्थेपि तिड्ढन्ति परदारम्पि गच्छन्ति । तमेनं राजानो गहेत्वा विविधा कम्मकारणा कारेन्ति — कसाहिपि ताळेन्ति, वेत्तेहिपि ताळेन्ति, अड्ढदण्डकेहिपि ताळेन्ति, हत्थम्पि छिन्दन्ति... पे०... असिनापि सीसं छिन्दन्ति । ते तत्थ मरणम्पि निगच्छन्ति मरणमत्तम्पि दुक्खं । अयम्पि, भिक्खवे, कामानं आदीनवो सन्दिट्ठिको दुक्खक्खन्थो कामहेतु कामनिदानं कामाधिकरणं कामानमेव हेतु ।

“पुन चपरं, भिक्खवे, कामहेतु कामनिदानं कामाधिकरणं कामानमेव हेतु कायेन दुच्चरितं चरन्ति वाचाय दुच्चरितं चरन्ति मनसा दुच्चरितं चरन्ति । ते कायेन दुच्चरितं चरित्वा वाचाय दुच्चरितं चरित्वा मनसा दुच्चरितं चरित्वा कायस्स भेदा परं मरणा अपायं दुग्गतिं विनिपातं निरयं उपपज्जन्ति । अयम्पि, भिक्खवे, कामानं आदीनवो सम्परायिको दुक्खक्खन्थो कामहेतु कामनिदानं कामाधिकरणं कामानमेव हेतु” ।

आदीनवं कामगुणेषु दिस्वाति कामगुणेषु आदीनवं दिस्वा पस्सित्वा तुलयित्वा तीरयित्वा विभावयित्वा विभूतं कत्वाति — आदीनवं कामगुणेषु दिस्वा, एको चरे खग्गविसाणकप्पो । तेनाह सो पच्चेकसम्बुद्धो —

“कामा हि चित्रा मधुरा मनोरमा, विरूपरूपेन मथेन्ति चित्तं ।

आदीनवं कामगुणेषु दिस्वा, एको चरे खग्गविसाणकप्पो”ति ॥

१३७ ईती च गण्डो च उपद्वो च, रोगो च सल्लज्ज भयज्ज मेतं।

एतं भयं कामगुणेषु दिस्वा, एको चरे खग्गविसाणकप्पो॥

ईती च गण्डो च उपद्वो च, रोगो च सल्लज्ज भयज्ज मेतन्ति वुत्तज्जेतं भगवता — “भयन्ति, भिक्खवे, कामानमेतं अधिवचनं। दुक्खन्ति, भिक्खवे, कामानमेतं अधिवचनं। रोगोति, भिक्खवे, कामानमेतं अधिवचनं। गण्डोति, भिक्खवे, कामानमेतं अधिवचनं। सल्लन्ति, भिक्खवे, कामानमेतं अधिवचनं। सङ्गोति, भिक्खवे, कामानमेतं अधिवचनं। पङ्कोति, भिक्खवे, कामानमेतं अधिवचनं। गम्भोति, भिक्खवे, कामानमेतं अधिवचनं। कस्मा च, भिक्खवे, भयन्ति कामानमेतं अधिवचनं? यस्मा च कामरागरत्तायं, भिक्खवे, छन्दरागविनिबद्धो [छन्दरागविनिबन्धो (स्या० क०) पस्स अ० नि० ८.५६] दिट्ठधम्मिकापि भया न परिमुच्चति, सम्परायिकापि भया न परिमुच्चति, तस्मा भयन्ति कामानमेतं अधिवचनं। कस्मा च, भिक्खवे, दुक्खन्ति... पे०... रोगोति... गण्डोति... सल्लन्ति... सङ्गोति... पङ्कोति... गम्भोति कामानमेतं अधिवचनं? यस्मा च कामरागरत्तायं, भिक्खवे, छन्दरागविनिबद्धो दिट्ठधम्मिकापि गम्भा न परिमुच्चति, सम्परायिकापि गम्भा न परिमुच्चति, तस्मा गम्भोति कामानमेतं अधिवचनं”न्ति।

भयं दुक्खज्ज रोगो च, गण्डो सल्लज्ज सङ्गो च।

पङ्को गम्भो च उभयं, एते कामा पवुच्चन्ति।

यत्थ सत्तो पृथुज्जनो॥

ओतिण्णो सातरूपेन, पुन गम्भाय गच्छति।

यतो च भिक्खु आतापी, सम्पजज्जं न रिच्चति [न रिच्चति (स्या० क०) सं० नि० ४.२५१]॥

सो इमं पलिपथं दुग्गं, अतिक्कम्म तथाविधो।

पजं जातिजरूपेतं, फन्दमानं अवेक्खतीति॥

ईती च गण्डो च उपद्वो च, रोगो च सल्लज्ज भयज्ज मेतं॥

एतं भयं कामगुणेषु दिस्वाति एतं भयं कामगुणेषु दिस्वा पस्सित्वा तुलयित्वा तीरयित्वा विभावयित्वा विभूतं कत्वाति — एतं भयं कामगुणेषु दिस्वा, एको चरे खग्गविसाणकप्पो। तेनाह सो पच्चेकसम्बुद्धो —

“ईती च गण्डो च उपद्वो च, रोगो च सल्लज्ज भयज्ज मेतं।

एतं भयं कामगुणेषु दिस्वा, एको चरे खग्गविसाणकप्पो”ति॥

१३८. सीतज्ज उण्हज्ज खुदं पिपासं, वातातपे डंससरीसपे [डंससिरंसपे (स्या०), डंसमकससरीसपे (क०)] च।

सब्बानिपेतानि अभिसम्भवित्वा, एको चरे खग्गविसाणकप्पो॥

सीतज्ज उण्हज्ज खुदं पिपासन्ति। सीतन्ति द्वीहि कारणेहि सीतं होति — अब्भन्तरधातुप्पकोपवसेन वा सीतं होति बहिद्धा उतुवसेन वा सीतं होति। उण्हन्ति द्वीहि कारणेहि उण्हं होति — अब्भन्तरधातुप्पकोपवसेन वा उण्हं होति बहिद्धा उतुवसेन वा उण्हं होति। खुदा [खुद्धा (स्या० क०)] वुच्चति छातको। पिपासा वुच्चति उदकपिपासाति — सीतज्ज उण्हज्ज खुदं पिपासं।

वातातपे डंससरीसपे चाति । वाताति पुरत्थिमा वाता पच्छिमा वाता उत्तरा वाता दक्खिणा वाता सरजा वाता अरजा वाता सीता वाता उण्हा वाता परित्ता वाता अधिमत्ता वाता वेरम्भवाता पक्खवाता सुपण्णवाता तालपण्णवाता [तालवण्डवाता (क०) चूळनि० उपसीवमाणवपुच्छानिद्देस ४३] विधूपनवाता । आतपो वुच्चति सूरियसन्तापो । डंसा वुच्चन्ति पिङ्गलमक्खिका । सरीसपा वुच्चन्ति अहीति — वातातपे डंससरीसपे च ।

सब्बानिपेतानि अभिसम्भवित्वाति अभिभवित्वा अज्झोत्थरित्वा परियादित्वा मदित्वाति — सब्बानिपेतानि अभिसम्भवित्वा, एको चरे खग्गविसाणकप्पो । तेनाह सो पच्चेकसम्बुद्धो —

“सीतञ्च उण्हञ्च खुदं पिपासं, वातातपे डंससरीसपे च ।
सब्बानिपेतानि अभिसम्भवित्वा, एको चरे खग्गविसाणकप्पो”ति ॥

१३९. नागोव यूथानि विवज्जयित्वा, सज्जातखन्धो पदुमी उळारो ।

यथाभिरन्तं विहरे [वीहरं (सु० नि० ५३)] अरज्जे, एको चरे खग्गविसाणकप्पो ॥

नागोव यूथानि विवज्जयित्वाति नागो वुच्चति हत्थिनागो । पच्चेकसम्बुद्धोपि नागो । किंकारणा पच्चेकसम्बुद्धो नागो? आगुं न करोतीति नागो; न गच्छतीति नागो; न आगच्छतीति नागो । कथं सो पच्चेकसम्बुद्धो आगुं न करोतीति नागो? आगु वुच्चति पापका अकुसला धम्मा संकिलेसिका पोनोभविका सदरा दुक्खविपाका आयतिं जातिजरामरणिा ।

आगुं न करोति किञ्च लोके, सब्बसंयोगे विसज्ज बन्धनानि ।
सब्बत्थ न सज्जति विमुत्तो, नागो तादि पवुच्चते तथत्ता ॥

एवं सो पच्चेकसम्बुद्धो आगुं न करोतीति नागो ।

कथं सो पच्चेकसम्बुद्धो न गच्छतीति नागो? सो पच्चेकसम्बुद्धो न छन्दागतिं गच्छति, न दोसागतिं गच्छति, न मोहागतिं गच्छति, न भयागतिं गच्छति, न रागवसेन गच्छति, न दोसवसेन गच्छति, न मोहवसेन गच्छति, न मानवसेन गच्छति, न दिट्ठिवसेन गच्छति, न उद्धच्चवसेन गच्छति, न विचिकिच्छावसेन गच्छति, न अनुसयवसेन गच्छति, न वगोहि कप्पेहि यायति नीयति [निय्यति (स्या० क०)] वुहति संहरीयति । एवं सो पच्चेकसम्बुद्धो न गच्छतीति नागो ।

कथं सो पच्चेकसम्बुद्धो न आगच्छतीति नागो? सोतापत्तिमग्गेन ये किलेसा पहीना ते किलेसे न पुनेति न पच्चेति न पच्चागच्छति, सकदागामिमग्गेन...पे०... अनागामिमग्गेन...पे०... अरहत्तमग्गेन ये किलेसा पहीना ते किलेसे न पुनेति न पच्चेति न पच्चागच्छति । एवं सो पच्चेकसम्बुद्धो न आगच्छतीति नागो ।

नागोव यूथानि विवज्जयित्वाति यथा सो हत्थिनागो यूथानि विवज्जेत्वा परिवज्जेत्वा अभिनिवज्जेत्वा एकोव अरज्जवनमज्झोगाहेत्वा [अरज्जे वनमज्झस्स अज्झोगाहेत्वा (स्या०)] चरति विहरति इरियति वत्तेति पालेति यपेति यापेति, पच्चेकसम्बुद्धोपि गणं विवज्जेत्वा परिवज्जेत्वा अभिवज्जेत्वा एको [एको चरे खग्गविसाणकप्पो (स्या०)] अरज्जवनपत्थानि पन्तानि सेनासनानि पटिसेवति अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानि । सो एको गच्छति एको तिड्ढति एको निसीदति एको सेय्यं कप्पेति एको गामं पिण्डाय पविसति एको पटिक्कमति एको रहो निसीदति एको चङ्कमं अधिद्धाति एको चरति विहरति इरियति वत्तेति पालेति यपेति यापेतीति —

नागोव यूथानि विवज्जयित्वा ।

सज्जातखन्धो पदुमी उळारोति यथा सो हत्थिनागो सज्जातखन्धो सत्तरतनो वा होति अट्टरतनो वा, पच्चेकसम्बुद्धोपि सज्जातखन्धो असेक्खेन सीलखन्धेन असेक्खेन समाधिखन्धेन असेक्खेन पज्जातखन्धेन असेक्खेन विमुत्तिखन्धेन असेक्खेन विमुत्तिजाणदस्सनखन्धेन । यथा सो हत्थिनागो पदुमी, पच्चेकसम्बुद्धोपि सत्तहि बोज्झङ्गपुप्फेहि पदुमी, सतिसम्बोज्झङ्गपुप्फेन धम्मविचयसम्बोज्झङ्गपुप्फेन वीरियसम्बोज्झङ्गपुप्फेन पीतिसम्बोज्झङ्गपुप्फेन, पीतिसम्बोज्झङ्गपुप्फेन पस्सद्विसम्बोज्झङ्गपुप्फेन समाधिसम्बोज्झङ्गपुप्फेन उपेक्खासम्बोज्झङ्गपुप्फेन । यथा सो हत्थिनागो उळारो थामेन बलेन जवेन सूरेन, पच्चेकसम्बुद्धोपि उळारो सीलेन समाधिना पज्जाय विमुत्तिया विमुत्तिजाणदस्सनेनाति — सज्जातखन्धो पदुमी उळारो ।

यथाभिरन्तं विहरे अरज्जेति यथा सो हत्थिनागो यथाभिरन्तं अरज्जे विहरति, पच्चेकसम्बुद्धोपि यथाभिरन्तं अरज्जे विहरति । पठमेनपि ज्ञानेन यथाभिरन्तं अरज्जे विहरति, दुतियेनपि ज्ञानेन... पे०... ततियेनपि ज्ञानेन... चतुत्थेनपि ज्ञानेन यथाभिरन्तं अरज्जे विहरति; मेत्तायपि चेतोविमुत्तिया यथाभिरन्तं अरज्जे विहरति, करुणायपि चेतोविमुत्तिया... मुदितायपि चेतोविमुत्तिया... उपेक्खायपि चेतोविमुत्तिया यथाभिरन्तं अरज्जे विहरति; आकासानज्जायतनसमापत्तियापि यथाभिरन्तं अरज्जे विहरति, विज्जाणज्जायतनसमापत्तियापि... आकिञ्चज्जायतनसमापत्तियापि... नेवसज्जानासज्जायतनसमापत्तियापि... निरोधसमापत्तियापि... फलसमापत्तियापि यथाभिरन्तं अरज्जे विहरतीति — यथाभिरन्तं विहरे अरज्जे, एको चरे खग्गविसाणकप्पो । तेनाह सो पच्चेकसम्बुद्धो —

“नागोव यूथानि विवज्जयित्वा, सज्जातखन्धो पदुमी उळारो ।

यथाभिरन्तं विहरे अरज्जे, एको चरे खग्गविसाणकप्पो”ति ॥

१४०.अट्टानतं सङ्गणिकारतस्स, यं फस्सये [फुस्सये (स्या० क०)] सामयिकं [आसामायिकं (क०)] विमुत्तिं ।
आदिच्चबन्धुस्स वचो निसम्म, एको चरे खग्गविसाणकप्पो ॥

अट्टानतं सङ्गणिकारतस्स, यं फस्सये सामयिकं विमुत्तिं वुत्तज्जेतं भगवता — “यावतानन्द [सो वतानन्द (म० नि० ३.१८६)], भिक्खु सङ्गणिकारामो सङ्गणिकारतो सङ्गणिकारामतं अनुयुत्तो, गणारामो गणरतो गणसम्मुदितो (गणारामतं अनुयुत्तो) [() नत्थि म० नि० ३.१८६], यं तं नेक्खम्मसुखं पविवेकसुखं उपसमसुखं सम्बोधिसुखं, तस्स सुखस्स निकामलाभी भविस्सति अकिच्छलाभी अकसिरलाभीति — नेतं ठानं विज्जति । यो च खो सो, आनन्द, भिक्खु एको गणस्मा वूपकट्ठो विहरति, तस्सेतं भिक्खुनो पाटिकङ्कं । यं तं नेक्खम्मसुखं पविवेकसुखं उपसमसुखं सम्बोधिसुखं, तस्स सुखस्स निकामलाभी भविस्सति अकिच्छलाभी अकसिरलाभीति — ठानमेतं विज्जति । यावतानन्द, भिक्खु सङ्गणिकारामो सङ्गणिकारतो सङ्गणिकारामतं अनुयुत्तो, गणारामो गणरतो गणसम्मुदितो (गणारामतं अनुयुत्तो,) सामयिकं [सामयिकं (स्या० क०)] वा कन्तं चेतोविमुत्तिं उपसम्पज्ज विहरिस्सति, असामायिकं वा अकुप्पन्ति — नेतं ठानं विज्जति । यो च खो सो, आनन्द, भिक्खु एको गणस्मा वूपकट्ठो विहरति, तस्सेतं भिक्खुनो पाटिकङ्कं सामयिकं वा कन्तं चेतोविमुत्तिं उपसम्पज्ज विहरिस्सति, असामायिकं वा अकुप्पन्ति, ठानमेतं विज्जती”ति — अट्टानतं सङ्गणिकारतस्स, यं फस्सये सामयिकं विमुत्तिं ।

आदिच्चबन्धुस्स वचो निसम्माति आदिच्चो वुच्चति सूरियो । सो गोतमो गोत्तेन । पच्चेकसम्बुद्धोपि गोतमो गोत्तेन ।

सो पच्चेकसम्बुद्धो सूरियस्स गोत्तजातको गोत्तबन्धु, तस्मा पच्चेकसम्बुद्धो आदिच्चबन्धु। **आदिच्चबन्धुस्स वचो निसम्माति** आदिच्चबन्धुस्स वचनं व्यप्यथं देसनं अनुसासनं अनुसिद्धं सुत्वा सुणित्वा उग्गहेत्वा उपधारयित्वा उपलक्खयित्वाति — आदिच्चबन्धुस्स वचो निसम्म, एको चरे खग्गविसाणकप्पो। तेनाह सो पच्चेकसम्बुद्धो —

“अट्टानतं सङ्गणिकारतस्स, यं फस्सये सामयिकं विमुत्तिं।
आदिच्चबन्धुस्स वचो निसम्म, एको चरे खग्गविसाणकप्पो”ति॥

दुतियो वग्गो।

ततियवग्गो

**१४१.दिट्ठीविसूकानि उपातिवत्तो, पत्तो नियामं पटिलद्धमग्गो।
उप्पन्नजाणोमिह अनञ्जनेय्यो, एको चरे खग्गविसाणकप्पो॥**

दिट्ठीविसूकानि उपातिवत्तोति दिट्ठीविसूकानि वुच्चन्ति वीसतिवत्थुका सक्कायदिट्ठी। इध अस्सुतवा पुथुज्जनो अरियानं अदस्सावी अरियधम्मस्स अकोविदो अरियधम्मे अविनीतो सप्पुरिसानं अदस्सावी सप्पुरिसधम्मस्स अकोविदो सप्पुरिसधम्मे अविनीतो रूपं अत्ततो समनुपस्सति रूपवन्तं वा अत्तानं अत्तनि वा रूपं रूपस्मिं वा अत्तानं, वेदनं...पे०... सञ्जं... सङ्खारे... विज्जाणं अत्ततो समनुपस्सति विज्जाणवन्तं वा अत्तानं अत्तनि वा विज्जाणं विज्जाणस्मिं वा अत्तानं। या एवरूपा दिट्ठि दिट्ठिगतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसंयोजनं गाहो पटिग्गाहो अभिनिवेसो परामासो कुम्मग्गो मिच्छापथो मिच्छत्तं तित्थायतनं विपरियेसग्गाहो विपरीतग्गाहो विपल्लासग्गाहो मिच्छागाहो, अयाथावकस्मिं याथावकन्ति गाहो, यावता द्वासट्ठि दिट्ठिगतानि — इमानि दिट्ठिविसूकानि। **दिट्ठिविसूकानि उपातिवत्तो**ति दिट्ठिविसूकानि उपातिवत्तो अतिक्कन्तो समतिक्कन्तो वीतिवत्तोति — दिट्ठीविसूकानि उपातिवत्तो।

पत्तो नियामं पटिलद्धमग्गोति नियामा वुच्चन्ति चत्तारो मग्गा; अरियो अट्ठङ्गिको मग्गो, सेय्यथिदं — सम्मादिट्ठि सम्मासङ्कप्पो सम्मावाचा सम्माकम्मन्तो सम्माआजीवो सम्मावायामो सम्मासति सम्मासमाधि। चतूहि अरियमग्गेहि समन्नागतो नियामं पत्तो सम्पत्तो अधिगतो फस्सितो सच्छिकतोति — पत्तो नियामं। **पटिलद्धमग्गो**ति लद्धमग्गो पटिलद्धमग्गो अधिगतमग्गो फस्सितमग्गो सच्छिकतमग्गोति — पत्तो नियामं पटिलद्धमग्गो।

उप्पन्नजाणोमिह अनञ्जनेय्योति तस्स पच्चेकसम्बुद्धस्स जाणं उप्पन्नं समुप्पन्नं निब्बत्तं अभिनिब्बत्तं पातुभूतं। “सब्बे सङ्खारा अनिच्चा”ति जाणं उप्पन्नं समुप्पन्नं निब्बत्तं अभिनिब्बत्तं पातुभूतं, “सब्बे सङ्खारा दुक्खा”ति...पे०... “सब्बे धम्मा अनत्ता”ति... “यं किञ्चि समुदयधम्मं सब्बं तं निरोधधम्म”न्ति जाणं उप्पन्नं समुप्पन्नं निब्बत्तं अभिनिब्बत्तं पातुभूतन्ति — उप्पन्नजाणोमिह। **अनञ्जनेय्यो**ति सो पच्चेकसम्बुद्धो न परनेय्यो

न परप्पत्तियो न परप्पच्चयो न परपटिबद्धू, यथाभूतं [तं (क०)] जानाति पस्सति असम्मूळ्हो सम्पजानो पटिस्सतो। “सब्बे सङ्खारा अनिच्चा”ति न परनेय्यो न परप्पत्तियो न परप्पच्चयो न परपटिबद्धू, यथाभूतं जानाति पस्सति असम्मूळ्हो सम्पजानो पटिस्सतो। “सब्बे सङ्खारा दुक्खा”ति...पे०... “सब्बे धम्मा अनत्ता”ति...पे०... “यं किञ्चि समुदयधम्मं सब्बं तं निरोधधम्म”न्ति न परनेय्यो न परप्पत्तियो न परप्पच्चयो न परपटिबद्धू, यथाभूतं जानाति पस्सति असम्मूळ्हो सम्पजानो पटिस्सतोति — उप्पन्नजाणोमिह अनञ्जनेय्यो, एको चरे खग्गविसाणकप्पो। तेनाह सो पच्चेकसम्बुद्धो —

“दिट्ठीविसूकानि उपातिवत्तो, पत्तो नियामं पटिलद्धमगो ।
उप्पन्नजाणोहि अनज्जनेय्यो, एको चरे खगविसाणकप्पो”ति ॥

१४२ निल्लोलुपो निक्कुहो निप्पिपासो, निम्मक्खो निद्धन्तकसावमोहो ।

निराससो [निरासयो (सी० अट्ठ०) सु० नि० ५६] सब्बलोके भवित्वा, एको चरे खगविसाणकप्पो ॥

निल्लोलुपो निक्कुहो निप्पिपासोति लोलुपं वुच्चति तण्हा । यो रागो सारागो... पे०... अभिज्झा लोभो अकुसलमूलं ।
सा लोलुप्पा तण्हा तस्स पच्चेकसम्बुद्धस्स पहीना उच्छिन्नमूला तालावत्थुकता अनभावंकता आयति अनुप्पादधम्मा ।
तस्मा पच्चेकसम्बुद्धो निल्लोलुपो ।

निक्कुहोति तीणि कुहनवत्थूनि — पच्चयपटिसेवनसङ्घातं कुहनवत्थु, इरियापथसङ्घातं कुहनवत्थु,
सामन्तजप्पनसङ्घातं कुहनवत्थु ।

कतमं पच्चयपटिसेवनसङ्घातं कुहनवत्थु? इध गहपतिका भिक्खुं [भिक्खू (क०) महानि० ८७] निमन्तेन्ति
चीवरपिण्डपातसेनासनगिलानपच्चयभेसज्जपरिक्खारेहि, सो पापिच्छो इच्छापकतो अत्थिको
चीवरपिण्डपातसेनासनगिलानपच्चयभेसज्जपरिक्खारानं भिय्योकम्यतं उपादाय चीवरं पच्चक्खाति, पिण्डपातं
पच्चक्खाति, सेनासनं पच्चक्खाति, गिलानपच्चयभेसज्जपरिक्खारं पच्चक्खाति । सो एवमाह — “किं समणस्स महग्घेन
चीवरेन! एतं सारुप्यं यं समणो सुसाना वा सङ्गारकूटा वा पापणिका वा नन्तकानि उच्चिनित्वा सङ्घाटिकं करित्वा धारेय्य ।
किं समणस्स महग्घेन पिण्डपातेन! एतं सारुप्यं यं समणो उज्जाचरियाय पिण्डयालोपेन जीविकं कप्पेय्य । किं समणस्स
महग्घेन सेनासनेन! एतं सारुप्यं यं समणो रुक्खमूलिको वा अस्स सोसानिको वा अब्भोकासिको वा । किं समणस्स
महग्घेन गिलानपच्चयभेसज्जपरिक्खारेन! एतं सारुप्यं यं समणो पूतिमुत्तेन वा हरितकीखण्डेन वा ओसधं करेय्या”ति ।
तदुपादाय लूखं चीवरं धारेति लूखं पिण्डपातं परिभुज्जति लूखं सेनासनं पटिसेवति लूखं गिलानपच्चयभेसज्जपरिक्खारं
पटिसेवति । तमेनं गहपतिका एवं जानन्ति — “अयं समणो अपिच्छो सन्तुट्ठो पविवित्तो असंसट्ठो आरद्धवीरियो
धुतवादो”ति । भिय्यो भिय्यो निमन्तेन्ति चीवरपिण्डपातसेनासनगिलानपच्चयभेसज्जपरिक्खारेहि । सो एवमाह — “तिण्णं
सम्मुखीभावा सद्धो कुलपुत्तो बहुं पुज्जं पसवति, सद्धाय सम्मुखीभावा सद्धो कुलपुत्तो बहुं पुज्जं पसवति, देय्यधम्मस्स
सम्मुखीभावा सद्धो कुलपुत्तो बहुं पुज्जं पसवति, दक्खिण्येय्यानं सम्मुखीभावा सद्धो कुलपुत्तो बहुं पुज्जं पसवति ।
तुम्हाकज्जेवायं सद्धा अत्थि, देय्यधम्मो च संविज्जति, अहज्ज पटिग्गाहको । सचेहं न पटिग्गाहेस्सामि, एवं तुम्हे पुज्जेन
परिबाहिरा भविस्सथ [भविस्सन्ति (महानि० ८७)] । न मय्हं इमिना अत्थो । अपि च, तुम्हाकंयेव अनुकम्पाय
पटिग्गण्हामी”ति । तदुपादाय बहुम्पि चीवरं पटिग्गण्हति, बहुम्पि पिण्डपातं पटिग्गण्हति, बहुम्पि सेनासनं पटिग्गण्हति,
बहुम्पि गिलानपच्चयभेसज्जपरिक्खारं पटिग्गण्हति । या एवरूपा भाकुटिका भाकुटियं कुहना कुहायना कुहितत्तं — इदं
पच्चयपटिसेवनसङ्घातं कुहनवत्थु ।

कतमं इरियापथसङ्घातं कुहनवत्थु? इधेकच्चो पापिच्छो इच्छापकतो सम्भावनाधिप्पायो “एवं मं जना
सम्भावेस्सती”ति गमनं सण्ठपेति ठानं सण्ठपेति निसज्जं [निसज्जनं (क०)] सण्ठपेति सयनं सण्ठपेति, पणिधाय गच्छति
पणिधाय तिट्ठति पणिधाय निसीदति पणिधाय सेय्यं कप्पेति समाहितो विय गच्छति समाहितो विय तिट्ठति समाहितो विय
निसीदति समाहितो विय सेय्यं कप्पेति, आपाथकज्झायीव [आपातकज्झायी च (क०)] होति । या एवरूपा इरियापथस्स
आठपना ठपना सण्ठपना भाकुटिका भाकुटियं कुहना कुहायना कुहितत्तं [कुहायितत्तं (स्या० क०), विसुद्धिमग्गट्ठकथा

[ओलोकेतब्बा\]](#) — इदं इरियापथसङ्घातं कुहनवत्थु ।

कतमं सामन्तजप्पनसङ्घातं कुहनवत्थु? इधेकच्चो पापिच्छो इच्छापकतो सम्भावनाधिप्पायो “एवं मं जनो सम्भावेस्सती”ति अरियधम्मे सन्निस्सितवाचं भासति । “यो एवरूपं चीवरं धारेति सो समणो महेसक्खो”ति भणति; यो एवरूपं पत्तं धारेति...पे०... लोहथालकं धारेति... धम्मकरणं धारेति... परिस्सावनं धारेति... कुञ्चिकं धारेति... उपाहनं धारेति... कायबन्धनं धारेति... आयोगं [\[आयोगबन्धनं \(स्या० क०\) महानि० ८७\]](#) धारेति सो समणो महेसक्खो”ति भणति; “यस्स एवरूपा उपज्झायो सो समणो महेसक्खो”ति भणति; यस्स एवरूपो आचरियो ...पे०... एवरूपा समानुपज्झायका... समानाचरियका... मित्ता... सन्दिट्ठा... सम्भत्ता... सहाया सो समणो महेसक्खोति भणति; यो एवरूपे विहारे वसति... अट्ठयोगे वसति... पासादे वसति... हम्मिये वसति... गुहायं वसति... लेणे वसति... कुटियं वसति... कूटागारे वसति... अट्ठे वसति... माळे वसति... उदण्डे [\[उदण्डे \(क०\)\]](#) वसति... उपट्ठानसालायं वसति... मण्डपे वसति... रुक्खमूले वसति सो समणो महेसक्खो”ति भणति ।

अथ वा, कोरजिककोरजिको भाकुटिकभाकुटिको कुहककुहको लपकलपको मुखसम्भाविको “अयं समणो इमासं एवरूपानं सन्तानं विहारसमापत्तीनं लाभी”ति तादिसं गम्भीरं गूळ्हं निपुणं पटिच्छन्नं लोकुत्तरं सुज्जतापटिसज्जुत्तं कथं कथेति । या एवरूपा भाकुटिका भाकुटियं कुहना कुहायना कुहितत्तं, इदं सामन्तजप्पनसङ्घातं कुहनवत्थु । तस्स पच्चेकसम्बुद्धस्स इमानि तीणि कुहनवत्थूनि पहीनानि समुच्छिन्नानि वूपसन्तानि पटिप्पस्सद्धानि अभब्बुप्पत्तिकानि जाणगिना दङ्गाणि । तस्मा सो पच्चेकसम्बुद्धो निक्कुहो ।

निप्पिपासोति पिपासा वुच्चति तण्हा । यो रागो सारागो...पे०... अभिज्झा लोभो अकुसलमूलं । सा पिपासा तण्हा तस्स पच्चेकसम्बुद्धस्स पहीना उच्छिन्नमूला तालावत्थुकता अनभावकता आर्यति अनुप्पादधम्मा । तस्मा पच्चेकसम्बुद्धो निप्पिपासोति — निल्लोलुपो निक्कुहो निप्पिपासो ।

निम्मक्खो निद्धन्तकसावमोहोति । **मक्खो**ति यो मक्खो मक्खायना [\[मक्खियना \(क०\) पस्स विभ० ८९२\]](#) मक्खायितत्तं निट्ठुरियं निट्ठुरियकम्मं । **कसावो**ति रागो कसावो, दोसो कसावो, मोहो कसावो, कोधो...पे०... उपनाहो... मक्खो... पळासो... सब्बाकुसलाभिसङ्घारा कसावा । **मोहो**ति दुक्खे अज्जाणं, दुक्खसमुदये अज्जाणं, दुक्खनिरोधे अज्जाणं, दुक्खनिरोधगामिनिया पटिपदाय अज्जाणं, पुब्बन्ते अज्जाणं, अपरन्ते अज्जाणं, पुब्बन्तापरन्ते अज्जाणं, इदप्पच्चयतापटिच्चसमुप्पन्नेसु धम्मेसु अज्जाणं । यं एवरूपं अज्जाणं अदस्सनं अनभिसमयो अननुबोधो अप्पटिवेधो असंगाहना अपरियोगाहना असमपेक्खना अपच्चवेक्खणा अपच्चक्खकम्मं दुम्मेज्झं बाल्यं असम्पज्जं मोहो पमोहो सम्मोहो अविज्जा अविज्जोघो अविज्जायोगो अविज्जानुसयो अविज्जापरियुट्ठानं अविज्जालङ्गी मोहो अकुसलमूलं । तस्स पच्चेकसम्बुद्धस्स मक्खो च कसावो च मोहो च वन्ता संवन्ता निद्धन्ता पहीना समुच्छिन्ना वूपसन्ता पटिप्पस्सद्धानि अभब्बुप्पत्तिका जाणगिना दङ्गाणि । सो पच्चेकसम्बुद्धो निम्मक्खो निद्धन्तकसावमोहो ।

निराससो सब्बलोके भवित्वाति आसा वुच्चति तण्हा । यो रागो सारागो...पे०... अभिज्झा लोभो अकुसलमूलं । **सब्बलोके**ति सब्बअपायलोके सब्बमनुस्सलोके सब्बदेवलोके सब्बखन्धलोके सब्बधातुलोके सब्बआयतनलोके । **निराससो सब्बलोके भवित्वा**ति सब्बलोके निराससो भवित्वा नित्तण्हो भवित्वा निप्पिपासो भवित्वाति — निराससो सब्बलोके भवित्वा, एको चरे खग्गविसाणकप्पो । तेनाह सो पच्चेकसम्बुद्धो —

“निल्लोलुपो निक्कुहो निप्पिपासो, निम्मक्खो निद्धन्तकसावमोहो ।
निराससो सब्बलोके भवित्वा, एको चरे खग्गविसाणकप्पो”ति ॥

**१४३ पापं सहायं परिवज्जयेथ, अनत्थदस्सिं विसमे निविट्ठं ।
सयं न सेवे पसुतं पमत्तं, एको चरे खग्गविसाणकप्पो ॥**

पापं सहायं परिवज्जयेथाति । पापसहायो वुच्चति यो सो सहायो दसवत्थुकाय मिच्छादिट्ठिया समन्नागतो — नत्थि दिन्नं, नत्थि यिट्ठं, नत्थि हुतं, नत्थि सुकतदुक्कटानं कम्मानं फलं विपाको, नत्थि अयं लोको, नत्थि परो लोको, नत्थि माता, नत्थि पिता, नत्थि सत्ता ओपपातिका, नत्थि लोके समणब्राह्मणा सम्मग्गता सम्मापटिपन्ना ये इमञ्च लोकं परञ्च लोकं सयं अभिज्जा सच्छिकत्वा पवेदेन्तीति । अयं पापसहायो । पापं सहायं परिवज्जयेथाति । पापं सहायं वज्जेय्य परिवज्जेय्याति — पापं सहायं परिवज्जयेथ ।

अनत्थदस्सिं विसमे निविट्ठन्ति अनत्थदस्सी वुच्चति यो सो सहायो दसवत्थुकाय मिच्छादिट्ठिया समन्नागतो — नत्थि दिन्नं, नत्थि यिट्ठं... पे०... ये इमञ्च लोकं परञ्च लोकं सयं अभिज्जा सच्छिकत्वा पवेदेन्तीति । **विसमे निविट्ठन्ति** विसमे कायकम्मे निविट्ठं, विसमे वचीकम्मे निविट्ठं, विसमे मनोकम्मे निविट्ठं, विसमे पाणातिपाते निविट्ठं, विसमे अदिन्नादाने निविट्ठं, विसमे कामेसुमिच्छाचारे निविट्ठं, विसमे मुसावादे निविट्ठं, विसमाय पिसुणाय वाचाय [पिसुणवाचाय (क०)] निविट्ठं, विसमाय फरुसाय वाचाय [फरुसवाचाय (क०)] निविट्ठं, विसमे सम्फप्पलापे निविट्ठं, विसमाय अभिज्झाय निविट्ठं, विसमे ब्यापादे निविट्ठं, विसमाय मिच्छादिट्ठिया निविट्ठं, विसमेसु सङ्खारेसु निविट्ठं विसमेसु पञ्चसु कामगुणेषु निविट्ठं, विसमेसु पञ्चसु नीवरणेषु निविट्ठं विनिविट्ठं सत्तं अल्लीनं उपगतं अज्झोसितं अधिमुत्तन्ति — अनत्थदस्सिं विसमे निविट्ठं ।

सयं न सेवे पसुतं पमत्तन्ति । पसुतन्ति योपि कामे एसति गवेसति परियेसति तच्चरितो तब्बहुलो तग्गरुको तन्निनो तप्पोणो तप्पभारो तदधिमुत्तो तदधिपतेय्यो, सोपि कामप्पसुतो । योपि तण्हावसेन रूपे परियेसति, सद्दे... पे०... गन्धे... रसे... फोट्ठब्बे परियेसति तच्चरितो तब्बहुलो तग्गरुको तन्निनो तप्पोणो तप्पभारो तदधिमुत्तो तदधिपतेय्यो, सोपि कामप्पसुतो । योपि तण्हावसेन रूपे पटिलभति, सद्दे... पे०... गन्धे... रसे... फोट्ठब्बे पटिलभति तच्चरितो तब्बहुलो तग्गरुको तन्निनो तप्पोणो तप्पभारो तदधिमुत्तो तदधिपतेय्यो, सोपि कामप्पसुतो । योपि तण्हावसेन रूपे परिभुज्जति, सद्दे... पे०... गन्धे... रसे... फोट्ठब्बे परिभुज्जति तच्चरितो तब्बहुलो तग्गरुको तन्निनो तप्पोणो तप्पभारो तदधिमुत्तो तदधिपतेय्यो, सोपि कामप्पसुतो । यथा कलहकारको कलहप्पसुतो, कम्मकारको कम्मप्पसुतो, गोचरे चरन्तो गोचरप्पसुतो, ज्ञायी ज्ञानप्पसुतो; एवमेव यो कामे एसति गवेसति परियेसति तच्चरितो तब्बहुलो तग्गरुको तन्निनो तप्पोणो तप्पभारो तदधिमुत्तो तदधिपतेय्यो, सोपि कामप्पसुतो । योपि तण्हावसेन रूपे परियेसति... पे०... योपि तण्हावसेन रूपे पटिलभति... पे०... योपि तण्हावसेन रूपे परिभुज्जति, सद्दे... पे०... गन्धे... रसे... फोट्ठब्बे परिभुज्जति तच्चरितो तब्बहुलो तग्गरुको तन्निनो तप्पोणो तप्पभारो तदधिमुत्तो तदधिपतेय्यो, सोपि कामप्पसुतो । **पमत्तन्ति ।** पमादो वत्तब्बो कायदुच्चरिते वा वचीदुच्चरिते वा मनोदुच्चरिते वा पञ्चसु कामगुणेषु वा चित्तस्स वोसग्गो वोसग्गानुप्पदानं कुसलानं धम्मनं भावनाय असक्कच्चकिरियता असातच्चकिरियता अनट्ठितकिरियता ओलीनवुत्तिता निक्खित्तच्छन्दता निक्खित्तधुरता अनासेवना अभावना अबहुलीकम्मं अनधिट्ठानं अननुयोगो, यो एवरूपो पमादो पमज्जना पमज्जितत्तं — अयं वुच्चति पमादो ।

सयं न सेवे पसुतं पमत्तन्ति पसुतं न सेवेय्य पमत्तञ्च सयं न सेवेय्य सामं न सेवेय्य न निसेवेय्य न संसेवेय्य न

परिसंसेवेय्य न आचरेय्य न समाचरेय्य न समादाय वत्तेय्याति — सयं न सेवे पसुतं पमत्तं, एको चरे खग्गविसाणकप्पो । तेनाह सो पच्चेकसम्बुद्धो —

“पापं सहायं परिवज्जयेथ, अनत्थदस्सिं विसमे निविट्ठं ।
सयं न सेवे पसुतं पमत्तं, एको चरे खग्गविसाणकप्पो ॥

१४४ बहुस्सुतं धम्मधरं भजेथ, मित्तं उळारं पटिभानवन्तं ।

अज्जाय अत्थानि विनेय्य कङ्खं, एको चरे खग्गविसाणकप्पो ॥

बहुस्सुतं धम्मधरं भजेथाति बहुस्सुतो होति मित्तो सुतधरो सुतसन्निचयो । ये ते धम्मा आदिकल्याणा मज्झेकल्याणा परियोसानकल्याणा सात्थं सब्यज्जनं [सत्था सब्यज्जना (स्या०) पस्स म० नि० ३.८२] केवलपरिपुण्णं परिसुद्धं ब्रह्मचरियं अभिवदन्ति, तथारूपास्स धम्मा बहुस्सुता होन्ति धाता [धता (स्या०)] वचसा परिचिता मनसानुपेक्खिता दिट्ठिया सुप्पटिविद्धा । धम्मधरन्ति धम्मं धारेन्तं [धारेति (क०)] — सुत्तं गेय्यं वेय्याकरणं गाथं उदानं इतिवुत्तकं जातकं अब्भुतधम्मं वेदल्लं । बहुस्सुतं धम्मधरं भजेथाति बहुस्सुतञ्च धम्मधरञ्च मित्तं भजेय्य संभजेय्य सेवेय्य निसेवेय्य संसेवेय्य पटिसेवेय्याति — बहुस्सुतं धम्मधरं भजेथ ।

मित्तं उळारं पटिभानवन्तन्ति उळारो होति मित्तो सीलेन समाधिना पज्जाय विमुत्तिया विमुत्तिजाणदस्सेन । पटिभानवन्तन्ति तयो पटिभानवन्तो — परियत्तिपटिभानवा, परिपुच्छापटिभानवा, अधिगमपटिभानवा । कतमो परियत्तिपटिभानवा? इधेकच्चस्स बुद्धवचनं परियापुत्तं [परियापुटं (स्या० क०) पस्स दी० नि० ३.२८२] होति सुत्तं गेय्यं वेय्याकरणं गाथा उदानं इतिवुत्तकं जातकं अब्भुतधम्मं वेदल्लं । तस्स परियत्तिं निस्साय पटिभाति — अयं परियत्तिपटिभानवा ।

कतमो परिपुच्छापटिभानवा? इधेकच्चो परिपुच्छितोपि होति अत्थे च जाये च लक्खणे च कारणे च ठानाट्टाने च । तस्स परिपुच्छं निस्साय पटिभाति — अयं परिपुच्छापटिभानवा ।

कतमो अधिगमपटिभानवा? इधेकच्चस्स अधिगता होन्ति चत्तारो सतिपट्टाना चत्तारो सम्मप्पधाना चत्तारो इट्ठिपादा पञ्चिन्द्रियानि पञ्च बलानि सत्तं बोज्झङ्गा अरियो अट्ठङ्गिको मग्गो चत्तारो अरियमग्गा चत्तारि सामञ्जफलानि चतस्सो पटिसम्भिदायो छ अभिज्जायो [छळभिज्जायो (स्या०)] । तस्स अत्थो जातो धम्मो जातो निरुत्ति जाता । अत्थे जाते अत्थो पटिभाति, धम्मो जाते धम्मो पटिभाति, निरुत्तिया जाताय निरुत्ति पटिभाति । इमेसु तीसु जाणं पटिभानपटिसम्भिदा । सो पच्चेकसम्बुद्धो इमाय पटिभानपटिसम्भिदाय उपेतो समुपेतो उपागतो समुपागतो उपपन्नो समुपपन्नो समन्नागतो । तस्मा पच्चेकसम्बुद्धो पटिभानवा । यस्स परियत्तिं नत्थि परिपुच्छा नत्थि अधिगमो नत्थि, किं तस्स पटिभायिस्सतीति — मित्तं उळारं पटिभानवन्तं ।

अज्जाय अत्थानि विनेय्य कङ्खन्ति अत्तत्थं अज्जाय परत्थं अज्जाय उभयत्थं अज्जाय दिट्ठधम्मिकत्थं अज्जाय सम्परायिकत्थं अज्जाय परमत्थं अज्जाय अभिज्जाय जानित्वा तुलयित्वा तीरयित्वा विभावयित्वा विभूतं कत्वा कङ्खं विनेय्य पटिविनेय्य पजहेय्य विनोदेय्य ब्यन्तीकरेय्य अनभावं गमेय्याति — अज्जाय अत्थानि विनेय्य कङ्खं, एको चरे खग्गविसाणकप्पो । तेनाह सो पच्चेकसम्बुद्धो —

“बहुस्सुतं धम्मधरं भजेथ, मित्तं उळारं पटिभानवन्तं ।
अज्जाय अत्थानि विनेय्य कङ्खं, एको चरे खग्गविसाणकप्पो”ति ॥

१४५ खिडुं रतिं [रती (स्या०)] कामसुखञ्च लोके, अनलङ्करित्वा अनपेक्खमानो ।
विभूसट्ठाना [विभूसनट्ठाना (स्या० क०), विभूसणट्ठाना (सी० अट्ठ०)] विरतो सच्चवादी, एको चरे
खग्गविसाणकप्पो ॥

खिडुं रतिं कामसुखञ्च लोकेति । खिडुति द्वे खिड्वा — कायिका खिड्वा च वाचसिका खिड्वा च...पे०... अयं कायिका
खिड्वा...पे०... अयं वाचसिका खिड्वा । रतीति अनुक्कण्ठिताधिवचनमेतं — रतीति । कामसुखन्ति वुत्तज्हेतं भगवता [पस्स
म० नि० २.२८०] — “पञ्चिमे, भिक्खवे, कामगुणा । कतमे पञ्च? चक्खुविज्जेय्या रूपा इट्ठा कन्ता मनापा पियरूपा
कामूपसंहिता रजनीया, सोतविज्जेय्या सद्दा...पे०... घानविज्जेय्या गन्धा... जिह्वाविज्जेय्या रसा... कायविज्जेय्या फोट्ठब्बा
इट्ठा कन्ता मनापा पियरूपा कामूपसंहिता रजनीया । इमे खो, भिक्खवे, पञ्च कामगुणा । यं खो, भिक्खवे, इमे पञ्च
कामगुणे पटिच्च उप्पज्जति सुखं सोमनस्सं, इदं वुच्चति कामसुखं” । लोकेति मनुस्सलोकेति — खिडुं रतिं कामसुखञ्च
लोके ।

अनलङ्करित्वा अनपेक्खमानोति खिडुञ्च रतिञ्च कामसुखञ्च लोके अनलङ्करित्वा अनपेक्खो हुत्वा पजहित्वा
विनोदेत्वा ब्यन्तीकरित्वा अनभावं गमेत्वाति — अनलङ्करित्वा अनपेक्खमानो ।

विभूसट्ठाना विरतो सच्चवादीति । विभूसाति द्वे विभूसा — अत्थि अगारिकविभूसा [अगारिकस्स विभूसा (क०)
एवमुपरिपि] अत्थि अनागारिकविभूसा । कतमा अगारिकविभूसा? केसा च मस्सू च मालागन्धञ्च विलेपनञ्च
आभरणञ्च पिलन्धनञ्च वत्थञ्च पारुपनञ्च [पसाधनञ्च (स्या०), सयनासनञ्च (क०) चूळनि० खग्गविसाणसुत्तनिद्देस
१३० नत्थि पाठनानत्तं] वेठनञ्च उच्छादनं परिमह्दं न्हापनं सम्बाहनं आदासं अज्जनं मालागन्धविलेपनं मुखचुण्णं
मुखलेपनं हत्थबन्धं सिखाबन्धं दण्डं नाळिकं खग्गं छत्तं चित्तुपाहनं उण्हीसं मणिं वाळबीजनिं ओदातानि वत्थानि
दीघदसानि इति वा — अयं अगारिकविभूसा ।

कतमा अनागारिकविभूसा? चीवरमण्डना पत्तमण्डना सेनासनमण्डना इमस्स वा पूतिकायस्स बाहिरानं वा
परिक्खारानं मण्डना विभूसना केळना परिकेळना गद्धिकता गद्धिकत्तं [गेधिकता गेधिकत्तं (स्या०) पस्स विभ० ८५४]
चपलता [चपलता (स्या०)] चापल्यं — अयं अनागारिकविभूसा ।

सच्चवादीति सो पच्चेकसम्बुद्धो सच्चवादी सच्चसन्धो थेतो पच्चयिको अविसंवादको लोकस्स, विभूसट्ठाना आरतो
विरतो पटिविरतो निक्खन्तो निस्सटो विप्पमुत्तो विसज्जुत्तो, विमरियादिकतेन चेतसा विहरतीति — विभूसट्ठाना विरतो
सच्चवादी, एको चरे खग्गविसाणकप्पो । तेनाह सो पच्चेकसम्बुद्धो —

“खिडुं रतिं कामसुखञ्च लोके, अनलङ्करित्वा अनपेक्खमानो ।
विभूसट्ठाना विरतो सच्चवादी, एको चरे खग्गविसाणकप्पो”ति ॥

१४६ पुत्तञ्च दारं पितरञ्च मातरं, धनानि धज्जानि च बन्धवानि ।
हित्वान कामानि यथोधिकानि, एको चरे खग्गविसाणकप्पो ॥

पुत्तञ्च दारं पितरञ्च मातरन्ति । पुत्ताति चत्तारो पुत्ता — अत्रजो पुत्तो, खेत्तजो [खेत्रजो (स्या० क०)] पुत्तो, दिन्नको पुत्तो, अन्तेवासिको पुत्तो । दारा वुच्चन्ति भरियायो । पिताति यो सो जनको । माताति या सा जनिकाति — पुत्तञ्च दारं पितरञ्च मातरं ।

धनानि धञ्जानि च बन्धवानीति धनानि वुच्चन्ति हिरञ्जं सुवण्णं मुत्ता मणि वेळुरियो सङ्खो सिला पवाळं रजतं जातरूपं लोहितङ्गो [लोहितको (?)] मसारगल्लं । धञ्जानि वुच्चन्ति पुब्बण्णं अपरण्णं । पुब्बण्णं नाम सालि वीहि यवो गोधुमो कङ्कु वरको कुदूसको [कुदूसको (स्या०)] । अपरण्णं नाम सूपेय्यं । बन्धवानीति चत्तारो बन्धवा — जातिबन्धवापि बन्धु, गोत्तबन्धवापि बन्धु, मित्तबन्धवापि बन्धु, सिप्पबन्धवापि बन्धूति — धनानि धञ्जानि च बन्धवानि ।

हित्वान कामानि यथोधिकानीति । कामाति उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । हित्वान कामानीति वत्थुकामे परिजानित्वा, किलेसकामे पहाय पजहित्वा विनोदेत्वा ब्यन्तीकरित्वा अनभावं गमेत्वा । हित्वान कामानि यथोधिकानीति सोतापत्तिमग्गेन ये किलेसा पहीना, ते किलेसे न पुनेति न पच्चेति न पच्चागच्छति; सकदागामिमग्गेन ये किलेसा पहीना...पे०... अनागामिमग्गेन ये किलेसा पहीना... अरहत्तमग्गेन ये किलेसा पहीना, ते किलेसे न पुनेति न पच्चेति न पच्चागच्छतीति — हित्वान कामानि यथोधिकानि, एको चरे खग्गविसाणकप्पो । तेनाह सो पच्चेकसम्बुद्धो —

“पुत्तञ्च दारं पितरञ्च मातरं, धनानि धञ्जानि च बन्धवानि ।

हित्वान कामानि यथोधिकानि, एको चरे खग्गविसाणकप्पो”ति ॥

१४७सङ्गो एसो परित्तमेत्थ सोख्यं, अप्पस्सादो दुक्खमेत्थ भिय्यो ।

गळो एसो इति जत्वा मतिमा [मुतीमा (सु० नि० ६१)], एको चरे खग्गविसाणकप्पो ॥

सङ्गो एसो परित्तमेत्थ सोख्यन्ति सङ्गोति वा बळिसन्ति वा आमिसन्ति वा लग्गनन्ति वा पलिबोधोति वा, पञ्चन्ते कामगुणानं अधिवचनं । परित्तमेत्थ सोख्यन्ति वुत्तज्हेतं भगवता — “पञ्चिमे, भिक्खवे, कामगुणा । कतमे पञ्च? चक्खुविज्जेय्या रूपा इड्ढा कन्ता मनापा पियरूपा कामूपसंहिता रजनीया...पे०... कायविज्जेय्या फोडुब्बा इड्ढा कन्ता मनापा पियरूपा कामूपसंहिता रजनीया । इमे खो, भिक्खवे, पञ्च कामगुणा । यं खो, भिक्खवे, इमे पञ्च कामगुणे पटिच्च उप्पज्जति सुखं सोमनस्सं, इदं वुच्चति कामसुखं । अप्पकं एतं सुखं, परित्तकं एतं सुखं, थोककं एतं सुखं, ओमकं एतं सुखं, लामकं एतं सुखं, छतुक्कं एतं सुखं”न्ति — सङ्गो एसो परित्तमेत्थ सोख्यं ।

अप्पस्सादो दुक्खमेत्थ भिय्योति अप्पस्सादा कामा वुत्ता भगवता [पस्स म० नि० १.२३७] बहुदुक्खा बहुपायासा [बहुपायासा (स्या०)]; आदीनवो एत्थ भिय्यो । अट्ठिकङ्कलूपमा कामा वुत्ता भगवता, मंसपेसूपमा कामा वुत्ता भगवता, तिणुक्कूपमा कामा वुत्ता भगवता, अङ्गारकासूपमा कामा वुत्ता भगवता, सुपिनकूपमा कामा वुत्ता भगवता, याचितकूपमा कामा वुत्ता भगवता, रुक्खफलूपमा कामा वुत्ता भगवता, असिसूनूपमा कामा वुत्ता भगवता, सत्तिसूलूपमा कामा वुत्ता भगवता, सप्पसिरूपमा कामा वुत्ता भगवता बहुदुक्खा बहुपायासा, आदीनवो एत्थ भिय्योति — अप्पस्सादो दुक्खमेत्थ भिय्यो ।

गळो एसो इति जत्वा मतिमाति गळोति वा बळिसन्ति वा आमिसन्ति वा लग्गनन्ति वा बन्धनन्ति वा पलिबोधोति

वा, पञ्चन्नेतं कामगुणानं अधिवचनं । इतीति पदसन्धि पदसंसर्गो पदपारिपूरी अक्खरसमवायो व्यञ्जनसिलिट्ठता पदानुपुब्बतापेतं इतीति । मतिमाति पण्डितो पञ्जवा बुद्धिमा जाणी विभावी मेधावी । गळो एसो इति अत्वा मतिमाति मतिमा गळोति अत्वा बळिसन्ति अत्वा आमिसं ति अत्वा लग्गनन्ति अत्वा बन्धनन्ति अत्वा पलिबोधोति अत्वा जानित्वा तुलयित्वा तीरयित्वा विभावयित्वा विभूतं कत्वाति — गळो एसो इति अत्वा मतिमा, एको चरे खग्गविसाणकप्पो । तेनाह सो पच्चेकसम्बुद्धो —

“सङ्गो एसो परित्तमेत्थ सोख्यं, अप्पस्सादो दुक्खमेत्थ भिय्यो ।
गळो एसो इति अत्वा मतिमा, एको चरे खग्गविसाणकप्पो”ति ॥

**१४८.सन्दालयित्वान संयोजनानि, जालंव भेत्वा सलिलम्बुचारी ।
अग्गीव दडुं अनिवत्तमानो, एको चरे खग्गविसाणकप्पो ॥**

सन्दालयित्वान संयोजनानीति दस संयोजनानि — कामरागसंयोजनं, पटिघसंयोजनं, मानसंयोजनं, दिट्ठिसंयोजनं, विचिकिच्छासंयोजनं, सीलब्बतपरामाससंयोजनं, भवरागसंयोजनं, इस्सासंयोजनं, मच्छरियसंयोजनं, अविज्जासंयोजनं । सन्दालयित्वान संयोजनानीति दस संयोजनानि दालयित्वा सन्दालयित्वा पजहित्वा विनोदेत्वा व्यन्तीकरित्वा अनभावं गमेत्वाति — सन्दालयित्वान संयोजनानि ।

जालंव भेत्वा सलिलम्बुचारीति जालं वुच्चति सुत्तजालं । सलिलं वुच्चति उदकं । अम्बुचारी वुच्चति मच्छो । यथा मच्छो जालं भिन्दित्वा पभिन्दित्वा दालयित्वा पदालयित्वा सम्पदालयित्वा चरति विहरति इरियति वत्तेति पालेति यपेति यापेति, एवमेव द्वे जाला — तण्हाजालञ्च दिट्ठिजालञ्च...पे०... इदं तण्हाजालं...पे०... इदं दिट्ठिजालं । तस्स पच्चेकसम्बुद्धस्स तण्हाजालं पहीनं, दिट्ठिजालं पटिनिस्सट्ठं । तण्हाजालस्स पहीनत्ता दिट्ठिजालस्स पटिनिस्सट्ठत्ता सो पच्चेकसम्बुद्धो रूपे न सज्जति सद्धे न सज्जति गन्धे न सज्जति...पे०... दिट्ठिसुतमुतविज्जातब्बेसु धम्मेषु न सज्जति न गण्हाति न बज्झति न पलिबज्झति, निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — जालंव भेत्वा सलिलम्बुचारी ।

अग्गीव दडुं अनिवत्तमानोति यथा अग्नि तिणकट्टुपादानं दहन्तो गच्छति अनिवत्तन्तो, एवमेव तस्स पच्चेकसम्बुद्धस्स सोतापत्तिमग्गेन ये किलेसा पहीना ते किलेसे न पुनेति न पच्चेति न पच्चागच्छति, सकदागामिमग्गेन... पे०... अनागामिमग्गेन... अरहत्तमग्गेन ये किलेसा पहीना ते किलेसे न पुनेति न पच्चेति न पच्चागच्छतीति — अग्गीव दडुं अनिवत्तमानो, एको चरे खग्गविसाणकप्पो । तेनाह सो पच्चेकसम्बुद्धो —

“सन्दालयित्वान संयोजनानि, जालंव भेत्वा सलिलम्बुचारी ।
अग्गीव दडुं अनिवत्तमानो, एको चरे खग्गविसाणकप्पो”ति ॥

**१४९.ओक्खित्तचक्खु न च पादलोलो, गुत्तिन्द्रियो रक्खित्तमानसानो ।
अनवस्सुतो अपरिड्हमानो [अपरिड्हमानो (क०)], एको चरे खग्गविसाणकप्पो ॥**

ओक्खित्तचक्खु न च पादलोलोति कथं खित्तचक्खु होति? इधेकच्चो भिक्खु [नत्थि स्या० पोत्थके महानि० १५७]

चक्खुलोलो चक्खुलोलियेन समन्नागतो होति । अदिट्ठं दक्खितब्बं दिट्ठं समतिक्कमितब्बन्ति — आरामेन आरामं उय्यानेन उय्यानं गामेन गामं निगमेन निगमं नगरेन नगरं रट्ठेन रट्ठं जनपदेन जनपदं दीघचारिकं अनवट्ठितचारिकं [अनवत्थचारिकं (स्या०)] अनुयुत्तो होति रूपदस्सनाय । एवं खित्तचक्खु होति ।

अथ वा, भिक्खु अन्तरघरं पविट्ठो वीथिं पटिपन्नो असंवुतो गच्छति । हत्थिं ओलोकेन्तो अस्सं ओलोकेन्तो रथं ओलोकेन्तो पत्तिं ओलोकेन्तो कुमारके ओलोकेन्तो कुमारिकायो ओलोकेन्तो इत्थियो ओलोकेन्तो पुरिसे ओलोकेन्तो अन्तरापणं ओलोकेन्तो घरमुखानि ओलोकेन्तो उद्धं ओलोकेन्तो अधो ओलोकेन्तो दिसाविदिसं विपेक्खमानो [पेक्खमानो (स्या० क०)] गच्छति । एवम्पि खित्तचक्खु होति ।

अथ वा, भिक्खु चक्खुना रूपं दिस्वा निमित्तगाही होति अनुब्यञ्जनगाही । यत्वाधिकरणमेनं चक्खुन्द्रियं असंवुतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय न पटिपज्जति, न रक्खति चक्खुन्द्रियं, चक्खुन्द्रिये न संवरं आपज्जति । एवम्पि खित्तचक्खु होति ।

यथा वा पनेके भोन्तो समणब्राह्मणा सद्धादेय्यानि भोजनानि भुज्जित्वा ते एवरूपं विसूकदस्सनं अनुयुत्ता विहरन्ति, सेय्यथिदं — नच्चं गीतं वादितं पेक्खं अक्खानं पाणिस्सरं वेताळं कुम्भथूणं सोभनकं [सोभनगरकं (स्या०), सोभनकरणं (क०)] चण्डालं वंसं धोवनं हत्थियुद्धं अस्सयुद्धं महिसयुद्धं [महिसयुद्धं (स्या०)] उसभयुद्धं अजयुद्धं मेण्डयुद्धं कुक्कुटयुद्धं वट्टकयुद्धं दण्डयुद्धं मुट्ठियुद्धं निब्बुद्धं उय्योधिकं बलगं सेनाब्यूहं अनीकदस्सनं इति वा । इति एवरूपं विसूकदस्सनं अनुयुत्तो होति । एवम्पि खित्तचक्खु होति ।

कथं ओक्खित्तचक्खु होति? इधेक्क्यो भिक्खु न चक्खुलोलो न चक्खुलोलियेन समन्नागतो होति । अदिट्ठं दक्खितब्बं दिट्ठं समतिक्कमितब्बन्ति — न आरामेन आरामं न उय्यानेन उय्यानं न गामेन गामं न निगमेन निगमं न नगरेन नगरं न रट्ठेन रट्ठं न जनपदेन जनपदं दीघचारिकं अनवट्ठितचारिकं अनुयुत्तो होति रूपदस्सनाय । एवं ओक्खित्तचक्खु होति ।

अथ वा, भिक्खु अन्तरघरं पविट्ठो वीथिं पटिपन्नो संवुतो गच्छति । न हत्थिं ओलोकेन्तो न अस्सं ओलोकेन्तो न रथं ओलोकेन्तो न पत्तिं ओलोकेन्तो न कुमारके ओलोकेन्तो न कुमारिकायो ओलोकेन्तो न इत्थियो ओलोकेन्तो न पुरिसे ओलोकेन्तो न अन्तरापणं ओलोकेन्तो न घरमुखानि ओलोकेन्तो न उद्धं ओलोकेन्तो न अधो ओलोकेन्तो न दिसाविदिसं विपेक्खमानो गच्छति । एवम्पि ओक्खित्तचक्खु होति ।

अथ वा, भिक्खु चक्खुना रूपं दिस्वा न निमित्तगाही होति नानुब्यञ्जनगाही । यत्वाधिकरणमेनं चक्खुन्द्रियं असंवुतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय पटिपज्जति, रक्खति चक्खुन्द्रियं, चक्खुन्द्रिये संवरं आपज्जति । एवम्पि ओक्खित्तचक्खु होति ।

यथा वा पनेके भोन्तो समणब्राह्मणा सद्धादेय्यानि भोजनानि भुज्जित्वा ते एवरूपं विसूकदस्सनं अनुयुत्ता विहरन्ति, सेय्यथिदं — नच्चं गीतं वादितं...पे०... अनीकदस्सनं इति वा । इति एवरूपा विसूकदस्सना पटिविरतो । एवम्पि ओक्खित्तचक्खु होति ।

न च पादलोलोति कथं पादलोलो होति? इधेकच्चो भिक्खु पादलोलो पादलोलियेन समन्नागतो होति — आरामेन आरामं उय्यानेन उय्यानं गामेन गामं निगमेन निगमं नगरेन नगरं रट्ठेन रट्ठं जनपदेन जनपदं दीघचारिकं अनवट्ठितचारिकं अनुयुत्तो होति । एवम्पि पादलोलो होति ।

अथ वा, भिक्खु अन्तोसङ्घारामे [अन्तोपि संघारामे (क०)] पादलोलो पादलोलियेन समन्नागतो होति, न अत्थहेतु न कारणहेतु उद्धतो अवूपसन्तचित्तो परिवेणतो परिवेणं गच्छति, विहारतो विहारं गच्छति, अट्ठयोगतो अट्ठयोगं गच्छति, पासादतो पासादं गच्छति, हम्मियतो हम्मियं गच्छति, गुहतो गुहं गच्छति, लेणतो लेणं गच्छति, कुटिया कुटिं गच्छति, कूटागारतो कूटागारं गच्छति, अट्ठतो अट्ठं गच्छति, माळतो माळं गच्छति, उट्ठण्डतो उट्ठण्डं गच्छति [उट्ठण्डं गच्छति, उट्ठोसिततो उट्ठोसितं गच्छति (स्या०) पस्स महानि० १७], उपट्टानसालतो उपट्टानसालं गच्छति, मण्डपतो मण्डपं गच्छति, रुक्खमूलतो रुक्खमूलं गच्छति, यत्थ वा पन भिक्खू निसीदन्ति वा गच्छन्ति वा, तत्थ एकस्स वा दुतियो होति, द्विन्नं वा ततियो होति, तिण्णं वा चतुत्थो होति । तत्थ बहं सम्फप्पलापं पलपति, सेय्यथिदं — राजकथं चोरकथं...पे०... इति भवाभवकथं कथेति । एवम्पि पादलोलो होति ।

न च पादलोलोति सो पच्चेकसम्बुद्धो पादलोलिया आरतो विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा पटिसल्लानारामो होति पटिसल्लानरतो अज्झत्तं चेतोसमथमनुयुत्तो अनिराकतज्झानो विपस्सनाय समन्नागतो बूहेता सुज्जागारं ज्ञायी ज्ञानरतो एकत्तमनुयुत्तो सदत्थगरुकोति — ओक्खित्तचक्खु न च पादलोलो ।

गुत्तिन्द्रियो रक्खितमानसानोति । गुत्तिन्द्रियोति सो पच्चेकसम्बुद्धो चक्खुना रूपं दिस्वा न निमित्तगाही होति नानुब्यञ्जनगाही । यत्त्वाधिकरणमेनं चक्खुन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय पटिपज्जति, रक्खति चक्खुन्द्रियं, चक्खुन्द्रिये संवरं आपज्जति । सोतेन सद्दं सुत्वा...पे०... घानेन गन्धं घायित्वा... जिह्वाय रसं सायित्वा... कायेन फोड्डब्बं फुसित्वा ... मनसा धम्मं विज्जाय न निमित्तगाही होति नानुब्यञ्जनगाही । यत्त्वाधिकरणमेनं मनिन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय पटिपज्जति, रक्खति मनिन्द्रियं, मनिन्द्रिये संवरं आपज्जतीति — गुत्तिन्द्रियो । **रक्खितमानसानोति** गोपितमानसानोति — गुत्तिन्द्रियो रक्खितमानसानो ।

अनवस्सुतो परिडहमानोति वुत्तज्हेतं आयस्मता महामोग्गल्लानेन — “अवस्सुतपरियायञ्च [पस्स सं० नि० ४.२४३] वो, आवुसो, देसेस्सामि अनवस्सुतपरियायञ्च । तं सुणाथ, साधुकं मनसिकरोथ; भासिस्सामी”ति । “एवमावुसो”ति खो ते भिक्खू आयस्मतो महामोग्गल्लानस्स पच्चस्सोसुं । आयस्मा महामोग्गल्लानो [महामोग्गलानो (क०)] एतदवोच —

“कथं चावुसो, अवस्सुतो होति? इधावुसो, भिक्खु चक्खुना रूपं दिस्वा पियरूपे रूपे अधिमुच्चति, अप्पियरूपे रूपे ब्यापज्जति, अनुपट्ठितकायस्सति [अनुपट्ठितकायसति (स्या० क०)] च विहरति परित्तचेतसो । तज्ज चेतोविमुत्तिं पज्जाविमुत्तिं यथाभूतं नप्पजानाति, यत्थस्स [तत्थ ये (क०) पस्स सं० नि० ४.२४३] ते उप्पन्ना पापका अकुसला धम्मा अपरिसेसा निरुज्झन्ति । सोतेन सद्दं सुत्वा...पे०... मनसा धम्मं विज्जाय पियरूपे धम्मे अधिमुच्चति, अप्पियरूपे धम्मे ब्यापज्जति, अनुपट्ठितकायस्सति च विहरति परित्तचेतसो । तज्ज चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति । अयं वुच्चतावुसो, भिक्खु अवस्सुतो चक्खुविज्जेय्येसु रूपेसु...

पे०... अवस्सुतो मनोविज्जेय्येसु धम्मेषु । एवंविहारिं चावुसो, भिक्खुं चक्खुतो चेपि नं मारो उपसङ्कमति, लभेथेव [लभतेव (स्या० क०) एवमुपरिपि] मारो ओतारं लभेथ [लभति (स्या० क०) एवमुपरिपि] मारो आरम्मणं, सोततो चेपि नं... पे०... मनतो चेपि नं मारो उपसङ्कमति, लभेथेव मारो ओतारं लभेथ मारो आरम्मणं ।

“सेय्यथापि, आवुसो, नळागारं वा तिणागारं वा सुक्खं कोळापं [कोलापं (स्या०) सं० नि० ४.२४३] तेरोवस्सिकं । पुरत्थिमाय चेपि नं दिसाय पुरिसो आदित्ताय तिणुक्काय उपसङ्कमेय्य, लभेथेव अग्गि ओतारं लभेथ अग्गि आरम्मणं; पच्छिमाय चेपि नं दिसाय... पे०... उत्तराय चेपि नं दिसाय... दक्खिणाय चेपि नं दिसाय... हेट्ठिमतो [पच्छतो (स्या०), हेट्ठिमाय (क०)] चेपि नं दिसाय... उपरिमतो [उपरितो (स्या०), उपरिमाय (क०)] चेपि नं दिसाय... यतो कुतोचि चेपि नं पुरिसो आदित्ताय तिणुक्काय उपसङ्कमेय्य, लभेथेव अग्गि ओतारं लभेथ अग्गि आरम्मणं । एवमेव खो, आवुसो, एवंविहारिं भिक्खुं चक्खुतो चेपि नं मारो उपसङ्कमति, लभेथेव मारो ओतारं लभेथ मारो आरम्मणं, सोततो चेपि नं... पे०... मनतो चेपि नं मारो उपसङ्कमति, लभेथेव मारो ओतारं लभेथ मारो आरम्मणं ।

“एवंविहारिं चावुसो, भिक्खुं रूपा अधिभंसु [अभिभवंसु (स्या०), अधिभंसु (क०) एवमुपरिपि], न भिक्खु रूपा अधिभोसि; सद्दा भिक्खुं अधिभंसु, न भिक्खु सद्दे अधिभोसि; गन्धा भिक्खुं अधिभंसु, न भिक्खु गन्धे अधिभोसि; रसा भिक्खुं अधिभंसु, न भिक्खु रसे अधिभोसि; फोट्ठब्बा भिक्खुं अधिभंसु, न भिक्खु फोट्ठब्बे अधिभोसि; धम्मा भिक्खुं अधिभंसु, न भिक्खु धम्मे अधिभोसि । अयं वुच्चतावुसो, भिक्खु रूपाधिभूतो सद्दाधिभूतो गन्धाधिभूतो रसाधिभूतो फोट्ठब्बाधिभूतो धम्माधिभूतो अधिभू अनधिभूतो अधिभंसु नं पापका अकुसला धम्मा संकिलेसिका पोणोभविका सदरा दुक्खविपाका आयतिं जातिजरामरणया । एवं खो, आवुसो, अवस्सुतो होति ।

“कथं चावुसो, अनवस्सुतो होति? इधावुसो, भिक्खु चक्खुना रूपं दिस्वा पियरूपे रूपे नाधिमुच्चति, अप्पियरूपे रूपे न ब्यापज्जति, उपट्ठितकायस्सति च विहरति अप्पमाणचेतसो । तज्ज चेतोविमुत्तिं पज्जाविमुत्तिं यथाभूतं पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति; सोतेन सद्दं सुत्वा... पे०... मनसा धम्मं विज्जाय पियरूपे धम्मे नाधिमुच्चति, अप्पियरूपे धम्मे न ब्यापज्जति, उपट्ठितकायस्सति च विहरति अप्पमाणचेतसो । तज्ज चेतोविमुत्तिं पज्जाविमुत्तिं यथाभूतं पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति । अयं वुच्चतावुसो, भिक्खु अनवस्सुतो चक्खुविज्जेय्येसु रूपेषु... पे०... अनवस्सुतो मनोविज्जेय्येसु धम्मेषु । एवंविहारिं चावुसो, भिक्खुं चक्खुतो चेपि नं मारो उपसङ्कमति, नेव लभेथ मारो ओतारं, न लभेथ मारो आरम्मणं; सोततो चेपि नं... पे०... मनतो चेपि नं मारो उपसङ्कमति, नेव लभेथ मारो ओतारं, न लभेथ मारो आरम्मणं ।

“सेय्यथापि, आवुसो, कूटागारा वा कूटागारसाला [सन्थागारसाला (स्या०) पस्स सं० नि० ४.२४३] वा बहलमत्तिका अद्दावलेपना [अल्लावलेपना (स्या०)] पुरत्थिमाय चेपि नं दिसाय पुरिसो आदित्ताय तिणुक्काय उपसङ्कमेय्य, नेव लभेथ अग्गि ओतारं, न लभेथ अग्गि आरम्मणं; पच्छिमाय चेपि नं दिसाय... उत्तराय चेपि नं दिसाय... दक्खिणाय चेपि नं दिसाय... हेट्ठिमतो चेपि नं दिसाय... उपरिमतो चेपि नं दिसाय... यतो कुतोचि चेपि नं पुरिसो आदित्ताय तिणुक्काय उपसङ्कमेय्य, नेव लभेथ अग्गि ओतारं न लभेथ अग्गि आरम्मणं । एवमेव खो, आवुसो, एवंविहारिं भिक्खुं चक्खुतो चेपि नं मारो उपसङ्कमति, नेव लभेथ मारो ओतारं न लभेथ मारो आरम्मणं; सोततो चेपि नं... पे०... मनतो चेपि नं मारो उपसङ्कमति, नेव लभेथ मारो ओतारं न लभेथ मारो आरम्मणं ।

“एवंविहारी चावुसो, भिक्खु रूपे अधिभोसि [अभिभवंसु (स्या०), अधिभोसि (क०) पस्स सं० नि० ४.२४३], न

रूपा भिक्खुं अधिभंसु; सद्दे भिक्खु अधिभोसि, न सद्दा भिक्खुं अधिभंसु; गन्धे भिक्खु अधिभोसि, न गन्धा भिक्खुं अधिभंसु; रसे भिक्खु अधिभोसि, न रसा भिक्खुं अधिभंसु; फोडुब्बे भिक्खु अधिभोसि, न फोडुब्बा भिक्खुं अधिभंसु; धम्मो भिक्खु अधिभोसि, न धम्मा भिक्खुं अधिभंसु । अयं वुच्चतावुसो, भिक्खु रूपाधिभू सद्दाधिभू गन्धाधिभू रसाधिभू फोडुब्बाधिभू धम्माधिभू अधिभू अनधिभूतो [अनभिभूतो केहि च किलेसेहि (क०) पस्स सं० नि० ४.२४३] । अधिभोसि ते पापके अकुसले धम्मे संकिलेसिके पोनोभविके सदरे दुक्खविपाके आयतिं जातिजरामरणिये । एवं खो, आवुसो, अनवस्सुतो होती”ति — अनवस्सुतो ।

अपरिडहमानोति रागजेन परिळाहेन अपरिडहमानो, दोसजेन परिळाहेन अपरिडहमानो, मोहजेन परिळाहेन अपरिडहमानोति — अनवस्सुतो अपरिडहमानो, एको चरे खग्गविसाणकप्पो । तेनाह सो पच्चेकसम्बुद्धो —

“ओक्खित्तचक्खु न च पादलोलो, गुत्तिन्द्रियो रक्खित्तमानसानो ।
अनवस्सुतो अपरिडहमानो, एको चरे खग्गविसाणकप्पो”ति ॥

**१५०.ओहारयित्वा गिहिव्यञ्जनानि, सञ्छन्नपत्तो यथा पारिछत्तको ।
कासायवत्थो अभिनिक्खमित्वा, एको चरे खग्गविसाणकप्पो ॥**

ओहारयित्वा गिहिव्यञ्जनानीति गिहिव्यञ्जनानि वुच्चन्ति केसा च मस्सू च...पे० ... दीघदसानि इति वा ।
ओहारयित्वा गिहिव्यञ्जनानीति गिहिव्यञ्जनानि ओरोपयित्वा समोरोपयित्वा निक्खिपित्वा पटिप्पस्सम्भित्वाति — ओहारयित्वा गिहिव्यञ्जनानि ।

सञ्छन्नपत्तो यथा पारिछत्तकोति यथा सो पारिछत्तको कोविळारो बहलपत्तपलासो [साखपत्तपलासो (क०)] सन्दच्छायो [सण्डच्छायो (स्या०), सन्तच्छायो (क०) पस्स म० नि० १.१५४], एवमेव सो पच्चेकसम्बुद्धो परिपुण्णपत्तचीवरधरोति — सञ्छन्नपत्तो यथा पारिछत्तको ।

कासायवत्थो अभिनिक्खमित्वाति सो पच्चेकसम्बुद्धो सब्बं घरावासपलिबोधं छिन्दित्वा पुत्तदारं पलिबोधं छिन्दित्वा जातिपलिबोधं छिन्दित्वा मित्तमच्चपलिबोधं छिन्दित्वा सन्निधिपलिबोधं छिन्दित्वा केसमस्सुं ओहारेत्वा [ओहारयित्वा (स्या० क०)] कासायानि वत्थानि अच्छादेत्वा अगारस्मा अनगारियं पब्बजित्वा अकिञ्चनभावं उपगन्त्वा एको चरति विहरति इरियति वर्त्तेति पालेति यापेति यापेतीति — कासायवत्थो अभिनिक्खमित्वा, एको चरे खग्गविसाणकप्पो । तेनाह सो पच्चेकसम्बुद्धो —

“ओहारयित्वा गिहिव्यञ्जनानि, सञ्छन्नपत्तो यथा पारिछत्तको ।
कासायवत्थो अभिनिक्खमित्वा, एको चरे खग्गविसाणकप्पो”ति ॥

ततियो वग्गो ।

चतुत्थवग्गो

१५१.रसेसु गेधं अकरं अलोलो, अनञ्जपोसी सपदानचारी ।

कुले कुले अप्पटिबद्धचित्तो, एको चरे खग्गविसाणकप्पो॥

रसेसु गेधं अकरं अलोलोति । रसोति मूलरसो खन्धरसो तचरसो पत्तरसो पुप्फरसो फलरसो, अम्बिलं मधुरं तित्तकं कटुकं लोणिकं खारिकं लम्बिकं [लम्बिलं (स्या० क०) पस्स आयतनविभङ्गे] कसावो सादु असादु सीतं उण्हं । सन्तेके समणब्राह्मणा रसगिद्धा । ते जिह्मगेन रसगानि परियेसन्ता आहिण्डन्ति । ते अम्बिलं लभित्वा अनम्बिलं परियेसन्ति, अनम्बिलं लभित्वा अम्बिलं परियेसन्ति; मधुरं लभित्वा अमधुरं परियेसन्ति, अमधुरं लभित्वा मधुरं परियेसन्ति; तित्तकं लभित्वा अतित्तकं परियेसन्ति, अतित्तकं लभित्वा तित्तकं परियेसन्ति; कटुकं लभित्वा अकुटुकं परियेसन्ति, अकुटुकं लभित्वा कटुकं परियेसन्ति; लोणिकं लभित्वा अलोणिकं परियेसन्ति, अलोणिकं लभित्वा लोणिकं परियेसन्ति; खारिकं लभित्वा अखारिकं परियेसन्ति, अखारिकं लभित्वा खारिकं परियेसन्ति; कसावं लभित्वा अकसावं परियेसन्ति, अकसावं लभित्वा कसावं परियेसन्ति; लम्बिकं लभित्वा अलम्बिकं परियेसन्ति, अलम्बिकं लभित्वा लम्बिकं परियेसन्ति; सादुं लभित्वा असादुं परियेसन्ति, असादुं लभित्वा सादुं परियेसन्ति; सीतं लभित्वा उण्हं परियेसन्ति, उण्हं लभित्वा सीतं परियेसन्ति । ते यं यं लभन्ति तेन तेन न तुस्सन्ति, अपरापरं परियेसन्ति । मनापिकेसु रसेसु रत्ता गिद्धा गथिता मुच्छिता अज्झोसन्ता लग्गा लगिता पलिबुद्धा । सा रसतण्हा तस्स पच्चेकसम्बुद्धस्स पहीना उच्छिन्नमूला तालावत्थुकता अनभावकता आयतिं अनुप्पादधम्मा । तस्मा सो पच्चेकसम्बुद्धो पटिसङ्खा योनिसो आहारं आहारेति — “नेव दवाय न मदाय न मण्डनाय न विभूसनाय; यावदेव इमस्स कायस्स ठितिया यापनाय विहिंसूपरतिया ब्रह्मचरियानुग्गहाय । इति पुराणञ्च वेदनं पटिहङ्गामि, नवञ्च वेदनं न उप्पादेस्सामि, यात्रा च मे भविस्सति अनवज्जता च फासुविहारो चा”ति ।

यथा वणं आलिम्पेय्य यावदेव आरुहणत्थाय [रोपनत्थाय (स्या०)], यथा वा अक्खं अब्भज्जेय्य यावदेव भारस्स नित्थरणत्थाय, यथा पुत्तमंसं आहारं आहरेय्य यावदेव कन्तारस्स नित्थरणत्थाय; एवमेव सो पच्चेकसम्बुद्धो पटिसङ्खा योनिसो आहारं आहारेति — “नेव दवाय न मदाय न मण्डनाय न विभूसनाय; यावदेव इमस्स कायस्स ठितिया यापनाय विहिंसूपरतिया ब्रह्मचरियानुग्गहाय । इति पुराणञ्च वेदनं पटिहङ्गामि, नवञ्च वेदनं न उप्पादेस्सामि, यात्रा च मे भविस्सति अनवज्जता च फासुविहारो चा”ति । रसतण्हाय आरतो विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — रसेसु गेधं अकरं ।

अलोलोति लोलुपं वुच्चति तण्हा । यो रागो सारागो...पे०... अभिज्झा लोभो अकुसलमूलं । सा लोलुप्पा तण्हा तस्स पच्चेकसम्बुद्धस्स पहीना उच्छिन्नमूला तालावत्थुकता अनभावकता आयतिं अनुप्पादधम्मा । तस्मा पच्चेकसम्बुद्धो अलोलोति — रसेसु गेधं अकरं अलोलो ।

अनञ्जपोसी सपदानचारीति अनञ्जपोसीति सो पच्चेकसम्बुद्धो अत्तानञ्जेव पोसेति, न परन्ति ।

अनञ्जपोसिमज्जातं, दन्तं सारे पतिट्ठितं [सारेसु सुपतिट्ठितं (स्या० क०) पस्स उदा० ६] ।

खीणासवं वन्तदोसं, तमहं ब्रूमि ब्राह्मणन्ति ॥

अनञ्जपोसी सपदानचारीति सो पच्चेकसम्बुद्धो पुब्बण्हसमयं [पुब्बण्हसमयं (क०)] निवासेत्वा पत्तचीवरमादाय गामं वा निगमं वा पिण्डाय पविसति रक्खितेनेव कायेन रक्खिताय वाचाय रक्खितेन चित्तेन उपट्ठिताय सतिया संवुतेहि इन्द्रियेहि । ओक्खित्तचक्खु इरियापथसम्पन्नो कुला कुलं अनतिक्कमन्तो पिण्डाय चरतीति — अनञ्जपोसी सपदानचारी ।

कुले कुले अप्पटिबद्धचित्तोति द्वीहि कारणेहि पटिबद्धचित्तो होति — अत्तानं वा नीचं ठपेन्तो परं उच्चं ठपेन्तो पटिबद्धचित्तो होति, अत्तानं वा उच्चं ठपेन्तो परं नीचं ठपेन्तो पटिबद्धचित्तो होति । कथं अत्तानं नीचं ठपेन्तो परं उच्चं ठपेन्तो पटिबद्धचित्तो होति? “तुम्हे मे बहूपकारा, अहं तुम्हे निस्साय लभामि चीवरपिण्डपातसेनासनगिलानपच्चयभेसज्जपरिक्खारं । यम्पि मे अज्जे दातुं वा कातुं वा मज्जन्ति तुम्हे निस्साय तुम्हे पस्सन्ता । यम्पि मे पोरणं मातापेत्तिकं नामगोत्तं तम्पि मे अन्तरहितं तुम्हेहि अहं जायामि — ‘असुकस्स कुलुपको, असुकाय कुलुपको’”ति । एवं अत्तानं नीचं ठपेन्तो परं उच्चं ठपेन्तो पटिबद्धचित्तो होति ।

कथं अत्तानं उच्चं ठपेन्तो परं नीचं ठपेन्तो पटिबद्धचित्तो होति? “अहं तुम्हाकं बहूपकारो, तुम्हे मं आगम्म बुद्धं सरणं गता धम्मं सरणं गता सङ्घं सरणं गता, पाणातिपाता पटिविरता, अदिन्नादाना पटिविरता, कामेसुमिच्छाचारा पटिविरता, मुसावादा पटिविरता, सुरामेरयमज्जपमादद्धाना पटिविरता, तुम्हाकं अहं उद्देसं देमि परिपुच्छं देमि उपोसथं आचिक्खामि नवकम्मं अधिद्दामि; अथ च पन तुम्हे मं उज्झित्वा अज्जे सक्करोथ गरुं करोथ मानेथ पूजेथा”ति । एवं अत्तानं उच्चं ठपेन्तो परं नीचं ठपेन्तो पटिबद्धचित्तो होति ।

कुले कुले अप्पटिबद्धचित्तोति सो पच्चेकसम्बुद्धो कुलपलिबोधेन अप्पटिबद्धचित्तो होति, गणपलिबोधेन अप्पटिबद्धचित्तो होति, आवासपलिबोधेन अप्पटिबद्धचित्तो होति, चीवरपलिबोधेन अप्पटिबद्धचित्तो होति, पिण्डपातपलिबोधेन अप्पटिबद्धचित्तो होति, सेनासनपलिबोधेन अप्पटिबद्धचित्तो होति, गिलानपच्चयभेसज्जपरिक्खारपलिबोधेन अप्पटिबद्धचित्तो होतीति — कुले कुले अप्पटिबद्धचित्तो, एको चरे खग्गविसाणकप्पो । तेनाह सो पच्चेकसम्बुद्धो —

“रसेसु गेधं अकरं अलोलो, अनज्जपोसी सपदानचारी ।
कुले कुले अप्पटिबद्धचित्तो, एको चरे खग्गविसाणकप्पो”ति ॥

१५२.पहाय पज्जावरणानि चेतसो, उपक्विलेसे व्यपनुज्ज सब्बे ।

अनिस्सितो छेत्व [छेत्वा (स्या० क०)] सिनेहदोसं [स्नेहदोसं (स्या० क०)], एको चरे खग्गविसाणकप्पो ॥

पहाय पज्जावरणानि चेतसोति सो पच्चेकसम्बुद्धो कामच्छन्दनीवरणं पहाय पजहित्वा विनोदेत्वा ब्यन्तीकरित्वा अनभावं गमेत्वा, व्यापादनीवरणं... थिनमिद्धनीवरणं... उद्धच्चकुक्कुच्चनीवरणं... विचिकिच्छानीवरणं पहाय पजहित्वा विनोदेत्वा ब्यन्तीकरित्वा अनभावं गमेत्वा विविच्चेव कामेहि विविच्च अकुसलेहि धम्मेहि सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरतीति — पहाय पज्जावरणानि चेतसो ।

उपक्विलेसे व्यपनुज्ज सब्बेति रागो चित्तस्स उपक्विलेसो, दोसो चित्तस्स उपक्विलेसो, मोहो चित्तस्स उपक्विलेसो, कोधो... उपनाहो...पे०... सब्बाकुसलाभिसङ्घारा चित्तस्स उपक्विलेसा । **उपक्विलेसे व्यपनुज्ज सब्बे**ति सब्बे चित्तस्स उपक्विलेसे व्यपनुज्ज पनुदित्वा पजहित्वा विनोदेत्वा ब्यन्तीकरित्वा अनभावं गमेत्वाति — उपक्विलेसे व्यपनुज्ज सब्बे ।

अनिस्सितो छेत्व सिनेहदोसन्ति । अनिस्सितोति द्वे निस्सया — तण्हानिस्सयो च दिट्ठिनिस्सयो च...पे०... अयं तण्हानिस्सयो...पे०... अयं दिट्ठिनिस्सयो । **सिनेहो**ति द्वे स्नेहा — तण्हास्नेहो च दिट्ठिस्नेहो च...पे०... अयं तण्हास्नेहो...पे०... अयं

दिट्ठिस्नेहो । दोसोति यो चित्तस्स आघातो पटिघातो पटिघं पटिविरोधो कोपो पकोपो सम्पकोपो दोसो पदोसो सम्पदोसो चित्तस्स ब्यापत्ति मनोपदोसो कोधो कुज्झना कुज्झितत्तं दोसो दुस्सना दुस्सितत्तं ब्यापत्ति ब्यापज्जना ब्यापज्जितत्तं चण्डिककं असुरोपो अनत्तमनता चित्तस्स । अनिस्सितो छेत्व सिनेहदोसन्ति सो पच्चेकसम्बुद्धो तण्हास्नेहज्ज दिट्ठिस्नेहज्ज दोसज्ज छेत्वा उच्छिन्दित्वा समुच्छिन्दित्वा पजहित्वा विनोदेत्वा ब्यन्तीकरित्वा अनभावं गमेत्वा चक्खुं अनिस्सितो, सोतं अनिस्सितो...पे०... दिट्ठसुतमुतविज्जातब्बे धम्मे अनिस्सितो अनल्लीनो अनुपगतो अनज्झोसितो अनधिमुत्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — अनिस्सितो छेत्व सिनेहदोसं, एको चरे खग्गविसाणकप्पो । तेनाह सो पच्चेकसम्बुद्धो —

“पहाय पञ्चावरणानि चेतसो, उपक्विलेसे ब्यपनुज्ज सब्बे ।
अनिस्सितो छेत्व सिनेहदोसं, एको चरे खग्गविसाणकप्पो”ति ॥

**१५३.विपिट्टिकत्वान सुखं दुखज्ज, पुब्बेव च सोमनस्सदोमनस्सं ।
लद्धानुपेक्खं समथं विसुद्धं, एको चरे खग्गविसाणकप्पो ॥**

विपिट्टिकत्वान सुखं दुखज्ज, पुब्बेव च सोमनस्सदोमनस्सन्ति सो पच्चेकसम्बुद्धो सुखस्स च पहाना दुक्खस्स च पहाना पुब्बेव सोमनस्सदोमनस्सानं अत्थङ्गमा अदुक्खमसुखं उपेक्खासतिपारिसुद्धिं चतुत्थं ज्ञानं उपसम्पज्ज विहरतीति — विपिट्टिकत्वान सुखं दुखज्ज, पुब्बेव च सोमनस्सदोमनस्सं ।

लद्धानुपेक्खं समथं विसुद्धन्ति । उपेक्खाति या चतुत्थज्झाने उपेक्खा उपेक्खना अज्झुपेक्खना चित्तसमता चित्तप्पस्सद्धता [चित्तविसटता (क०) पस्स महानि० २०७] मज्झितता चित्तस्स । समथोति या चित्तस्स ठिति सण्ठिति अवट्ठिति अविसाहारो [अविसंहारो (क०) पस्स ध० स० ११, १५] अविकखेपो अविसाहटमानसता [अविसंहटमानसता (क०)] समथो समाधिन्द्रियं समाधिबलं सम्मासमाधि; चतुत्थज्झाने उपेक्खा च समथो च सुद्धा होन्ति विसुद्धा परियोदाता अनङ्गणा विगतूपक्विलेसा मुदुभूता कम्मनिया ठिता आनेज्जप्पत्ता । लद्धानुपेक्खं समथं विसुद्धन्ति चतुत्थज्झानं उपेक्खज्ज समथज्ज लद्धा लभित्वा विन्दित्वा पटिलभित्वाति — लद्धानुपेक्खं समथं विसुद्धं, एको चरे खग्गविसाणकप्पो । तेनाह सो पच्चेकसम्बुद्धो —

“विपिट्टिकत्वान सुखं दुखज्ज, पुब्बेव च सोमनस्सदोमनस्सं ।
लद्धानुपेक्खं समथं विसुद्धं, एको चरे खग्गविसाणकप्पो”ति ॥

**१५४.आरद्धवीरियो परमत्थपत्तिया, अलीनचित्तो अकुसीतवुत्ति ।
दळ्हनक्कमो थामबलूपपन्नो, एको चरे खग्गविसाणकप्पो ॥**

आरद्धवीरियो परमत्थपत्तियाति परमत्थं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । परमत्थस्स पत्तिया लाभाय पटिलाभाय अधिगमाय फस्सनाय सच्छिकिरियाय आरद्धवीरियो विहरति अकुसलानं धम्मानं पहानाय कुसलानं धम्मानं सम्पदाय थामवा [थामसा (क०)] दळ्हपरक्कमो अनिक्खित्तधुरो कुसलेसु धम्मेसूति — आरद्धवीरियो परमत्थपत्तिया ।

अलीनचित्तो अकुसीतवुत्तीति सो पच्चेकसम्बुद्धो अनुप्पन्नानं पापकानं अकुसलानं धम्मानं अनुप्पादाय छन्दं

जनेति वायमति वीरियं आरभति चित्तं पग्गण्हाति पदहति, उप्पन्नानं पापकानं अकुसलानं धम्मनं पहानाय...पे०... अनुप्पन्नानं कुसलानं धम्मनं उप्पादाय...पे०... उप्पन्नानं कुसलानं धम्मनं ठितिया असम्मोसाय भिय्योभावाय वेपुल्लाय भावनाय पारिपूरिया [भावनापारिपूरिया (स्या०)] छन्दं जनेति वायमति वीरियं आरभति चित्तं पग्गण्हाति पदहतीति — एवं अलीनचित्तो अकुसीतवुत्ति ।

अथ वा, “कामं तचो च न्हारु च अट्ठि च अवसिस्सतु [अवसुस्सतु (स्या०) म० नि० २.१८४; सं० नि० २.२२ पस्सितब्बं], सरीरे उपसुस्सतु मंसलोहितं, यं तं पुरिसथामेन पुरिसबलेन पुरिसवीरियेन पुरिसपरक्कमेन पत्तब्बं न तं अपापुणित्वा वीरियस्स सण्ठानं [विरियस्स ठानं (स्या०)] भविस्सती”ति चित्तं पग्गण्हाति पदहति । एवम्पि अलीनचित्तो अकुसीतवुत्ति ।

नासिस्सं न पिविस्सामि, विहारतो न निक्खमे ।
नपि पस्सं निपातेस्सं, तण्हासल्ले अनुहतेति ॥

चित्तं पग्गण्हाति पदहति । एवम्पि अलीनचित्तो अकुसीतवुत्ति ।

“न तावाहं इमं पल्लङ्कं भिन्दिस्सामि याव मे न अनुपादाय आसवेहि चित्तं विमुच्चिस्सती”ति चित्तं पग्गण्हाति पदहति । एवम्पि अलीनचित्तो अकुसीतवुत्ति ।

“न तावाहं इमम्हा आसना वुट्ठहिस्सामि याव मे न अनुपादाय आसवेहि चित्तं विमुच्चिस्सती”ति चित्तं पग्गण्हाति पदहति । एवम्पि अलीनचित्तो अकुसीतवुत्ति ।

“न तावाहं इमम्हा चङ्कमा ओरोहिस्सामि...पे०... विहारा निक्खमिस्सामि... अट्ठयोगा निक्खमिस्सामि... पासादा निक्खमिस्सामि... हम्मिया निक्खमिस्सामि... गुहाय निक्खमिस्सामि... लेणा निक्खमिस्सामि... कुटिया निक्खमिस्सामि... कूटागारा निक्खमिस्सामि... अट्ठा निक्खमिस्सामि... माळा निक्खमिस्सामि... उट्ठण्डा निक्खमिस्सामि ... उपट्ठानसालाय निक्खमिस्सामि... मण्डपा निक्खमिस्सामि... रुक्खमूला निक्खमिस्सामि याव मे न अनुपादाय आसवेहि चित्तं विमुच्चिस्सती”ति चित्तं पग्गण्हाति पदहति । एवम्पि अलीनचित्तो अकुसीतवुत्ति ।

“इमस्मिंयेव पुब्बण्हसमये [पुब्बण्हसमयं (क०) महानि० १७] अरियधम्मं आहरिस्सामि समाहरिस्सामि अधिगच्छिस्सामि फस्सयिस्सामि सच्छिकरिस्सामी”ति चित्तं पग्गण्हाति पदहति । एवम्पि अलीनचित्तो अकुसीतवुत्ति ।
इमस्मिंयेव मज्झिहसमये...पे०... सायन्हसमये ...पे०... पुरेभत्तं... पच्छाभत्तं... पुरिमयामं... मज्झिमयामं... पच्छिमयामं... काळे... जुण्हे... वस्से... हेमन्ते ... गिम्हे... पुरिमे वयोखन्धे... मज्झिमे वयोखन्धे... पच्छिमे वयोखन्धे अरियधम्मं आहरिस्सामि समाहरिस्सामि अधिगच्छिस्सामि फस्सयिस्सामि सच्छिकरिस्सामीति चित्तं पग्गण्हाति पदहति । एवम्पि अलीनचित्तो अकुसीतवुत्ति ।

दळ्हनिक्कमो थामबलूपपन्नोति सो पच्चेकसम्बुद्धो दळ्हसमादानो अहोसि कुसलेसु धम्मेषु अवट्ठितसमादानो कायसुचरिते वचीसुचरिते मनोसुचरिते दानसंविभागे सीलसमादाने उपोसथुपवासे मत्तेय्यताय [मत्तेय्यताय (स्या० क०) मोग्गल्लानब्याकरणे ४.३९ सुत्तं ओलोकेतब्बं] पत्तेय्यताय सामञ्जताय ब्रह्मञ्जताय कुलेजेट्ठापचायिताय

अज्जतरज्जतरेसु अधिकुसलेसु धम्मसूति — दळ्हनिक्कमो । **थामबलूपपन्नो**ति सो पच्चेकसम्बुद्धो थामेन च बलेन च वीरियेन च परक्कमेन च पज्जाय च उपेतो होति समुपेतो उपागतो समुपागतो उपपन्नो समुपपन्नो समन्नागतोति — दळ्हनिक्कमो थामबलूपपन्नो, एको चरे खग्गविसाणकप्पो । तेनाह सो पच्चेकसम्बुद्धो —

“आरद्धवीरियो परमत्थपत्तिया, अलीनचित्तो अकुसीतवुत्ति ।
दळ्हनिक्कमो थामबलूपपन्नो, एको चरे खग्गविसाणकप्पो”ति ॥

**१५५ पटिसल्लानं ज्ञानमरिञ्चमानो, धम्मसु निच्चं अनुधम्मचारी ।
आदीनवं सम्मसिता भवेसु, एको चरे खग्गविसाणकप्पो ॥**

पटिसल्लानं ज्ञानमरिञ्चमानोति सो पच्चेकसम्बुद्धो पटिसल्लानारामो होति पटिसल्लानरतो अज्झत्तं चेतोसमथमनुयुत्तो अनिराकतज्झानो विपस्सनाय समन्नागतो ब्रूहेता सुज्जागारं ज्ञायी ज्ञानरतो एकत्तमनुयुत्तो सदत्थगरुकोति पटिसल्लानं । **ज्ञानमरिञ्चमानो**ति सो पच्चेकसम्बुद्धो द्वीहि कारणेहि ज्ञानं न रिञ्चति — अनुप्पन्नस्स वा पठमस्स ज्ञानस्स उप्पादाय युत्तो पयुत्तो संयुत्तो आयुत्तो समायुत्तो, अनुप्पन्नस्स वा दुतियस्स ज्ञानस्स...पे०... अनुप्पन्नस्स वा ततियस्स ज्ञानस्स... अनुप्पन्नस्स वा चतुत्थस्स ज्ञानस्स उप्पादाय युत्तो पयुत्तो संयुत्तो आयुत्तो समायुत्तोति — एवम्पि ज्ञानं न रिञ्चति ।

अथ वा, उप्पन्नं वा पठमं ज्ञानं आसेवति भावेति बहुलीकरोति, उप्पन्नं वा दुतियं ज्ञानं...पे०... उप्पन्नं वा ततियं ज्ञानं... उप्पन्नं वा चतुत्थं ज्ञानं आसेवति भावेति बहुलीकरोति । एवम्पि ज्ञानं न रिञ्चतीति — पटिसल्लानं ज्ञानमरिञ्चमानो ।

धम्मसु निच्चं अनुधम्मचारीति धम्मा वुच्चन्ति चत्तारो सतिपट्टाना...पे०... अरियो अट्ठङ्गिको मग्गो । कतमे अनुधम्मा? सम्मापटिपदा अपच्चनीकपटिपदा अन्वत्थपटिपदा धम्मानुधम्मपटिपदा सीलेसु परिपूरकारिता इन्द्रियेसु गुत्तद्वारता भोजने मत्तज्जुता जागरियानुयोगो सतिसम्पज्जं — इमे वुच्चन्ति अनुधम्मा । **धम्मसु निच्चं अनुधम्मचारी**ति धम्मसु निच्चकालं धुवकालं सततं समितं अवोकिण्णं पोड्ढानुपोड्ढं उदकूमिकजातं [उदकुम्मिजातं (स्या०), उदकुम्मिकजातं (क०)]

अवीचिसन्ततिसहितं फस्सितं पुरेभत्तं पच्छाभत्तं पुरिमयामं मज्झिमयामं पच्छिमयामं काळे जुण्हे वस्से हेमन्ते गिम्हे पुरिमे वयोखन्धे मज्झिमे वयोखन्धे पच्छिमे वयोखन्धे चरति विहरति इरियति वत्तेति पालेति यपेति यापेतीति — धम्मसु निच्चं अनुधम्मचारी ।

आदीनवं सम्मसिता भवेसूति “सब्बे सङ्खारा अनिच्चा”ति आदीनवं सम्मसिता भवेसु, “सब्बे सङ्खारा दुक्खा”ति... पे०... “सब्बे धम्मा अनत्ता”ति...पे०... “यं किञ्चि समुदयधम्मं, सब्बं तं निरोधधम्मं”न्ति आदीनवं सम्मसिता भवेसूति — आदीनवं सम्मसिता भवेसु, एको चरे खग्गविसाणकप्पो । तेनाह सो पच्चेकसम्बुद्धो —

“पटिसल्लानं ज्ञानमरिञ्चमानो, धम्मसु निच्चं अनुधम्मचारी ।
आदीनवं सम्मसिता भवेसु, एको चरे खग्गविसाणकप्पो”ति ॥

१५६.तण्हक्खयं पत्थयमप्पमत्तो, अनेळमूगो [अनेळमूगो (स्या० क०)] सुतवा सतीमा ।

सङ्घातधम्मो नियतो पधानवा, एको चरे खग्गविसाणकप्पो॥

तण्हक्खयं पत्थयमप्पमत्तोति । तण्हाति रूपतण्हा...पे०... धम्मतण्हा । तण्हक्खयन्ति रागक्खयं दोसक्खयं मोहक्खयं गतिकक्खयं उपपत्तिकक्खयं पटिसन्धिकक्खयं भवक्खयं संसारक्खयं वट्टक्खयं पत्थयन्तो इच्छन्तो सादियन्तो पिहयन्तो अभिजप्पन्तोति — तण्हक्खयं पत्थयं । अप्पमत्तोति सो पच्चेकसम्बुद्धो सक्कच्चकारी सातच्चकारी...पे०... अप्पमादो कुसलेसु धम्मसूति — तण्हक्खयं पत्थयमप्पमत्तो ।

अनेळमूगो सुतवा सतीमाति । अनेळमूगोति सो पच्चेकसम्बुद्धो पण्डितो पज्जवा बुद्धिमा आणी विभावी मेधावी । सुतवाति सो पच्चेकसम्बुद्धो बहुस्सुतो होति सुतधरो सुतसन्निच्चयो । ये ते धम्मा आदिकल्याणा मज्जेकल्याणा परियोसानकल्याणा सात्थं सब्यञ्जनं केवलपरिपुणं परिसुद्धं ब्रह्मचरियं अभिवदन्ति, तथारूपास्स धम्मा बहुस्सुता होन्ति धाता वचसा परिचिता मनसानुपेक्खिता दिट्ठिया सुप्पटिविद्धा । सतीमाति सो पच्चेकसम्बुद्धो सतीमा होति परमेन सतिनेपक्केन समन्नागतत्ता चिरकतम्पि चिरभासितम्पि सरिता अनुस्सरिताति — अनेळमूगो सुतवा सतीमा ।

सङ्घातधम्मो नियतो पधानवाति सङ्घातधम्मो वुच्चति आणं । या पज्जा पजानना...पे०... अमोहो धम्मविचयो सम्मादिट्ठि । सङ्घातधम्मोति सो पच्चेकसम्बुद्धो सङ्घातधम्मो जातधम्मो तुलितधम्मो तीरितधम्मो विभूतधम्मो विभावितधम्मो “सब्बे सङ्घारा अनिच्चा”ति सङ्घातधम्मो...पे०... “यं किञ्चि समुदयधम्मं सब्बं तं निरोधधम्म”न्ति सङ्घातधम्मो जातधम्मो तुलितधम्मो तीरितधम्मो विभूतधम्मो विभावितधम्मो । अथ वा, तस्स पच्चेकसम्बुद्धस्स च खन्धा संखित्ता धातुयो संखित्ता आयतनानि संखित्तानि गतियो संखित्ता उपपत्तियो संखित्ता पटिसन्धियो संखित्ता भवा संखित्ता संसारा संखित्ता वट्टा संखित्ता । अथ वा, सो पच्चेकसम्बुद्धो खन्धपरियन्ते ठितो धातुपरियन्ते ठितो आयतनपरियन्ते ठितो गतिपरियन्ते ठितो उपपत्तिपरियन्ते ठितो पटिसन्धिपरियन्ते ठितो भवपरियन्ते ठितो संसारपरियन्ते ठितो वट्टपरियन्ते ठितो सङ्घारपरियन्ते ठितो अन्तिमभवे [अन्तिमे भवे (क०) चूळनि० मेत्तगूमाणवपुच्छानिद्देस २८] ठितो अन्तिमसमुस्सये ठितो अन्तिमदेहधरो पच्चेकसम्बुद्धो ।

तस्सायं पच्छिमको भवो, चरिमोयं समुस्सयो ।

जातिमरणसंसारो [जातिजरामरणसंसारो (स्या०) एवमीदिसेसु ठानेसु], नत्थि तस्स पुनब्भवोति ॥

तंकारणा पच्चेकसम्बुद्धो सङ्घातधम्मो । नियतोति नियामा वुच्चन्ति चत्तारो अरियमग्गा । चतूहि अरियमग्गेहि समन्नागतोति नियतो । नियामं पत्तो सम्पत्तो अधिगतो फस्सितो सच्छिकतो पत्तो नियामं । पधानवाति पधानं वुच्चति वीरियं । सो चेतसो वीरियारम्भो निक्कमो परक्कमो उय्यामो वायामो उस्साहो उस्सोळ्ही थामो धिति असिथिलपरक्कमो अनिक्खित्तच्छन्दता अनिक्खित्तधुरता धुरसम्पग्गाहो वीरियं वीरियिन्द्रियं वीरियबलं सम्मावायामो । सो पच्चेकसम्बुद्धो इमिना पधानेन उपेतो समुपेतो उपागतो समुपागतो उपपन्नो समुपपन्नो समन्नागतो । तस्मा सो पच्चेकसम्बुद्धो पधानवाति — सङ्घातधम्मो नियतो पधानवा, एको चरे खग्गविसाणकप्पो । तेनाह सो पच्चेकसम्बुद्धो —

“तण्हक्खयं पत्थयमप्पमत्तो, अनेळमूगो सुतवा सतीमा ।

सङ्घातधम्मो नियतो पधानवा, एको चरे खग्गविसाणकप्पो”ति ॥

१५७.सीहोव सद्देसु असन्तसन्तो, वातोव जालम्हि असज्जमानो।

पदुमंव तोयेन अलिम्पमानो [अलिम्पमानो, सु० नि० ७१], एको चरे खग्गविसाणकप्पो॥

सीहोव सद्देसु असन्तसन्तोति यथा सीहो मिगराजा सद्देसु असन्तासी अपरिसन्तासी अनुत्रासी अनुब्बिगो अनुस्सङ्की [अनुस्सुकी (स्या०)] अनुत्रासो अभीरू अच्छम्भी अनुत्रासी अपलायी, पच्चेकसम्बुद्धोपि सद्देसु असन्तासी अपरिसन्तासी अनुत्रासी अनुब्बिगो अनुस्सङ्की अनुत्रासो अभीरू अच्छम्भी अनुत्रासी अपलायी पहीनभयभेरवो विगतलोमहंसो विहरतीति — सीहोव सद्देसु असन्तसन्तो।

वातोव जालम्हि असज्जमानोति। वातोति पुरत्थिमा वाता पच्छिमा वाता उत्तरा वाता दक्खिणा वाता सरजा वाता अरजा वाता सीता वाता उण्हा वाता परिता वाता अधिमत्ता वाता वेरम्भवाता पक्खवाता [पक्खिवाता (स्या०) चूळनि० उपसीवमाणवपुच्छानिद्देस ४३, खग्गविसाणसुत्तनिद्देस १३८ नत्थि पाठनानत्तं] सुपण्णवाता तालपण्णवाता विधूपनवाता। जालं वुच्चति सुत्तजालं। यथा वातो जालम्हि न सज्जति न गण्हाति न बज्जति न पलिबज्जति, एवमेव द्वे जाला — तण्हाजालञ्च दिट्ठिजालञ्च...पे०... इदं तण्हाजालं...पे०... इदं दिट्ठिजालं। तस्स पच्चेकसम्बुद्धस्स तण्हाजालं पहीनं दिट्ठिजालं पटिनिस्सट्ठं, तण्हाजालस्स पहीनत्ता दिट्ठिजालस्स पटिनिस्सट्ठत्ता सो पच्चेकसम्बुद्धो रूपे न सज्जति सद्दे न सज्जति...पे०... दिट्ठसुतमुतविज्जातब्बेसु धम्मेसु न सज्जति न गण्हाति न बज्जति न पलिबज्जति निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — वातोव जालम्हि असज्जमानो।

पदुमंव तोयेन अलिम्पमानोति पदुमं वुच्चति पदुमपुण्णं। तोयं वुच्चति उदकं। यथा पदुमपुण्णं तोयेन न लिम्पति न पलिम्पति न उपलिम्पति, अलित्तं अपलित्तं अनुपलित्तं, एवमेव द्वे लेपा — तण्हालेपो च दिट्ठिलेपो च...पे०... अयं तण्हालेपो...पे०... अयं दिट्ठिलेपो। तस्स पच्चेकसम्बुद्धस्स तण्हालेपो पहीनो, दिट्ठिलेपो पटिनिस्सट्ठो। तण्हालेपस्स पहीनत्ता दिट्ठिलेपस्स पटिनिस्सट्ठत्ता सो पच्चेकसम्बुद्धो रूपे न लिम्पति सद्दे न लिम्पति...पे०... दिट्ठसुतमुतविज्जातब्बेसु धम्मेसु न लिम्पति न पलिम्पति न उपलिम्पति, अलित्तो अपलित्तो अनुपलित्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — पदुमंव तोयेन अलिम्पमानो, एको चरे खग्गविसाणकप्पो। तेनाह सो पच्चेकसम्बुद्धो —

“सीहोव सद्देसु असन्तसन्तो, वातोव जालम्हि असज्जमानो।

पदुमंव तोयेन अलिम्पमानो, एको चरे खग्गविसाणकप्पो”ति॥

१५८.सीहो यथा दाठबली पसद्द, राजा मिगानं अभिभुय्य चारी।

सेवेथ पन्तानि सेनासनानि, एको चरे खग्गविसाणकप्पो॥

सीहो यथा दाठबली पसद्द, राजा मिगानं अभिभुय्य चारीति यथा सीहो मिगराजा दाठबली दाठावुधो सब्बे तिरच्छानगते पाणे अभिभुय्य अभिभवित्वा अज्झोत्थरित्वा परियादित्वा मदित्वा चरति विहरति इरियति वत्तेति पालेति यपेति यापेति, पच्चेकसम्बुद्धोपि पज्जाबली पज्जावुधो सब्बपाणभूते पुग्गले पज्जाय अभिभुय्य अभिभवित्वा अज्झोत्थरित्वा परियादित्वा मदित्वा चरति विहरति इरियति वत्तेति पालेति यपेति यापेतीति — सीहो यथा दाठबली पसद्द, राजा मिगानं अभिभुय्य चारी।

सेवेथ पन्तानि सेनासनानीति यथा सीहो मिगराजा अरञ्जवनमज्झोगाहेत्वा चरति विहरति इरियति वत्तेति पालेति यपेति यापेति, पच्चेकसम्बुद्धोपि अरञ्जवनपत्थानि पन्तानि सेनासनानि पटिसेवति अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानि । सो एको गच्छति एको तिट्ठति एको निसीदति एको सेय्यं कप्पेति एको गामं पिण्डाय पविसति एको पटिक्कमति एको रहो निसीदति एको चङ्कमं अधिट्ठति एको चरति विहरति इरियति वत्तेति पालेति यपेति यापेतीति — सेवेथ पन्तानि सेनासनानि, एको चरे खग्गविसाणकप्पो । तेनाह सो पच्चेकसम्बुद्धो —

“सीहो यथा दाठबली पसह, राजा मिगानं अभिभुय्य चारी ।
सेवेथ पन्तानि सेनासनानि, एको चरे खग्गविसाणकप्पो”ति ॥

**१५९.मेत्तं उपेक्खं करुणं विमुत्तिं, आसेवमानो मुदितञ्च काले ।
सब्बेन लोकेन अविरुज्झमानो, एको चरे खग्गविसाणकप्पो ॥**

मेत्तं उपेक्खं करुणं विमुत्तिं, आसेवमानो मुदितञ्च कालेति सो पच्चेकसम्बुद्धो मेत्तासहगतेन चेतसा एकं दिसं फरित्वा विहरति तथा दितियं तथा ततियं तथा चतुत्थं, इति उद्धमधो तिरियं सब्बधि सब्बत्तताय सब्बावन्तं लोकं मेत्तासहगतेन चेतसा विपुलेन महग्गतेन अप्पमाणेन अवेरेन अब्बापज्जेन फरित्वा विहरति; करुणासहगतेन चेतसा...पे०... मुदितासहगतेन चेतसा...पे०... उपेक्खासहगतेन चेतसा विपुलेन महग्गतेन अप्पमाणेन अवेरेन अब्बापज्जेन फरित्वा विहरतीति — मेत्तं उपेक्खं करुणं विमुत्तिं, आसेवमानो मुदितञ्च काले ।

सब्बेन लोकेन अविरुज्झमानोति मेत्ताय भावितत्ता ये पुरत्थिमाय दिसाय सत्ता ते अप्पटिकूला होन्ति, ये पच्छिमाय दिसाय सत्ता...पे०... ये उत्तराय दिसाय सत्ता... ये दक्खिणाय दिसाय सत्ता... ये पुरत्थिमाय अनुदिसाय सत्ता... ये पच्छिमाय अनुदिसाय सत्ता... ये उत्तराय अनुदिसाय सत्ता... ये दक्खिणाय अनुदिसाय सत्ता... ये हेट्ठिमाय [अधोगमाय (स्या०)] दिसाय सत्ता... ये उपरिमाय दिसाय सत्ता... ये दससु दिसासु सत्ता ते अप्पटिकूला होन्ति । करुणाय भावितत्ता... मुदिताय भावितत्ता... उपेक्खाय भावितत्ता ये पुरत्थिमाय दिसाय सत्ता...पे०... ये दससु दिसासु सत्ता ते अप्पटिकूला होन्ति । **सब्बेन लोकेन अविरुज्झमानोति** सब्बेन लोकेन अविरुज्झमानो, अप्पटिविरुज्झमानो अनाघातियमानो [अघट्टियमानो (स्या०)] अप्पटिहज्जमानोति — सब्बेन लोकेन अविरुज्झमानो, एको चरे खग्गविसाणकप्पो । तेनाह सो पच्चेकसम्बुद्धो —

“मेत्तं उपेक्खं करुणं विमुत्तिं, आसेवमानो मुदितञ्च काले ।
सब्बेन लोकेन अविरुज्झमानो, एको चरे खग्गविसाणकप्पो”ति ॥

**१६०.रागञ्च दोसञ्च पहाय मोहं, सन्दालयित्वान संयोजनानि [संयोजनानि (क०)] ।
असन्तसं जीवितसङ्ख्यमिह, एको चरे खग्गविसाणकप्पो ॥**

रागञ्च दोसञ्च पहाय मोहन्ति । रागोति यो रागो सारागो...पे०... अभिज्झा लोभो अकुसलमूलं । दोसोति यो चित्तस्स आघातो...पे०... चण्डिक्कं असुरोपो अनत्तमनता चित्तस्स । मोहोति दुक्खे अज्जाणं...पे०... अविज्जालङ्गी मोहो अकुसलमूलं । रागञ्च दोसञ्च पहाय मोहन्ति सो पच्चेकसम्बुद्धो रागञ्च दोसञ्च मोहञ्च पहाय पजहित्वा विनोदेत्वा व्यन्तीकरित्वा अनभावं गमेत्वाति — रागञ्च दोसञ्च पहाय मोहं ।

सन्दालयित्वान संयोजनानीति । दस संयोजनानि — कामरागसंयोजनं पटिघसंयोजनं...पे०... अविज्जासंयोजनं ।
सन्दालयित्वान संयोजनानीति दस संयोजनानि सन्दालयित्वा पदालयित्वा सम्पदालयित्वा पजहित्वा विनोदेत्वा
 व्यन्तीकरित्वा अनभावं गमेत्वाति — सन्दालयित्वान संयोजनानि ।

असन्तसं जीवितसङ्ख्यम्हीति सो पच्चेकसम्बुद्धो जीवितपरियोसाने असन्तासी अनुत्रासी अनुब्बिगो अनुस्सङ्की
 अनुत्रासो अभीरू अच्छम्भी अनुत्रासी अपलायी पहीनभयभेरवो विगतलोमहंसो विहरतीति — असन्तसं जीवितसङ्ख्यम्हि,
 एको चरे खग्गविसाणकप्पो । तेनाह सो पच्चेकसम्बुद्धो —

“रागञ्च दोसञ्च पहाय मोहं, सन्दालयित्वान संयोजनानि ।
 असन्तसं जीवितसङ्ख्यम्हि, एको चरे खग्गविसाणकप्पो”ति ॥

१६१. भजन्ति सेवन्ति च कारणत्था, निक्कारणा दुल्लभा अज्ज मित्ता ।

अत्तत्थपज्जा [अत्तट्ठपज्जा (क०)] असुची मनुस्सा, एको चरे खग्गविसाणकप्पो ॥

भजन्ति सेवन्ति च कारणत्थाति अत्तत्थकारणा परत्थकारणा उभयत्थकारणा दिट्ठधम्मिकत्थकारणा
 सम्परायिकत्थकारणा परमत्थकारणा भजन्ति सम्भजन्ति सेवन्ति निसेवन्ति संसेवन्ति पटिसेवन्तीति — भजन्ति सेवन्ति च
 कारणत्था ।

निक्कारणा दुल्लभा अज्ज मित्ताति द्वे मित्ता — अगारिकमित्तो च अनागारिकमित्तो च...पे०... अयं अगारिकमित्तो...
 पे०... अयं अनागारिकमित्तो । **निक्कारणा दुल्लभा अज्ज मित्ताति** इमे द्वे मित्ता अकारणा निक्कारणा अहेतू अप्पच्चया
 दुल्लभा (दुल्लद्धा सुदुल्लद्धा) [() नत्थि स्या० पोत्थके] ति — निक्कारणा दुल्लभा अज्ज मित्ता ।

अत्तत्थपज्जा असुची मनुस्साति । **अत्तत्थपज्जाति** अत्तनो अत्थाय अत्तनो हेतु अत्तनो पच्चया अत्तनो कारणा
 भजन्ति सम्भजन्ति सेवन्ति निसेवन्ति संसेवन्ति पटिसेवन्ति आचरन्ति समाचरन्ति पयिरुपासन्ति परिपुच्छन्ति
 परिपज्हन्तीति — अत्तत्थपज्जा । **असुची मनुस्साति** असुचिना कायकम्मेन समन्नागताति असुची मनुस्सा, असुचिना
 वचीकम्मेन समन्नागताति असुची मनुस्सा, असुचिना मनोकम्मेन समन्नागताति असुची मनुस्सा, असुचिना
 पाणातिपातेन...पे०... असुचिना अदिन्नादानेन... असुचिना कामेसुमिच्छाचारेन... असुचिना मुसावादेन... असुचिया पिसुणाय
 वाचाय समन्नागता... असुचिया फरुसाय वाचाय समन्नागता... असुचिना सम्फप्पलापेन समन्नागता... असुचिया
 अभिज्झाय समन्नागता... असुचिना ब्यापादेन समन्नागताति असुची मनुस्सा, असुचिया मिच्छादिट्ठिया समन्नागताति
 असुची मनुस्सा, असुचिया चेतनाय समन्नागताति असुची मनुस्सा, असुचिया पत्थनाय समन्नागताति असुची मनुस्सा,
 असुचिना पणिधिना समन्नागताति असुची मनुस्सा, असुची हीना निहीना ओमका लामका छतुक्का परिताति —
 अत्तत्थपज्जा असुची मनुस्सा ।

एको चरे खग्गविसाणकप्पोति । **एकोति** सो पच्चेकसम्बुद्धो पब्बज्जासङ्घातेन एको...पे०... चरेति अट्ठ चरियायो...
 पे०... **खग्गविसाणकप्पोति** यथा खग्गस्स नाम विसाणं एकं होति अदुतियं...पे०... एको चरे खग्गविसाणकप्पो । तेनाह सो
 पच्चेकसम्बुद्धो —

“भजन्ति सेवन्ति च कारणत्था, निक्कारणा दुल्लभा अज्ज मित्ता ।
अत्तत्थपज्जा असुची मनुस्सा, एको चरे खग्गविसाणकप्पो”ति ॥

चतुत्थो वग्गो ।

खग्गविसाणसुत्तनिद्देसो निड्डितो ।

अजितो तिस्समेत्तेय्यो, पुण्णको अथ मेत्तगू ।
धोतको उपसीवो च, नन्दो च अथ हेमको ॥

तोदेय्य-कप्पा दुभयो, जतुकण्णी च पण्डितो ।
भद्रावुधो उदयो च, पोसालो चापि ब्राह्मणो ।
मोघराजा च मेधावी, पिङ्गियो च महाइसि ॥

सोळसानं [सोळसन्नं (स्या० क०)] पनेतेसं, ब्राह्मणानं व सासनं ।
पारायनानं निद्देसा, तत्तका च भवन्ति हि [वा (क०)] ॥
खग्गविसाणसुत्तानं, निद्देसापि तथेव च ।
निद्देसा दुविधा जेय्या, परिपुण्णा सुलक्खिताति ॥

चूळनिद्देसपाळि निड्डिता ।